



Ulloq: 7. august 2025
Allaffik: Nordatlantkontoret
Sulia.sul.: Malene Juul
Suliap normua.: 2025-02492
Takussutissiaq: 3650110

MISSINGIUT

Uunga

Siunnersuut

Kalaallit Nunaanni eqqartuussisarnermik inatsisip aamma Kalaallit Nunaanni pinerluttulerinermi inatsisip allanngortinneqarneri pillugit inatsit (Kalaallit Nunaanni eqqartuussisarnermik inatsimmi malittarisassat il.il. nutarterneqarnerat)

§ 1

Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, kingusinnerpaamik inatsisimmi nr. 119-imi 27. marts 2025-imeersumi § 1-kkut allanngortinneqartoq, malillugu allanngortitsinerit tulluuttut suliarineqassapput:

1. § 35-imi imm. 5-itut ilanngunneqassaaq:

»Imm. 5. Piffissami qinigaaffigisamik iluanni oqaatitsigut isumaqatigiinniarnert aallartinneqarsimatillugit, piffissap qinigaaffigisamik naanerata kingorna, eqqartuussisooqataasut suliat naammassillugit suliarisinnaavaat.«

2. § 43-imi »eqqartuussisooqataasut« kingorna ilanngunneqassaaq: »inuit sakkutuujunngitsut pillugit suliani«.

3. § 43-imi imm. 2-tut ilanngunneqassaaq:

»Imm. 2. Pinerluttulerinermik suliani pisuussuteqarneq pillugu apeqqutip aalajangerneqarnerani aamma pineqaatissiissutip aalajangiiffigineqarnerani, kisianni suliap nalaani eqqartuussinermi

iliuutsini imaluunniit aalajangiinerni allaniunngitsoq,
eqqartuussisooqataasut peqataassapput, taamaattoq § 43, imm. 3 takuuk.«

4. § 44, imm. 2-mi, »akiliisitsinermiit, arsaarinninnermiit, biilersinnaanermut allagartaajaanermiit imaluunniit taarsiissuteqarnissamiit« ima allanngortinneqassaaq: »inissiisarfimmi sivisunerpaamik ulluni 30-ini inissinneqarnermik eqqartuussummit pinerluuteqaqqinnermi aatsaat atuuttussaaitamit imaluunniit ingerlaannaq atuutilersussamit, arsaarinninnermit, biilersinnaanermut allagartaajagaanermiit imaluunniit taarsiissuteqarnermit, imaluunniit pinerluttulerinermi inatsimmi kapitali 33 malillugu pineqaatissiinerup eqqartuussutigineqareersup attatiinnarneqarneranit«.

5. § 125-imi imm. 4-tut ilanngunneqassaaq:

»Imm. 4. Pineqartumit immiussinissaq akuersissutigineqarsimanngippat, pissutissalimmik pasisamik, unnerluussaasumik ilisimannittunillu eqqartuussiviup illuutaasa silataanni assinik immiussinerit inerteqqutaapput. Imm. 1-imi oqaaseqatigiit aappat taamatuttaaq atuuppoq.«

Imm. 4 tamatuma kingorna imm. 5-inngussaaq.

6. § 127, imm. 1-imi, »§ 125, imm. 1-imi oqaaseqatigiinnik siullernik aappaannillu, aamma imm. 3-mik,« ima allanngortinneqassaaq: »§ 125, imm. 1-imi oqaaseqatigiinnik siullernik aappaannillu, imm. 3-mik aamma imm. 4-imik,«.

7. I § 163-imi imm. 6-itut ilanngunneqassaaq:

»Imm. 6. Inuit sakkutuujunngitsut pillugit suliani, akuusut tamanna pillugu isumaqatigiippata, tamannalu illersorneqarsinnaasutut nalilerneqarpat, imm. 1-mi taaneqartumit allaanersumik ilisimannittup ungasianiit attaveqaat assiliartalik atorlugu nassuiaateqarsinnaanera eqqartuussiviup akuerisinnaavaa.«

8. § 238, imm. 1-imi oqaaseqatigiinni siullerni »Eqqartuussut illuatungeriit piunasaqaataannik suliaassallu saqqummiunneqarneranik imaqassaaq, matumunnga ilanngullugit illuatungeriit tunngavilersuutaat, pisariaqarneratullu annertutigisumik ilisimannittullu nassuiaataat, kiisalu pissusiviusut inatsisinullu tunngasutigut pissutsit, suliaassap aalajangiiffiginiarnerani pingaartinneqarsimasut« ima allanngortinneqassaaq: », suliap naatsumik saqqummiunneqarneranik, akuusut tunngavilersuutaannik oqaluttuareqqiineramik kiisalu

pissusiviusunik inatsisinullu tunngasutigut pissutsinik, suliassap aalajangiiffiginiarnerani pingaartinneqarsimasunik imaqassaaq.

9. § 238, imm. 2 aamma 3, atorunnaarsinneqassapput, taarsiullugulu ilanngunneqassaaq:

»Imm. 2. Eqqartuussut, nassuiaatinik nassuiaatigineqarsimasunik oqaluttuareqqiinngitsoq suliareqqitassanngortinneqarpat, nassuiaatit nassuiaatigineqarsimasut oqaluttuareqqinneqarnerat eqqartuussisut allattaavianni eqqartuussiviup oqaluttuareqqissavai. Oqaluttuareqqiineq eqqartuussummut ilanngussatut isigineqarpoq. Eqqartuussiviup suliareqqitassanngortitsineq pillugu nalunaarfigineqarnerata kingorna piaarnerpaamik, oqaluttuareqqiineq suliareqqitassanngortitsinermik aalajangiisussamut akuusunullu eqqartuussiviup nassiutissavaa.«

10. § 312, nr. 2-mi, »imaluunniit« peerneqassaaq.

11. § 312-imi, nr. 3-tut ilanngunneqassaaq:

»3) pissutissalimmik pasisaq pisuutinneqarpat, pinerluttulerinermi inatsimmi §§ 6 imaluunniit 124 atorneqarsinnaassappat, pineqaatissiisoqannginnissaa imaluunniit pingaaruteqanngitsumik pineqaatissiinerup taamaallaat eqqartuussutigineqarnissaa naatsorsuutigineqarpat, aamma eqqartuussinermi aalajangiineq allakkut pingaarutilimmik aamma kinguneqartussaassanngippat, imaluunniit«.

Tamatuma kingorna nr. 3 nr. 4-nngussaaq.

12. § 315, imm. 1-imi oqaaseqatigiinni kingullerni, »qaammatit pingasut« ima allanngortinneqassaaq: »qaammatit 4«.

13. § 321, imm. 1, nr. 4, ima oqaasertaliorneqassaaq:

»4) pinerluttulerinermi inatsimmi kapitali 33-imik atuinissaq apeqqutaalerpat, taamaattoq pineqaatissiinerup eqqartuussissutigineqarsimasup atorunnaarsinneqarnissaata unnerluussisussaataasunit eqqartuussissutigeqquneqarnera minillugu.«

14. § 322-imi imm. 2 ima oqaasertaliorneqassaaq:

»Imm. 2. Suliani immikkut ittumik ilungersunartutut pissuseqartuni, matumani toqutsinerni, pinngitsaaliilluni atoqateqarnerni, ingasattumik nakuusernerni aamma suliani, taakkunani tigummigallarneqarnissamik

piumasaqaat piumasarineqarluni, illersuinissaq eqqarsaatigalugu tamanna pisariaqartinneqanngitsut erseqqissumik naliliiffigineqanngippat, eqqartuussissuserisoq imaluunniit illersuisoq akuerisaasoq, inatsisilerinermut tunngasumik kandidatitut soraarummeerluni angusisimasoq, eqqartuussiviup ivertissavaa.«

15. § 364-imi imm. 4-tut ilanngunneqassaaq:

» *Imm. 4.* Eqqartuussisussaataasut allagaq unnerluussut eqqartuussivimmuut tunniussimappagu, aamma eqqartuussiviup pingaarnertut isumaqatigiinniarnissamut piffissaq aalajangersimappagu, imm. 1 malillugu piffissaliussap naanerani, suliami eqqartuussutip eqqartuussissutigineqarnissaa tikillugu tigummigallaaneq imaluunniit tassunga taarsiullugu qanoq iliornissamut piareersaat, atuutilissasoq, sivitsorneqaqqinnani ingerlaannassasoq, eqqartuussiviup aalajangersinnaavaa. Eqqartuussivik taamatut aalajangersakkamik aalajangiippat, aalajangiinerup kingorna siusinnerpaamik sapaatit akunneri 3 kingorna, § 362, imm. 4, imaluunniit § 366 malillugu tigummigallagaanerp imaluunniit tassunga taarsiullugu qanoq iliornissamut piareersaatip atorunnaarsinneqarnissaa unnerluussaasup eqqartuussivimmuut noqqaassutigisinnaavaa. Taamaattoqarpat tamanna pillugu ullut 7 qaangiutsinnagit eqqartuussivik aalajangiissaaq. Noqqaassut eqqartuussiviup akuerinngippagu, eqqartuussiviup aalajangiinerata kingorna siusinnerpaamik sapaatit akunnerisa 3 kingorna unnerluussaasoq nutaamik noqqaassuteqarsinnaavoq. Pingaarnertut isumaqatigiinniarnerp aallartinnerata kingorna § 367, imm. 2-mi oqaaseqatigiit kingulliit aamma imm. 3 taamatuttaaq atuutissapput. Nassuiernermik suliani, taakkunani § 449 a malillugu suliap nassuernertut suliarineqarnissaa siunertaralugu unnerluussisussaataasut eqqartuussisoqarnissaa noqqaassutigisimappassuk, aamma eqqartuussiviup eqqartuussinissamut piffissaq aalajangersimappagu, oqaaseqatigiit siullerniit tallimaat ilanngullugu aalajangersakkat taamatuttaaq atuutissapput.«

16. § 449 a, imm. 1, nr. 4-imi, »kapitali 33 aamma« peerneqassaaq.

17. § 449 a, imm. 3-mi oqaaseqatigiinni siullerni »Eqqartuussinermi,« kingorna ilanngunneqassaaq: »imaluunnit pinerluttulerinermi inatsimmi kapitali 33-p atorneqarnissaa apeqqutaalerpat,«, aamma »nr. 1« ima allanngortinneqassaaq: »nr. 1 imaluunniit 4«.

18. § 449 a, imm. 4-imi oqaaseqatigiinni siullerni »eqqartuussinerup,« kingorna ilanngunneqassaaq: »aamma pinerluttulerinermi inatsimmi kapitali 33-p atorineqarnissaa pillugu apeqqutaajunnaarpat«.

19. § 451-imi oqaaseqatigiit aappat ima oqaasertaliorneqassapput:

»Unnerluunneqartup noqqaassuteqarneratigut, pingaarnertut isumaqatigiinniarnertup nalaani imaluunniit taassuma ilaani unnerluunneqartup najuutinnginnissaa, taamaattoq eqqartuussisut siulittaasuata akuerisinnaavaa.«

20. § 453, imm. 1-imi, »eqqartuussiviliaanneqarsinnaanngippat« kingorna ilanngunneqassaaq: »§ 451-imi oqaaseqatigiit aappaat malillugu eqqartuussisut siulittaasuata unnerluunneqartup najuutinnginnissaa akuerippagu, imaluunniit«.

21. § 453, imm. 3, nr. 2, ima oqaasertaliorneqassaaq:

»2) unnerluunneqartoq suliap aallartinneqarani najuutereerluni

a) eqqartuussisut siulittaasuani akuerineqarnani eqqartuussivik qimassimappagu imaluunniit

b) pingaarnertut isumaqatigiinniarnertup nalaani kingusinnerusukut takkutinngitsoorsimappat,«.

22. § 453, imm. 3, nr. 3, atorunnaarsinneqassaaq.

Nr. 4 aamma 5 tamatuma kingorna nr. 3 aamma 4-nngussapput.

23. § 453, imm. 3, nr. 4-imi, nr. 3-nngortumi, »qaammatini 6-ni« ima allanngortinneqassaaq: »ukiumi 1-mi«.

24. § 453, imm. 4-imi, »taamaaliortoqarnissaanut unnerluussaasoq akuersissuteqarsimanngippat, pingaarnertut isumaqatigiinniarneq imm. 3, nr. 4 malillugu taamaallaat naammassineqarsinnaavoq« ima allanngortinneqassaaq: »aamma unnerluussaasoq inatsisinut naapertuuttumik takkutinngitsoornissaq nalunaarutiginaagu takkutinngitsoorpat, imm. 3, nr. 2, litra b, imaluunniit nr. 3, malillugu pingaarnertut isumaqatigiinniarneq taamaallaat naammassineqarsinnaavoq«.

25. § 467, imm. 2, nr. 6-imi, § 474, imm. 3-mi oqaaseqatigiit sisamaanni, aamma § 592 a, imm. 1-imi oqaaseqatigiinni siullerni, »nr. 4« ima allanngortinneqassaaq: »nr. 2, litra b, imaluunniit nr. 3«.

26. § 491 b-mi imm. 2-tut ilanngunneqassaaq:

»Imm. 2. Kapitalimi massumani malittarisassat malillugit, § 490, imm. 1-imi oqaaseqatigiit tallimaat minillugu, qinnuteqarnek malillugu aammattaaq taarsiivigineqarnissamik suliat, pinerluttulerinermi inatsimmi §§ 74-imik (ilaquttatut qanigilluakkamik atoqateqarnek), 77 (pinngitsaaliilluni atoqateqarnek), § 80, imm. 2-mik (ileqqussaannigitsuliornek), aamma § 81 a-mik unioqqutitsinerit tunngavigalugit taarsiivigineqarnissaq pillugu malittarisassat nalinginnaasut malillugit eqqunngitsuliorfigineqartumit suliassanngortinneqartut, tulliuttut malitsigisaannik suliarineqassapput

- 1) unnerluussutip taamaatiinnarneqarnera pillugu aalajangiineq pillugu eqqunngitsuliorfigineqartup naammagittaalliuteqarnissaminut naammattumik periarfissaqarsimannginnera,
- 2) § 315, imm. 2-mi piffissaliussap naannginnerani unnerluussutip taamaatiinnarneqarnera pillugu aalajangiinerup eqqunngitsuliorfigineqartumit naammagittaalliutigineqarnera suliarineqarsimanngippat, imaluunniit
- 3) § 315, imm. 2-mi piffissaliup naannginnerani unnerluussutip taamaatiinnarneqarnerata allanngortinneqarnera pillugu aalajangiineq pissutissalimmik pasisamut nalunaarutigineqarsimanngippat.«

27. § 494-p kingorna ilanngunneqassaaq:

»§ 494 a. Suliareqqitassanngortitsineq, piumasaqaat malillugu aningaasaqarnermut tunngasumik annerpaamik 50.000 kr.-inik naleqartumik, Nunatsinni Eqqartuussivimmit eqqartuussutigineqarsimasumik tunngassuteqarpat, qallunaat eqqartuussisarnermik inatsisaanni kapitali 1 a malillugu eqqartuussut Suliareqqitassanngortitsinissamik Aalajangiisartut akuersissuteqarnerisigut taamaallaat suliareqqitassanngortinneqarsinnaavoq. Suliaq pingaarluinnartutut pissuseqarpat imaluunniit taamaaliortoqarnissaanut pissutsit immikkut ittut tamanna pissutissaqartippassuk, eqqartuussutinut oqaaseqatigiinni siullerni ilaatinneqartunut Suliareqqitassanngortitsinissamik Aalajangiisartut suliareqqitassanngortinneqarnissaannut akuersissummik nalunaaruteqarsinnaapput. Eqqartuussutip eqqartuussutigineqarnerata kingorna sapaatit akunnerisa 4 iluanni akuerissuteqarnissaq pillugu qinnuteqaat tunniunneqassaaq. Taamaattoq qinnuteqaat kingusinnerusukkut tunniunneqarpat, kisianni eqqartuussinerup kingorna

ukiup 1-p iluani, Aalajangiisartut qaqutiguinnaq akuersissummik nalunaaruteqarsinnaapput.

Imm. 2. Suliani, sakkutuujunngitsut pillugit suliat immikkut ittut pillugit inatsimmi matumani immikkoortumi IV-mi suliarineqartunut, imm. 1 atuutinngilaq.«

28. § 497, imm. 1-imi, »naatinngu«-p kingorna ilanngunneqassaaq: »imaluunniit qinnuteqartumut akuersissutip nalunaarutigineqarnerata kingorna sapaatit akunneri 4 qaangiutsinnagit § 494 a malillugu akuersissut nalunaarutigineqarsimappat.«

29. § 517-ip kingorna § 518 sioqqullugu qulequtaq sioqqullugu ilanngunneqassaaq:

»§ 517 a. Aalajangiinerit, pingaarnertut isumaqatigiinniarnep nalaani imaluunniit taassuma piareersarnerarnerani imaluunniit uppersarsaatip ilanngunneqarnissaa pillugu suliap suliarineqarnerani Nunatsinni Eqqartuussivimmit aalajangerneqartut, aalajangeqqitassanngortinneqarsinnaanngillat. Qallunaat eqqartuussisarnermik inatsisaanni kapitali 1 a malillugu aalajangiineq apeqqummik suliap ingerlaneranut pingaarutilimmik kinguneqartussamik imaluunniit akuusumut pingaarutilimmik kinguneqartussamik tunngassuteqarpat, aamma allakkut Nunatta Eqqartuussisuuneqarfianit aappassaaneersumik suliarinniffiusutut aalajangiinerup misilinneqarnissaa pissutissaqartinneqarpat, Suliareqqitassanngortitsinissamik Aalajangiisartut taamaattoq aalajangeqqitassanngortitsinissamut akuersissummik nalunaaruteqarsinnaapput.

Imm. 2. Imm. 1 malillugu aalajangeqqitassanngortitsinissamut akuersissut pillugu qinnuteqaat aalajangiinerup aalajangerneqarnerata kingorna sapaatit akunneri 4 qaangiutsinnagit Suliareqqitassanngortitsinissamik Aalajangiisartunut tunniunneqassaaq, taamaattoq § 518, imm. 2 takuuk.«

§ 517 b. Eqqartuussutini aalajangersakkani aamma suliamut aningaasartuutit pillugit aalajangiinerni Nunatsinni Eqqartuussivimmit aalajangiiffigineqartuni, qaffasinnerpaamik 50.000 kr.-inut aalajangerneqartut, aalajangeqqitassanngortinneqarsinnaanngillat. Akuusut arlaannaalluunniit suliamut aningaasartuutitik akuusup aappaanut akiliissannginnera aalajangerneqarpat, suliamut aningaasartuutit 50.000 kr.-inik annertunerusut eqqartuussutigineqarnerat pillugu apeqqut pillugu aalajangiineq, pissutsit immikkut ittut tamanna pissutissaqartippassuk,

tamanna pillugu aalajangiineq taamaallaat
aalajangeqqitassanngortitsinneqarsinnaavoq. Taamaattoq immikkut ittumik
pissutsit pissutissaqalersitsippata, aalajangeqqitassanngortitsinissamut
akuersissummik Suliareqqitassanngortitsinissamik Aalajangiisartut
tunniussisinnaapput.

Imm. 2. Imm. 1 malillugu aalajangeqqitassanngortitsinissamut
akuersissummik qinnuteqaat aalajangiinerup aalajangerneqarnerata
kingorna sapaatit akunneri 4 qaangiutsinnagit
Suliareqqitassanngortitsinissamik Aalajangiisartunut tunniunneqassaaq,
taamaattoq § 518, imm. 2 takuuk. Taamaattoq qinnuteqaat
kingusinnerusukkut tunniunneqarpat, kisianni eqqartuussinerup kingorna
qaammatit 6 iluanni, Aalajangiisartut qaqutiguinnaq akuersissummik
nalunaaruteqarsinnaapput.«

30. § 519, imm. 1-imi, »aalajangeqqitassanngortitsinissamut piffissaliussaq
qaangiutsinnagu« peerneqassaaq.

31. § 519, imm. 1-imi, oqaaseqatigiit aappaattut ilanngunneqassaaq:
»Aalajangeqqitassanngortitsineq aalajangeqqitassanngortitsinissamut
piffissaliussap naannginnerani pissaaq imaluunniit §§ 517 a imaluunniit 517
b malillugit akuersissummik nalunaaruteqartoqarsimappat, qinnuteqartumut
akuersissutip nalunaarutigineqarnerata kingorna sapaatit akunnerisa 2
iluanni.«

32. § 557-imi »unnerluutigineqartoq najuutinngikkaluartoq suliassaq
suliarineqarsinnaavoq« ima allanngortinneqassaaq:
»suliareqqitassanngortitsinerup suliarinerata nalaani unnerluunneqartup
najuunnissaa pisariaqanngilaq.«.

33. § 585, imm. 3-mi, oqaaseqatigiit aappaattut ilanngunneqassaaq:
»Immersugassami Domstolsstyrelsip suliarisimasaanik immersuinikkut
qinnuteqaat tunniunneqassaaq.«

34. § 603, imm. 1-imi oqaaseqatigiinni siullerni aamma aappaanni
»qaammatit arfinillit« ima allanngortinneqassapput: »qaammatit 12«.

35. § 609, imm. 1-imi oqaaseqatigiinni siullerni, oqaaseqatigiit
pingajuanni aamma oqaaseqatigiit sisamaanni »eqqartuussivimmut« til:
»Nunatsinni Eqqartuussivimmut«.

36. § 609, *imm. 2-mi*, »najukkami eqqartuussivimmi imaluunniit« peerneqassaaq.

§ 2

Inatsimmik allanngorneri ilanngullugit nalunaarutiginninneq nr. 1187, 18. september 2023-imeersoq malillugu, kingusinnerpaamik inatsisikkut nr. 109-ikkut, 20. februar 2025-imeersukkut § 1-ikkut allanngortinneqartoq, Kalaallit Nunaanni pinerluttulerinermi inatsimmi allanngortitsinerit tulluuttut suliarineqassapput:

1. § 123, *nr. 8*, ima oqaasertaliorneqassaaq:
»8) iliuuseqartoq nassuersimappat, imaluunniit«.

§ 3

Imm. 1. Inatsit ulloq [ulloq] 2026 atuutilissaaq.

Imm. 2. Suliaq inatsisip atuutilernerata kingorna suliareqqinneqanngippat, suliani, inatsisip atuutilinnginnerani unnerluussinerup suliarinneqqaarfimmut unnerluussutigineqarnerani, inatsimmi § 1, nr. 4 atuutinngilaq. Suliani taakkunani malittarisassat maannamut atuuttut atuutissapput.

Imm. 3. Suliani, pingaarnertut isumaqatigiinniarnert inatsisip atuutilernera sioqqullugu aallartissimasuni, inatsimmi § 1, nr. 2 aamma 3 atuutinngillat. Suliani taakkunani malittarisassat maannamut atuuttut atuutissapput.

Imm. 4. Aalajangiinernut inatsisip atuutilinnginnerani aalajangerneqarsimasunut inatsimmi § 1, nr. 27-imiit 31 ilanngullugu aalajangersakkat atuutinngillat. Aalajangiinerni taakkunani malittarisassat maannamut atuuttut atuutissapput.

Inatsisissatut siunnersuummut oqaaseqaatit
Oqaaseqaatit nalinginnaasut

Inatsisissatut siunnersuummut oqaaseqaatit

1. Aallaqqaasiut.....	11
2. <i>Inatsisissatut siunnersuutip immikkoortui pingaarnerit</i>	<i>13</i>
3. <i>Pisortanut aningaasaqarnikkut kingunissaa aamma atortuulersitsinermut kingunissaa.....</i>	<i>77</i>
4. Inuussutissarsiornermut il.il. aningaasaqarnikkut allaffissornikkullu kingunissaa.....	78
5. Innuttaasunut allaffissornikkut kingunissaa.....	78
6. Silap pissusaanut kingunissaa.....	78
7. Avatangiisinut- pinngortitamullu kingunissaa.....	78
8. EU-mi inatsisitigut tunngassuteqartut.....	78
9. Oqartussat suleqatigiiffiillu il.il. tusarniaavigineqartut.....	78
10. Immersugaq eqikkaaffiusoq.....	79

1. Aallaqqaasiut

Naalakkersuisut aamma Socialistisk Folkeparti, Danmarksdemokraterne, Liberal Alliance, Det Konservative Folkeparti, Enhedslisten, Radikale Venstre, Dansk Folkeparti, Alternativet aamma Nye Borgerlige ulloq 22. november 2023 2024-imiit 2027 ilanngullugu eqqartuussiviit aningaasaqarnerat pillugu isumaqatigiissuteqarput.

Rørdamudvalg-ip Retsplejeråd-illu suliaat tunngavigalugit, Danmarkimi eqqartuussisarnerup qitiusumik ilaanik eqaallisaanissamik siunertaqartunik angusassamik toraagaqarluni suliniutinik arlalinnik partiit isumaqatigiissusiortut isumaqatigiissuteqartut, ilaatigut isumaqatigiissummi takuneqarsinnaavoq. Angusassamik toraagaqarluni suliniutit ilaat, inatsisinik allanngortitsinissamik piumasaqarfiusut, Danmarkimi eqqartuussisarnermik inatsisip, pillaasarnermik inatsisip, pillaatissiinerup naammassineqarnissaa il.il. pillugit inatsisip, angallannermut inatsisip inatsisillu assigiinngitsut allat (2024-imiit 2027 ilanngullugu ukiunut arlalinnut isumaqatigiissutip il.il. naammassineqarnerat) allanngortinneqarneri pillugit inatsisikkut nr. 661-ikkut 11. juni 2024-imeersukkut naammassineqarput. Rørdam-udvalgip aamma Retsplejeråd-ip suliaanik tunngaveqartumik inatsisikkut aammattaaq eqqartuussisarnermik inatsimmi sulii allanik aammattaaq aaqqiisoqarpoq.

Kalaallit Nunaanni eqqartuussivinni suliat suliarineqartarnerannut piffissap atorneqartartup appartinneqarnissaannut isumalluutit atorneqarsinnaalernissaat siunertaralugu Rørdamsudvalg-imit siunnersuutit aamma Retsplejeråd-imit innersuussutit malitsigisaannik eqqartuussisarnerup piuminarnerulernissaa siunertaralugu allannguutit suliarineqartut, Kalaallit Nunaanni aamma naammassineqarnissaat naleqquttuunersoq, Inatsiseqarnermut ministereqarfiup Naalakkersuisut peqatigalugit nalilissagaat, partiit isumaqatigiissusiortut isumaqatigiissutigigaat, aammattaaq isumaqatigiissummi takuneqarsinnaavoq.

Tamanna tunngavigalugu Naalakkersuisut oqaloqatigereerlugit, eqqartuussisarnermi piuminarsaanerit, ukiunut arlalinnut isumaqatigiissummut atatillugit Danmarkimi naammassineqartut, aamma Kalaallit Nunaanni naammassineqarnissaat naleqquttuusoq Inatsiseqarnermut ministereqarfiup nalilersimavaa. Inatsisikkut nr. 109-

ikkut, 20. februar 2025-imeersukkut inatsisinik allanngortitsinerit, isumaqatigiisummit 22. november 2023-imeersumit Kalaallit Nunaat pillugu suliniutit naammassineqarnissaannut pisariaqartinneqartut, naammassineqareersimapput. Eqqartuussivinni suliat amerliartuinnavinnerannik, sulianik suliarinninnermi piffissat atorneqartartut sivisoorujussuusarnerannik aamma it-mut tunngatillugu ikorfartuinnermi kinguaattoornerit pillugit unammilligassat isumagineqarnissaannut ukiunut arlalinnut suliniutit ikorfartorneqarnissaannut allanngortitsinerit tunngassuteqarput. Nutarterinerit suli allat, naleqquttut nalilernerqartut, naammassineqarnissaat inatsissatut siunnersuummi matumani siunertaavoq. Oqartussaasut kissaateqarneri malillugit malittarisassat piuminarsarneqarnissaat arlallit siunnersuutigineqartut tassunga ilaapput. Uani § 1, nr. 1, 5, 10, 11 aamma 15 pineqarput.

Imm. 2.9 ataaniittoq malillugu, eqqartuussisarnermi naammassisaqarsinnaanerulernissaq siunertaralugu allanngortitsinerit ataasiakkaat aammattaaq siunnersuutigineqarput.

Inatsissatut siunnersuummi § 1, nr. 23 malillugu (eqqartuussisarnermik inatsimmi § 557) inatsisip paasineqarnissaa pillugu nalornisoqartarsimanerata pisimamera imaluunniit nalornisoqarsinnaanerata pisimanissaa pissutigalugit, tamatuma saniatigut erseqqissaanerit arlallit siunnersuutigineqarput.

Ingerlateqqillugu Kalaallit Nunaanni Eqqartuussiveqarneq pillugu Siunnersuisoqatigiit innersuussutaat tunngavigalugit, ivertitsisarneq pillugu malittarisassat erseqqissarneqarnissaat siunnersuutigineqarpoq.

Unnerluussutit taamaatiinnarneqarnerisa allanngortinneqarneri aamma unnerluussutit tunuartinneqarneri pillugit piffissaliussap qaammatinit 3-nit qaammatinut 4-nut sivitsorneqarnissaa, aamma malittarisassat nalinginnaasut tunngavigalugit taarsiivigineqarnissamik piumasaqaatigineqartut, taakkunani eqqunngitsuliorfigineqartoq suliani aalajangersimasumik suussuseqartuni pisuni immikkut ittuni pingasuni, eqqartuussisarnermik inatsimmi kapitali 42-mi ajornaatsumik ingerlatseriaaseq malillugu, oqartussaasut suliamik suliarinninnerminni kukkusimanerat pissutigalugu unnerluussutip taamaatiinnarneqarnera imaluunniit unnerluussummik tunuartsineq pillugu naammagittaalliornissamut sapaatit akunnerinik sisamanik

piffissaqarsimanngitsuni, taarsiivigineqarnissamik piumasaqaatip suliarineqarnissaanut periarfissaliissutip eqqunneqarnissaa, naggataagut siunnersuutigineqarpoq.

Inatsisissatut siunnersuummi oqaaseqaatini »eqqartuussisarnermik inatsit« innersuussutigineqaraangat, allamik taasisoqarsimatinnagu Kalaallit Nunaanni eqqartuussisarnermik inatsit pineqarmat, naggataagut maluginiarneqassaaq.

2. Inatsisissatut siunnersuutip immikkoortui pingaarnerit

2.1. Pinerluttulerinermik suliani eqqartuusseqataasartut peqataasarnerat

2.1.1. Inatsisit atuuttut

Eqqartuussisarnermik inatsimmi § 44 malillugu, pinerluttulerinermik suliani siuliarinneqqaarfiusumi aallaaviatigut eqqartuussisooqataasut 2 peqataasarput.

Eqqartuussiviup suliaq immikkut ittumik unnerluunneqartumut akuliuffiusutut nalilinngippagu, suliani, taakkunani unnerluunneqartoq pisuutinneqarpat, pineqaatissiissutit imaluunniit inatsisitigut kinguneqartitsinerit akiliisitsissummit, arsaarinninnermit, biilersinnaanermut allagartaajagaanermut imaluunniit taarsiissuteqarnermit annertunerusut pineqartussaatinnaq, eqqartuussisooqataasut peqataaneq ajorput.

Eqqartuussisarnermik inatsimmi § 449 a malillugu pinerluttulerinermik suliani, nassuernertut suliarineqartuni eqqartuussisooqataasut peqataaneq ajorput.

Pinerluttulerinermik suliap suliareqqitassanngortinneqarnerani, tassani eqqartuussisoq 1 peqataalluni, eqqartuussisarnermik inatsimmi § 45 malillugu eqqartuussisooqataasut 2 peqataassapput. Eqqartuussisut 3 peqataappata, eqqartuussisooqataasut 3 peqataassapput.

Suliarinneqqarfimmi eqqartuussisooqataasut peqataasimatillugit, suliani suliareqqitassanngortinneqartuni eqqartuussisooqataasut peqataassapput. Aammattaaq pisuni, tassani suliap qanoq issussaa pissutigalugu

taamaaliornissaq naleqquttutut eqqartuussisut siulittaasuata nalilerpagu, eqqartuussisooqataatut peqataassapput.

Eqqartuussisarnermik inatsimmi § 43 malillugu, pingaarnertut isumaqatigiinniarnernup nalaani aamma tassunga atatillugu aalajangiinerni aalajangerneqartuni, eqqartuussisooqataasut eqqartuussisut pisinnaatitaanerattut pisinnaatitaallutik sulissapput.

Eqqartuussisarnermik inatsimmi § 47 malillugu, pingaarnertut isumaqatigiinniarnernup avataani eqqartuussinerni imaluunniit aalajangiinerni suliap nalaani allakkut aalajangerneqartuni, eqqartuussisooqataasut aallaaviatigut peqataaneq ajorput. Eqqartuussivimmi eqqartuussisussami, pingaarnertut isumaqatigiinniarneq sioqqullugu uppersaarnernit pissappata, tassani eqqartuussisooqataasut peqataassapput. Pinerluttulerinermi suliami eqqartuussutip paasineqarnissaa pillugu politidirektørip eqqartuussaasullu akornanni isumaqatigiinnginneq pilerpat, eqqartuussisarnermik inatsimmi § 595 malillugu taassuma aalajangersarneqarnissaani eqqartuussisooqataasut peqataassapput.

Eqqartuussisarnermik inatsimmi § 106 malillugu taasisoqartillugu eqqartuussisut eqqartuussisooqataasullu tamarmik immikkut ataatsimik taasisissapput. Taasisut amerlaqatigiinneranni pisuuneq pillugu apeqqummi aamma pineqaatissiinerup aalajangersarneqarnerani, unnerluunneqartumut inerniliussaq iluaqutaanerpaq atuutissaaq. Apeqqutit allat eqqarsaatigalugit taasisut amerlaqatigiinneranni, eqqartuussisut siulittaasuata taasinera aalajangiisuussaaq.

Taaneqareersutut, eqqartuussisarnermik inatsimmi § 449 a malillugu suliaq nassuernertut suliarineqarpat, eqqartuussisooqataasut peqataaneq ajorput.

Suliami, tassani eqqartuussisooqataasoq peqataasimasussaagaluarluni, pissutissalimmik pasisaq eqqartuussinermi nangaassuteqarnani nassuerpat, nassuernernup eqqortuunera paasissutissanit allanit pigineqartunit qularnarunnaarsinneqarpat, pissutissalimmik pasisaq unnerluussisussaataasullu akuersissuteqarpata, pingaarnertut isumaqatigiissusioqqaarnani suliap aalajangiiffigineqarnissaa eqqartuussiviup nangaanartoqartinngippagu, aamma pinerluttulerinermi inatsimmi kapitali 33-p aamma 34-p atorineqarnissaat pillugit apeqquteqartoqanngippat, aalajangersagaq taanna malillugu suliaq

nassuernertut ingerlanneqarsinnaavoq. Suliami, inunnut tarnikkut napparsimasunut pinerluttulerinermi inatsimmi kapitali 33 malillugu immikkut ittumik pineqaatissiinissaq imaluunniit pinerluttulerinermi inatsimmi kapitali 34 malillugu tigummigallagaanissaq pillugit eqqartuussisoqarnissaanik apeqqut, taamaalilluni nassuernertut suliarineqarsinnaanngilaq.

Pissutissalimik pasisaq tigusaasimappat imaluunniit eqqartuussinerup nalaani tigummigallagaappat, illersuisoq ivertinneqartoq suliamik ilisimasaqalernissaminut periarfissinneqassaaq, pissutissalimmik pasisamut taanna oqallisigissallugu aamma suliap nassuernertut suliarineqarnissaanik pissutissalimmik pasisaq akuersissuteqartinnagu, eqqartuussivimmut oqaaseqaateqassalluni. Pissutissalimmik pasisap akuersissummik tunisinerani illersuisoq eqqartuussivimmi najuutissaaq.

Eqqartuussinerup nalaani pissutissalimmik pasisaq tigusaasimanngippat imaluunniit tigummigallagaanngippat, suliap nassuernertut ingerlanneqarnissaa pillugu pissutissalimmik pasisaq akuersissuteqartinnagu, pissutissalimmik pasisaq illersuisumik ivertitsisoqarnissaanik neqeroorfigineqassaaq. Pissutissalimmik pasisap kissaateqarnera malillugu illersuisumik ivertitsisoqarpat, illersuisoq ivertinneqartoq suliamik ilisimasaqalernissaminut periarfissinneqassaaq, pissutissalimmik pasisamut taanna oqallisigissallugu aamma suliap nassuernertut suliarineqarnissaanik pissutissalimmik pasisaq akuersissuteqartinnagu, eqqartuussivimmut oqaaseqaateqassalluni. Pissutissalimmik pasisap akuersissummik tunisinerani illersuisoq eqqartuussivimmi najuutissaaq.

2.1.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq

Pillaatissiinissamik suliani eqqartuussisut inuinnaat peqataasarnerat eqqarsaatigalugit, allannguutit taakku, Rørdamudvalg-ip Retsplejeråd-illu siunnersuutaasa malitsigisaanik eqqartuussisarnerup piuminarnerulersinneqarnissaa siunertaralugu qallunaat eqqartuussisarnermik inatsisaanni suliarineqartut, Kalaallit Nunaanni aamma naammassineqarnissaat naleqquttuunersoq, Inatsiseqarnermut ministereqarfiup isumaliutigisimavaa.

Qallunaat eqqartuussisarnermik inatsisaanni allannguinerneq ilaatigut pillaaassuteqarnissamik suliani nævningit peqaataasarnert pillugit allanngortitsinerit ilaatinneqarput. Allannngortitsinerit taakku Kalaallit Nunaannut naleqqutinngitsut, tassami nævningit Kalaallit Nunaanni pinerluttulerinermik suliani peqataaneq ajormata, Inatsiseqarnermut ministereqarfik isumaqarpoq.

Pillaatissiinissamik suliani, qaqugukkut eqqartuussisooqataasut peqataanissaannut killiliussaq aammattaaq qaffanneqarpoq, taamaalilluni inissiisarfimmi sivisunerpaamik ulluni 30-ini inissinneqarnermik eqqartuussummit pinerluuteqaqqinnermi aatsaat atuuttussaataasumik imaluunniit ingerlaannaq atuutilersussaasumik suliani peqataassallutik. Allannguineq taanna Kalaallit Nunaannut aamma naleqquttuusoq, Inatsiseqarnermut ministereqarfik isumaqarpoq.

Piuminarsaaneq Kalaallit Nunaanni imaalillugu naammassisariaqartoq, siunissami inissiisarfimmi sivisunerpaamik ulluni 30-ini inissinneqarnermik eqqartuussut, pinerluuteqaqqinnermi aatsaat atuuttussaataasussaq imaluunniit ingerlaannaq atuutilersussaq, pillugit suliat eqqartuussisooqataasut peqataatinngit eqqartuussisooqartariaqartoq, Naalakkersuisut tassunga atatillugu ilisimatitsissutigaat.

Kalaallit Nunaanni pineqaatissiisarnermut systemi eqqarsaatigalugu, tassani pineqaatissiissutit, akiliisitsinermit annertunerusumik akuliunnerusut, aamma nakkutigineqarnissamik eqqartuunneqarnermik aamma inuiaqatigiinni sulisitaanissamik eqqartuunneqarnermik ilaqartut, taakkunani inissiisarfimmi inissinneqaratarsinnaaneq aalajangerneqarani, pinerluttulerinermik suliat, taakkunani mianersooqqusummik, akiliisitsissummik, nakkutigineqarnissamik eqqartuussut, inuiaqatigiinni sullissinissamut eqqartuussummik, inissiisarfimmi inissinneqarnissamut eqqartuussut aamma nakkutigineqarneq (eqqartuussut katitigaq) imaluunniit inissiisarfimmi sivisunerpaamik ulluni 30-ini inissinneqarnermik eqqartuussummik, pinerluuteqaqqinnermi aatsaat atuuttussaataasussamik imaluunniit ingerlaannaq atuutilersussamik tunineqarnissap piumasarineqarnerani, eqqartuussisooqataasut peqataatillugit suliarineqartussaannngillat. Taamaammat Danmarkimut naleqqiullu Kalaallit Nunaanni eqqartuussisooqataasut suliani ikinnerusuni siunissami peqataasassapput.

Eqqartuussisooqataasut peqataatinnagit inuiaqatigiinni sullissinermik eqqartuussutit, nalunaaquttap akunnerini ima amerlatigisuni eqqartuussisutigineqarsinnaanissaat, inuiaqatigiinni sullissineq pillugu aalajangersakkap, imaluunniit taanna malillugu piumasaqaatit aalajangersarneqartut unioqqutinneqarneranni, allannguutissatut siunnersuutigineqartoq malillugu eqqartuussisooqataasut peqataatillugit inissiisarfimmi ullut 30-it sinnerlugit piumasaqaatitaqanngitsumik eqqartuussisooqarsinnaanera apeqqutaatinnagu, piumasaqaatitaqanngitsumik ullut 30-it sinnerlugit inissiisarfimmi inissinneqarnissap aallartinneqarsinnaanera, allannguutissatut siunnersuutit aammattaaq kinguneraa. Taamatuttaaq nakkutigineqarnissamik eqqartuussutitut tunngatillugu tamanna atuuttussaassaaq.

Eqqartuussisooqataasut siunissami pisuuneq pillugu apeqqutip aalajangerneqarnerani aamma pineqaatissiissutip aalajangerneqarnerani eqqartuussisooqataasut taamaallaat peqataasarnissaat, kisianni suliap suliarineqarnerata nalaani eqqartuussinerni imaluunniit suliap suliarineqarnerani aalajangiinerni allani peqataannginnissaat, qallunaat eqqartuussisarnermik inatsisaanni allanngortitsinerit ilagivaat.

Piuminarsaaneq taanna aamma Kalaallit Nunaannut naleqquttuusoq, Inatsiseqarnermut ministereqarfik isumaqarpoq.

Pinerluttuliortunut tarnikkut napparsimasunut pineqaatissiissutit eqqartuussutigineqareersut attatiinnarneqarnissaannik unnerluussisussaataitaasut piumasaqaateqarnerat, unnerluussaasumut suliap pingaaruteqassusaa pillugu eqqartuussiviup piviusumik nalileereernerata kingorna, suliap eqqartuussisooqataasut peqataatillugit aalajangiiffigineqarnissaa eqqartuussiviup aalajanginngippagu, eqqartuussisooqataasut peqataatinnagit suliat suliarineqarnissaat, aamma pissutissalimmik pasineqartup pasilliut, aamma suliap nassuernertut suliarineqarnissaanik akuersissuteqarnerup kingunissaa paasillugit, suliat inunnut pinerluttuliortunut tarnikkut napparsimasunut pineqaatissiinissaq pillugu apeqqutip nassuernertut suliarineqarsinnaanera eqqarsaatigalugu, allannguutit aamma atuupput, kiisalu tamanna tunngavigalugu pinerluttulerinermik suliani eqqartuussisooqataasut peqataasarnerat pillugit malittarisassat allanngortinneqassapput, taamaalilluni pisuuneq pillugu apeqqutip aalajangerneqarnerani aamma pineqaatissiissutip aalajangerneqarnerani eqqartuussisooqataasut taamaallaat peqataasassapput, kisianni suliap suliarineqarnerata nalaani

eqqartuussinerni imaluunniit suliap suliarineqarnerani aalajangiinerni allani peqataasassanngillat.

Pinerluttulerinermik suliani, taakkunani unnerluussaasumut suliap pingaaruteqassusaa pillugu piviusumik nalileereerluni, suliap eqqartuussisooqataasut peqataatillugit aalajangernissaa eqqartuussiviup aalajangiingippagu, pinerluttulerinermi inatsimmi kapitali 33 malillugu pineqaatissiissutip pineqaatissiissutaareersup attatiinnarneqarnissaa, unnerluussisussaataasut piumasarippassuk, pinerluttulerinermik suliani eqqartuussisooqataasut peqataasannginissat aammattaaq siunnersuutigineqarpoq.

Pissutissalimmik pasisap pasilliut aamma suliap nassuernertut suliarineqarnissaanut akuersissuteqarnerup kingunissai paasippagit, pinerluttulerinermik suliani, aammattaaq pinerluttulerinermi inatsimmi kapitali 33 malillugu pineqaatissiinerit pillugit apeqquteqarfiusuni, taakku nassuernertut suliarineqarsinnaasariaqarnerat, aammattaaq siunnersuutigineqarpoq. Nassuernermik suliani illersuisup peqataanissaa pinngitsuugassaanngitsuussasoq, tassani pinerluttulerinermi inatsimmi kapitali 33 malillugu pineqaatissiinnissaq pillugu apeqquteqarluni, tassunga atatillugu siunnersuutigineqarpoq.

Eqqartuussisooqataasut piffissap killillip, qinerneqarfigisimasamik, piffissap taassuma iluani oqaatsitigut isumaqatigiinniarnert aallartinneqarfigisimasaasa naanerisa kingorna, suliatik naammassillugit suliarisinnaagaat naggataagut siunnersuutigineqarpoq.

Inatsisissatut siunnersuummi § 1, nr. 14, 13, 16-18 (eqqartuussisarnermik inatsimmi § 35, § 43, § 44, imm. 2, § 321, imm. 1, nr. 4, aamma § 449 a, imm. 1, 3 aamma 4) taakkununggalu oqaaseqaatit innersuussutigineqarput.

2.2. Ingerlateqqitassanngortitsinernik killiliinerit

2.2.1. Inatsisit atuuttut

Inuit sakkutuujunngitsut pillugit suliami eqqartuussut, najukkami eqqartuussivimmit imaluunniit Nunatsinni Eqqartuussivimmit eqqartuussutigineqartoq, akuusumit, eqqartuussutikkut piumasaqaamminik tamakkiisumik taparserneqanngitsumit, Nunatta Eqqartuussisuuneqarfianut suliareqqitassanngortitsisoqarsinnaavoq. Eqqartuussisarnermik inatsimmi

§ 494 malillugu, suliareqqitassanngortitsineq allanngortitsinertut, atorunnaarsitsinertut imaluunniit eqqartuussutip siullermeerinniffimmut utertinneqarneratut pisinnaavoq.

Inuit sakkutuujunngitsut pillugit suliami aalajangiinerit, najukkami eqqartuussivimmit imaluunniit Nunatsinni Eqqartuussivimmit aalajangerneqartut, immikkut ittumik inatsisini allatut aalajangiisoqarsimanngippat eqqartuussisarnermik inatsimmi § 517 malillugu, Nunatta Eqqartuussisuuneqarfianut aalajangeqqitassanngortinneqarsinnaapput.

Pinerluttulerinermik suliami eqqartuussutit, najukkami eqqartuussivimmit imaluunniit Nunatsinni Eqqartuussivimmit eqqartuussutigineqartut, eqqartuussisarnermik inatsimmi § 534 malillugu unnerluunneqartumit imaluunniit unnerluussisussaataasunit Nunatta Eqqartuussisuuneqarfianut suliareqqitassanngortinneqarsinnaapput. Unnerluussaasoq nammineq iluaqutissaminik suliareqqitassanngortitsisinnaavoq, massa unnerluussisussaataasut unnerluussaasumut iluaqutaasumik aamma ajoqutaasumik suliareqqitassanngortitsisinnaasut.

Aalajangiinerit, najukkami eqqartuussivimmit imaluunniit Nunatsinni Eqqartuussivimmit aalajangerneqartut, immikkut ittumik inatsisini allatut aalajangiisoqarsimanngippat, eqqartuussisarnermik inatsimmi § 566 malillugu Nunatta Eqqartuussisuuneqarfianut aalajangeqqitassanngortinneqarsinnaapput.

Pinerluttulerinermik suliami aalajangiinerit, pingaarnertut isumaqatigiinniarnep nalaani imaluunniit taassumap piareersarneqarnerani aalajangerneqartut, aalajangeqqitassanngortinneqarsinnaanngillat, tulliuttunik pisoqarsimatinnagu 1) aalajangeqqitassanngortitsineq inatsimmi immikkut ittumik periarfissaliissutigineqartinnagu, 2) suliap kinguartinneqarnissaa, itigartitsissutigineqarnissaa imaluunniit atorunnaarsinneqarnissaa aalajangiinermi pineqartinnagu, 3) aalajangiineq tigummigallagaanermut imaluunniit tassunga taarsiullugu qanoq iliornissamut piareersaatinut, arsaarinninnermut, uppernarsaatinik ujaasinernut imaluunniit pinngitsaaliilluni akuliunnernut assingusunut tunngassuteqartinnagu, 4) aalajangiineq suliamut aningaasartuutitik akiliinissamut imaluunniit eqqartuussivimmi pissusilersornerlunnermut akiliititsissutitik akiliinissamut pisussaaffiliisoqartinnagu, 5) suliami akuunngitsumut

aalajangiineq sammitinneqartinnagu, 6) pingaarnertut isumaqatigiinniarnermut aalajangiineq toqqaannartumik atassuteqanngitsillugu imaluunniit 7) aalajangiineq apeqqummut, suliap suliarineqarneranut pingaarutilimmik kinguneqartumut imaluunniit tunngaviusumik annertuumik kinguneqartumik tunngassuteqartinnagu.

Eqqartuussutit, Nunatta Eqqartuussisuuneqarfianit eqqartuussutigineqartut aallaaviatigut suliareqqitassanngortinneqarsinnaanngillat. Taamatuttaaq Nunatsinni Eqqartuussivimmit aalajangiinerit aalajangerneqartut aallaaviatigut aalajangeqqitassanngortinneqarsinnaanngillat. Tamanna inuit sakkutuujunngitsut pillugit suliani aamma pinerluttulerinermik suliani atuuppoq. Taamaattoq eqqartuussisarnermik inatsimmi §§ 515, 526, 564 aamma 577 malillugit Suliareqqitassanngortitsinissamut Aalajangiisartut Eqqartuussiviit Qullersaannut ingerlateqqitassanngortitsineq akuersissutigisinnaavaat.

Eqqartuussisarnermik inatsimmi § 706 malillugu inuit sakkutuujunngitsut pillugit suliani aalajangeqqitassanngortitsisarnermut naapertuuttumik, eqqartuussummik naammassisitsiniaaneq pillugu suliani, najukkani eqqartuussivinni aamma Nunatsinni Eqqartuussivimmit pinngitsaaliinikkut naammassinninnissaq pillugit aalajangiinerit, Nunatsinni Eqqartuussisuuneqarfimmut aalajangeqqitassanngortinneqarsinnaapput. Nunatsinni Eqqartuussisuuneqarfimmit aalajangikkat aalajangeqqitassanngortinneqarnissaannut akuersissuteqarnissamut malittarisassat taakku aammattaaq assigisaannik atuupput.

2.2.2. Inatsiseqarnermut ministereqarfiup isumaliutiginninneri

Ingerlatseqqitassanngortitsinerit killilerneqarnerat eqqarsaatigalugit allannguutit, Rørdamudvalg-ip siunnersuutigisai malillugit eqqartuussisarnerup piuminarsarneqarnissaa siunertaralugu qallunaat eqqartuussisarnermik inatsisaanni suliarineqartut, Kalaallit Nunaannut naammassineqarnissaat aamma naleqquttuunnginnersoq, Inatsiseqarnermut ministereqarfiup isumaliutigisimavaa.

Qallunaat eqqartuussisarnermik inatsisaanni allanngortitsinerit illoqarfimmi eqqartuussivimmit nunap eqqartuussisuuneqarfianut ingerlatseqqitassanngortitsinermut tunngassuteqarput aamma ingammik Suliareqqitassanngortitsinissamik Aalajangiisartut akuersiteqqaarnagit ingerlatseqqitassanngortitsinernut aningaasat annertussusaannut killiussat

atuuttut qaffanneqarnissaannut aamma
ingerlatseqqitassanngortitsinnissamut killiliussat atuuttut ilaannut
atorneqarsinnaanerata annertusineqarnerannut tunngassuteqarlutik.

Ullumikkut ingerlatseqqitassanngortitsinermut killiliinerit assingi Kalaallit
Nunaanni pigineqanngillat, aamma Kalaallit Nunaanni suliniutit
allaaserineqartut naammassineqarnissaat taamaalillutik
Danmarkimisuunngitsoq ingerlatseqqitassanngortitsinermut killiliinernut
atuutereersunut annertunerulersitsissaaq, kisianni suliarinneqqaarfiusumi
aalajangikkanut tunngatillugu nutaatut ingerlatseqqitassanngortitsinermut
killiliinerit eqqunneqarnerannik kinguneqassalluni.

Kalaallit Nunaanni ingerlateqqitassanngortitsinernut aaqqissuussinermut
atuuttumut, tassani suliarinneqqaarfimmit aalajangiinerit
Suliareqqitassanngortitsinissamik Aalajangiisartunit akuersissummik
peqqaarani nalinginnaasumik ingerlatseqqitassanngortinneqarsinnaallutik,
aalajangiinerit najukkami eqqartuussivimmit aalajangerneqartut
nalinginnaasumik immikkut ittumik akuersissummik peqqaarani
inatsisitigut eqqartuussivimmut ingerlateqqinneqarsinnaasariaqarmata
ingammik tassunga tunngaviuvoq. Suliat, Nunatsinni Eqqartuussivimmut
nuunneqartussatut siunnersuutigineqartut imaluunniit innersuunneqartut
suussusaat eqqarsaatigalugit, suliareqqitassanngortitsinissamut killiliineq
suliani, Nunatsinni Eqqartuussivimmi suliarinneqqaarfittut
suliarineqarsimasuni pineqarsinnaanngitsoq, Kalaallit Nunaanni
Eqqartuussiveqarneq pillugu Siunnersuisoqatigiit isumaqarsimapput.
Kalaallit Nunaanni eqqartuussiveqarneq pillugu isumaliutissiissut nr.
1442/2004, atuagaq 2, qupperneq 612 innersuussutigineqarpoq.

Taaneqartorpiaat eqqarsaatigalugit, Kalaallit Nunaanni pinerluttulerinermik
suliani suliarinneqqaarfimmit aappassaaneersumik suliarinniffiusussamut
ingerlatitseqqinnissamut killiliinerit eqqunneqartariaqanngitsut, tassami
eqqarsaatigisassat aallaaserineqartut sulit atuummata, Inatsiseqarnermut
ministereqarfik isumaqarpoq.

Najukkani eqqartuussivinnit Nunatta Eqqartuussisuuneqarfianut inuit
sakkutuujunngitsut pillugit suliat, pissutsigineqartut taakku pissutigalugit
ingerlatitseqqinnissamut killiliinerit eqqunneqartariaqanngitsut,
Inatsiseqarnermut ministereqarfik aammattaaq isumaqarpoq.

Inuit sakkutuujunngitsut pillugit suliat, Nunatsinni Eqqartuussivimmit suliarinneqqaarfiusutut aalajangerneqartut eqqarsaatigalugit, piumasamik suliap inatsisitigut eqqartuussivimmit suliarineqarsinnaanissaanut piumasaqaateqarneq illuatungaartigut naammassineqassaaq, tassami Nunatsinni Eqqartuussivik inatsisitigut eqqartuussiviummat.

Aammattaaq najukkani eqqartuussiviit aamma Nunatsinni Eqqartuussiviup akornanni piginnaatitaanerit agguarneqarnissaannut siunnersuummut, Kalaallit Nunaanni Eqqartuussiveqarneq pillugu Ataatsimiitsitaliarsuup siunnersuuteqarneratigut aallaqqaataani naammassineqartumut, aamma ataatsimiitsitaliarsuup ingerlatitseqqittarnermut killiliinerit pillugit isumaliutiginninneranut tunngaviusunut tunngatillugu, inatsisikkut nr. 740-kkut, 25. juni 2014-imeersukkut najukkani eqqartuussivinnit Nunatsinni Eqqartuussivimmut inuit sakkutuujunngitsut pillugit suliat nalinginnaasut annertuumik nuunneqarnerat naammassineqarpoq.

Taamaalilluni aallaaviatigut inuit sakkutuujunngitsut pillugit suliat tamaasa suliarinneqqaarfittut Nunatsinni Eqqartuussiviup ullumikkut suliarisarpai, tamatumalu peqatigisaanik ilaatigut nammineersinnaassusiagaanerit aamma angajoqqaatut akisussaataitanerit, ataataassuseq- aamma anaanaaqataassuseq aamma aappariinneq- aamma angajoqqaatut oqartussaassuseqarneq pillugit suliat najukkani eqqartuussiviit aallaaviatigut suliarinneqqaarfittut suliarisarlugit.

Suliat ajornaatsut suliallu paasilertorumaatsut, suliat tunngaviusumik pingaaruteqartut aamma suliat tunngaviusumik pingaaruteqanngitsut imaluunniit kingunertunerusut aamma suliat annikitsumik nalillit aamma annertuumik nalillit, inuit sakkutuujunngitsut pillugit suliani nalinginnaasuni ilaatinneqarput. Taamaattoq eqqartuussisarnermik inatsimmi § 57 a, imm. 1 malillugu suliaq pingaarluinnartutut pissuseqarpat aamma inatsisinik atuinnermut aamma eqqartuussisutigoortitsinnermut suliassaqarfimmi ineriartornermut aamma allakkut inuiaqatigiinnut tunngasumik pingaarutilimmik kinguneqartussatut nalinginnaasumik pingaassuseqarpat, akusup noqqaassuteqarneratigut inuit sakkutuujunngitsut pillugit suliaq Nunatsinni Eqqartuussiviup Nunatta Eqqartuussisuuneqarfianut innersuussinnaava. Inuit sakkutuujunngitsut pillugit suliani najukkani eqqartuussiviit aamma Nunatsinni Eqqartuussiviup akornanni massakkut piginnaatitaanerit agguarneqarneqarneranni, sulianut taakkununga suliarinneqqaarfiusutut Nunatsinni Eqqartuussivimmi suliarineqartunut,

ingerlateqqitassanngortitsisarnerup killilerneqartarnera, Danmarkimi illoqarfiup eqqartuussivianit nunap eqqartuussisuuneqarfianut ingerlateqqitassanngortitsinermi killiliinerit assinginik eqquassinissamut akerliujunnaarsimasoq Inatsiseqarnermut ministereqarfik isumaqarpoq.

Inuit sakkutuujunngitsut pillugit suliani, Nunatsinni Eqqartuussivimmit aalajangerneqartuni, Danmarkimi ingerlateqqitassanngortitsisarnermi killiliinerit assingisa eqqunneqarnissaat tamanna tunngavigalugu siunnersuutigineqarpoq, taamaattoq najorteqarsinnaaneq pillugu suliat aamma pinerluttunik isumaginnittut aalajangiinerinik pisortani oqartussaasut ingerlatsiviinit aalajangiinerit inatsisinut naapertuunnersut pillugit eqqartuussivinni misilinneqarnissaannut innuttaasut pisinnaatitaaffiat pillugu suliat pillugit ataani allatat takukkit.

Inuit sakkutuujunngitsut pillugit suliani, suliareqqitassanngortitsineq piumasaqaammik annerpaamik 50.000 kr.-imik nalilimmik tunngassuteqarpat, Nunatsinni Eqqartuussivimmit eqqartuussutigineqartut, siunissami taamaallaat Suliareqqitassanngortitsinissamik Aalajangiisartut akuersissuteqarnerisigut suliareqqitassanngortinneqarsinnaassasut, taamaalilluni siunnersuutigineqarpoq. Suliareqqitassanngortitsinissamut akuersissuteqarnissaq pillugu piumasaqaat, suliareqqitassanngortitsinissamik sulianut aningaasaqarnermut tunngasumik naleqanngitsunut atuutissanngilaq. Suliat allaffissornikkut nammineersinnaajunnaarsitsinermut tunngasut aamma suliat akuersissuteqanngitsumik qitornavissartaarnermut tunngassuteqartut assersuutitut taaneqarsinnaapput. Ataataassutsimut- anaanaaqataassutsimullu aamma aappariinneq- aamma angajoqqaatut oqartuussaassuseqarneq pillugit suliat, aallaaviatigut qaqutigunnaq Nunatsinni Eqqartuussivimmit aalajangerneqartartussaassut, aalajangersakkap isumaani aningaasaqarnermut tunngasumik naleqanngillat. Suliareqqitassanngortitsinissamut akuersissummik peqarnissamik piumasaqaat najukkani eqqartuussiviit eqqartuussutaannut atuutinngilaq.

Inuit sakkutuujunngitsut pillugit suliami pingaarnertut isumaqatigiinniarnep nalaani imaluunniit taassuma piareersarneqarnerani imaluunniit immikkut uppersaasarsuinerup nalaani aalajangiinerit Nunatsinni Eqqartuussivimmit aalajangerneqartut, siunissami Suliareqqitassanngortitsinissamik Aalajangiisartut akuersissuteqarnerisigut aalajangeqqitassanngortinneqarsinnaassapput.

Suliami aningaasartuutit 50.000 kr.-it sinnerlugit aalajangerneqarpata, suliani aningaasartuutit pillugit eqqartuussutini aamma inuit sakkutuujunngitsut pillugit suliani aningaasartuutit pillugit aalajangiinerit allat, Nunatsinni Eqqartuussivimmit aalajangerneqartut, siunissami Suliareqqitassanngortitsinissamik Aalajangiisartut akuersissuteqarteqqaarnagit aalajangeqqitassanngortinneqarsinnaassasut, aammattaaq siunnersuutigineqarpoq. Akuusut arlaannaalluunniit suliamut aningaasartuutunik akuusup aappaanut akiliissannginnera aalajangerneqarpat, suliamut aningaasartuutit 50.000 kr.-inik annertunerusut eqqartuussutigineqarnerat pillugu apeqquut pillugu aalajangiineq, pissutsit immikkut ittut tamanna pissutissaqartippassuk, tamanna pillugu aalajangiineq taamaallaat Suliareqqitassanngortitsinissamik Aalajangiisartut akuersissuteqarnerisigut aalajangeqqitassanngortinneqarsinnaavoq.

Qallunaat eqqartuussisarnermik inatsisaanni najorteqarsinnaaneq pillugu suliani ingerlateqqitassanngortitsinermi killiliineq qallunaat Familieretshuset pillugu inatsisaanut aamma ilaqutariit inatsiseqartinneqarnerannut atassuteqarpoq, aamma taamaammat Kalaallit Nunaannut eqqunneqarnissaa siunnersuutigineqanngilaq. Najorteqarnissaq pillugu suliat aallaaviatigut najukkami eqqartuussivimmi suliarinneqqaarfittut suliarineqartarnerat tassunga ilaavoq, taamaalilluni Nunatsinni Eqqartuussivimmit aalajangiinernut aalajangerneqartunut tunngatillugu ingerlateqqitassanngortitsinermut killiliineq taamaattoq pinngitsoorani qaqutigunnaq naleqquttunngorsinnaassaaq.

Qallunaat eqqartuussisarnermik inatsisaanni ingerlateqqitassanngortitsinermut killiliinerit piumasaqaatinut aningaasaqarnermut tunngasumik annerpaamik 50.000 kr.-inik naleqartunut akiliussinernut tunngassuteqartut, Kalaallit Nunaannut eqqunneqarnissaat aamma siunnersuutigineqanngilaq, tassami akiliussinernut eqqartuussisummik naammassitsiniaanermik suliat najukkani eqqartuussivinnit suliarineqartarput, taakkulu aalajangiineri taaneqareersutut Suliareqqitassanngortitsinissamik Aalajangiisartut akuersiteqqaarnagit ingerlateqqitassanngortissinnaasariaqarput.

Qallunaat pillaatissiinerit naammassineqarnissaat pillugit inatsisaanni ingerlateqqitassanngortitsinissaanermut killiliinerit sulianut pinerluttunik isumaginnittut aalajangigaasa eqqartuussivimmi misilinneqarnissaannut

tunngassuteqartut aamma Kalaallit Nunaannut eqqunneqarnissaat siunnersuutigineqanngilaq. Kalaallit Nunaanni aalajangiinerit assigisaat pinerluttulerinermi inatsimmi § 248 malillugu aallaaviatigut najukkami eqqartuussivinni suliarineqartarput, aamma suliaq taamaattoq eqqartuussisarnermik inatsimmi § 56 malillugu Nunatsinni Eqqartuussivimmut innersuunneqarsimassappat, Kalaallit Nunaanni Eqqartuussiveqarneq pillugu Ataatsimiitsitaliarsuup taasimasaatut suliaq tunngaviusutut, immikkut ittumik ajornakusoortutut imaluunniit immikkut ittumik akuliunnertut pissuseqarnerata, suliap Nunatsinni Eqqartuussivimmit aalajangeqqitassanngortinnissaannut Suliareqqitassanngortitsinissamik Aalajangiisartunit akuersissut pillugu piumasaqaateqarnissamut tamanna akerliussaaq.

Suliareqqitassanngortitsinerit pineqartillugit aamma aalajangeqqitassanngortitsinerit pineqartillugit, Suliareqqitassanngortitsinissamik Aalajangiisartunut Nunatsinni Eqqartuussiviup aalajangiinerata Nunatta Eqqartuussisuuneqarfianut ingerlateqqitassanngortinneqarnissaa pillugu akuersissummik qinnuteqarnissamut piffissaliussaq sapaatit akunnerinik 4-nik sivilisussuseqassasooq siunnersuutigineqarpoq. Aalajangeqqitassanngortitsineq pineqartillugu Danmarkimi aaqqissuussinermut tamanna saneqqutsineruvoq, tassanimi aalajangeqqitassanngortitsineq pineqartillugu qinnuteqarfissamut piffissaliussaq sapaatit akunnerinik 2-nnik sivilisussuseqarpoq. Kalaallit Nunaanni piffissaliussap sapaatit akunnerinik 4-nik sivilisussuseqarnissaa pillugu siunnersuut, Kalaallit Nunaanni pissutsinnik pissuteqarpoq. Kalaallit Nunaanni eqqartuussiveqarneq pillugu isumaliutissiissut nr. 1442/2004, atugaq II, qupperneq 615 tassunga atatillugu innersuussutigineqarpoq. Nunatta Eqqartuussisuuneqarfianit aalajangiinerup imaluunniit eqqartuussutip Eqqartuussiviit Qullersaannut aalajangeqqitassanngortinneqarnissaa imaluunniit suliareqqitassanngortinneqarnissaa pillugu piffissaliussaq eqqartuussisarnernik inatsimmi § 515, imm. 2-mi oqaaseqatigiit siulliit malillugit sapaatit akunnerinik 4-nik sivilisussuseqarmat, matumuuna maluginiarneqassaaq.

Inatsisissatut siunnersuummi § 1, nr. 27-imiit 31 ilanngullugu aalajangersakkat, (eqqartuussisarnermik inatsimmi § 494 a, § 497, imm. 1, §§ 517 a aamma 517 b aamma § 519, imm. 1), aamma taakkununga oqaaseqaatit innersuussutigineqarput.

2.3. Unnerluunneqartup najuutinnginnerani suliap ingerlanneqarnera

2.3.1. Inatsisit atuuttut

Eqqartuussisarnermik inatsimmi § 451-imi oqaaseqatigiit siulliit malillugit, pingaarnertut isumaqatigiinniarnernup nalaani tamarmi, suliap eqqartuussutigineqarnissaa tikillugu, unnerluunneqartoq aallaaviatigut inuttut najuutissaaq.

Taamaattoq eqqartuussisarnermik inatsimmi § 451-imi oqaaseqatigiit aappaat malillugu, unnerluunneqartup nassuiaanerata kingorna, unnerluunneqartup eqqartuussivik qimassagaa, eqqartuussisut siulittaasuata akuerisinnaavaa.

Pingaarnertut isumaqatigiinniarnermut aggeqqusissut unnerluunneqartumut minnerpaamik sapaatip akunneranik ilimasaarilluni nalunaarutigineqassaaq, tamanna eqqartuussisarnermik inatsimmi § 441, imm. 2 aamma 3 malillugit unnerluunneqartup innimigineqarnissaanut naapertuuttutut isumaqarfigineqarpat, taamaattoq pisuni pisariaqavissuni ilimasaarineq sivikinnerusoq eqqartuussiviup aalajangersinnaavaa.

Pingaarnertut isumaqatigiinniarnermut unnerluussaqq takkutinnigippat, pissusissamisoortumik aggeqquneqarsimanngippat, suliaq suliarineqarsinnaanngilaq. Aammattaaq eqqartuussisarnermik inatsimmi § 452, imm. 1 malillugu unnerluunneqartup tigusarineqarnissaa pillugu aalajangiisoqarsinnaanngilaq. Taamaammat suliaq taamaappat unnerluunneqartup pissusissamisoortumik aggeqquneqarnissaa siunertaralugu kinguartinneqassaaq. Sulisaatsit malillugit unnerluunneqartoq pissusissamisoortumik aggeqquneqarsimanngippat, eqqartuussiviup amerlanertigut sioqqutsilluni eqqartuussinissaq taamaatitittarmagu maluginiarneqassaaq.

Unnerluunneqartoq pissusissamisoortumik aggeqquneqarsimappat aamma pingaarnertut isumaqatigiinniarnermut inatsisinut naapertuuttumik pisinnaannginnerminik nalunaarnani takkutinnigitsoorpat, eqqartuussisarnermik inatsimmi § 452, imm. 1 malillugu eqqartuussivimmi sassartinneqarnissaa siunertaralugu, unnerluunneqartup tigusarineqarnissaa eqqartuussiviup aalajangersinnaavaa.

Pisut ilaanni unnerluunneqartoq najuutsinnagu suliaq aamma suliarineqarsinnaavoq aamma taamaattoqassappat aalajangiiffigineqarsinnaalluni. Pisuni tamani unnerluunneqartup pissusissamisoortumik aggeqquneqarsimanissaa aamma inatsisinut naapertuuttumik pisinnaannginnerminik ilisimatitsisimannginnissaa piumasagaataavoq.

Unnerluunneqartumut innimigisassanut tamanna naapertuuttutut eqqartuussivik isumaqarpat, aamma killisiuinissap kinguartinneqarnera takkussimasunut annertuumik ajoqutaassappat imaluunniit eqqartuussisarnermik inatsimmi § 453, imm. 2 malillugu suliap sivirusumik kinguartinneqarnissaanik kinguneqassappat, inunnik aggersimasunik (ilisimannittunik aamma taamaattoqarpat unnerluussaaqataasunik) killisiuisoqarnissaa eqqartuussiviup aalajangersinnaagaa, suliani tamani atuuppoq. Unnerluutigineqartoq illersuisoqarpat, illersuisoq aatsaat takkussimappat, killisiuineq pisinnaavoq. Sulisaatsimi piumasagaatit taakku nalinginnaasumik naammassineqartarput, kisianni ataatsimut isigalugu unnerluunneqartoq najuutsinnagu suliap suliarineqarnissaa naleqquttuunersoq eqqartuussiviup nalilersuineranit tunngaveqassaaq. Tamanna pillugu ataani allassimasut malillugit, unnerluunneqartoq najuutsinnagu suliap aamma aalajangiiffigineqarnissaanut piumasagaatit naammassineqarsimappata, suliap suliarineqarnera naleqquttuusoq eqqartuussivik tamatigut isumaqarsimassagunarpoq. Unnerluunneqartup aggerluni aamma pingaarnertut isumaqatigiinniarnermut piffissaliunneqartup iluani takkunnissani naatsorsuutigalugu ilisimatitsissutigisimappagu, tamanna aamma pisinnaavoq. Kisianni suliaq pinngitsoornani kinguartinneqartussaaitillugu, pisut ilaanni, killisiuinerit naammassineqarnissaannut, eqqartuussisup eqqartuussisooqataasullu taakku suliamik ingerlatitseqqinnermi eqqartuussisuunissaannut kinguneqartumik, taarsiullugu, ilisimannittut aggersimasut aggeqqeqquneqarnissaat naleqqunnerpaajusoq eqqartuussivik isumaqassaaq.

Unnerluussisussaaitaasut tamanna eqqartuussisutigeqquppassuk aamma eqqartuussisarnermik inatsimmi § 453, imm. 3 malillugu unnerluussaasup najuunnissaa eqqartuussiviup pisariaqanngitsutut isigippagu, pisuni tallimani unnerluussaasup najuutinnginnerani suliaq eqqartuussutigalugu suliarineqarsinnaavoq. Taaneqareersutut unnerluussaasup pissusissamisoortumik aggeqquneqarsimanissaa aamma inatsisinut

naapertuuttumik pisinnaannginnerminik ilisimatitsisimannginnissaa piumasaqaataavoq.

Eqqartuussisarnermik inatsimmi § 453, imm. 3, nr. 1 malillugu pineqartumut allagaq unnerluussut nalunaarutigineqarsimanerata kingorna, unnerluusaaq qimaasimappat, siullertut tamanna atuuppoq.

Eqqartuussisarnermik inatsimmi § 453, imm. 3, nr. 2 malillugu unnerluussaasoq suliap aallartinnerani najuussimanermi kingorna eqqartuussivik akuersiteqqaarnagu eqqartuussivik qimassimappagu, aappaattut tamanna atuuppoq. Aalajangersagaq ima isumasiorneqassaaq, pingaarnertut isumaqatigiinniarnerni ullormik ataatsimik sivisunerusuni, pisuni, taakkunani unnerluussaasoq pingaarnertut isumaqatigiinniarnerni ulluani siullermi najuussimalluni aamma eqqartuussivik akuersiteqqaarnagu pingaarnertut isumaqatigiinniarnerni ulluini kingusinnerusuni takkutinngitsoorsimalluni.

Sulip nalaani inissiisarfimmi ukiumik 1-mik ataalluguluunniit inissiinissaa, arsaarinninnissaa, anisitaanissaa, pisinnaatitaaffinnik arsaarinninneq imaluunniit taarsiissuteqarneq pillugit taamaallaat apeqqutit pineqarpata, aamma eqqartuussisarnermik inatsimmi § 453, imm. 3, nr. 3 malillugu unnerluussaasoq pingaarnertut isumaqatigiinniarnerni naammassineqarnissaa akuersissutigisimappagu, pingajuattut tamanna atuuppoq.

Unnerluussaasoq inissiisarfimmi qaammatini 6-nni imaluunniit ataallugu inissinneqarnissamik, akiliisitsissummik, arsaarinninnermik, anisitaanermik, biilersinnaanerup arsaarinnissutigineqarneranik imaluunniit taarsiissuteqarnissamik eqqartuunneqarnermit allanerusunik malitseqartitsivigineqanngippat, sisamaattut tamanna attuuppoq. Inatsisinut naapertuuttumik pisinnaannginnermik ilisimatitsinani najuutinnginnerup, eqqartuussisarnermik inatsimmi § 453, imm. 3, nr. 4 malillugu unnerluunneqartup pissutsinut unnerluussummi tunngavigineqartunut eqqartuunneqarsinnaanerata aggeqqusissummi takuneqarsinnaanissaa, pisumi tassani piumasaqaataavoq.

Eqqartuussisarnermik inatsimmi § 453, imm. 3, nr. 5 malillugu qularisassanngitsumik sulip suliarineqarnera unnerluussaasup pinngitsuutinneqarneranik kinguneqarnissaa eqqartuussiviup ilimagippagu, tamanna tallimaattut atuuppoq.

Suliaq § 453, imm. 3, nr. 4 malillugu unnerluussaasup najuutinnginnerani suliarineqarpat, eqqartuunneqartup inatsisinut naapertuuttumik najuutinnginnini aamma pineqartoq pissutsini silatussutsiminik atuisinnaannginnermini tamatuminnga nalunaaruteqarnissaminik akornuserneqarsimanini uppersarsarsinnaappagu, imaluunniit eqqaartuussisarnermik inatsimmi § 592 a malillugu sassaqqusissut piffissaq eqqorlugu eqqartuussaasumit ilisimaneqalersimanngippat, eqqartuussaasup suliap nutaamik isumaqatigiinniussutigineqarnissaata aallarteqqinneqarnissaa piumasaqaatigisinnaavaa. Piumasaqaat, eqqartuussutip nalunaarutigineqarneranit ullut 14-it iluanni eqqartuussivimmut suliamik eqqartuussisimasumut saqqummiunneqassaaq. Piumasaqaat kingusinnerusukkut tunniunneqarpat, kisianni eqqartuussutip nalunaarutigineqarnerata kingorna ukiup 1-p iluani, eqqartuussiviup qaqutiguinnaq suliaq aallarteqqissinnaavaa.

Suliani, taakkunani akiliisitsinermik, arsaarinninnermik imaluunniit biilersinnaanermut allagartaajagaanermi imaluunniit taarsiissuteqarnermit pineqaatissiinertut imaluunniit inatsisitigut kinguneqartitsinernik allaanerusumik apeqquteqarfiunngitsuni, aamma unnerluunneqartumut suliaq immikkut ittumik akuliunnerunngippat, suliaq eqqartuussisarnermik inatsimmi § 452, imm. 2 malillugu taamatuttaaq unnerluunneqartup najuutinnginnerani aalajangiiffigineqarsinnaavoq. Pisumi tassani unnerluunneqartup nassuersimaneratut eqqartuussiviup suliaq suliarissavaa, aamma unnerluunneqartoq pingaarnertut isumaqatigiinniarnep nalaani akuerisaasumik pisinnaannginnermik nalunaarsimatinnagu, allamik uppersaasiinngikkaluarluni suliaq aalajangiiffigisinnaavaa. Unnerluunneqartup pisuuneranut uppersaasiisoqassanngitsoq tamatuma kinguneraa, tassami unnerluunneqartut takkutinngitsoornermigut pisuusutut isigineqassammat.

Eqqartuussisarnermik inatsimmi § 452, imm. 2 malillugu unnerluunneqartoq takkutinngitsoortutut eqqartuunneqarpat, pineqartup suliap suliareqqinneqarnissaa noqqaassutigisinnaavaa. Eqqartuussisarnermik inatsimmi § 452, imm. 3 malillugu eqqartuussivimmut eqqartuussummik eqqartuussisimasumut eqqartuunneqartup eqqartuussummik nalunaarfigineqarnerata kingorna kingusinnerpaamik ullut 14-t qaangiutsinnagit noqqaassut saqqummiunneqassaaq.

2.3.2. *Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq*

Unnerluunneqartup takkutinngitsoornerani suliap ingerlanneqarnissaa eqqarsaatigalugu allannguutit, Rørdamudvalgip siunnersuuteqarnerata malittarisaanik eqqartuussisarnermi piuminarsaaneq siunertaralugu qallunaat eqqartuussisarnermik inatsisaanni suliarineqarsimasut, aamma Kalaallit Nunaanni naammassineqarnissaat naleqquttuunersoq, Inatsiseqarnermut ministereqarfiup isumaliutigisimavaa.

Suliani takkutinngitsoorfiusuni unnerluunneqartup najuutinnginnerani ukioq 1 tikillugu eqqartuussisoqarsinnaanerata *periarfissinneqarnera*, aamma eqqartuussiviup qimannissaanut akuersissuteqarnissaq pillugu aalajangersakkap atuuttup unnerluussaasup nalinginnaasumik pingaarnertut isumaqatigiinniarnep nalaani takkutinnginnissaata *periarfissinneqarneranik* annertusineqarnera, aamma suliaq ulluni arlalinni suliarineqartussaattillugu unnerluunneqartoq najuutsinnagu suliap naammassineqarsinnaanerata *periarfissinneqarnera*, aamma unnerluussaasoq ulloq siulleq takkuppatt tamatumalu kingorna kingusinnerusukkut suliap eqqartuussivimmi suliarineqarnerani takkutinnginnissaa, qallunaat eqqartuussisarnermik inatsisaanni allanngortitsinerit kinguneraat.

Unnerluussaasup najuutinnginnerani pillaatissiinissamik suliat suliarineqartarnerat pillugu qallunaat eqqartuussisarnermik inatsisaannit maannamut malittarisassat atuuttut aamma eqqartuussisarnermik inatsisip malittarisassaasa akornanni annertuumik assigiittoqarpoq, aamma Danmarkimisut Kalaallit Nunaanni allannguutit assigisaasa naammassineqarnissaat naleqquttuussasoq, Inatsiseqarnermut ministereqarfik isumaqarpoq.

Qallunaat eqqartuussisarnermik inatsisaanni aammattaaq allannguneq naammassineqarpoq, allanguinerullu taassuma akiliisitsinermik suliap unnerluunneqartup takkutinngitsoortup nassuersimaneratut eqqartuussivimmit suliarineqarnissaa *periarfissiissutigaa*, aamma biilersinnaanermut allagartaajagaaneq pillugu apeqqut pineqartillugu. Periarfissaq taanna eqqartuussisarnermik inatsimmi § 452, imm. 2 malillugu Kalaallit Nunaanni *periarfissaareerpoq*, aamma taamaammat

immikkoortumi tassani Kalaallit Nunaanni allannguisoqarnissaa pisariaqartinneqanngilaq.

Tamanna tunngavigalugu unnerluussaasup takkutinngitsoortup ilaatigut inissiisarfimmi qaammatini 6-nni imaluunniit taakku ataallugit inissinneqarnissamik eqqartuunneqarsinnaanera pillugu malittarisassap allanngortinneqarnissaa siunnersuutigineqarpoq, taamaalilluni unnerluussaasup takkutinngitsoortoq ilaatigut inissiisarfimmi ukiumi 1-imi imaluunniit taanna ataallugu inissinneqarnissaa eqqartuussutigineqarsinnaavoq.

Unnerluussaasup nassuiaanerata kingorna, unnerluussaasup eqqartuussivimmik qimatsisinnaanera eqqartuussisut siulittaasuata akuersissuteqarsinnaanera pillugu malittarisassap allanngortinneqarnissaa aammattaaq siunnersuutigineqarpoq, taamaalilluni unnerluunneqartup noqqaassuteqarneratigut unnerluussaasup pingaarnertut isumaqatigiinniarnernup nalaani imaluunniit taassuma ilaani najuutinnginnissaa eqqartuussisut siulittaasuata akuerisinnaavaa.

Suliaq ulluni arlalinni ingerlanneqartussaatiillugu, aamma unnerluussaasup ulloq siulleq takkuppata tamatumalu kingorna ullormi eqqartuussiffiusumi kingusinnerusumi takkutinngippat, eqqartuussaasup najuutsinnagu suliap naammassineqarsinnaanissaa naggataagut siunnersuutigineqarpoq.

Inatsisissatut siunnersuummi § 1, nr. 19-miit 25 ilanngullugu aalajangersakkat (eqqartuussisarnermik inatsimmi § 451, § 453, imm. 1, 3 aamma 4, § 467, imm. 2, nr. 6, § 474, imm. 3, aamma § 592 a, imm. 1) taakkununngalu oqaaseqaatit innersuussutigineqarput.

2.4. Akuusut- aamma ilisimannittut allakkatigut nalunaarutaat

2.4.1. Inatsisit atuuttut

Eqqartuussisarnermik inatsimmi § 183 malillugu, pineqartup eqqartuussivimmut oqalulluni nassuiaateqarnissaa pisariaqanngitsutut nalilerneqarpat, inuit sakkutuujunngitsut pillugit suliame akuusumit imaluunniit ilisimannittumit nalunaarutip uppersaattitut atornerneqarnissaa, eqqartuussiviup akuerisinnaavaa. Oqaaseqatigiit siulliit malillugit eqqartuussivik aalajangiitinnagu, illuatungiusoq apeqqut pillugu oqaaseqarsinnaanermik periarfissinneqassaaq.

2.4.2. Inatsiseqarnermut ministereqarfiup isumaliutiginninnera aaqqissuussinerlu siunnersuutigineqartoq

Danmarkimi akuusut- aamma ilisimannittut allakkatigut nalunaarutaasa atorneqartarnerisa annertusineqarnissaat partiit isumaqatigiissusiortut isumaqatigiissutigaat.

Akuusut- aamma ilisimannittut allakkatigut nalunaarutaasa annertunerulernissaat pillugu isumaqatigiissut, Retsplejeråd-imit innersuussuomit tunngaveqartup, aamma Kalaallit Nunaannut naleqquttuunersoq Inatsiseqarnermut ministereqarfiup isumaliutigisimavaa.

Maannamut naleqqiullugu akuusunit- aamma ilisimannittunit allakkatigut nalunaarutit annertunerusumik atorneqartarnissaat Retsplejeråd-ip innersuussutigaa. Sulisaatsimit massakkut pisumit, allakkatigut nalunaarutit eqqartuussisarnermut tunngasuuteqartumik nangaassutissaqarani annertunerusumik atorneqarsinnaasut siunnersuisoqatigiit erseqqissumik isumaqarput. Siunnersuisoqatigiit paasinninnerat malillugu pingaarnertut isumaqatigiinniarnep nalaani aamma suliap annertussusaa naleqqussarniarlugu taamaalillunilu piffissap atorneqartup suliamilu aningaasartuutit killilerneqarnissaannut atorneqanngitsunik ilippanartoqarnera naatsorsuutigineqartariaqarpoq.

Eqqarsaatigisassat aamma taakku Kalaallit Nunaanni atuuttut, Inatsiseqarnermut ministereqarfik isumaqarpoq.

Akuusut- aamma ilisimannittut allakkatigut nalunaarutaat pillugit qallunaat eqqartuussisarnermik inatsisaanni malittarisassat allanngortinneqarnissaat Retsplejeråd-ip siunnersuutigisimanngilaa, kisianni akuusut- aamma ilisimannittut allakkatigut nalunaarutaat malittarisassat atuuttut killissarititaasa iluanni massakkumut naleqqiullugu annertunerusumik atorneqarnissaat innersuussutigisimallugu.

Akuusut aamma taakku eqqartuussinermi sinniisutut pisinnaatitaatitaasa soorlu aamma eqqartuussiviup annertunerusumik akuusut- imaluunniit ilisimannittut allakkatigut nalunaarutaat suliapi piffissamik imaluunniit aningaasartuutini sipaartitsisinnaannginnersut, siunissami ullumikkumut naleqqiullugu sianigissagaat, tamanna tunngavigalugu inatsisissatut siunnersuutikkut naatsorsuutigineqarpoq.

2.5. Eqqartuussummik naammassititsiniaasarnermik suliat

2.5.1. Inatsisit atuuttut

2.5.1.1. Eqqartuussummik naammassititsiniaanermik oqartussaasup akiitsullip pigisaani nalilinni akiliussinernik suliaqarnikkut aningaanic piumasaqaatit naammassisarpai. Eqqissisimatitaanissamik malittarisassamik taaneqartoq Danmarkimi 1976-imi eqqunneqarpoq, taassumalu piffissami akiitsullip pisassalimmit akiliussinissamut piumasaqaatinit “eqqissisimatinneqarnera” eqqunneqarpoq. Malittarisassap assinga eqqartuussisarnermik inatsimmi § 603 malillugu Kalaallit Nunaanni inatsisinik tunngavissinneqarpoq, kisianni Kalaallit Nunaanni eqqartuussiveqarneq pillugu isumaliutissiisummi nr. 1442/2004-imi, atuagaq 2-mi, qupperneq 642 malillugu tamanna sioqqullugu tamanna pillugu inatsisitigut malittarisassamik erseqqilluinnartumik peqarani atorineqartarsimavoq. Akiligassaqaarfik aningaasanik piumasaqaatiminik matussusiissussanik akiliussinernik naammattumik pisimanngitsoq, kingullermik akiliisitsiniarnerup kingorna qaammatit 6 ingerlareernerisa kingorna akiliisitsisarnermut eqqartuussiviup imaluunniit oqartussaasut pisortanut akiitsunik akiliisitsiniartartuata, akiligassanut akilerneqareersussaagaluanut imaluunniit taakku ilaasa akilerneqarnissaat siunertaralugu, akiitsullip pigisaani nalilinni qularnaveeqqusiisummik tigusineranik ingerlatsinermik nutaamik aatsaat noqqaassuteqarsinnaanera, malittarisassap siunertaraa. Eqqartuussummik naammassititsiniaasartup nalunngikkuniuk, akiliisitsiniaasoqarsimanerata kingorna qaammatit kingulliit 6 iluanni, tassani akiliussinissaq anguneqarsinnaasimanani, akiitsulimmi akiliisitsisarnermut eqqartuussiviup imaluunniit oqartussaasut pisortanut akiitsunik akiliisitsiniartartuata, akiligassanut akilerneqareersussaagaluanut imaluunniit taakku ilaasa akilerneqarnissaat siunertaralugu, akiitsullip pigisaani nalilinni qularnaveeqqusiisummik tigusinernik suliaqarnissaq aammattaaq eqqartuussummik naammassititsiniaasartup itigartitsissutigisinnaavaa.

Taamaattoq akiitsulik, akiliisitsisummik akiliisitsinissamut siuliaqarfigineqarsinnaasunik pigisanik nalilinnik peqartoq naleqquttumik pissutissaqartutut isumaqarfigineqarpat, imaluunniit allakkut pissutsinik immikkut ittunik, eqqartuussisarnermik inatsimmi § 603, imm. 2 malillugu akiliisitsisarnermut eqqartuussiviup imaluunniit oqartussaasut pisortanut akiitsunik akiliisitsiniartartuata, akiligassanut akilerneqareersussaagaluanut

imaluunniit taakku ilaasa akilernerqarnissaat siunertaralugu, akiitsullip pigisaani nalilinni qularnaveeqqusiisummik tiguseranik suliarineqarnissaanik naleqquttunngortitsisumik peqarpat, eqqissisimatitsinissamik malittarisassaq atuutinngilaq.

Ataatsimiititaliamit, akiliussinerit aamma pisassat piniarlugit akiitsullip pigisaasa ilaanit qularnaveeqqusiisummik tiguserit il.il. pillugit malittarisassanik misissuinerimik suliaqartup innersuussuteqarneratigut eqqissisimatitaanissamik malittarisassaq Danmarkimi eqqunneqarpoq. Pisassaartup akiitsulik, naak taassuma aningaasarnikkut atugarisai allanngunngikkaluartut, aamma akiitsullip pigisat nalillit akiliussissutaasinnaasut suli amerlanerusut takutissinnaanngikkaluarai, pisassallip akiitsulik akulikilliarthortumik ataatsimiigiallullugu pinngitsaalisinnaammagu, isumaliutissiisummi nr. 634/1971-imi qupperneq 64 malillugu ataatsimiititaliap tulluannngitsutut isigaa, isumaliutissiisummi takuneqarsinnaavoq. Aningaasartuutit akiitsulimmut akileqqullugit naalakkiutigineraartut, annertusisartut, aamma akiitsulik amerlanertigut akiliisitsisarnermut eqqartuussivimmi aggeqquneqarnermigut sulinerminit iluanaarutissaraluaminik annaasaqartarnera, akiliisitsisarnermut eqqartuussivimmut aggersarneqarnerit tamaasa kingunerisaraat, ataatsimiititaliap innersuussutigaa. Akiitsullip pigisanik nalilinnik nutaanik, akiliussinerimik akiliutigineraarsinnaasunik, pisarsimanersooq pillugu utaqqinissamut, piffissaq killilik qaammatinik arfinilinnik sivilutiginisooq naleqquttutut missiliorneqartoq, ataatsimiititaliap aammattaaq taavaa.

2.5.1.2. Aallaaviatigut sapinngisamik eqqartuussummik naammassititsiniaanissamut piffissaq sumiiffillu pillugit eqqartuussummik naammassititsiniaasartup akiitsulik nalunaarfigissavaa, aamma eqqartuussisarnermik inatsimmi § 604 malillugu akiitsulik akiliisitsiniarnermi inuttut najuuteqqullugu aammattaaq naalakkersinnaavaa. Eqqartuussisarnermik inatsimmi § 607, imm. 2 malillugu ilaatigut akiitsullip pigisanik nalilinnik, akiliussissutaasinnaasunik takutitsinissaminik pisinnaatitaaffia taamaaliornerup qulakkiissavaa. Eqqartuussisarnermik inatsimmi § 605, imm. 1-imi oqaaseqatigiit siulliit malillugit, naak akiitsulik najuutinngikkaluartoq imaluunniit peqanngikkaluartoq, akiliisitsiniarneq suliarineqarsinnaavoq, kisianni eqqartuussisarnermik inatsimmi § 605, imm. 3 malillugu akiitsullip najuunnissaa kissaatigineraqpat, akiliisitsisarnermut eqqartuussiviup aamma akiliisitsiniarnerup

kinguartinneqarnissaa qinersinnaavaa. Akiitsulik akiliisitsiniarnermut aggeqquneqarsimappat, aamma inatsisinut naapertuuttumik pissuteqarani agginngippat, eqqartuussisarnermik inatsimmi § 150, imm. 1 nr. 2 malillugu § 604, imm. 4 malillugu akiitsullip politiinit aaneqarnissaa eqqartuussummik naammassititsiniaasartup aamma aalajangersinnaavaa. Eqqartuussisarnermik inatsimmi § 197 malillugu akiliisitsisarnermut eqqartuussiviup imaluunniit oqartussaasut pisortanut akiitsunik akiliisitsiniartartuata, akiligassanut akilerneqareersussaagaluanut imaluunniit taakku ilaasa akilerneqarnissaat siunertaralugu, akiitsullip pigisaani nalilinni qularnaveeqqusiissummik tiguserata nalaani akiitsulik eqqartuussinermi sinniisutut pisinnaatitaasumit sinniiseqarsinnaavoq, kisianni eqqartuussummik naammassititsiniaasartup tamanna aalajangersimappagu, inuttut takkunnissaminik pisussaaffeqarpoq.

Danmarkimi akiliisitsisarnermut eqqartuussiviup allaffiani akiitsulik najuutsinnagu qularnaveeqqusiussaqarluni taarsigassarsinermi allagartaq malillugu imaluunniit eqqartuussisarnermik inatsimmi § 495, imm. 1-imi oqaaseqatigiit aappaat malillugu inatsisitigut aalajangikkamik illumi qularnaveeqqummit piumasaqaammut pigisani aalaakkaasuni akiliussineq suliarineqarsinnaavoq. Pigisani arsaarinnissutaasimasuni, politiit tiguserasaanni, eqqartuussisarnermik inatsimmi § 495, imm. 3-mi oqaaseqatigiit pingajuat malillugu piumasaqaatinut akiligassanut kinguaattoorutaasunut, akiliisitsiniarnermik oqartussaasunit akiliisitsiniutigineqartunik, akiliussineq eqqartuussiviup allaffiani aammattaaq suliarineqarsinnaavoq. Pisunut allanut, matumani pigisami qularnaveeqqut malillugu pigisani aalaakkaasuni, biilini aamma umiarsuarni qularnaveeqquteqartinnagu akiliussineq, akiitsulik imaluunniit taassuma sinnissaa najuutsinnagu, eqqartuussiviup allaffianit akiliussineq suliarineqarsinnaanngilaq. Taamaattoqarpat akiitsulik politiini sassartinneqassaaq, imaluunniit ullormik, eqqartuussummik naammassititsiniaasartup aamma akiligassaqarfigisap sinniisaata, ilisaqqunnartumik akiitsullip najugaani, takkunnissaannik akiliisitsiniarnermut eqqartuussiviup ilisimatitsissuteqarsimanera pisimassaaq. Nalinginnaasumik oqaatigalugu, akiitsulik najukkamini peqummik akiliussinermik suliaqarfiginiarlugu kissaateqarfiusumik peqarpat, imaluunniit pigisami qularnaveeqqusiissut malillugu pigisami aalaakkaasumi akiliussinermik suliaqartoqarpat, Danmarkimi akiliussineq taamaallaat suliarineqarsinnaavoq.

Kalaallit Nunaanni eqqartuussiveqarneq pillugu isumaliutissiissut, atuagaq 2, qupperneq 644 malillugu, pisuni amerlasuuni “inuup imaluunniit pequtip” piareersimatinneqarnissaannik kimigiiserneq pisariaqanngitsumik eqartumik suliaqartitsinermik aamma akitsorsaanermik kinguneqartoq, Kalaallit Nunaanni Eqqartuussiveqarneq pillugu Ataatsimiititaliarsuaq isumaqarpoq. Taamaammat, pigisat nalillit, akiitsullip pigisaatut isumaqarfigineqartut aamma taassuma akiitsuinut akiliussissutaasinnaasutut isumaqarfigineqartut pillugit paasissutissanik naammattumik peqartoqartillugu, akiitsulik najuutsinnagu akiliussinerit suliarineqarsinnaasariaqarnerat, ataatsimiitsitaliarsuup siunnersuutigaa. Taamaalilluni Danmarkimi pisartunut akerliusumik, eqqartuussisarnermik inatsimmi § 605, imm. 1-imi oqaaseqatigiit aappaat malillugu pequt akiliussissutaasusaaq naammattumik qularnaatsuunera aalajangerneqarsinnaappat, Kalaallit Nunaanni eqqartuussummik naammassisitsiniaasartup allaffiani akiitsulik najuutsinnagu akiliussineq suliarineqarsinnaavoq.

2.5.1.3. Aammattaaq eqqartuussummik naammassitsiniaasartup erniinnaartumik akiliisitsiniarnerit suliassarai – imaappoq eqqartuussisarnermik inatsimmi § 632 malillugu pigisanut aalaakkaasunut imaluunniit pigisanut tiguneqarsinnaasunut piginninnermik piumasaqaatit pillugit – pinngitsaalilluni naammassitsiniaanissamut tunngavimmik, soorlu eqqartuussummik, peqanngikkaluartoq eqqartuussummik naammassitsiniaasartuq akiliisitsiniartussaavoq. Erniinnaartumik akiliisitsiniarneq assersuutigalugu attartortup attartukkamit atorunnaarsinneqartumit anisinneqarneranut tunngassuteqarsinnaavoq.

Pisinnaatitaasup eqqartuussummik naammassisitsiniaasumut pisussaataitaasumut piumasaqaamminik qularnarunnaarsitsinissaa imaluunniit ilimanarnerulersitsinissaa piginninnermik piumasaqaatit erniinnartumik akiliisitsiniutigineqarsinnaanerannut piumasaqaataavoq. Erngertumik akiliisitsiniarnerit taamaalillugit ingerlatsinermut systemimut nalinginnaasumut naleqqiullugit ilanngunneqanngillat, tassami pigisanut aalaakkaasunut imaluunniit pigisanut, pinngitsaaliilluni naammassininnissamut tunngavimmik nalinginnaasumik peqanngikkaluartoq, piginninnermik piumasaqaatit naammassineqarnissaannut eqqartuussummik naammassitsiniaasartumut malittarisassat piginnaasaqalersitsippat.

Eqqartuussisarnermik inatsimmi § 597 malillugu politiit tassaapput erngertumik akiliisitsiniarnerni eqqartuussummik naammassititsiniaanermut oqartussaasuusut.

Politiit imaluunniit oqartussaasut pisortanut akiligassanik akiliisitsiniartartup pinngitsaaliilluni naammassititsinerannut akerliliinerit erniinnaartumik akerlilernerqarsinnaanngitsut saqqummiunneqarpata, eqqartuussummik naammassititsiniaasartup pinngitsaaliilluni naammassititsinissamik noqqaassut pillugu naammassinninnissaq itigartitsissutigissavaa aamma eqqartuussisarnermik inatsimmi § 609, imm. 1-imi oqaaseqatigiit siulliit malillugit suliaq najukkami eqqartuussivimmut saqqummiutissallugu. Pinngitsaaliilluni naammassititsineq pillugu [VIII-imi immikkoortumi] malittarisassat malillugit najukkami eqqartuussiviup suliaq suliariniarlugu aalajangiingippagu, inuit sakkutuujunngitsut pillugit suliat pillugit malittarisassat malillugu suliaq suliarineqassaaq.

2.5.1.4. Akiitsullip akiliinissaa naatsorsuutigineqanngippat, eqqartuussutitaqanngitsumik arsaarinninneq tassaavoq utaqqiisaagallartumik pisinnaatitaammik naammassinninnissamut atortoq, aningaasaqarnermut tunngasumik piumasaqaatit naammassineqarnissaannut qulakkeerinninnermi atorneqartartoq, tassani eqqartuussutitaqanngitsumik arsaarinninnermi atortunik imaluunniit pequtunik akiitsullip aalajangiisinnaatitaanera eqqartuussutitik naammassisitsiniaasartup arsaarinnissutigisarpaa. Eqqartuussutitaqanngitsumik arsaarinninneq assersuutigalugu piumasaqaatinik akiliisitsiniarnerni, taakkunani akiitsullip pigisaasa nalillit tunineqalernerat imaluunniit inummut pingajuusumut tunniunneqalernerat pasilliunneqarpata, naleqquttuusinnaavoq.

Piumasaqaammut akiliussisoqarsinnaanngippat, aamma eqqartuussisarnermik inatsimmi § 678 malillugu kingusinnerusukkut matussusiinissamut periarfissaq taamaanngippat pingaarutilimmik ajornerulersinneqassasoq isumaqarfigineqarpata, aningaasaqarnermut tunngasumik piumasaqaatinut eqqartuussutitaqanngitsumik arsaarinninneq eqqartuussummik naammassititsiniaasartup suliarisinnaavaa. Piumasaqaammut pinngitsaaliilluni naammassinninnissamut tunngavissaqanngilaq (taamaappat, akiliussineq suliarineqarsinnaavoq), aamma eqqartuussisarnermik inatsimmi § 683, imm. 1 malillugu akiitsullip eqqartuussinertaqanngitsumik

arsaarinninnerup nalaani imaluunniit kingorna eqqartuussivikkoortitsineq taamaatitinngippagu, akiligassa qarfigisap eqqartuussutitaqanngitsumik arsaarinniffiusut pillugit sapaatip akunnera ataaseq naatinnagu, eqqartuussisutigoortumik sulissutigisitsissaaq.

Suliap qanoq ililluni suliarineqarnissaa, matumani eqqartuussiviup allaffiani ataatsimiinnikkut pissanersaq imaluunniit ullormik, eqqartuussummik naammassititsiniaasartup aamma akiligassa qarfigisap sinniisaata, ilisaqqunnartumik akiitsullip najugaani, takkunnissaannik akiliisitsiniarnermut eqqartuussiviup ilisimatitsissuteqarsimaneratut pissanersaq, aamma akiitsulik akiliisitsiniarneq pillugu ilisimatinneqassanersaq, eqqartuussinertaqanngitsumik arsaarinninnissaaq pillugu noqqaassummi akiligassa qarfigisap ilaatigut allassavai. Pissutsit eqqartuussinertaqanngitsumik arsaarinninnernut pissutissaqartitsilersut, akiligassallip akiliisitsiniarneq pillugu nalunaarfigineqannginnissaa amerlanertigut tunngavissaqartilersarpaat.

Suliap suliarineqarnera eqqarsaatigalugu pinngitsaaliilluni naammassititsineq pillugu malittarisassat, eqqartuussisarnermik inatsimmi § 681, imm. 2 malillugu suliat assigiinngissutaasa malitsigisaat allannguutigalugit, taamatuttaaq atuupput. Taamaalilluni imm. 2.5.1.2-mi qulaani allassimasooq malillugu pequt akiliussinermut atorneqartussap naammattumik qularnarunnaarsinneqarnera aalajangerneqarsinnaappat, Danmarkimut naleqqiullugu akerliusumik Kalaallit Nunaanni akiitsulik najuutsinnagu eqqartuussinertaqanngitsumik arsaarinninneq suliarineqarsinnaavoq.

2.5.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Eqqartuussummik naammassitsiniaaneq pillugu suliat eqqarsaatigalugit, Rørdamsudvalg-ip siunnersuutaa malillugu eqqartuussisarnerup piuminarnerulersinneqarnissaa siunertaralugu allanngortitsinerit qallunaat eqqartuussisarnermik inatsisaanni suliarineqartut, aamma Kalaallit Nunaannut naammassineqarnissaat naleqquttuunnginnersoq, Inatsiseqarnermut ministereqarfiup isumaliutigisimavaa.

Qallunaat eqqartuussisarnermik inatsisaanni eqqartuussummik naammassitsiniaasarneq pillugu suliani allanngortitsinerit ilaatigut akiitsullit akiliisinnaajunnaarnikkut eqqissisimatinneqarnissaannut

piffissaliussap qaammatinit arfinilinnit ukiumut ataatsimut sivitsorneqarnissaanut ilaatigullu, eqqartuussiviup allaffiata akiitsulik najuutsinnagu eqqartuussummik naammassisitsiniaaneq pillugu sulianik aalajangiisinnaaneranut periarfissat annertusineqarnissaannut tunngassuteqarput.

Eqqissisimatinneqarnissamik piffissaliussap takissusaa pillugu eqqarsaatigisassat Danmarkimisut Kalaallit Nunaanni atuuttut, Inatsiseqarnermut ministereqarfik isumaqarpoq, aamma tamanna tunngavigalugu Kalaallit Nunaanni eqqissisimatinneqarnissamik piffissaliussaq qaammatinit arfinilinniit ukiumut ataatsimut sivitsorneqarnissaa siunnersuutigineqarpoq.

Inatsisissatut siunnersuummi § 1, nr. 34 (eqqartuussisarnermik inatsimmi § 603, imm. 1) tassungalu oqaaseqaatit innersuussutigineqarput.

Akiitsulik najuutsinnagu eqqartuussutininik naammassisitsiniaasartup allaffiani aalajangiinermik aalajangiisinnaanermut periarfissaq pineqartillugu, ullumik taamaaliornissamut Danmarkimut naleqqiullugu Kalaallit Nunaanni periarfissaqarneruvoq. Akiitsulik najuutsinnagu eqqartuussutininik naammassisitsiniaasartup allaffiani aalajangiinermik aalajangiisinnaanermut periarfissat annertusineqarneri taakku, qallunaat eqqartuussisarnermik inatsisaanni naammassineqartut, tamanna tunngavigalugu Kalaallit Nunaat pineqartillugu naleqqutinnngillat, tassami Kalaallit Nunaanni periarfissap assinga periarfissaareermat.

2.6. Nassuerneq pissutsitut pitsaanerulersitsisussatut periarfissiisoq

2.6.1. Inatsisit atuuttut

Nassuernermik suliaq eqqartuussisarnermik inatsimmi § 449 a malillugu pingaarnertut isumaqatigiinniarnermik uppernarsaasersukkamik suliaqaqqaarani, unnerluunneqartup nassuiaaserneranit najukkami eqqartuussivimmit aalajangiiffigineqarsinnaavoq. Ilaatigut pissutissalimmik pasisaq akuersissuteqarpat aamma nangaassuteqanngitsumik nassuerpat, paasissutissallu pigineqartut allat taamaattoqarnerata eqqortuunera qularnarunnaarsippassuk, suliaq eqqartuussisooqataasut peqataatinnagit najukkami eqqartuussisumit aalajangerneqarsinnaavoq.

Pissutsit annikinnerusumik akuliunnermik pineqaatissiinermik eqqartuussinissamik tunngaviliisinnaasut, imaluunniit pissutsit assigiinngitsut malillugit pineqaatissinnnginnissamik eqqartuussutaasinnaasut, eqqartuussisarnermik inatsimmi § 123, nr. 8 malillugu ilaatigut iliuuseqartup nammineq kajumissutsini malillugu imminut unnerluutigisimaneratut aamma tamakkiisumik nassuersimaneratut naatsorsuutigineqarput.

Pinerluttulerinermi inatsimmi 1954-imeersumi § 88, nr. 8-mi aalajangersakkap assinga nassaassaasimavoq, taassumalu nassuerneq pissutitut pitsaanerulersitsisussatut periarfissiisoq pillugu qallunaat eqqartuussisarnermik inatsisaanni 1930-imeersumi aalajangersagaq assigaa. Qallunaat eqqartuussisarnermik inatsisaanni 1866-imeersumi “pinerluttuliornermi nammineq kajumissutsiminik imminut pisuusutut imaluunniit pisooqataasutut unnerluuttoq aamma tamanna pillugu tamakkiisumik nassuiaateqartoq” pillugu aalajangersakkap assinga nassaassaareerpoq.

2.6.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq

Danmarkimi pineqaatissinneqarnerup uuttorneqarneranni, naak unnerluunneqartoq imminut unnerluussimanngikkaluartoq, aamma nassuerneq tamakkiisuunngikkaluartoq, unnerluunneqartup nassuersimanera nalinginnaasumik pissutsitut pitsaanerulersitsisutut ilaatinneqarnissaata inatsisitigut tunngavissaqartinneqarnissaa, partiit isumaqatigiissusiortut isumaqatigiissutigaat.

Iliuuseqartup nassuersimanera, naak iliuuseqartoq nammineq imminut unnerluussimanngikkaluartoq, aamma nassuerneq tamakkiisuunngikkaluartoq, tamanna tunngavigalugu pissutsit, Kalaallit Nunaanni akuliunnermik annikinnerusumik eqqartuussinissamut, imaluunniit pissutsit assigiinngitsut malillugit pineqaasissinnnginnissamut pissutissaqalersitsisinnaasutut naatsorsuutigineqartut, inatsisitigut tunngavissaqalersinneqartariaqartut, Inatsiseqarnermut ministereqarfik isumaqarpoq.

Inatsisissatut siunnersuummi § 2, nr. 1 (pinerluttulerinermi inatsimmi § 123, nr. 8), tassungalu oqaaseqaatit innersuussutigineqarput.

2.7. Eqqartuussutit oqaasertaliorneqarnerat

2.7.1. Inatsisit atuuttut

Eqqartuussisarnermik inatsimmi § 107, imm. 2 malillugu eqqartuussutit tamatigut tunngavilersorneqassapput, aamma pisuni immikkut ittumik aalajangiisoqarsimatillugu aalajangiinerit tunngavilersorneqassapput.

Eqqartuussisarnermik inatsimmi § 108, imm. 1 malillugu eqqartuussutit suliareqqitassanngortinneqartup inatsisitigut atortuutinneqarnera, pissutsit eqqartuussummi suliareqqitassanngortinneqartumi taaneqartut malillugit, imaluunniit tunngavilersuut nutaq malillugu pisinnaavoq.

Inuit sakkutuujunngitsut pillugit suliani eqqartuussutit akuusut piumasaqaataannik aamma suliap saqqummiunneqarneranik imaqassapput, matumani akuusut saqqummiussaasa oqaluttuareqqinneqarnerannik aamma pisariaqartinneqartumik annertuussusilimmik taakku ilisimannittullu nassuiaataannik, kiisalu pissutsit piviusut aamma inatsisilerinermut tunngasut, eqqartuussisarnermik inatsimmi § 238, imm. 1 malillugu suliap aalajangerneqarnerani pingaartinneqarsimasut ilanngullugit.

Tamatuma peqatigisaanik eqqartuussisarnermik inatsimmi § 238, imm. 2 malillugu peqqissaarussamik aalajangersaanermut tunngavimmik tunniussisoqarpat, eqqartuussutini suliarinneqqaarfiusumi eqqartuussutigineqartuni, suliap saqqummiunneqarnera akuusut piumasaqaataasa naatsumik taaneqarnerannut killilerneqarsinnaavoq. Taamaaliortoqarpat eqqartuussummi tamakkiisumik suliaq pillugu saqqummiussinnginnera, eqqartuussummi takuneqarsinnaassaaq.

Eqqartuussut, § 238, imm. 2 malillugu oqaasertaliorneqartoq, suliareqqitassanngortinneqarpat, eqqartuussisarnermik inatsimmi § 238, imm. 3 malillugu eqqartuussiviup nassuiaat ilassutaasoq tunniutissavaa. Suliareqqitassanngortitsineq pillugu eqqartuussivik nalunaarummik tiguserata kingorna, piaarnerpaamik nassuiaat eqqartuussisuuneqarfimmut nassiunneqassaaq. Tamatuma peqatigisaanik nassuiaatip assilillugu suliarineqarnera akuusunut nassiunneqassaaq.

Qallunaat eqqartuussisarnermik inatsisaanni § 366 a-mi malittarisassaq siusinnerusukku atuuttoq, 2004-mi allannguutit ilaannik allanngorlugu qallunaat eqqartuussisarnermik inatsisaanni § 218 a-mi malittarisassatut

nalinginnaanerusutut ingerlateqqinneqartoq assigalugu
eqqartuussisarnermik inatsimmi § 238 oqaasertaliorneqarpoq.

Inuit sakkutuujunngitsut pillugit eqqartuussivikkut suliani illoqarfimmi eqqartuussivimmi suliap saqqummiunneqarnerata killilerneqarnissaanut periarfissaq Danmarkimi 1984-imi eqqunneqarpoq. Taamanikkut eqqartuussutit ukiut arlallit ingerlaneranni ileqqoq ineriartortinneqartoq malillugu pisarnertut imartoorujussuusarnerannik aamma inerniliussanut tunngavilersuutit (eqqartuussummut tunngaviit) saniatigut suliami pissutsit piviusut tamakkiisumik saqqummiunneqarnerannik imaqartarmata, matumani uppersaasarsuineq (akuusut nassuiaataat, ilisimannittut nassuiaataat, nalilersuisartut nalunaarutaat il.il.), tunngavigineqartoq, piareersaataasumik suliani takuneqarsinnaavoq. Taamaattoqarnerata malitsigisaanik inuit sakkutuujunngitsut pillugit suliani eqqartuussutit naammassillugit suliarineqartarnerannik suliarinninneq piffissamik atuiffiusorujussuuvoq aamma Folketingstidende 1983-84, ilanngussaq A, spalte 1615 malillugu, piffissap ingerlanerani suliassat amerliartortillugit eqqartuussivinnut annertuumik artorsartitsisimavoq.

Nalinginnaasumik eqqartuussutini akuusut piumasaqaataat, saqqummiussaasa naatsumik oqaluttuareqqinneqarnerat, eqqartuussummut tunngaviusoq aamma eqqartuussummi inerniliussaq ilatissallugit naammassasoq, aamma taamaalilluni suliap nalaani uppersaasarsuinerup (akuusut- aamma ilisimannittut nassuiaataat, takussutissiat il.il.) oqaluttuareqqinneqarnissaa pisariaqanngitsoq, piareersaataasuni suliani aammattaaq takuneqarsinnaavoq. Eqqartuussutit naatsunngorlugit oqaasertaliorneqassanersut imaluunniit ileqqoq malillugu tamakkiisumik suliap saqqummiunneqarneratut iluseqassanersut, piareersaataasumik suliat malillugit, suliat ataasiakkaat naliliiffigineqarnerat tunngavigalugit eqqartuussivimmit aalajangerneqassaaq, aamma taamatut aalajangiinnermi akuusut ersersitaat eqqarsaatigineqassallutik.

Inuit sakkutuujunngitsut pillugit suliani nalinginnaasuni qallunaat illoqarfimmi eqqartuussiviinit eqqartuussutit sulisaatsimi ullumikkut amerlanertigut killilimmik suliap saqqummiunneqarneranik imaqartarput, taakkunanilu nassuiaatit nassuiaatigineqartut oqaluttuareqqinneqarneq ajorput aamma suliami takussutissiat oqaluttuareqqinneqarneq ajorput imaluunniit killilimmik oqaluttuareqqinneqartarlutik. Eqqartuussutit suliareqqitassanngortinneqarnissaa naatsorsuutigineqarpat, amerlanertigut eqqartuussummi nassuiaatit nassuiaatigineqartut

oqaluttuareqqinneqartarput, tassami suliareqqitassanngortitsineq pisillugu taamaanngippat ilassutaasumik nassuiaat suliarineqassammat, tassani nassuiaatit nassuiaatigineqartut oqaluttuareqqinneqassallutik.

Eqqartuussut suliareqqitassanngortinneqarpat, ilassutaasumik nassuiaat, piareersaataasumik suliat malillugit ingammik suliap nalaani akuusut-aamma ilisimannittut nassuiaataasa oqaluttuareqqinneqarnerannik imaqtartussaassaaq, akerlianilli isumaliutissiissut nr. 994/1983 qupperneq 148 malillugu suliami takussutissiat imaqtarnersiorneqarnissaat nalinginnaasumik pisariaqtartussaangilaq. Akuusut uppersaasarsuereernerup kingorna inaarutaasumik ilanngutaat, eqqartuussummi ilaatinneqanngippata, ilassutaasumik nassuiaammi oqaluttuareqqinneqassanersut pillugu apeqqummut, suliap qanoq issusaa apeqqutaassaaq.

Sulisaatsimi qallunaat eqqartuussisarnermik inatsisaanni § 218 a, imm. 4 malillugu ilassutaasumik nassuiaat taamaallaat nassuiaatit nassuiaatigineqartut oqaluttuareqqinneqarnerannik imaqtartpoq.

2.7.2. Inatsiseqarnermut ministereqarfiup isumaliutiginninneri

Eqqartuussutit oqaasertaliorneqartarneri eqqarsaatigalugit allanngortitsinerit, Rørdamsudvalg-imit siunnersuutit malitsigisaannik eqqartuussisarnerup piuminarnerulernissaa siunertaralugu qallunaat eqqartuussisarnermik inatsisaanni allannguutit suliarineqartut, aamma Kalaallit Nunaannut naleqquttuunnginnersut, Inatsiseqarnermut ministereqarfiup isumaliutigisimavaa.

Qallunaat eqqartuussisarnermik inatsisaanni eqqartuussutit oqaasertaliorneqartarneri pillugit allannguutit, eqqartuussutit oqaasertaliorneqartarnerannut malittarisassap nalinginnaasup atuuttup allanngortinneqarnissaannik siunertaqarput, taamaalilluni eqqartuussutit “suliap saqqummiunneqarneranik, matumani pisariaqartinneqartumik annertussusilimmik nassuiaatit nassuiaatigineqartut oqaluttuareqqinneqarnerat ilanngullugit” ima allanngortinneqarpoq, eqqartuussut “suliap naatsumik saqqummiunneqarneranik” imaqtartussanngorlugu.

Siunissami eqqartuussut suliap naatsumik saqqummiunneqarneranik imaqtarnera nalinginnaasumik naammassasoq, aamma eqqartuussummi

nassuiaatit nassuiaatigineqartut oqaluttuareqqinneqarnissaat
piumasaqaataanavianngitsoq, allannguutit kinguneraat.

Eqqartuussutit ullumikkutut allannguutit taakku aqutigalugit, “pissutsit piviutut inatsisilerinermullu tunngasut, suliap aalajangiiffigineqarneranut pingaartinneqartut taaneqarnissaat” allanngortinneqanngitsoq malillugu, eqqartuussutit inerneranut naammattumik paasinartumillu tunngavilersuinermit tunniussissapput.

Eqqartuussut suliareqqitassanngortinneqarpat, oqaatsit atorlugit nassuiaatit, eqqartuussut allattaavianni imaluunniit eqqartuussumi imaqniliatut ilusilerlugit oqaluttuareqqinneqareersimanngitsut, allannguutitugit suliareqqitassanngortitsinermit suliaqarnermi atugassatut ullumikkutut eqqartuussut allattaavianni imaqniliatut ilusilerlugit oqaluttuareqqinneqartussaassapput.

Eqqartuussutit oqaasertaliorneqartarnerat pillugu eqqartuussarnermit inatsimmi § 238-mi malittarisassaq atuuttoq, taaneqareersutut qallunaat eqqartuussarnermit inatsisaanni siusinnerusukkut atuuttoq assigaa. Qallunaat eqqartuussarnermit inatsisaanni malittarisassamut atuuttumut, Rørdamsudvalg-ip isumaliutiginninneranut tunngassuteqartumut akerliusumik, eqqartuussarnermit inatsimmi § 238 aammattaaq taamaallaat inuit sakkutuujunngitsut pillugit sulianut tunngassuteqarpoq.

Kisianni assigiinngissutit taakku apeqquaatinnagit, Danmarkimisut allanngortitsinerit assigisaat Kalaallit Nunaanni nammassineqarnissaat naleqquttuussasoq, Inatsiseqarnermut ministereqarfik isumaqarpoq, tassami taamaaliornerit Kalaallit Nunaanni eqqartuussarnermut naleqquttumik aamma piuminarsaasinnaanerat isumaqarfigineqarpoq.

Tamanna tunngavigalugu eqqartuussarnermit inatsimmi § 238-ip, eqqartuussutit oqaasertaliorneqartarnerat pillugu qallunaat eqqartuussarnermit inatsisaanni malittarisassaq, Rørdamudvalgip isumaliutiginninnera eqqarsaatigalugu allanngortinneqartoq, assigalugu allanngortinneqarnissaa siunnersuutigineqarpoq. Aalajangersakkami aammattaaq inuit sakkutuujunngitsut pillugit suliat immikkut ittut ilaatinneqassapput.

Inatsisissatut siunnersuummi § 1, nr. 8 aamma 9(eqqartuussarnermit inatsimmi § 238), taakkunungalu oqaaseqaatit innersuussutigineqarput.

2.8. Video- aamma oqarasuaatit aqqutaat atorlugit akuusut- aamma ilisimannittut nassuiaanerat

2.8.1. Inatsisit atuuttut

Eqqartuussisarnermik inatsimmi § 141, imm. 1 malillugu, eqqartuussisoqarfimmi pineqartup najugaqarfigisamini ilisimannittutut nassuiaassalluni kialluunniit pisussaaffigaa.

Tamanna annertuumik ajoqutaanngippat imaluunniit aninngaasartuutaanngippat, imaluunniit ilisimannittoq suliap aalajangiiffigineqarnissaanut ima pingaaruteqartigisoq nalilerneqarpat, aamma eqqartuussisarnermik inatsimmi § 141, imm. 2 malillugu suliaq ima pingaaruteqartigisoq, ilisimannittup aggersarneqarnissaa naleqquttuulluni, inuk eqqartuussisoqarfiup avataani najugalik ilisimannittutut aggernissaanik eqqartuussiviup naalakkersinnaavaa.

Tamanna naleqquttutut aamma illersorneqarsinnaasutut isumaqarfigineqarpat, matumani eqqartuussisarnermik inatsimmi § 141, imm. 3 malillugu ilisimannittumut innimigisassat immikkut ittut tamanna pissutissaqartippassuk, ilisimannittut ungasianiit attaveqaat assitalik atorlugu nassuiaasinnaanera eqqartuussiviup aalajangersinnaavaa.

Folketingstidende 2007-08 (katersat aappaat), ilanngussaq A, qupperneq 1407 malillugu, ilaatigut ilisimannittut eqqartuussivimmut ungasittumiittumut angalanissaasa sipaarneqarnissaat, ilaatigullu killisiuinerit, immaqa pisinnaanngikkaluit imaluunniit eqqartuussivimmit eqqartuussisussamit allaanerusumi eqqartuussivimmi taamaallaat killisiuinertut pisinnaasut, naammassineqarnissaannut periarfissamut tassunga pissutaasoq, piareersaataasumik suliani takuneqarsinnaavoq.

Inatsimmik allannguinermi 2022-imi pisumi, tassani § 141, imm. 3-mi oqaatsit “matumani ilisimannittumut mianerisassat immikkut ittut tamanna pissutissaqartippassuk” ilanngunneqarlutik, Folketingstidende 2021-22, ilanngussaq A, L 126 saqqummiunneqarsimasoq, qupperneq 56 aamma 95 malillugit pingaarnertut isumaqatigiinniarnernup nalaani eqqartuussivimmi eqqartuussisussami ilisimannittut eqqartuussivimmut erngerlutik aggernissaat aamma uppersaasutip naleqqussarsinnaanera pillugu

tunngavik sulī aallaaviusariaqartoq, piareersaataasumik suliani tapiliussatut takuneqarsinnaavoq.

Ilisimannittutut nassuiaaneq ungasianiit attaveqaat assitalik atorlugu tunniunneqassanersoq pillugu eqqartuussiviup aalajangiinerani, killisiueriaatsip taassuma iluaqutaasa aamma ilisimannittup erngerluni eqqartuussivimmi eqqartuussisussami najuutinnginnerani ajoqutaasut akornanni piviusumik naliliineq sulī suliarineqassasoq, tassunga uiggiullugu naatsorsuutigineqarpoq.

Ilaatigut ilisimannittup toqqissisimanissaanut eqqarsaatiginninnerit tassunga atatillugu pingaartinneqartussaassapput, aamma ungasianit attaveqaatip assitallip atorneqarnerata ilisimannittup pillaatitut akiniuteqarfigineqarnissaminik annilaangassuteqarnini pissutigalugu ilumuunngitsumik nassuiaasinnaaneranut aarlerinaat annikillissinnaaneraa, naliliinermi aamma ilaatinneqartussaassaaq.

Tamatuma saniatigut soorlu maannakkumut, ilisimannittoq eqqartuussivimmut eqqartuussisussamut ungasissumiippat, ungasianit attaveqaatip naleqquttuunissaa tunngavilersuutigineqassaaq, illuatungaanili qitiusutut ilisimannittoq pineqartillugu, ungasianit attaveqaatip atorneqarnissaa pingaarutilimmik akerliussaaq.

Nassuiaatip eqqartuussivimmi imaluunniit ungasianit attaveqaat assitalik atorlugu tunniunneqarnissaa ajornartorsiutinut naleqqutinngitsunut atassuteqarpat, aamma eqqartuussisarnermik inatsimmi § 141, imm. 4 malillugu ungasianit attaveqaat assitaqanngitsoq atorlugu nassuiaatip tunniunneqarnera illersorneqarsinnaasutut isigineqarpat, ilisimannittup ungasianit attaveqaat assitaqanngitsoq atorlugu nassuiaammik tunniussinissaa eqqartuussiviup aalajangersinnaavaa.

Suliamut pingaaruteqartumik nassuiaat pineqarpat, pinerluttulerinermi suliani oqarasuaat atorlugu killisiuineq atorneqarsinnaassanngilaq aamma inuit sakkutuujunngitsut pillugit suliani taamaallaat akuusut akuersissuteqarnerisigut pisinnaasoq, piareersaataasumik suliani takuneqarsinnaavoq. Oqarasuaatikkut killisiuinerit qaqutiguinnaq pisinnaasutut pissuseqassapput, aamma oqarasuaat atorlugu killisiuinerimut akerliliissut naleqquttumik tunngavilersugaappat, eqqartuussivik taamaaliortoqarnissaanut akuersissummik tunniussisariaqanngilaq.

Folketingstidende 2007-08 (katersat aappaat), ilanngussaq A, qupperneq 1407 innersuussutigineqarpoq.

Ilisimannittoq § 141, imm. 2-miit 4 ilanngullugu aalajangersakkat malillugit nassuiaammik tunniussisinnaanngippat, eqqartuussisarnermik inatsimmi § 141, imm. 5 malillugu pineqartoq eqqartuussiveqarfimmi najugaqarfigisamini najukkami eqqartuussivimmi, ilisimannittoq nassuiaammik tunniusseqqullugu aggersarneqassaaq. Ilisimannittup noqqaassuteqarneratigut ilisimannittut nassuiaaneq tassunga taarsiullugu najukkami eqqartuussivimmi allami tunniunneqarsinnaavoq. Killisiuineq eqqartuussisooqataasut peqataatinnagit najukkami eqqartuussisumit suliarineqassaaq. Killisiuinissamut piffissaliussaq sumiiffissarlu pillugit akuusut nalunaarfigineqassapput. Killisiuinerup naammassineqarnerata kingorna, killisiuineq pillugu eqqartuussisut allattaavianni allatat takussutissialiarineqarnerat eqqartuussivimmut, killisiuisoqarnissaanik noqqaassuteqarsimasumut, nassiunneqassaaq.

Eqqartuussisarnermik inatsimmi § 171 malillugu, pissutsit assigiinngissutaannit allannguutit malitsigitinneqartut ilaatillugit, eqqartuussisarnermik inatsimmi § 141 misissuisartunut- nalilersuisartunullu atuuppoq.

Eqqartuussisarnermik inatsimmi § 239 malillugu, taamatut peqataaneq pissutaasut immikkut ittut naleqquttuutipassuk, akuusup imaluunniit eqqartuussinermi sinniisutut pisinnaatitaasup pingaarnertut isumaqatigiinniarnermi ungasianiit attaveqaat atorlugu peqataanissaa eqqartuussiviup akuerisinnaavaa.

Folketingstidende 2007-08 (katersat aappaat), ilanngussaq A, qupperneq 1429 malillugu, pingaarnertut isumaqatigiinniarnernup nalaani akuusut ataatsikkut najuuttariaqaraluarnerni, arlalinnik pisimasoqarsinnaavoq suliap aningaasartuutitut ajoqutinullu naleqqiullugu takisuumik angalanissaa ajornaatsumik pissuteqarluni naleqquttuunavianngitsoq, aalajangersakkamut piareersaataasumik suliani takuneqarsinnaavoq. Ingammik suliani annikinnerusuni akuusup imaluunniit eqqartuussinermi sinniisutut pisinnaatitaasup allatut peqataanissaa naleqquttuusinnaavoq, kisianni aamma suliani annertunerusuni angalanerit sivisuut, attaveqatigiinnermut atortorissaarutit tekniskiusut atorneqarnissaasa toqqarneqarnerannik kinguneqarsinnaavoq.

Eqqartuussisarnermik inatsimmi § 449 a, imm. 8, aamma § 466 malillugit, pissutissalimmik pasineqartup imaluunniit unnerluussaasup inuttut eqqartuussivimmi najuunnissaa pisariaqanngippat, suliap nassuernertut aalajangiiffigineqarnissaa siunertaralugu, imaluunniit unnerluussaasup pingaarnertut isumaqatigiinniarnermi ungasianiit attaveqaammik assiliartalimmik atuinikkut peqataanissaa, eqqartuussiviup aalajangersinnaavaa. Ungasianiit attaveqaat assiliartalik atorlugu pissutissalimmik pasineqartup imaluunniit unnerluunneqartup killisiorneqarnissaa periarfissaanngippat, piumasaqaatit taakku atorlugit, pissutissalimmik pasisap imaluunniit unnerluussaasup tassunga taarsiullugu najukkami, naleqqunnerpaatut isigineqartumi killisiorneqarnissamut aggersarneqarnissaa, eqqartuussiviup aalajangersinnaavaa.

Eqqartuussummik naammassititsiniaanermik suliani ungasianit attaveqaatit atorneqarnissaat pillugit eqqartuussisarnermik inatsit malittarisassanik erseqqissunik imaqqanngilaq, kisianni eqqartuussummik naammassititsiniaanerit pillugit suliani, pingaarnertut eqqartuussiviup avataani aalajangersimasumik pisartumik eqqartuussiviup eqqartuussivigisartagaanni akiitsulinnut najugaqartunut, sulisaatsimi najukkani eqqartuussiviit annertuumik annertussusilimmik ungasianit attaveqaatit atortarpaat. Akiitsulik pingaarnertut eqqartuussiviup avataani aalajangersimasumik pisartumik eqqartuussiviup eqqartuussivigisartagaanni eqqartuussivimmut aggersarneqassaaq, tamatumalu peqatigisaanik eqqartuussummik naammassititsiniaasartumik suliarinnittoq najukkami eqqartuussiviup pingaarnertut allaffianiissaaq. Pisuni taamaattuni, akiligassaqaarfiup – amerlanertigut eqqartuussissuserisumik imaluunniit eqqartuussinermi sinniisutut pisinnaatitaasumit allamit sinniisoqartup – peqataasariaqarnera eqqartuussummik naammassititsiniaasartup nalilerpagu, akiligassaqaarfiup eqqartuussinermi sinniisutut pisinnaatitaasua ilisaqqunnartumik oqarasuaat atorlugu peqataasarpog.

Ungasianit attaveqaat assiliartalik atorlugu eqqartuussivimmut nassuiaanerit naammassineqarnissaat pillugit eqqartuussisarnermik inatsimmi § 163 malittarisassanik aalajangersaavoq.

Ilisimannittut nassuiaataannut aalajangersagaq toqqaannartumik atuuppoq, kisianni aamma akuusunit nassuiaatinut, matumani pinerluttulerinermik suliami pissutissalimmik pasineqartumit/unnerluunneqartumit aamma eqqartuussisarnermik inatsimmi § 171, § 196, imm. 5, § 357, imm. 2, § 365,

imm. 2, § 377, § 449 a, imm. 8, aamma § 466, imm. 1 malillugit misissuisartut naliliisartullu nassuiaatinut atuulluni.

Inuk nassuiaasussaq, 1) eqqartuussivimmut, 2) pisortani oqartussaasunut, Domstolsstyrelsen eqqartuussinerni ungasianit attaveqaatinik assiliartalinnik atuisinnaatitsinermut piginnaatissimasaanut, imaluunniit 3) inuk imaluunniit inatsisitigut pisinnaatitaasoq pisussaataasorlu, Domstolsstyrelsen eqqartuussinerni ungasianit attaveqaatinik assiliartalinnik atuisinnaatitsinermut akuerisimasaanut aggersarneqassasoq, eqqartuussisarnermik inatsimmi § 163, imm. 1-imiit 4 ilanngullugu aalajangersakkat malitsigaat.

Nassuiaatip, nassuiaatitut taaneqartutut eqqartuussivimmut tunniunneqartutut, taamatuttaaq oqartussaasumut piginnaatitaasumut imaluunniit inummut akuerisaasumut aarlerinangitsumik tunniunneqarsinnaanera nalilerneqarpat, ilisimannittup nunami allamiittup, ungasianit attaveqaat assiliartalik atorlugu nassuiaateqarsinnaanera, eqqartuussiviup aalajangersinnaagaa, eqqartuussisarnermik inatsimmi § 163, imm. 5-ip malitsigaa.

2.8.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

Videokkut attaveqaat atorlugu akuusut- aamma ilisimannittut nassuiaataat eqqarsaatigalugit allannguut, Retsplejeråd-ip innersuussinera malillugu eqqartuussisarnernup piuminarnersinneqarnissaa siunertaralugu qallunaat eqqartuussisarnermik inatsisaanni suliarineqartoq, aamma Kalaallit Nunaannut naammassineqarnissaa naleqquttuunersoq, Inatsiseqarnermut ministereqarfiup isumaliutigisimavaa.

Akuusut tamanna pillugu isumaqatigiippata, eqqartuussivimmi imaluunniit najukkami akuerisaasumi allami agginngikkaluarluni sakkutuujunngitsut pillugit suliami akuusup imaluunniit ilisimannittup nalunaarasuartaatitigut atassuteqarneq assiliartalik atorlugu nassuiaateqarnissaanik eqqartuussiviup periarfissinneqarnissaa, qallunaat eqqartuussisarnermik inatsisaanni allannguinerup anguniarpaa.

Kalaallit Nunaanni allannguinerup assigisaata naammassineqarnissaa naleqquttuussasoq, Inatsiseqarnermut ministereqarfik isumaqarpoq, tassami Kalaallit Nunaanni tamatuma aamma eqqartuussisarneq naleqquttumik piuminarsarsinnaassammagu.

Akuusut- aamma ilisimannittut nassuiaataannut sulisaaseq pillugu eqqartuussisarnermik inatsimmi malittarisassat, qallunaat eqqartuussisarnermik inatsisaanni malittarisassat allanngortinneqarnerat assigalugit, allanngortinneqarnissaat tamanna tunngavigalugu siunnersuutigineqarpoq.

Pinerluttulerinermik suliani ungasianit attaveqaat assiliartalik atorlugu sulisaaseq eqqarsaatigalugu allanngortitsisoqannginnissaa siunnersuutigineqarpoq.

Inatsisissatut siunnersuummi § 1, nr. 4 (eqqartuussisarnermik inatsimmi § 163, imm. 6), taakkunungalu oqaaseqaatit innersuussutigineqarput.

2.9. Piuminarsaanerit allat

2.9.1. Inatsisit atuuttut

2.9.1.1. Eqqartuussisarnermik inatsimmi kapitali 31-imi malittarisassatigut unnerluussisussaataitaasut pinerluttulerinermik suliani unnerluussummik tamakkiisumik ilaannakoortumilluunniit taamaatitsiinnarnissaminnut imaluunniit unnerluussummik tunuartitsinissaminnut missiliuillutik ilaatigut pisinnaatitaapput. Unnerluussutip taamaatiinnarneqarnerani pissutsinut pinerluttuliornerusunut unnerluussineq pinngitsoortinneqassaaq, pissutigalugu pissutissalimmik pasisap eqqartuunneqarnissaanut naammattumik uppersaataissaqanngitsoq unnerluussisussaataitaasut isumaqarmata.

Suliami unnerluussut tamakkiisumik ilaannakoortumilluunniit taamaatiinnarneqarsinnaavoq tulluittunik pisoqarpat 1) pasilliut tunngavissaqanngitsoq takuneqarsinnaalerpat, 2) pissutissalimmik pasisap pisuutinneqarnissaanut eqqartuussisutigoortitsinissamik kinguneqarnissaa allakkut naatsorsuutigineqarsinnaanngippat, imaluunniit 3) eqqartuussisarnermik inatsimmi § 312 malillugu suliap naammassineqarnissaa ajornartorsiutinik, aningaasartuutinik imaluunniit suliamik suliarinninnermi piffissanik, suliap pingaaruteqassusaanut aamma pineqaatissiisummut naleqqiullugu, taamaattoqassappat pineqaatissiisutigineqartussatut naatsorsuutigineqartumut, naleqqutinngitsumik kinguneqassappat.

Unnerluussummik taamaatitsinermi imaluunnit unnerluussummik tunuartitsinermi pissutissalimmik pasisap, eqqunngitsuliorfigineqartup, imaluunniit eqqunngitsuliorfigineqartoq toqusimappat, eqqunngitsuliorfigineqartup qanigisatut ilaqutai nalunaarfigineqassasut, eqqartuussisarnermik inatsimmi § 314, imm. 1-ip aamma 2-p malitsigaat. Tamanna aamma allanut, tassunga naleqquttumik soqutigisaqartutut isigineqarsinnaasunut atuuppoq. Unnerluussutip taamaatiinnarneqarnera pillugu aalajangiineq § 61 c, imm. 4-imi, § 61 d, imm. 3-mi, aamma § 61 e, imm. 2-mi malittarisassat malillugit unnerluussisussaataasut qullersaannut naammagittaalliutigineqarsinnaavoq.

Unnerluussinissamik aalajangiineq imaluunniit §§ 312 imaluunniit 313 malillugit aalajangiineq unnerluussisussaataasut qullersaannit allanngortinneqarsinnaavoq. Unnerluussut taamaatiinnarneqartillugu imaluunniit unnerluussut tunuartinneqartillugu, pissutissalimmik pasisap atugaasa piffissaq eqqorlugu nalunaarfigineqarnissaa akornusersimanngippagu, imaluunniit § 315, imm. 1 malillugu § 582, nr. 1 imaluunniit 2 malillugu aallartitseqqinnissamut piumasaqaatit naammassineqarsimanngippata, taamaattoq tamanna pillugu pissutissalimmik pasisaq, unnerluussummik taamaatiinnartitsinerup imaluunniit unnerluussummik tunuartitsinerup pineqartumut nalunaarutigineqarnerata kingorna, kingusinnerpaamik qaammatit 3 kingorna, allanngortitsineq taamaallaat pisinnaavoq.

2.9.1.2. Tigummigallaanissamut piffissaliussamut il.il. aamma piffissaliussap sivitsorneqarneranut eqqartuussisarnermik inatsimmi § 364 tunngassuteqarpoq. Pissutissalimmik pasisap Kalaallit Nunaaniinnnginnera minillugu, tigummigallagaanissamut piffissaliussaq imaluunniit qanoq iliornissamut piareersaatip sivilissusissaa eqqartuussiviup aalajangiinnermini aalajangersassagaa, § 364-p malitsigaa. Imm. 1 malillugu piffissaliussaq sapinngisamik sivikitsuussaaq aamma sapaatit akunneri 4 qaangissanngilaa. Eqqartuussiviup piffissaliussaq sivitsorsinnaavaa, kisianni sivilunerpaamik sapaatit akunneri 4-kkaarlugit. Imm. 2 malillugu pissutissalimmik pasisaq isumaqataanngippat, sivitsuineq aalajangiinikkut, tunngavilersorneqartussakkut pissaaq. Pissutissalimmik pasisap, tamanna taamaatippagu imaluunniit imm. 3 malillugu saqqummersitsineq ajornartorsiutinik naleqqutinngitsunik kinguneqartussaasoq eqqartuussivik isumaqarpat, tigummigallagaasup imaluunniit iliuusissamik piareersaataasumik nammineersinnaajunnaarsitaasup, saqqummersinneqarnera, taamaattoq pinngitsoortinneqarsinnaavoq.

2.9.1.3. Eqqartuussisarnermik inatsimmi § 585 malillugu ilaatigut pinerluttulerinermik suliap eqqartuussutigineqarsimasup suliareqqinneqarnissaanut noqqaassuteqarnerit Den Særlige Klageret-ip sularisarpai aamma eqqartuussivigisarlugit.

Eqqartuunneqartumit imaluunniit unnerluussisussaataasunit noqqaassuteqarnerup kingorna pinerluttulerinermik suliap eqqartuussutigineqartup suliareqqinneqarnissaa pillugu, tulluuttut pitillugit eqqartuussisarnermik inatsimmi § 583, imm. 1 malittarisassanik imaqarpoq, - paasissutissat nutaat, pinngitsuutitaanissamik kinguneqarsimasinnaasutut isumaqarfigineqartut imaluunniit, taakku suliap sularineqarnerata nalaani pissarsiassaasimappata (nr. 1) pineqaatissiisummik annikinnerusumik akuliunnermik atuisoqarsimanissaanik kinguneqarsimasinnaappata, - ilisimannittoq imaluunniit misissuisarteq- imaluunniit naliliisarteq suliap sularineqarnerata nalaani eqqunngitsumik nassuiaammik nassuiaasimappat imaluunniit nalunaaruteqarsimappat, takussutissiat eqqunngitsut imaluunniit peqquserlulluni allanngortitat atorneqarsimappata, imaluunniit unnerluussaasoq imaluunniit inuit, pisortani kiffartuussinertik imaluunniit suliassaqartitaasut suliap sularineqarnerani peqataasimasut, suliap inernissaata sunnerneqarnissaa siunertaralugu pissutsit pinerluttuliornerusut takutissimappassuk, aamma pissutsit assigiinngitsut malillugit tamanna eqqartuussinermi aalajangiinermut peqataasimanerat pissutissaqarluartutut isumaqarfigineqarpat (nr. 2). - aammali pissutsit immikkut ittut, unnerluunneqartup pisuuneranut uppernarsaatit eqqortumik nalilersuiffigineqarsimannginnerannik annerusumik ilimanaateqalersippassuk (nr. 3).

Qallunaat eqqartuussisarnermik inatsisaanni § 1 a malillugu, sularinneqqinnissaaq pillugu apeqqut Den Særlige Klageret-imit aalajangiiffigineqassasoq, eqqartuussisarnermik inatsimmi § 585, imm. 1-imi takuneqarsinnaavoq.

Sularinneqqinnissamik noqqaassuteqarneq allakkatigut qinnuteqarnikkut, § 585, imm. 2 malillugu eqqartuussisuunermut tunniussinikkut pissaaq. Noqqaassuteqarneq pillugu eqqartuussisuuneq oqaaseqaateqassaaq aamma qinnuteqaat Den Særlige Klageret-imut ingerlateqqissallugu. Aamma qinnuteqaat toqqaannartumik Den Særlige Klageret-imut tunniunneqarsinnaavoq, taamaattoqarpallu suliaq pillugu eqqartuussisuunermi oqaaseqaat taassuma pissarsiarissavaa.

Eqqartuussut suliareqqinneqartussatut kissaatigineqartoq, aamma pissutsit noqqaassuteqarnermut tunngaviliisut, kiisalu uppernarsaatit, § 585, imm. 3 malillugu suliap allatut inerreqarneranik kinguneqartariaqartutut isigineqartut qinnuteqaammi taaneqassapput.

Eqqartuunneqartoq inuillu, § 583, imm. 2 malillugu suliarinneqqinnissamik noqqaassuteqarsinnaasut, § 585, imm. 4 malillugu noqqaassuteqarnikkut qinnuteqaatip suliarineqarnissaanut nunami eqqartuussivimmit arlaannit imaluunniit politiinit imaluunniit kommunefogedimit ikiorneqarnissamik pisinnaatitaapput.

Pissutsimik, inatsit malillugu suliarinneqqinnissamik kinguneqartumik qinnuteqaammi taasisoqarsimanngippat, imaluunniit § 588, imm. 2 aamma 3 malillugit pissutsit patsisaatinneqarsimasut imaluunniit uppernarsaatit erseqqissumik pingaarteqanngippata, Den Særlige Klageret-ip erngerluni suliarinneqqinnissamik noqqaassut itigartissinnaavaa.

§ 588 malillugu suliarinneqqinnissaq erngerluni itigartitsissutigineqanngippat, noqqaassut pillugu Den Særlige Klageret-ip illuatungiusoq nalunaarfigissavaa, soorlu aamma eqqartuussisarnermik inatsimmi § 589, imm. 1 malillugu illuatungiusoq allakkatigut imaluunniit oqaatsitigut oqaaseqaateqarnissamik pisariaqartinneqartumik annertussusilimmik oqaaseqartinneqarnissamik periarfissinneqassasoq.

Eqqartuussisarnermik inatsimmi § 590 malillugu suliarinneqqinnissaq pillugu noqqaasut akuersaarneqassanersoq pillugu Den Særlige Klageret aalajangiinikkut tunngavilersorneqartussamik aalajangiissaaq. Noqqaassut akuersaarneqarpat, pingaarnertut isumaqatigiinniarneq nutaaq pissasoq, aalajangiinnermi pineqarpoq. Eqqartuunneqartoq toqusimappat, Den Særlige Klageret-ip pingaarnertut isumaqatigiinniarneq nutaaq pisinnagu suliarinneqqinnissamik noqqaassut itigartitsissutigisinnaavaa imaluunniit eqqartuussut eqqartuussutigisinnaallugu, tassani eqqartuussut pineqartoq atorunnaarsinneqarluni.

Den Særlige Klageret-ip allaffissornikkut suliassai, qallunaat eqqartuussisarnermik inatsisaanni § 1 a, imm. 5 malillugu Eqqartuussiviit Qullersaannit suliarineqartarput.

2.9.2. Inatsiseqarnermut ministereqarfiup isumaliutiginninneri aamma aaqqissuussineq siunnersuutigineqartoq

2.9.2.1. Eqqartuussisarnermik inatsimmi § 312 unnerluussutip taamaatiinnarneqarneranut tunngassuteqarpoq. Pisuni, taakkunani pinerluttulerinermi inatsimmi §§ 6 (nunami allami iliuutsip assinganut iliuusereriikkamut kingunerititsineri, inummik eqqartuussisutigoortitsineq pillugu) imaluunniit 124 (inuk, eqqartuunneqareersoq, aamma eqqartuussut sioqqullugu inatsimmik unioqqutitsisutut pisuutitaasoq pillugu) pissutissalimmik pasisaq pisuutinneqassappat atorneqarsinnaasussamik, unnerluussisussaataitaasut annertunerusumik unnerluussummik taamaatitsiinnarsinnaanerannut periarfissaliissut pilersinneqartariaqartoq, Rigsadvokatip siunnersuuteqarnera tunngavigalugu Inatsiseqarnermut ministereqarfik isumaqarpoq. Eqqartuussisoqarnissaa naatsorsuutigineqarsinnaatinnagu, imaluunniit ilassutaasumik pillaatissiisummik pingaaruteqanngitsumik taamaallaat eqqartuussisoqarnissaa naatsorsuutigineqartillugu, unnerluussisussaataitaasut unnerluussummik taamaatitsiinnarsinnaanermik atuisinnaasariaqarnermik periarfissaasa annertusineqarnissaa siunnersuutigineqarpoq.

Pinerluttulerinermik suliap suliarineqarnerata piuminarnerulersinneqarnissaanut siunnersuut ikiuutaasaaq, tassami ingammik suliani annertuuni inatsisinik unioqqutitsinerit annikinnerusut, pillaatissap uuttortarneqarneranut kinguneqartussaannngitsut arlallit taamatut annertutigisumik naammassiuminaallisitsissanngillat, aamma pissutsinut taakkununga eqqartuussinermi aalajangiineq allakkut pingaarutilimmik kinguneqartussatut naliliiffigineqassanngillat.

Siunnersuutigineqartut qallunaat eqqartuussisarnermik inatsisaanni § 721, imm. 1, nr. 3 assigaat.

2.9.2.2. Unnerluussisussaataitaasut eqqartuussivimmut allakkamik unnerluussummik tunniussisimatillugit, aamma eqqartuussivimmit pingaarnertut isumaqatigiinniarnissamut piffissaq aalajangerneqarsimatillugu, tamanna tunngavigalugu Rigsadvokatip siunnersuuteqarneratigut tigummigallagaanerp sivitsoqarnissaanik imaluunniit qanoq iliornissamut piareersaatinik, tassunga taarsiullugit atuutilersunik periarfissaqarnissap annertusineqarnissaa siunnersuutigineqarpoq.

Siunnersuutigineqartoq qallunaat eqqartuussisarnermik inatsisaanni § 767, imm. 2-p assigaa.

2.9.2.3. Pillaatissiinissamik suliap suliareqqitassanngortinneqarnissaani eqqartuunneqartumit noqqaassut immersugassakkut qallunaat eqqartuussisarnermik inatsisaanni § 148 a, imm. 4 aamma 9 malillugit Domsstolsstyrelsimit suliarineqartukkut, tunniunneqassaaq.

Eqqartuusat pillaatissiinissamik suliap suliareqqinneqarnissaat pillugit noqqaassutaat, Folketingstidende 2023-24, ilanngussaq A, L 115 saqqummiunneqarsimasoq, qupperneq 45 malillugu immersugassakkut tunniunneqarnissaat, Eqqartuussiviit Qullersaata siunnersuutigisimammagu, siunnersuummut tunngaviusoq, aalajangersakkanut oqaaseqaatini takuneqarsinnaavoq. Den Særlige Klageret-ip noqqaassutit taakku akuusumit, suliap Den Særlige Klageret-imit suliarineqarnissaanik kissaateqartumit, toqqaannaq tigusaraat, Eqqartuussiviit Qullersaata innersuussutigisimavaa. Ullumikkut saaffiginnissutit amerlanerpaartaat suliap suliarineqarnissaanut tunngaviliinissamut paasissutissanik naammattunik imaqanngitsut, aamma saaffiginnissutit amerlanerpaartaat paasissutissanik amerlasuunik, suliap suliarineqarneranut naleqqutinngitsunik imaqarnerat, Eqqartuussiviit Qullersaata taasimavaa. Pinngitsuugassaanngitsumik immersugassamik aaqqiinermik pilersitsineq Den Særlige Klageret-ip sulianik suliarinnittarneranut piumisarsaataassasoq, taassumalu Den Særlige Klageret-imit aallaqqaataanit paasissutissat ataatsimoortut aamma pisariaqartinneqartut piuminartumik ilusillit tiguneqarnissaat qulakkiissavaa. Suliamik suliarinninneq tigussaasoq tassuuna erngerluni aallartinneqarsinnaavoq aamma suliaq tusarniutigineqassaaq imaluunniit inatsisitigut ilinniarsimasumik suliamik suliarinnittartumut agguanneqassalluni.

Pissutsit taakku pissutigalugit, aaqqissuussinerup assingata Kalaallit Nunaannut eqqunneqartariaqartoq, Inatsiseqarnermut ministereqarfik isumaqarpoq, taamaalilluni eqqartuussat, pinerluttulerinermik suliap eqqartuussiffiusup suliareqqinneqarnissaa pillugu eqqartuunneqartup Den Særlige Klageret-imut noqqaassutaa immersugassakkut, Domstolsstyrelsimit suliarineqartukkut immersuinikkut tunniunneqassaaq.

Eqqartuussisarnermik inatsimmi § 585, imm. 4, allanngortinneqartussatut siunnersuutigineqanngitsoq, malillugu, Kalaallit Nunaanni sumiluunniit eqqartuussivinni imaluunniit politiini imaluunniit kommunefogedimi immersugassap immersorneqarnissaannut eqqartuunneqartut ikiorneqarsinnaammata, Inatsiseqarnermut ministereqarfiup maluginiarpaa.

Inatsisissatut siunnersuummi § 1, nr. 31

(eqqartuussisarnermik inatsimmi § 585, imm. 3) taakkunungalu oqaaseqaatit innersuussutigineqarput.

2.10. Najukkani eqqartuussivinni illersuisumik ivertitsineq

2.10.1. Inatsisit atuuttut

Inuk, pinerluttuliornermut pissutissalimmik pasineqartoq, illersuisumik takkussinnaatitaasumik nammineerluni toqqaanissaminik imaluunniit eqqartuussisarnermik inatsimmi § 320 malillugu, eqqartuussisarnermik inatsimmi tamanna pillugu taamaattumik eqqartuussivimmit ivertitsivigineqarnissaminik pisinnaatitaavoq.

Eqqartuussisarnermik inatsimmi §§ 321 aamma 321 a malillugit pisuni amerlasuuni illersuisumik ivertitsinissaminik eqqartuussivik pisussaatitaavoq. Taamaalilluni assersuutigalugu pissutissalimmik pasisaq takkussinnaatitaasumik, eqqartuussinermi takkuttussamik, illersuisumik nammineerluni atorfinitsitsisimangippat, aamma tigummigallagaanissaq pillugu imaluunniit qanoq iliornissamut piareersaatit tassunga taarsiullugit atuutilersussat pillugit, imaluunniit § 321, imm. 1, nr. 1 malillugu tigusaanerup attatiinnarneqarnissaa pillugu, imaluunniit § 321, imm. 1, nr. 2 malillugu suliami, tassani unnerluussaasoq pisuutinneqarpat, akiliisitsissummit, arsaarinninnermit, biilersinnaanermut allagartaajagaanermi imaluunniit taarsiissuteqarnermit annertunerusumik akuliunnerup pineqarnissaa naatsorsuutigineqarluni, aamma § 321 a malillugu § 340 a imaluunniit § 155, imm. 3 malillugu video atorlugu killisiuinerup aallartinnginnerani, eqqartuussivik pissutissalimmik pasisamut illersuisumik ivertitsisussaavoq. Tamatuma saniatigut eqqartuussisarnermik inatsimmi § 321, imm. 2 malillugu piviusumik naliliineq malillugu aamma illersuisumik ivertitsisoqarsinnaavoq.

Kalaallit Nunaanni pinerluttulerinermi eqqartuussisaatsimi illersuisut suussusaat assiginngitsut marluk nassaassaapput – illersuisut akuerisaasut aamma eqqartuussissuserisut. Eqqartuussisarnermik inatsimmi § 83

malillugu ilaatigut pinerluttulerinermik suliani eqqartuussissuserisut, sulianik suliaqartussat, taakkunani akuusup eqqartuussissuserisuminut nammineq aningaasartuuteqassanani, arlallit atorfinitsinneqarput. Najukkani eqqartuussivinni § 322, imm. 1 malillugu illersuisumik akuerisaasumik ivertitsisoqarnissaa pingaarnertut malittarisassaavoq. Najukkami eqqartuussivimmi illersuisoq ivertinneqartoq nalinginnaasumik taamaalilluni tassaassaaq inuinnag, immikkut ittumik illersuinissamut ilinniartinneqarnermik naammassinnissimasoq. Inatsisilerituut, eqqartuussissuserisuunngitsut, kisianni illersuisutut akuerisaasut, taamaattoq aammattaaq illersuisut akuerisaasut assigalugit ivertinneqarsinnaapput. Eqqartuussiveqarfinni ataasiakkaani ivertitsisarnermik aaqqissuussineq allaffissornikkut ima ingerlanneqartarpoq, najukkami illersuisut akornanni suliat naleqquttumik agguarneqartarnerat qulakkeerneqartarluni. Taamaattoq ilaatigut pissutissalimmik pasisap kissaatai aamma illersuisut ataasiakkaat immikkut ittumik piginnaasaat eqqarsaatigalugit, najukkani eqqartuussisoq nalinginnaasumik agguaassineq malillugu illersuisumit tullinnguuttumit allaanerumik illersuisumik akuerisaasumik ivertitsisinnaavoq.

Tassunga ilaatinneqanngitsutut, illersuinermi mianerisassat tamanna pisariaqartippassuk, suliani immikkut ittumik ilungersunartutut pissuseqartuni eqqartuussissuserisoq illersuisutut eqqartuussiviup ivertissagaa, § 322, imm. 2-mi takuneqarsinnaavoq. Tassunga atatillugu *siullertut* suliaq piviusoq taanna immikkut ittumik ilungersunartuunersoq aalajangerneqassaaq. Aalajangersakkamut piareersaataasumik suliat malillugit ilaatigut inuarneq imaluunniit immikkut ittumik ingasattumik nakuuserneq imaluunniit pinngitsaaliilluni atoqateqarneq pillugit pasilliuteqarnermi ilisaqqunnartumik tamanna pissaaq. Taamaattoq pinerluttuliorderit suussusaannut aalajangersimasunut aalajangersagaq killilerneqanngilaq. Sulisaatsimi suliat ilisaqqunnartut taakku taaneqartut saniatigut ingammik pinerluttuliorderit inunnut navianaateqartumik pissuseqartut ilaatigut nammineersinnaajunnaarsitsinerit, inatsisit unioqqutillugit pinngitsaaliinerit, ujajaanertit ikuallatitsinerillu, aalajangiinermi tunngavimmik naammassinnissinnaasussaassapput. Folketingstidende 2007-08 (katersat aappaat) L 34 saqqummiunneqarsimasoq, qupperneq 1449 malillugu, aanngajaarniutit pillugit inatsisit annertoorujussuarmik unioqqutinneqarnerat assersuutitut allatut taaneqarsinnaavoq.

Illersorneqarnermi mianerisassat eqqartuussissuserisumik illersuisumik ivertitsisoqarnissaanik pisariaqartitsiviunersut, *aappaattut* aalajangerneqassaaq. Taamaalilluni, suliap ilungersunassusia tunngavigalugu, ajornartorsiutip qanoq issusaanik taamaattunik suliaq imaqaarnersoq, pissutissalimmik pasisaq eqqartuussissuserisumik illersuisoqartariaqarluni, najukkami eqqartuussiviup piviusumik nalilersussavaa. Pissutissalimmik pasisaq nassuernermit tunniussisimappat, nassuernerlu paasisutissanit pigineqartunit allanit qularnarunnaarsinneqartutut isikkoqarpat, piareersaataasumik suliat malillugit eqqartuussissuserisup illersuisutut ivertinneqarnissaa amerlanertigut pisariaqassanngilaq, aamma naak immikkut ittumik ilungersunartumik suliaq assersuutigalugu inuarneq pineqaraluartoq. Aappaatigut nassuernermit suliat ima katitigaatigisinnaappat, illersuisoq eqqartuussissuserisuusariaqarluni. Folketingstidende 2007-08 (katersat aappaat) L 34 saqqummiunneqarsimasoq, qupperneq 1449 malillugu pissutissalimmik pasisap nassuernerata annertussusaa pillugu nalornisoqarpat, misiliinernut tunuarnerit pillugit apeqqut pineqarpat, iliuuseqaqataasunut naleqqiullugu pissutissalimmik pasisap iliuuserineqartumut akuusimanera nalornissutigineqarpat, imaluunniit toqussut assigisaaluunniit pillugu nalornisoqarpat, tamanna assersuutigalugu pisinnaavoq.

Sunniuteqarluartumik illersorneqarnissamut Inuttut pisinnaatitaaffiit pillugit Europami naalagaaffiit isumaqatigiissutaata piumasqaataa aamma »equality of arms« (imaappoq illersuisup unnerluussisullu akornanni naliigiissitsinissaq pillugu tunngavik) najukkami eqqartuussiviup naliliinermi eqqarsaatigissavaa. Illersuisup pineqartup suliami unnerluussisutut takkuttoq »assigissagaa« tamatuma malitsigaa. Aalajangersakkamut piareersaataasumik suliat malillugit, matumuuna § 324 malillugu pissutissalimmik pasisap nammineerluni kissaatai, pisariaqartinneqartumik illersorneqarnermut mianerisassanut tamanna aporaatinngippat, najukkami eqqartuussiviup aammattaq eqqarsaatigissavai. Pissutissalimmik pasisaq illersuisumik, eqqartuussissuserisuunngitsumik, aalajangersimasumik kissaateqarpat, illersuisoq pineqartoq piviusumik inatsisilerinermut tunngasunik, suliami pisariaqartinneqartumik paasisimasaqartutut nalilerneqarpat, aamma suliami pissutsit piviusut, ingammik suliami uppersaattit nalilersorneqarnerannut naleqquttunik erseqqissaasinnaappat, najukkami eqqartuussiviup tamanna taamaallaat akuerisinnaassavaa. Piareersaataasumik suliat malillugit, illersuisut akuerisaasut,

inatsisilerinermut tunngasumik kandidatitut soraarummeerlutik angusisimasut, illersuisunit akuerisaasunit allanit naleqqiullugit naammattumik piginnaaneqartut amerlanertigut isigineqarsinnaassapput. Folketingstidende 2007-08 (katersat aappaat) L 34 saqqummiunneqarsimasoq, qupperneq 1449 malillugu, eqqartuussissuserisumik ivertitsisoqarnissaa illersuinermit mianerisassani pisariaqartinneqanngitsoq erseqqinngippat, suliaq pineqartoq immikkut ittumik ilungersunartutut suussuseqartoq najukkami eqqartuussiviup nalilersimappagu, aamma pissutissalimmik pasisap eqqartuussissuserisup illersuisutut ivertinneqarnissaa kissaatigippagu, pissutissalimmik pasisap kissaataa najukkami eqqartuussiviup malittariaqarpaa.

Illersuisunik ivertitsisoqarnissaa pillugu najukkani eqqartuussiviit aalajangiisarnernut atugassamik, Nunatsinni Eqqartuussivik 2024-imi decemberimi ivertitsisarneq pillugu malittarisassat atuuttut pillugit ilitersuummik sanasimammat maluginiarneqassaaq.

§ 322 malillugu illersuisumik ivertitsineq pillugu eqqartuussiviup aalajangiinera, § 322, imm. 3 malillugu eqqartuussisuuneqarfimmut aalajangeqqitassanngortinneqarsinnaavoq.

2.10.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq

Kalaallit Nunaanni Eqqartuussiveqarneq pillugu Siunnersuisoqatigiit, eqqartuussisarnermik inatsimmi § 742 malillugu pilersinneqartup, pisussaataaffiata ataanni 2023-imi septemberimi suleqatigiissitamik pilersitsisoqarpoq, taannalu Kalaallit Nunaanni pinerluttulerinermi eqqartuussisarnermi eqqartuussiveqarfimmi sullissisut suliatik pillugit ilinniarsimanerisa annertusarneqarnissaannut siunnersuusiussaaq, tassani suliarinneqqaarfimmi pinerluttulerinermik suliat suliarineqartarnerisa ukkatarineqarnerat tunngavigalugu suliniutinik piviusunik, aaqqiinernik aamma iluarsiiissutinik, eqqartuussisarnermik sunniuteqarluarnerusumik, Kalaallit Nunaanni innuttaasunut inatsisitigut isumannaatsuutitsinermik qulakkeerinnittussanik siunnersuusiortussaavoq. Suleqatigiissitat Kalaallit Nunaanni inatsisit atuutsinneqarnerannut suliaaqqarfimmit sinniisunik attuumassuteqartunik inuttaqarpoq, soorlu aamma Naalakkersuisut aamma Inatsiseqarnermik ministereqarfik sinniisuutitaqartoq.

Suliasat allassimaffiat malillugu suleqatigiissitat ilaatigut najukkani eqqartuussivinni illersuisut ivertitsinneqartarnerat pillugit malittarisassat

allanngortinneqarnissaannut siunnersuutininik suliaqarnissaq
suliassarimavaat. Tamanna – ullumikkut malittarisassat taamaatsillugit –
najukkani eqqartuussiviit ivertitsisarneq pillugu malittarisassanik
assigiinngitsumik atuisarnerannik pissuteqarpoq. Suleqatigiissitat
siunnersuutaanni illersuisut ivertinneqartarnerat aalajangiinermi tunngaviit
erseqqissut kinaassusersiunngitsullu malillugit pisarnissaasa sapinngisamik
qulakkeerneqarnissaa, aamma tassunga atatillugu suliani
ilungersunarnerpaani kiisalu tunngaviusumik inatsit naapertorlugu
killisiuinerni aamma video atorlugu killisiuinerni eqqartuussissuserisut
ivertinneqartariaqarnersut pillugit isumaliutiginnittoqartariaqartoq,
suleqatigiissitat tassunga atatillugu qinnuigineqarput.

Tamanna tunngavigalugu, § 322, imm. 2-p tassungalu oqaaseqaatit,
erseqqissarneqarnissaat pisariaqartinneqartoq, taamaalilluni najukkami
eqqartuussivik annerusumik pingaarnertut malittarisassaq malillugu
eqqartuussissuserisumik imaluunniit illersuisumik akuerisaasumik, suliani
inatsisilerinermut tunngasumik unnerluussisoq unnerluussisuutillugu,
inatsisilerinermut tunngasumik kandidatitut soraarummeerluni
angusisimasumik illersuisoqarnissaa, suleqatigiissitani
amerlanerussuteqartut isumaqarput. Aalajangersagaq ima
allanngortinneqarpat, suliani immikkut ittumik ilungersunarartutut
suussuseqartuni tamatigut toqutsinerit, pinngitsaaliilluni atoqateqarnerit
imaluunniit ingasattumik nakuuserserit, aamma suliat, taakkunani
unnerluussisussaataitaasut tigummigallagaanissamik piumasaqaateqarlutik,
ilaatinneqarnerat takuneqarsinnaalerluni, pisariaqartitsineq
naammassineqarsinnaasoq, suleqatigiissitat nalilerpaat. Suliani allani
immikkut ittumik ilungersunarluinnartuni, taaneqartunit allaanerusuni,
piviusumik naliliineq malillugu suli eqqartuussissuserisut illersuisullu
akuerisaasut, inatsisilerinermut tunngasumik kandidatitut
soraarummeerlutik angusisimasut, ivertinneqarsinnaasariaqarput. Taamatut
naliliinermi, unnerluussisussaataitaasut suliami piviusumi inatsisilerinermut
tunngasumik ilinniarsimasumik unnerluussisumik unnerluussisuliinerat,
aamma unnerluussaasup inissisimanera imaluunniit inuttut atugarisaasa,
illersuisumik inatsisilerinermut tunngasumik kandidatitut
soraarummeerluni angusisimasumik illersuisutut ivertitsisoqarnissaa
pissutissaqartinneraa, naliliinermi ilaatinneqartariaqarnera,
aalajangersakkamut oqaaseqaatini takuneqarsinnaasariaqartoq,
suleqatigiissitat nalilerpaat. Assersuutigalugu pineqartoq politikeriunini,
politiitut atorfeqarnini imaluunniit assigisaanik tatigisatut atorfeqarnini
pissutigalugu suliap pissutissalimmik pasisamut annertuumik

kinguneqarsinnaanera, naliliinermi assersuutigalugu
ilaatinneqartariaqarpoq. Inuttut atugarisat, assersuutigalugu
pissutissalimmik pasisap peqqinnissaqarfimmit tarnikkut
immikkoorutilittut assigisaanillunniit nappaateqartutut
suussusersineqarsimanera, eqqartuussissuserisumik imaluunniit
inatsisilerinermut tunngasumik kandidatitut soraarummeerluni
angusisimasumik illersuisumik ivertitsisoqarnissaanik
pissutissaqalersitsisinnaassapput.

Eqqartuussisarnermik inatsimmi § 322, imm. 2 annertusineqartariaqartoq
suleqatigiissitat erniinnaartumik nalilerpaat, taamaalilluni aamma illersuisut
akuerisaasut, inatsisilerinermut tunngasumik kandidatitut
soraarummeerlutik angusisimasut, suliani immikkut ittumik
ilungersunartumik suussuseqartuni ivertinneqarsinnaalissallutik, tassani
suliani, najukkami eqqartuussivimmi inatsisilerinermut tunngasumik
ilinniarsimasumik unnerluussisoq unnerluussisuutillugu,
annertunerulersitsineq taamaattoq pisariaqartinneqarsinnaammat.

Piffissami, najukkami eqqartuussiviup illersuisumik ivertitsiffissaani, suliap
paasiuminaatsuusinnaanerata naliliiffigineqarnissaata
ajornakusoorsinnaanera, ivertitsisarneq pillugu malittarisassani
pingaarutilimmik unammilligassartaqartoq, suleqatigiissitap
isumaliutiginninnerminut atatillugu ilaatigut oqaluuserisimavaa. Ingammik
pisuni, tunngaviusumik inatsit naapertorlugu killisiuinerni imaluunniit
politiini killisiuinerni illersuisoq nalunaarutiginninnerup kinguninngua
ivertinneqartussaanerani, tamanna atuuppoq. Aammattaaq
pinerluttoqarsimaneranik paasiniaanerup nalaani suliaq
paasiuminaannerulersinnaavoq, pissutigalugu pissutsit suli amerlanerit
takkussinnaammata, imaluunniit unnerluussaasup inuttut atugarisaasa
suliaq suli paasiuminaannerulersissinnaammagu. Suliat ilungersunartut
ilaanni taamaammat piffissami ivertitsiffiusumi, suliarni piviusumi tassani,
illersuisumik eqqartuussissuserisuumik ivertitsisoqarnissaa
pisariaqartinneqarneqarnersoq nalilissallugu najukkami eqqartuussivinnut
ajornakusoorpoq.

Pinerluttulerinermi inatsimmi allanngortitsinerit kingullerpaat aamma
pinerluttulerinermik suliat paasiuminaatsut ineriartornerisa, Kalaallit
Nunaanni Politiini unnerluussisussaataitaasunut sularinneqqaarfimmi
suliani arlalinni inatsisilerinermut tunngasumik ilinniarsimasunik

unnerluussisuliisarnernik kinguneqarsimanera, suleqatigiissitat
aammattaaq isumaliutiginninnerminni ilaatissimavaat.

Qanittumiinnissamik tunngavik eqqarsaatigalugu piffissami
aalajangersimasumi siunissami illersuisunik akuerisaasunik,
inatsisilerinermut tunngasumik universitetimi
soraarummeersimanngitsumik suli pisariaqartitsisoqassasoq, aammattaaq
suleqatigiissitat nalilerpaat, kisianni taakku amerlassusaasa ikiliartornissaat
naatsorsuutigineqassaaq, ilaatigut Kalaallit Nunaanni Universitetimi,
Ilisimatusarfimmi, eqqartuussiveqarfimmi suliffimmi qaffakkiartornermik
suli kissaateqarunik, inuit eqqortumik piginnaassusillit inatsisinik
ilisimatusarnermik ilinniarnermut qinnuteqassasut
naatsorsuutigineqartariaqarmat. Taamatut naatsorsuuteqarneq taanna,
ilaatigut Kalaallit Nunaanni Universitetimi, Ilisimatusarfimmi, inatsisinik
ilisimatusarnermik ilinniarnermut ilaatigut taperserneqarpoq, taannalu
immikkut ilisimasaqarniarluni suliarinnittarnermik ilinniakkanut,
kalaallinik inatsisilerinermut tunngasumik ilinniarsimasunik
amigaateqarnerup malitsigisaanik pisariaqartinneqarsimasunit
naleqqiullugu suliffimmi qaffakkiartornissamut periarfissanik
amerlanerujussuarnik periarfissiissaaq. Illersuisut akuerisaasut,
inatsisilerinermut tunngasumik universitetimi ilinniakkamik angusisimasut
ukiuni aggersuni amerliartornissaat, Kalaallit Nunaanni
eqqartuussissuserisut amerlassusaasa piffissami sivisuumi killeqarnissaat
aamma Nuummiinnerunissaat, aamma unnerluussisussaataasut siunissami
suliani amerlanerusuni inatsisilerinermut ilinniarsimasunik
unnerluussisuliisarnissaat, ataatsimut isigalugu suleqatigiissitat
naatsorsuutigaat. Taamaammat ivertitsisarneq pillugu malittarisassat
allanngorarsinnaasut, taamaalillutik ineriartornermut tassunga
naleqqussarsinnaallutik, pisariaqartinneqarput.

Inatsisilerinermik ilinniarsimasumik illersuisoqarnissaq pillugu
piumasaqaat, illersuisup minnerpaamik inatsisinik ilisimatusarnermi
bacheloritut ilinniarsimanermik piumasaqaateqarnermik
allanngortinneqarnissaa suleqatigiissitani isumaliutigineqarsimavoq.
Kisianni suliani immikkut ittumik ilungersunassusilinni
ivertinneqarsinnaanermut illersuisup inatsisilernermut tunngassuteqartumik
kandidatitut soraarummeersimanissaanik piumasaqaatip
attatiinnarneqarneratigut, illersuisut suliani taakkunani ivertinneqartut,
sunniuteqarluartumik illersuisinnaanissaminnut pinerluttulerinermik suliani
naammattumik misilittagaqarsimanissaat pitsaanerusumik

qulakkeerneqassasoq, suleqatigiissitat isumaqarput. Illersuisut akuerisaasut immikkut ittumik ilinniartitaasut akornanni, matumani inatsisinik ilisimatusarnermi bacheloritut ilinniarsimaneq ilanngullugu, suussutsimik nutaamik pilersitsisoqarnissaa naleqquttuunngitsoq, tassami tamatuma illersuisoqarnermik systemi pisariaqanngitsumik paasiuminaannerulersissagaa aamma kukkusoqarnissaanut aarlerinaat, inatsisitigut isumannaatsuunermut ajortumik kinguneqarsinnaasoq annerulersissagaa, suleqatigiissitat aammattaaq isumaqarput. Kalaallit Nunaanni Eqqartuussiveqarneq pillugu Siunnersuisoqatigiit ukiumoortumik ataatsimiinneranni ulloq 17. september 2024-imi pisumi suleqatigiissitat isumaliutigisimasatik saqqummiuppaat, matumani eqqartuussisarnermik inatsimmi § 322, imm. 2-mi suliat suut ilaatinneqarnersut pillugit erseqqinnerusumik allaaserinninnissaq pisariaqartinneqartoq, ilaatigut najukkani eqqartuussiviit eqqartuussissuserisut illersuisutut ivertinneqartarnerat pillugit suleriaasaanni tamatuma paatsuugassaannngitsumik takuneqarsinnaannginnera pissutigalugu. Inatsisitigut isumannaatsuunermut tunngassuteqartumik ajornartorsiut, ukiuni amerlasuuni atuussimasoq, pineqartoq, tassani illersuisut ivertinneqartarnerannut sulisaaseq erseqqissuunani aamma piareersaataasumik suliani naatsorsuutigineqartunut akerliusumik pisarluni. Suleqatigiissitat isumaliutiginninnerat aallaavigalugu Inatsiseqarnermut ministereqarfik inatsisissatut siunnersuummik suliaqassasoq, tassani eqqartuussisarnermik inatsimmi § 322, imm. 2 allanngortinneqarluni, tamanna tunngavigalugu Kalaallit Nunaanni Eqqartuussisarneq pillugu Siunnersuisoqatigiit innersuussutigaat.

Siunnersuisoqatigiit innersuussinerat aamma suleqatigiissitat isumaliutiginninnerat aallaavigalugit aalajangersakkap allanngortinneqarnissaa siunnersuutigineqarpoq, taamaalilluni najukkani eqqartuussiviit annerusumik pingaarnertut malittarisassatut suliani immikkut illuinnartumik ilungersunartutut suussusilinni, eqqartuussissuserisoq imaluunniit illersuisoq akuerisaasoq, inatsisilerinermut tunngasumik kandidatitut soraarummeerluni angusisimasoq ivertissagaat, aamma suliani immikkut ittumik ilungersunartutut suussuseqartuni tamatigut toqutsinerit, pinngitsaaliilluni atoqateqarnerit imaluunniit ingasattumik nakuuserserit, aamma suliat, taakkunani unnerluussisussaataitaasut tigummigallagaanissamik piumasagaateqarlutik, ilaatinneqassasut takuneqarsinnaalissalluni. Taamaalilluni suleqatigiissitat isumaliutiginninnerannut naapertuuttumik aalajangersakkap aamma annertusineqarnissaa siunnersuutigineqarpoq,

taamaalilluni aamma illersuisoq akuerisaasoq, inatsisilerinermut tunngasumik kandidatitut angusilluni soraarummeersimasoq, suliani taakkunani ivertinneqarsinnaalissalluni. Annertunerulersitsineq taanna Kalaallit Nunaanni eqqartuussissuserisut suli ikinnerannut atatillugu, aamma allannguinerup suli at aalajangersakkami ilaatinneqartut amerlassusaasa qaffariarnerannik kinguneqarnissaata naatsorsuutigineqarneratut isiginiarneqassaaq.

Kalaallit Nunaanni ilaatigut eqqartuussissuserisut aamma illersuisut akuerisaasut, inatsisilerinermut tunngasumik kandidatitut angusillutik soraarummeersimasut killilimmik amerlassuseqarnerisa, ilaatigullu eqqartuussisarnermik inatsimmi § 322, imm. 2-p allanngortinneqarnerata aalajangersakkami suli at ilaatinneqartut amerlassusaasa qaffannissaanik kinguneqartussatut naatsorsuutigineqarmat – tamanna najukkani eqqartuussiviit suliassanik naammassinnittarneri eqqarsaatigalugit pisariaqarluinnartutut nalilerneqarpat, taamaalilluni illersuisup akuerisaasup, inatsisilerinermut tunngasumik universitetimit soraarummeerluni angusisimanngitsup, taamaattoqassappallu ajornanngippat suliamut tunngasumik nakkutigineqarluni, takkussinnaanera pillugu, aalajangersakkap avaqqunneqarsinnaaneranik periarfissaq eqqunneqassanersoq – isumaliutersuutigineqarsimavoq. Kisianni pissutissalimmik pasisamut eqqarsaatiginninnerit taamatut eqqarsaatiginninnerup tunuartittariaqanngikkai, Inatsiseqarnermut ministereqarfik isumaqarpoq. Kalaallit Nunaanni ineriartorneq ilutigalugu, aamma 2024-imi septemberip kingorna Kalaallit Nunaanni Universitetimi, Ilisimatusarfimmi, inatsisinik ilisimatusarnermi kandidatitut ilinniarsinnaanerup periarfissaalernerata kingorna, ukiuni tulluittuni inatsisilerituut ilinniarsimasut amerlassusaasa qaffannerat pissasoq, aamma taamaalilluni aalajangersakkap malitsigisaanik pisariaqartitsinerup matussuserneqarnissaanut isumalluutit pisariaqartinneqartut nassaassaanissaat aammattaaq naatsorsuutigineqarpoq. Taamaattoq suliamik sularinnittarnerup sivitsorneqarneranik aamma Danmarkimit eqqartuussissuserisut atorneqarnissaanik pisariaqartitsinerup annertusineqarnissaanik allannguutip kinguneqarsinnaanera, aarlerinaateqarsinnaavoq.

Illersuinermut eqqarsaatiginninnerit taamaaliortoqarnissaa pisariaqartinngikkaat erseqqissumik nalilerneqanngippat, suliani immikkut illuinnartumik ilungersunartuni taamaattuni, najukkami eqqartuussiviit eqqartuussissuserisumik imaluunniit illersuisumik akuerisaasumik,

inatsisilerinermut tunngasumik kandidatitut soraarummeerluni angusisimasumik ivertitsinissaat, tamatuma kingorna aallaaviussaaq.

Inatsisissatut siunnersuummi § 1 nr. 13, tassungalu oqaaseqaatit innersuussutigineqarput.

2.11. Eqqartuussiviit saavini assit videollu immiunneqarnerat

2.11.1. Inatsisit atuuttut

Tamanna qaqutigorluinnaq eqqartuussiviup akuersissuteqarfiginngippagu, eqqartuussinerit nalaanni assit nipillu immiunneqarnissaat imaluunniit aallakaatinneqarnissaat inerteqqutaasoq, eqqartuussisarnermik inatsimmi § 125-p aalajangerpaa. Tassunga akerliusumik assit nipillugu immiunneqarsimasut tamanut saqqummiunneqarnerat, inerteqqutaavoq. Suliap sularineqarnerata nalaani piffissami qaqugukkulluunniit, assit nipillu, eqqartuussinerup nalaani immiunneqartut, tamanut oqaluttuareqqinneqarnerat eqqartuussiviup allakkut inerteqqutigisinnaavaa. Eqqartuussiviup aalajangiinera, imm. 1 malillugu tunngavilersorneqartussaq, aalajangiinikkut aalajangerneqassaaq. Inuit eqqartuussinerup nalaani nassuiaateqartut, imm. 2 malillugu assit nipillugu immiunneqarnerat pillugit ilisimatinneqassapput. Tamanna eqqartuussiviup akuersissuteqarfiginngippagu, eqqartuussiviup illuutaani assit immiunneqarnerat inerteqqutaavoq. Imm. 3 malillugu imm. 1-imi oqaaseqatigiit aappaannit sisamaat ilanngullugu aalajangersakkat taamatuttaaq atuupput. §§ 128-imi aamma 163-imi aallakaatitsinernut, imm. 4 malillugu eqqartuussinerit naammassineqarnissaannut ilaasumik pisunut, taaneqartunut imm. 1-imi aamma 3-mi ilaatinneqanngillat.

2.11.2. Inatsiseqarnermut ministereqarfiup isumaliutiginninneri aaqqissuussinerlu siunnersuutigineqartoq

§ 125-imi nutaamik imm. 4-mik ilanngussisoqarnissaa siunnersuutigineqarpoq, tamatumalu kingorna eqqartuussiviup illutaasa silataanni, pineqartup immiussisoqarnissaa akuersissuteqarfigisimanngippagu, pissutissalimmik pasisamik, unnerluussaasunik aamma ilisimannittunik, pinerluttulerinermi suliami eqqartuussiviliartunik imaluunniit eqqartuussivimmit anisunik assinik immiussinissaq inerteqqutinngussaaq, kiisalu tamatuma kingorna imm. 1-imi oqaaseqatigiit aappaat taamatuttaaq atuutissaaq. Tamatuma kingorna imm. 4 imm. 5-inngussaaq.

Eqqartuussisarnermik inatsimmi § 125, imm. 1 malillugu eqqartuussiviup illuutaasa iluanni assinik immiussinissamut inerteqqummut siunnersuut ilassutaavoq. Sulisaatsimi inuit taakku, eqqartuussivimmut takkuteqqullugit pisussaaffilerneqartut, illersorneqarnissaat pisariaqartinneqarsinnaammat, siunnersuummut ingammik tunngaviuvoq. Inuit sakkutuujunngitsut pillugit suliani akuusut ilisimannittullu siunnersuummi ilaatinneqanngillat, taakkunanimi pisariaqartitsinerup assinga takuneqarsinnaasimanngilaq.

Inuit, pinerluttulerinermik suliami pissutissalimmik pasisatut, unnerluussatut imaluunniit ilisimannittut takkunnissamik pisussaaffeqartut, pisumi tassani immikkut ittumik artorsarnartumi akuersissuteqaqqaarani assilineqarnermut atasumik pisariaqanngitsumik innarlerneqarnissamut, illersorneqartariaqarput. Tamanna ingammik pissutissalimmik pasisaq imaluunniit unnerluussaasoq nammineersinnaajunnaarsinneqarsimatillugu aamma politiinit eqqartuussivimmukaaneqartillugu atuuppoq, kisianni taakkununga tamanna killilerneqanngilaq.

Pisunut, taakkunani pineqartup pinerluttulerinermik suliami eqqartuussivimmut aggernerpiaani, inuk pineqartoq assilineqarluni/filmiliarineqarluni, inerteqquteqarneq sammitinneqarpoq. Nutaarsiassaqaartitsinermut inerteqquteqarneq ajortumik kinguneqassanngitsoq, Inatsiseqarnermut ministereqarfik isumaqarpoq, taassumami pinerluttulerinermik suliami ilisimannittut, pissutissalimmik pasisat aamma unnerluussaasut mianerineqarnissaannut eqqarsaatigisassat kingunerisinnaasat ajortut illuatungilissavai. Taamaalilluni suliamik ilisimasalittut sullissisut (illersuisut, unnerluussisut aamma eqqartuussisut inatsisilerinermut tunngasumik ilinniarsimasut) assilineqarneri il.il. inerteqquteqarnermut tunngassuteqanngillat, aamma eqqartuussivimmit tusagassiuineq pissutissalimmik pasineqartup, unnerluussaasup imaluunniit ilisimannittut assiinik ilaqartinneqartoq inerteqquteqarnerup akornusinngilaa, aamma allakkut pinerluttulerinermik suliat ingerlasut eqqarsaatigalugit nutaarsiassaqaartitsinermut inerteqquteqarneq tunngassuteqanngilaq.

Pinerluttulerinermik suliami pissutissalimmik pasisap, unnerluussaasup aamma ilisimannittut eqqartuussiviup illutaata silataani »eqqartuussivimmut isilerneranni imaluunniit eqqartuussivimmit anilerneranni« assinik immiussineq inerteqquteqarnermi ilaatinneqarpoq.

Oqaatsip taassuma nassuiarneqarnera, ingammik inuit taakku, eqqartuussivimmut takkuteqqullugit naalakkerneqartut, immikkut ittumik artornartorsiortinneqarnermut tassunga, akuersissuteqarteqqaarngit assilineqarnerannut atasumik pisariaqanngitsumik innarlerneqarnissamut illersorneqarnissaat, malittarisassap siunertaa eqqarsaatigalugu pissaaq. Taamaalilluni eqqartuussiviup illutaanit ungasissuseq aalajangersimasooq, inerteqquteqarnerup atuuffia, taaneqanngilaq, tassami tamanna pissutsinit aalajangersimasunit tunngaveqartussaammat.

Inerteqquteqarnerup killilerneqarnera sulisaatsimi pingaarutilimmik ajornartorsiutinik pissutissaqalersitsinnginnissaa isumaqarfigineqarpoq, tassami inuppasuarnut tusagassiuutinut tunngatillugu ingammik illersorneqarnissamik pisariaqartitsineq takuneqarsinnaassammat, taakkumi assinik immiussinissamut soqutigisaat pinerluttulerinermik suliami pineqartup pissutissalimmik pasisatut, unnerluussaasutut imaluunniit ilisimannittut inississisimaffianut tunngassuteqarpiarmat. Taamaammat pisuni, taakkunani pineqartoq pinerluttulerinermi suliami eqqartuussivimmut takkunnerani assilineqarnera/filmiliarineqarnera inerteqquteqarnermut sammitinneqarpoq. Sulisaatsimi assiliisoq taamaalilluni inuup aalajangersimasup assiliisup assilissallugu kissaatigisaata, eqqartuussinermukarnera imaluunniit eqqartuusinermi aninera qaqutigunnaq nalornissutaasinnaassaaq.

Pinerluttulerinermik suliani pissutissalimmik pasisaq, unnerluussaasoq aamma ilisimannittut eqqartuussinermukarnerminni, aggeqquneqarfimminni, aamma eqqartuussivimmit aninerminni illersugaapput. Pinerluttulerinermik suliani pissutissalimmik pasisaq, unnerluussaasoq imaluunniit ilisimannittut eqqartuussinissamut aggeqquneqarnermik kingorna aggerpata, eqqartuussinerup taamaatiinnarneqarsimanera apeqquataatinagu, eqqartuussivimmit aninerminni illersugaapput. Eqqartuussinermi, tassani pasilliut imaluunniit unnerluussut taamaatiinnarneqarluni, pissutissalimmik pasisaq aamma unnerluussaasoq eqqartuussivimmit aninerminnit aamma illersugaapput. Unnerluussaasoq eqqartuussinermi aninermi, tassani (allakkut) suliap naammassineqarluni (assersuutigalugu eqqartuussuteqarnikkut), matumani unnerluussaasup pinngitsuutinneqarnera ilanngullugu) aamma illersugaavoq.

Assit immiunneqarnissaannut pineqartoq akuersissuteqarsimappat, inerteqquteqarneq atuutinngilaq. Akuersissuteqarnerup qanoq

ilusilernerqarnissaanut piumasaqaateqanngilaq, kisianni illersorneqarneq sakkukilliumanagu akuersissuteqarneq annerusumik pingaarnertut malittarisassatut akuersissuteqarneq erseqqissuusariaqarpoq.

Pineqartup akuersissuteqarnermi kingunerisai tamakkerlugit paasisinnaappagit, akuersissuteqarneq taamaallaat atuutissaaq. Meeqqanut mikinernut akuersissuteqarneq angajoqqaatut oqartussaassutsimik piginnittumit tunniunneqarsinnaavoq. Meeqqanut annerusunut angajoqqaatut oqartussaassuseqarnermik piginnittumit aamma meeqqamit namminermit akuersissuteqarnissaq nalinginnaasumik piumasaqaataassaaq.

§ 125-imi oqaaseqatigiit aappaattut siunnersuutigineqartoq malillugu, inerteqquteqarnermut akerliusumik assit immiunneqarsimasut tamanut saqqummiunneqarnerat inerteqqutaavoq. Pisuni aamma, taakkunani inuk tamanut saqqummiussisoq, (uppernarsarneqarsinnaasumik) immiussinermut tassunga akisussaaqataannnginnerani, illersorneqarnissap qulakkeerneqarnissaanut, immikkut ittumik tamanut saqqummiussinissamut inerteqquteqarneq pisariaqartinneqarpoq.

Siunnersuutip qallunaat eqqartuussisarnermik inatsisaanni § 32, imm. 6 assigaa.

§ 127, imm. 1-ip allannngortinneqarnissaanut siunnersuut malillugu, inerteqquteqarnermik unioqqutitsineq akiliisitsisummik iliuusereriikkamut kinguneritaqartinneqarnissaa siunnersuutigineqarpoq.

2.12. Kinguaassiuutitigut pinerluttuliornerit pillugit suliani aalajangersimasuni eqqunngitsuliorfigineqartut pitsaanerusumik illersorneqarnissaat

2.12.1. Inatsisit atuuttut

2.12.1.1 Eqqartuussisarnermik inatsimmi kapitali 31-imi malittarisassatigut unnerluussisussaataasut pinerluttulerinermik suliani unnerluussummik tamakkiisumik imaluunniit ilaannakoortumik taamaatitsinissaminnut imaluunniit unnerluussutigisaminnik taamaatitsinissaminnut suliamut tunngatillugu ilaatigut pisinnaatitaapput. Unnerluussutip taamaatiinnarneqarnerani pinerluttulerinermi pissutsimut unnerluussineq pinngitsoortinneqassaaq, pissutigalugu unnerluussisussaataasut isumaat malillugu pissutissalimmik pasisap eqqartuunneqarnissaanut naammattunik uppernarsaatissaqanngimmat.

Suliami unnerluussineq tamakkiisumik imaluunniit ilaannakoortumik taamaatiinnarneqassaaq, tulluuttut pitillugit, 1) pasilliut tunngavissaqanngitsutut paasineqarpat, 2) eqqartuussisutigoortitsiniarneq pissutissalimmik pasisap allakkut pisuutinneqarnissaanut naatsorsuutigineqarsinnaanngippat, imaluunniit 3) eqqartuussisarnermik inatsimmi § 312 malillugu suliap naammassineqarnissaa ajornartorsiutinik, aningaasartuutinik imaluunniit suliap suliarineqarnerani piffissanut atorneqartunut naleqqiullugu, suliap pingaaruteqassusaanut aamma pineqaatissiisummut, taamaattoqassappat eqqartuussutigineqartussatut naatsorsuutigineqartumut, naleqqiullugu naleqqutinngitsumik kinguneqartussaappat.

Unnerluussutip taamaatiinnarneqarnerani imaluunniit unnerluussummik tunuartitsinermi, pissutissalimmik pasisaq, eqqunngitsuliorfigineqartoq imaluunniit, eqqunngitsuliorfigineqartoq toqusimappat, eqqunngitsuliorfigineqartup qanittumik ilaqtai nalunaarfigineqassasut, eqqartuussisarnermik inatsimmi § 314, imm. 1-p aamma 2-p malitsigaat. Allanut, tassunga naleqquttumik soqutigisaqartutut naatsorsuutigineqartunut tamanna aamma atuuppoq. Unnerluussummik taamaatitsineq pillugu aalajangiineq § 61 c, imm. 4, § 61 d, imm. 3, aamma § 61 e, imm. 2 malillugit unnerluussisussaataasut qullersaannut naammagittaalliutigineqarsinnaavoq.

Unnerluussinissaq pillugu aalajangiineq imaluunniit §§ 312 imaluunniit 313 malillugu aalajangiineq, unnerluussisussaataasut qullersaannit allanngortinneqarsinnaavoq. Pissutissalimmik pasisap inuttut atugarisaasa piffissaq eqqorlugu nalunaaruteqarnissaq akornusersimanngippagu, imaluunniit § 315, imm. 1 malillugu § 582, nr. 1 imaluunniit 2 malillugit aallartitseqqinnissamik piumasaqaatit naammassineqarsimanngippata, taamaattoq tamanna pillugu pissutissalimmik pasisamut unnerluussutip taamaatiinnarneqarnera imaluunniit unnerluussutip tunuartinneqarnera pineqartumut nalunaarutigineqarnerata kingorna, kingusinnerpaamik qaammatit 3 kingorna, unnerluussinissamik taamaatitsineramik imaluunniit unnerluussummik tunuartitsineramik allannguneq taamaallaat pisinnaavoq.

2.12.1.2. Pinerluttulerineq pillugu inatsiseqartitsineq malillugu malersuineq pissutigalugu taartisiaqartitsineq pillugu eqqartuussisarnermik inatsimmi kapitali 42 malittarisassanik imaqarpoq.

Taartisiaqartitsinissamut tigussaasumik piumasagaatinik § 486 imaqarpoq. Inuk, pinerluttulerineq pillugu inatsiseqartitsineq malillugu malersuinnermut atatillugu tigusaasimasooq imaluunniit tigummigallagaasooq, unnerluussut taamaatiinnarneqarpat imaluunniit unnerluussaasooq pinngitsuutitaappat, taamaaliernerup malitsigisaanik ajoquserneqarnerminut taarsiivigineqarnissamik piumasagaateqassasooq, aamma aningaasatigut ajoquserneqarnermut kiisalu naalliunnermut, mitagaanermut, ajoquserneqarnermut aamma akornuserneqarnermut imaluunniit atorfiup aappariinnerullu aserorterneqarneranut taarsiissutit tunniunneqassasut, § 486, imm. 1-p malitsigaa. Imm. 1 malillugu taarsiivigineqarnissamut piumasagaatit naammassineqarsimanngikkaluartut, nammineersinnaajunnaarsitaaneq, suliap nalaani atorineqarsimasooq, malersuinnerup kinguneranut naleqqiullugu naleqqutinnngippat, imaluunniit imm. 2 malillugu pissutsit immikkut ittut allat tamanna naleqquttuutippassuk, taarsiissuteqartoqarsinnaavooq. Pissutissalimmik pasisaq imm. 3 malillugu tigusaanermut imaluunniit tigummigallagaanermut nammineerluni pissutissaqartitsilersimappat, taarsiissuteqarneq appartinneqarsinnaavooq imaluunniit itigartitsissutigineqarsinnaavooq.

Kapitalimi ilaatinneqartunik taarsiivigineqarnissamik piumasagaatit suliarineqartarnerannut ingerlatsisarneq pillugu eqqartuussisarnermik inatsimmi §§ 490 aamma 491 malittarisassanik imaqarput.

§§ 486-imiit 489 ilanngullugu aalajangersakkat malillugit taarsiivigineqarnissamik piumasagaatit pillugit § 490, imm. 1 malillugu statsadvokati aalajangiissaaq. Suliat erseqqinnerusumik taaneqartut Rigsadvokatimut imaluunniit inatsiseqarnermut ministerimut aalajangiiffigineqartussatut saqqummiunneqassasut, Inatsiseqarnermut ministerip aalajangersarsinnaavaa. Malersuinnerup atorunnaarsinneqarnera pillugu imaluunniit inaarutaasumik eqqartuussutit eqqartuussutigineqarnerata kingorna pissutissalimmik pasisamut nalunaaruteqarnerup kingorna, kingusinnerpaamik qaammatit 2 kingorna inummit pasineqarsimasumit piumasagaat saqqummiunneqassaaq. Eqqartuussutit eqqartuussutigineqarnerani unnerluussaasooq najuussimanngippat, taamaattoq eqqartuussut nalunaarutigineqassappat, piffissaliussaq nalunaarutiginninnermit naatsorsorneqassaaq. Akuliunnerup naanerata kingorna kingusinnerpaamik qaammatit 2 kingorna, allanit piumasagaat saqqummiunneqassaaq. Suliami, piumasagaateqarnermut pissutaasumi, politidirektørimut imaluunniit statsadvokatimut tassunga,

pinerluttoqarsimaneramik paasiniaanermut akisussaaffeqarsimasumut, taarsiivigineqarnissamik piumasaqaat saqqummiunneqassaaq. Imm. 1-imi piffissaliussap naanerata kingorna piumasaqaat saqqummiunneqarpat, imm. 2 malillugu qaangiuttoorneq isumakkeerfigineqarsinnaappat, piumasaqaat suliarineqarsinnaavoq. Taarsiivigineqarnissaq pillugu piumasaqaat pillugu statsadvokatimit aalajangiinerit aalajangerneqartut pillugit naammagittaalliuutit Rigsadvokatip suliarissavai. Naammagittaalliorneq pillugu suliami Rigsadvokatip aalajangiinera imm. 3 malillugu inatsiseqarnermut ministerimut naammagittaalliuutigineqarsinnaanngilaq. Taarsiivigineqarnissaq pillugu piumasaqaatit pillugit aalajangiinerit Rigsadvokatimit suliarinneqqaarfittut aalajangiiffigineqartut imm. 4 malillugu inatsiseqarnermut ministerimut naammagittaalliuutigineqarsinnaanngillat. Aalajangiineq pillugu naammagittaalliortumut nalunaaruteqarnerup kingorna, taarsiivigineqarnissaq pillugu piumasaqaatit pillugit aalajangiinerit pillugit naammagittaalliornissamut piffissaliussaq sapaatit akunnerinik 4-nik sivilisussuseqarpoq. Piffissaliussap naanerata kingorna naammagittaalliuut takkuppet, piffissaliussamut qaangiineq imm. 5 malillugu isumakkeerfigineqarsinnaappat, naammagittaalliorneq suliarineqassaaq. Allagaatinik takunnissinnaatitaaneq pillugu aalajangiinernut imm. 3-mi aamma 5-imi aalajangersakkat taamatuttaaq atuupput. Allagaatinik takunnissinnaatitaaneq pillugu, imm. 6 malillugu Rigsadvokatip suliarinneqqaarfittut aalajangigai pillugit naammagittaalliuutit Inatsiseqarnermut ministerip suliarissavai.

Taarsiivigitinnissamik qinnuteqaat Rigsadvokatip imaluunniit inatsiseqarnermut ministerip aalajangiineratigut akuerineqanngippat, taarsiivigineqarnissamik qinnuteqartup § 491, imm. 1 malillugu itigartitsissuteqarnerup kingorna kingusinnerpaamik qaammatit 2 kingorna, piumasaqaatip eqqartuussivimmut, pinerluttulerinermik suliamik aalajangiisimasumut, saqqummiunneqarnissaa noqqaassutigisinnaavaa. Suliaq politidirektørimit eqqartuussivimmut saqqummiunneqassaaq. Pinerluttulerinermik suliaq eqqartuussivimmit aalajangiiffigineqarsimanngippat, taarsiivigineqarnissamik piumasaqaat politidirektørip eqqartuussivimmut, tassani pinerluttulerinermi eqqartuussivikkoortitsinermi suliami akuliunneq aalajangerneqarsimalluni, imaluunniit taarsiivigineqarnissamik qinnuteqartup najugaani najukkami eqqartuussivimmut saqqummiutissavaa. Imm. 2 malillugu taarsiivigineqarnissamik qinnuteqartup noqqaassuteqarneratigut pineqartumut illersuisumik ivertitsisoqassaaq. Pinerluttulerineq pillugu

inatsiseqartitsinermi ilutsit malillugit taarsiivigineqarnissamik suliaq suliarineqassaaq.

Piumasaqaat naleqquttumik pinerluttulerineq pillugu inatsiseqartitsinerup iluanit suliarineqarsinnaassanngippat, inummit, pasisaasimanngitsumit taarsiivigineqaqulluni piumasaqaat, taamaattoq eqqartuussiviup suliarissallugu itigartitsissutigisinnaavaa. Tamatuma kingorna imm. 3 malillugu inuit sakkutuujunngitsut pillugit sulianut malittarisassat malillugit eqqunngitsuliorfigineqartup piumasaqaat saqqummiutissallugu kiffaanngissuseqarfigivaa. Inatsimmik unioqqutitsineq suliap, imm. 4 malillugu eqqartuussisooqataasut peqataatillugit aalajangerneqartussaasimanngikkaluartup malitsigisaanik taarsiivigineqarnissamik piumasaqaat saqqummiunneqanngippat, suliaq eqqartuussisooqataasut peqataatillugit suliarineqassaaq.

Tamanna pillugu malittarisassat nalinginnaasut malillugit taarsiivigineqarnissamik piumasaqaat kingornunneqassasoq, § 491 a-mi takuneqarsinnaavoq, taamaattoq § 490-imi malittarisassat naapertorlugit saqqummiunneqarsimappat, aningaasatiguunngitsoq ajoqusernermut taarsiissutit pillugit piumasaqaat taamaalilluni kingornuneqassalluni.

Taarsiivigineqarnissamik piumasaqaatit, pinerluttulerineq pillugu inatsiseqartitsineq malillugu malersuinerneq ataatillugu, nalinginnaasumik taarsiissuteqartarneq pillugu malittarisassat tunngavigalugit pissutissalimmik pasisamit, eqqartuunneqarsimasunit imaluunniit allanit saqqummiunneqartut, eqqartuussisarnermik inatsimmi kapitali 42-mi malittarisassat malillugit noqqaassuteqarnikkut suliarineqassapput.

Taarsiivigineqarnissamik piumasaqaatit, nalinginnaasumik taarsiissuteqartarnermut malittarisassat tunngavigalugit piumasarineqartut, aalajangersakkami ilaatinneqarput. Isumaqatigiissuteqarnerup avataani taarsiissuteqarnissamut tunngaviit nalinginnaasut malillugit, inuk, inuup allap iliuuseqarnerata imaluunniit iliuuseqannginnerata malitsigisaanik ajoquserneqartoq aamma taamaalilluni aningaasatigut ajunaaruteqartoq, inummut ajoqusiisumut taarsiivigineqarnissamik piumasaqaateqassaaq. Tamanna aamma pisuni, taakkunani ajoquserneqarsimappat ajoquserneq pisortani oqartussaasunit ajoqusiinerulluni, atuuppoq. Taarsiissuteqarnissamut akisussaataitanissamut, pisariaqartinneqartumik akisussaanermut tunngaviup najuunnissaa piumasaqaataavoq. Nalinginnaasumik akisussaanermut tunngavik tassaavoq culpa (pisuuneq).

Imaappoq ajoqusernermut, piaaraluni imaluunniit mianersuaalliorluni pissusilersornikkut ajoqusiinermut akisussaatitsineq atuutissaaq. Ajoqusiisoq taamaalilluni pissusilersornissamut ileqqut nalinginnaasut akerliannik iliuuseqarsimassaaq, aamma tamanna pineqartumut assuarinnissutaasinnaasussaavoq. Akisussaanermik tunngaviup atuunnissaata saniatigut, ajoqusernerup ajoqusiissutigineqartup aamma pissutsit akisussaatitaanermik pisussaaqqalersitsisut akornanni ataqatigiinneq (kausalitet) taarsiissuteqarnissamik akisussaaqqarnissamut piunarsaqataavoq. Iliuuseq ajoqusiititsisoq ajoqusernerup atuutileraneranut pissutaassaaq. Tamatuma saniatigut, iliuuttip ajoqusiisup ajoquserneq naatsorsuutigineqarsinnaasumik (adækvat) malitsigigaa, taarsiissuteqarnissamut akisussaatitaanissamut piunarsaqataavoq. Ajoqusernerit, navianassutsimut naleqqiullugu nalinginnaanngilluinnartut aamma nalaatsornerinnaasut, iliuutsimit ajoqusiisumit pilersinneqartut, nalinginnaasumik taarsiissuteqarnissamut pisussaaqqiup avataaniittarput.

Taamaalilluni eqqartuussisarnermik inatsimmi § 491 b ingerlatsinermut malittarisassaavoq, taannalu taarsiivigineqarnissamik piunarsaqatip saqqummiunneqarnissaanut aamma noqqaassuteqarneq malillugu unnerluussisussaatitaasut itigartitsisoqassappat itigartitsissutip eqqartuussivinnut, aallaaviatigut pinerluttulerinermi eqqartuussisarnermi ilutsit malillugit suliarinnittussanut, saqqummiussinissaannut piunarsakkamik periarfissiinermik imaqarluni. Taarsiivigineqarnissamik piunarsaqatitut, pillaasarneq pillugu inatsiseqartitsineq malillugu malersuinerup pissuteqartumik saqqummiunneqartunut, aalajangersagaq killilerneqarpoq.

2.12.2. Inatsiseqarnermut ministereqarfiup isumaliutiginninneri aqqissuussinerlu siunnersuutigineqartoq

2.12.2.1. Unnerluussutip taamaatiinnarneqarnerata aamma unnerluussummik tunuartsinerup allanngortinneqarneranik eqqartuussisarnermik inatsimmi § 315 tunngassuteqarpoq. Naalakkersuisut oqaloqatigereernerisa kingorna, taamaaliornerit allanngortinneqarnissaannut piffissaliussaq qaammatinit 3-nit qaammatinit 4-nut sivitsorneqartariaqartoq, Inatsiseqarnermut ministereqarfik isumaqarpoq.

Allanngortitsinissamut piffissaliussap massakkut qaammatinik 3-nik sivissuuseqartup qaammatinit 4-nut sivitsorneqarnera, unnerluussutip taamaatiinnarneqarneri pillugit aamma kukkusoqarsimappat kukkussutit,

taamaanngippat assersuutigalugu inuk pasisaasimasooq allannguineq pillugu aalajangiineq pillugu nalunaarfiginnera pissutigalugu suliap malersooqqinneqarsinnaannginneranik kinguneqarsinnaasut, suliarineqarnissaannut oqartussaasut piffissaqarnerulersissavai. Tamatuma saniatigut allannguinnissamut piffissaliussap sivitsorneqarnerata, naammagittaalliornissamut piffissaliussap naanerata kingorna tiguneqartut, taakkunani piffissaliussamik qaangiineq isumakkeerfigineqarsinnaasutut isigineqarluni, oqartussaasut naammagittaalliuutinik sivilunerusumik suliarinnissinnaanissaannik kinguneqassaaq. Taamaattoq suliamik suliarinninnermi kukkunerit pisinnaanerata, piffissaliussap sivitsorneqarnerata pinngitsoortinnaviannngikkaa, maluginiarneqassaaq.

Unnerluussutip taamaatiinnarneqarneri pillugit aalajangiinernut aamma unnerluussummik tunuartitsinerit pillugit aalajangiinernut allannguinnissamik piffissaliussap assigiinnarnissaat, aammattaaq naleqquttuusooq Inatsiseqarnermut ministereqarfik isumaqarpoq.

Tamanna tunngavissaqartillugu, pissutissalimmik pasisamut, eqqunngitsuliorfigineqartumut aamma inuiaqatigiit soqutigisaannut eqqarsaatiginninnerit aamma eqqartuussisutigoortitsinissap pinissaata qulakkeerneqarnissaata akornanni ataatsimut isiginninneq, allannguinnissamut piffissaliussap sivitsorneqarneranut tunngaviuvoq. Pissutissalimmik pasisap inatsisitigut inissisimanerata ajornerulerneranik sivitsuineq kinguneqassaaq, tassami pineqartup unnerluussisussaataitasut qullersaata aalajangiineq allanngortissanngikkaa, aatsaat qaammatit 4 kingorna qulakkeersinnaavaa. Pissutissalimmik pasisaq, soorlu ullumikkut taamaattoq – unnerluussutip taamaatiinnarneqarnerani imaluunniit unnerluussummik tunuartitsinnermi allannguinnissamut piffissaliussaq pillugu nalunaarfigineqassammat – maluginiarneqassaaq.

Qallunaat eqqartuussisarnermik inatsisaanni § 724, imm. 2, inatsisikkut nr. 658-ikkut, 11. juni 2024-imeersukkut oqaasertaliorneqartoq, siunnersuutigineqartup assigaa.

2.12.2.2. Qallunaat eqqartuussisarnermik inatsisaanni § 1018 h-p atuuffissaa inatsisikkut nr. 658-ikkut, 11. juni 2024-imeersukkut annertusineqarpoq, taamaalilluni pillaatissiinissaq pillugu inatsiseqartitsineq malillugu malersuineq pissutigalugu qallunaat eqqartuussisarnermik inatsisaanni kapitali 93 a-mi piuminarsakkamik ingerlatsineq malillugu allannguinnissamut piffissaliussaq pillugu politiini

imaluunniit unnerluussisussaatitaasuni kukkuneq pissutigalugu pillaatissiinissamik suliani eqqunngitsuliorfigineqartoq, pinngitsaaliilluni atoqateqarneq, meeqqanik innarliinerit imaluunniit allakkut kinguaassiuutitigut innarliinerit atoqatiginninnerunngitsut pillugit, siunissami taarsiivigineqarnissamik piumasaqaateqarsinnaalissapput imaluunniit taartisiaqartinneqarsinnaalissapput.

Tamanna tunngavigalugu eqqartuussisarnermik inatsimmi § 491 b-p atuuffiata assigisaanik annertusineqarnera pisariaqartoq, Naalakkersuisut oqaloqatigereerlugit Inatsiseqarnermut ministereqarfiup nalilerpaa, taamaalilluni Kalaallit Nunaanni eqqunngitsuliorfigineqartunit taarsiivigineqarnissamik piumasaqaatit pillugit suliat, allanngortitsinissamut piffissaliussaq pillugu politiini imaluunniit unnerluussisussaatitaasuni kukkunerit pissutigalugit saqqummiunneqartut, suliarineqarnissaat ajornannginnerulersinneqassammat. Malittarisassat atuuttut malillugit pitsaannerusumik taarsiivigineqarnissamik pisinnaatitaanermik aalajangersagaq kinguneqassanngimmat maluginiarneqassaaq.

Tamanna tunngavigalugu § 491 b-mi imm. 2-mik nutaamik ilanngussisoqassasoq siunnersuutigineqarpoq, tamatumalu kingorna taarsiivigineqarnissamik piumasaqaatit suliarineqarneranni, pinerluttulerinermi inatsimmi unioqqutitsinerit pillugit suliani, pinerluttulerinermi inatsimmi §§ 74 (ilaquttatut qanilluinnakkamik atoqateqarneq), 77 (pinngitsaaliilluni atoqateqarneq), § 80, imm. 2 (ileqqussaannngitsuliorfigineq), aamma tulluuttut malitsigisaannik, 1) eqqunngitsuliorfigineqartoq unnerluussutip taamaatiinnarneqarnera pillugu aalajangiinerup naammagittaalliuutiginiisaanut naammattumik periarfissaqarsimannginnera, 2) unnerluussutip taamaatiinnarneqarnera pillugu eqqunngitsuliorfigineqartup naammagittaalliuutaa pillugu § 315, imm. 2-mi piffissaliussap naannginnerani suliarineqarsimannginnera, imaluunniit 3) unnerluussutip taamaatiinnarneqarnera pillugu allanngortitsineq pillugu aalajangiineq inummut pasineqarsimasumut, aamma § 315, imm. 2-mi piffissaliussap naannginnerani nalunaarutigineqarsimannginnera pillugu § 81 a pillugit suliani, nalinginnaasumik taarsiissuteqartarneq pillugu malittarisassat tunngavigalugit eqqunngitsuliorfigineqartumit saqqummiunneqartunut eqqartuussisarnermik inatsimmi kapitali 42-mi malittarisassat, § 490, imm. 1-imi oqaaseqatigiit tallimaat minillugu, atorneqassapput.

Pinerluttulerinermik suliat annertuut pisuni tamani qallunaat eqqartuussisarnermik inatsisaanni § 1018 h, imm. 2 pillaatissiinissamik sulianut ilaatinneqartut tamatigut assigneq ajorpaat. Pillaasarnermik inatsimmi malittarisassat tamarmik assignisaanik iluseqarlutik pinerluttulerinermi inatsimmi nassaassannginnerat tassunga pissutaavoq. Pinerluttulerinermi inatsimmi aalajangersakkat, § 491 b, imm. 2-tut siunnersuutigineqartumi ilaatinneqartut, qallunaat eqqartuussisarnermik inatsisaanni aalajangersakkap eqqunneqarneranut siunertaasoq tunngavigalugu toqqarneqarput.

Aaqqissuussineq siunnersuutigineqartoq malillugu, taarsiivigineqarnissamik suliat, qallunaat inatsiseqartitsineranni taarsiissuteqartarnermut malittarisassat nalinginnaasut tunngavigalugit suliassanngortinneqartut, taakku §§ 74 (ilaquttatut qanilluinnakkamik atoqateqarneq), 77 (pinngitsaaliilluni atoqateqarneq), § 80, imm. 2 (ileqqussaannngitsuliortitsineq) unioqqutitsinerit pillugit suliani eqqunngitsuliorfigineqartumit, aamma § 81 a malillugu eqqunngitsuliorfigineqartup unnerluussutip taamaatiinnarneqarnera pillugu aalajangiinerup naammagittaalliuutiginissaanut naammattumik periarfissaqarsimannginnerata, unnerluussutip taamaatiinnarneqarnera pillugu eqqunngitsuliorfigineqartup naammagittaalliuutaa pillugu piffissaliussap naannginnerani suliarineqarsimannginnerata, imaluunniit unnerluussutip taamaatiinnarneqarnera pillugu allanngortitsineq pillugu aalajangiineq inummut pasineqarsimasumut, aamma piffissaliussap naannginnerani nalunaarutigineqarsimannginnerata malitsigisaanik suliassanngortinneqarpata, eqqartuussisarnermik inatsimmi kapitali 42-mi piuminarsakkamik ingerlatsineq malillugu taarsiivigineqarnissamik piumasaqaatit suliarineqarsinnaassapput.

Eqqartuussisarnermik inatsimmi kapitali 42-imi piuminarsakkamik ingerlatsisarneq malillugu taarsiivigineqarnissamik piumasaqaatit suliarineqarnerisa, piumasaqaatip unnerluussisussaataitaasunit suliarineqarnissaa, aamma unnerluussisussaataitaasut noqqaassuteqarnerup kingorna itigartitsisoqarpat itigartitsineq eqqartuussivimmut, aallaaviatigut pinerluttulerinermi eqqartuussisarnermi ilutsit malillugit suliamik suliarinnittussamut, saqqummiussisinnaanerata kingunerissavaat. Statsadvokati, suliap nassiunneqarneranut atatillugu ajornaatsumik iliuusissanik isumaginninnissaa, aamma statsadvokatip suliaq eqqartuussivimmut saqqummiutissagaa, ilaatigut tamatuma kinguneraa. Taamaalilluni aalajangersagassatut siunnersuutip taarsiivigineqarnissamik

piumasaqaammut isummersitsinissaq eqqunngitsuliorfigineqartumut artornannginnerulersissavaa, kisianni tamanna malittarisassat atuuttut malillugit pitsaaneruseqarissat taarsiivigineqarnissamut pisinnaatitaaffimmik tunniussissanngilaq.

Eqqunngitsuliorfigineqartoq pisumi piviusumi taarsiivigineqarsinnaanersoq, nalinginnaasumik taarsiissuteqartarnermut malittarisassanik suli tunngaveqartinneqassaaq. Piumasaqaat pisut, nr. 1-imiit 3 ilanngullugu taaneqartut »malitsigisaannik« akisussaaffiup tunngaviata naliliiffigineqarneranut kinguneqassanngimmata tassunga atatillugu maluginiarneqassaaq. Politiit imaluunniit unnerluussisussaataasut pisumi piviusumi akisussaaffimmik pisussaaffeqalersimanersut, aamma allakkut taarsiissuteqarnissamut tunngavissaqarnersoq, taamaalilluni suli nalinginnaasumik taarsiissuteqartarnermut malittarisassat malillugit naliliinermik tunngaveqassaaq.

Eqqartuussisarnermik inatsimmi § 491 b-p atuuffissaanut aalajangersakkap annertunerulersinneqarnissanut siunnersuutit allakkut allannguinnermik kinguneqassanngillat. Eqqartuussisarnermik inatsimmi kapitali 42-imi ingerlatsinerup piuminarsakkap avataatigut taarsiissuteqartarnermik malittarisassat nalinginnaasut malillugit eqqunngitsuliorfigineqartup taarsiivigineqarnissamik piumasaqaateqarsinnaanera pillugu siunnersuutip aammattaaq akornusissanngilaa.

3. Pisortanut aningaasaqarnikkut kingunissaa aamma atortuulersitsinermut kingunissaa

Inatsisissatut siunnersuut Inatsiseqarnermut ministereqarfiup suliassaqaarfianut killilimmik aningaasartuutaanerussasoq naatsorsuutigineqarpoq, taakkulu Inatsiseqarnermut ministereqarfiup aningaasatigut killissarititaasut atuuttut iluannit aningaasaasartuutigineqarsinnaassapput.

4. Inuussutissarsiornermut il.il. aningaasaqarnikkut allaffissornikkullu kingunissaa

Inatsisissatut siunnersuut inuussutissarsiornermut allaffissornikkut aningaasaqarnikkullu kinguneqarnissaa naatsorsuutigineqanngilaq.

5. Innuttaasunut allaffissornikkut kingunissaa

Inatsisissatut siunnersuut inuttaasunut allaffissornikkut kinguneqassanngilaq.

6. Silap pissusaanut kingunissaa

Inatsisissatut siunnersuut silap pissusaanut kinguneqassanngilaq.

7. Avatangiisinut- pinngortitamullu kingunissaa

Inatsisissatut siunnersuut avatangiisinut- pinngortitamullu kinguneqassanngilaq.

8. EU-mi inatsisitigut tunngassuteqartut

Inatsisissatut siunnersuut EU-mi inatsisitigut tunngasunik isiginniffinnik imaqanngilaq.

9. Oqartussat suleqatigiiffillu il.il. tusarniaaffigineqartut

Inatsisissatut siunnersuummut missingiut piffissami [*] oqartussaasunut suliniaqatigiiffinnullu il.il. nassiullugu tusarniutigineqarpoq:

Advokatrådet, Amnesty International, Avannaata Kommunia, Dansk Erhverv, Danske Advokater, Datatilsynet, Den Danske Dommerforening, Kalaallit Illuutaat, Dommerfuldmægtigforeningen, Domstolsstyrelsen, Foreningen af Advokater og Advokatfuldmægtige, Kalaallit Nunaanni illersuisut peqatigiiffiat, Sulisitsisut, Nunatta Eqqartuussisuuneqarfia, Grønlands Politiforening, Kalaallit Nunaanni Inuit Pisinnaatitaaffii Pillugit Siunnersuisoqatigiit, Nunatsinni Advokatit, Institut for Menneskerettigheder, Justitia, Kommune Kujalleq, Kommune Qeqertalik, Kommuneqarfik Sermersooq, Nunatsinni Eqqartuussisut peqatigiiffiat, Nunatta Illersuisuunera, Nunatsinni Advokatit, Ingerlatitseqqinnissamik Aalajangiisartut, Qeqqata Kommunia, Retspolitisk Forening, Nunatsinni Eqqartuussivik, Rigsadvokati, Rigspolitiit, Sø- aamma Handelsretten, Vestre Landsret aamma Østre Landsret.

10. Immersugaq eqikkaaffiusoq

	Pitsaasumik	Ajortumik
	sunniutissai/aningaasartuutikinnerunerit	sunniutissai/aningaasartuu-

	(angeruit, annertussusaa allaguk/Naaggaaruit allaguk »Soqanngilaq«)	teqarnerunissaq (angeruit, annertussusaa allaguk/Naaggaaruit allaguk »Soqanngilaq«)
Naalagaaffimmut, kommuninut nunallu immikkoortuinut aningaasaqarnikkut kinguneri	Soqanngilaq	[...].
Naalagaaffimmut, kommuninut nunallu immikkoortuinut atuutilersitsinerup kinguneri	Soqanngilaq	Soqanngilaq
Inuussutissarsiortunut aningaasaqarnikkut kingunissaa	Soqanngilaq	Soqanngilaq
Inuussutissarsiortunut allaffissornikkut kingunissaa	Soqanngilaq	Soqanngilaq
Innuttaasunut allaffissornikkut kingunissaa	Soqanngilaq	Soqanngilaq
Silaannaap pissusaanut kingunissaa	Soqanngilaq	Soqanngilaq
Avatangiisinut- pinngortitamullu kingunissaa	Soqanngilaq	Soqanngilaq
EU-mi inatsisitigut tunngassuteqartut	Inatsisissatut siunnersuut EU-mi inatsisitigut tunngasunik isiginniffinnik imaqanngilaq.	
EU-mi inuussutissarsiornermut sammititamik malittarisassiornermi tunngaviusut tallimaasut atortuulersinneqarnissaannut akerliuvoq (inuussutissarsiornermut sammititaanngitsunut EU-mi malittarisassiuinermi naleqquttumik annertussusilimmik tamanna aamma atuuppoq)	Aap Naagga X	

*Inatsisissatut siunnersuummi aalajangersakkanut ataasiakkaanut
oqaaseqaatit*

§ 1-imut

Nr. 1-mut (§ 35)

Eqqartuussisoqarfinnut tamanut eqqartuussisooqataasutut atuunnissamut naleqquttutut isigineqartut, inuit amerlassusaat ullormit 1. januarimit ukiunik 4-nik sivilissuseqartumik toqqarneqassasut, eqqartuussisarnermik inatsimmi § 35, imm. 1-ip aalajangersarpaa.

§ 35-imi imm. 5 ilanngunneqassasoq siunnersuutigineqarpoq, tamatumalu kingorna eqqartuussisooqataasut, piffissap qinigaaffimmik naanerani, piffissap taassuma iluani suliat oqaatsitigut isumaqatigiinniussutigineqarneri aallartinneqarsimasut naammassillugit suliarisinnaanngussavaat.

Naak § 35, imm. 1 malillugu eqqartuussisooqataasunut piffissaliussaq naareeraluartoq, eqqartuussisooqataasut suliat, taakkunani oqaatsitigut isumaqatigiinniarneq aallartinneqarsimalluni, naammassillugit suliarisinnaagaat, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.1 innersuussutigineqarpoq.

Nr. 2-imut aamma 3-mut (§ 43)

Pingaarnertut isumaqatigiinniarnernup nalaani aamma aalajangiinerni tassunga atatillugu aalajangerneqartuni, eqqartuussisooqataasut eqqartuussisutut piginnaatitaallutik atuuttassasut, eqqartuussisarnermik inatsimmi § 43-p aalajangerpaa.

§ 43-imi “inuit sakkutuujunngitsut pillugit suliani” ilanngunneqarnissaa siunnersuutigineqarpoq.

Nutaamik § 43, imm. 2-mik ilanngussisoqarnissaa aammattaaq siunnersuutigineqarpoq, tamatumalu kingorna pinerluttulerinermik suliani eqqartuussisooqataasut pisuuneq pillugu apeqqutip aalajangiiffigineqarnerani aamma pineqaatissiissutip aalajangersarneqarnerani peqataasassapput, kisiannili eqqartuussinermi iliuutsini allani imaluunniit suliap nalaani aalajangiinerni allani peqataassanngillat, taamaattoq § 47, imm. 3 takuuk.

Inuit sakkutuujunngitsut pillugit suliani eqqartuussisooqataasut peqataasarnerat pillugu malittarisassat § 43, imm. 1-imi allanngortinneqaratik ingerlatseqqinneqarnerat siunnersuutip kinguneraa, tamatumalu saniatigut § 43, imm. 2-imi nutaami pinerluttulerinermik suliani eqqartuussisooqataasut peqataasarnerat pillugu malittarisassat nutaat aalajangersarneqarput.

Siunissami eqqartuussisooqataasut pinerluttulerinermik suliani, taamaallaat pisuuneq pillugu apeqqutip aalajangiiffigineqarnerani aamma pineqaatissinnerup aalajangersarneqarnerani peqataasinnaasussaasut, kisianni suliap nalaani eqqartuussinermi iliuutsini imaluunniit aalajangiinerni allani peqataasannginnissaat, eqqartuussisooqataasut peqataasarnerat pillugu malittarisassat nutaat kinguneraat, taamaattoq § 47, imm. 3 takuuk.

Pinerluttulerinermi inatsit malillugu pinerluuteqarnermut iliuusereriikkami kingunerititami, pineqaatissiinerit aamma suliap aalajangiiffigineqarnera, matumani inatsisitigut kingunerititat allat ilanngullugit, aamma inatsisiliornerit allat malillugit pisortat inatsiseqartitsinerannit suliap aalajangiiffigineqarnera, matumani inatsisitigut kingunerititat allat, assersuutigalugu nunanit allamiut pillugit inatsit malillugu anisitsinerit imaluunniit angallannermut inatsit malillugu biilersinnaanermut allagartaajagaaneq, ilaatinneqarput.

Siunissami pingaarnertut isumaqatigiinniarnernup nalaani eqqartuussinermi aalajangiinerni eqqartuussisooqataasut peqataasartussaassanngillat, assersuutigalugu uppersaasarsuineq pillugu imaluunniit suliap kinguartinneqarnissaa pillugu. Suliamut aningaasartuutit pillugit aalajangiinerni imaluunniit illersuisup ivertitap akissarsiassaata aalajangersarneqarnerat pillugit, eqqartuussisooqataasut aamma peqataasussaassanngillat.

Tamatuma saniatigut taamaattoq pinerluttulerinermik suliami § 595 malillugu eqqartuussutip paasineqarnissaa pillugu § 47, imm. 3 malillugu aalajangiinerni eqqartuussisooqataasut suli peqataasassapput.

Inatsisissatut siunnersuummi § 3, imm. 3, tassungalu oqaaseqaatit malillugit, § 43-p allanngortinneqarnissaanut siunnersuutit suliani, tassani inatsisip atuutilernerata kingorna pingaarnertut isumaqatigiinniarnep aallartinneqarluni, atuutissasut siunnersuutigineqarpoq.

Aammattaaq inatsisissatut siunnersuutip nalinginnaasumik oqaaseqaatitaani imm. 2.1 innersuussutigineqarpoq.

Nr. 4-mut (§ 44, imm. 2)

Suliarinneqqaarfimmi pinerluttulerinermik suliani eqqartuussisooqataasut peqataasarnerannut eqqartuussisarnermik inatsimmi § 44 tunngassuteqarpoq. Eqqartuussisooqataasut 2 peqataassasut, § 44, imm. 1-imi takuneqarsinnaavoq, taamaattoq imm. 2-miit 4 ilanngullugu aalajangersakkat takukkit. Suliani, taakkunani unnerluunneqartoq pinngitsuutitaappat, akiliisitsinnermit, arsaarinninnermit, biilersinnaanermut allagartaajagaanermut imaluunniit taarsiissuteqarnermit, imaluunniit inatsisitigut kingunerititat allat, annertunerusumik akuliuffiusut pineqartinnagit eqqartuussisooqataasut suliani ilaassanngitsut, § 44, imm. 2-mi takuneqarsinnaavoq. Imm. 2 malillugu suliaq unnerluunneqartumut immikkut ittumik akuliunnermik kinguneqartussaasoq, eqqartuussiviup nalilerpagu, § 44, imm. 3 malillugu eqqartuussisooqataasut peqataanissaat eqqartuussiviup aalajangersinnaavaa. Pinerluttulerinermik suliani, nassuernertut suliat pillugit § 449 a saqqummiunneqartuni, eqqartuussisooqataasut peqataassanngitsut, § 44, imm. 4-mi takuneqarsinnaavoq.

“akiliisitsinnermiit, arsaarinninnermiit, biilersinnaanermut allagartaajaanermiit imaluunniit taarsiissuteqarnissamiit” ima allanngortinneqassasoq § 44, imm. 2-mi siunnersuutigineqarpoq: “inissiisarfimmi sivilunerpaamik ulluni 30-ini inissinneqarnermik eqqartuussummit pinerluuteqaqqinnermi aatsaat atuuttussaaitamit imaluunniit ingerlaannaq atuutilersussamit, arsaarinninnermit, biilersinnaanermut allagartaajagaanermut imaluunniit taarsiissuteqarnermit, imaluunniit pinerluttulerinermi inatsimmi kapitali

33 malillugu pineqaatissiinerup eqqartuussutigineqareersup attatiinnarneqarneranit”.

Pinerluttulerinermi inatsimmi kapitali 27 malillugu sivilunerpaamik ulluni 30-ini inissiisarfimmi inissiinissamik pineqaatissiineq akuliuffiunerusoq pillugu apeqqut pineqassanngippat, siunissami aallaaviatigut pinerluttulerinermik suliap suliarinneqqaarfimmi suliarineqarnerani eqqartuussisooqataasut peqataannginnissaat, siunnersuutip kinguneraa. Pinerluuteqaqqinnermi aatsaat atuuttussaatitamit imaluunniit ingerlaannaq atuutilersussamit inissiisarfimmi inissinneqarnissaq pineqarnersoq apeqqutaatinnagu tamanna atuuppoq.

Pinerluttuliortunut tarnikkut napparsimasunut immikkut ittumik pineqaatissiinissat pillugit pinerluttulerinermi inatsimmi kapitali 33 malillugu pineqaatissiinerup eqqartuussutigineqareersimasumik attasiinnarnissaq pineqartussaassanngippat, siunissami aallaaviatigut pinerluttulerinermik suliap suliarinneqqaarfimmi suliarineqarnerani eqqartuussisooqataasut peqataannginnissaat, siunnersuutip aammattaaq kinguneraa.

Eqqartuussisooqataasunik peqataasoqassanersoq imaluunniit peqataasoqassannginnersoq, allanngortinnagu unnerluussisussaatitaasut suliap saqqummiunneqarnerani eqqartuussivimmut nalunaarutigissavaat. Aalajangersagassatut siunnersuutigineqartoq malillugu suliap eqqartuussisooqataasut peqataatinnagit suliarineqarpat, inissiisarfimmi sivilunerpaamik ulluni 30-ini inissinneqarnermik eqqartuussummik pinerluuteqaqqinnermi aatsaat atuuttussaatitamit imaluunniit ingerlaannaq atuutilersussamik eqqartuussisoqarsinnaanngilaq.

Eqqartuussisooqataasut peqataatinnagit, akiliisitsissummik, mianeqqusummik, inissiisarfimmi sivilunerpaamik ulluni 30-ini inissinneqarnermik, eqqartuussummik pinerluuteqaqqinnermi aatsaat atuuttussaatitamit, nakkutigineqarnermik, inuiaqatigiinni sulisitaanermik, inissiisarfimmi inissinneqarnissamik nakkutigineqarnermillu (eqqartuussummik katitigaasumik), tassani inissiisarfimmi inissinneqarnerup sivilussusaa ullunik 30-inik sivilunerussanani, kiisalu sivilunerpaamik ulluni 30-ini inissiisarfimmi inissinneqarneq ingerlaannaq atuutilertussamik, eqqartuussisoqarsinnaanera, allannguutip kinguneraa.

Eqqartuussisooqataasut peqataatinnagit inuiaqatigiinni sulisitaanissamut, nalunaaquttap akunnerini ima amerlatigisuni eqqartuussummik eqqartuussisoqarsinnaassasoq, inuiaqatigiinni sulisitaanissaq pillugu aalajangersakkap unioqqutinneqarnerani imaluunniit tassunga atasumik piumasaaqatinik aalajangersarneqartunik unioqqutitsinerimi, ullunik 30-inik sivilunerusumik ingerlaannaq atuutilersussamik inissiisarfirmi inissinneqarnermik kinguneqaataasinnaasoq, allannguutip aammattaaq kinguneraa. Nakkutigineqarnissamik eqqartuussutitut tunngatillugu taamatuttaaq assigisaanik atuuttussaassaaq.

Suliaq aalajangersagassatut siunnersuutigineqartoq malillugu eqqartuussisooqataasut peqataatinnagit suliarineqarpat, pinerluttulerinerimi inatsimmi kapitali 33 malillugu nutaamik imaluunniit allanngortitamik pineqaatissiisummik eqqartuussisoqarsinnaanngilaq.

Inatsisissatut siunnersuummi § 1, nr. 8-miit 10 ilanngullugu aalajangersakkat (eqqartuussisarnermik inatsimmi § 449 a) malillugit suliaq nassuernertut suliarineqarpat, kisianni pissutsit assigiinngitsut malillugit nutaatut eqqartuussisooqataasut peqataatinnagit, pinerluttulerinerimi inatsimmi kapitali 33 malillugu nutaamik imaluunniit allanngortitamik pineqaatissiisoqarsinnaavoq. Eqqartuussisooqataasut peqataasarnerannut killiliinissatut siunnersuutigineqartumi sivilunerpaamik pinerluuteqaqqinnermi atuutilersussamik imaluunniit ingerlaannaq atuutilersussamik inissiisarfirmi sivilunerpaamik ulluni 30-ini inissiinerni ilaatitsinnginneq, nassuernertut suliap nalaani atuutissanngilaq, soorlu aamma nassuernertut suliap nalaani allanngortinneqanngitsumik nakkutilliinermik, inuiaqatigiinni sulisitaanermik inissiisarfirmi inissinneqarnermik aamma nakkutilliinermik (eqqartuussummik katitigaasumik) imaluunniit inissiisarfirmi inissinneqarnermik aammattaaq eqqartuussisoqarsinnaavoq.

Eqqartuussisooqataasut peqataatinnagit biilersinnaanermut allagartaajagaanermik, arsaarinnissuteqarnermik imaluunniit taarsiissuteqarnermik eqqartuussisoqarsinnaanera aammattaaq allanngortinneqassanngilaq. Pineqaatissiinerit aamma inatsisitigut kingunerititat allat, taakku aamma sivilunerpaamik ulluni 30-ini pinerluuteqaqqinnermi aatsaat atuuttussaaitamit imaluunniit ingerlaannaq atuutilersussamit inissiisarfirmi inissinneqarnerit peqatigalugit eqqartuussutigineqarsinnaapput, imaluunniit tamatuma peqatigisaanik

pinerluttulerinermi inatsimmi kapitali 33 malillugu pineqaatissiissutip pineqaatissiissutaareersup attatiinnarneqarnissaa aalajangerneqassalluni.

Imm. 2 malillugu suliaq unnerluussamut immikkut ittumik akuliunnerusoq, eqqartuussiviup nalilerpagu, eqqartuussisooqataasut peqataassasut, eqqartuussiviup aalajangersinnaagaa, § 44, imm. 3-mi takuneqarsinnaavoq. Suliani, taakkunani pinerluttulerinermi inatsimmi kapitali 33 malillugu pineqaatissiissutip pineqaatissiissutaareersup attatiinnarneqarnissaanit annertunerusumik akuliuffiusumik pineqaatissinneq pineqarsinnaatinnagu, tamanna aamma atuutissaaq.

Siusinnerusukkut pinerluttuliaasimasunut, pinerluttulerinermi inatsimmi kapitali 33 malillugu pineqaatissiissut atuuttoq pineqaatissiissutigineqarsimalluni, naleqqiullugit, pissutsit massakkut pasilliutaasut, ima ilungersunartigippata, eqqartuussinermi aalajangiineq siunissami pineqaatissiissutit eqqartuussutigineqarsimasut allanngortinneqarnissaat pillugit sulianut inerniliussanut pingaarutilimmik kinguneqarsinnaasutut nalilernerqarlutik, suliaq assersuutigalugu unnerluunneqartumut immikkut ittumik akuliunnermik kinguneqassaaq. Inuk, siusinnerusukkut ingasattumik nakuusernermut pineqaatissillugu eqqartuunneqarsimasoq, aamma massakkut toqutseriartutut unnerluunneqartoq, assersuutitut taaneqarsinnaavoq.

Suliaq unnerluunneqartumut immikkut ittumik akuliunermik kinguneqassanersoq, inatsisilerinermut tunngassuteqarpoq, suliareqqitassanngortitsisoqassappat Nunatta Eqqartuussisuuneqarfianut aamma taamaattoqassappat Eqqartuussiviit Qullersaannut suliareqqitassanngortinneqarsinnaasoq. Eqqartuussisooqataasut peqataasariaqarluarnerannik suliareqqitassanngortitsivik isumaqarpat, suliareqqitassanngortitsiviup nalinginnaasumik najukkami eqqartuussiviup imaluunniit Nunatsinni Eqqartuussiviup atorunnaarsissavaa aamma suliaq eqqartuussisooqataasunik peqataasoqartillugu nutaamik suliarisassanngorlugu illoqarfiup eqqartuussivianut innersuutissallugu.

Suliami unnerluussut saqqummiunneqarpat, tassani unnerluunneqartoq pisuutinneqarpat, eqqartuussisarnermik inatsimmi § 321, imm. 1 nr. 2 malillugu, akiliisitsisummik, arsaarinninnermik, biilersinnaanermut allagartaajagaanermi imaluunniit taarsiissuteqarnermi annertunerusumik akuliunnermik inatsisitigut kingunerititat allat, naatsorsuutigineqarsinnaallutik, unnerluunneqartumut

pinngitsuugassaanngitsumik illersuisup peqataanissaata
allanngortinneqarnissaa siunnersuutip kingunerinngilaa.
Pinerluttulioqqinnermi aatsaat atuuttussamik aamma ingerlaannaq
atuuttussamik inissiisarfirmi inissinneqarnissamik eqqartuussut, soorlu
aamma pinerluttulerinnermi inatsimmi kapitali 33 malillugu
pineqaatissiinerup attatiinnarneqarnera, akiliisitsissummit,
arsaarinninnermit, biilersinnaanermut allagartaajagaanermi imaluunniit
taarsiissuteqarnermit annertunerusumik akuliunnertut
isigineqassammata, suliani, allannguutissatut siunnersuutip
malitsigisaanik eqqartuussisooqataasut peqataasinnaaffigiunnaagaanni,
suli illersuisup peqataanissaa pinngitsuugassaanngitsuussaaq.

Suliarinneqqaarfimmi eqqartuussisooqataasut peqataasimappata
imaluunniit § eqqartuussisarnermik inatsimmi § 45, imm. 2 malillugu
eqqartuussisut siulittaasuata tamanna naleqquttutut isumaqarfigippagu,
eqqartuussisooqataasut suliani Nunatta Eqqartuussisuuneqarfiani
suliareqqitassanngortinneqartuni peqataanissaasa
allanngortinneqarnissaa siunnersuutigineqanngilaq.
Suliarinneqqaarfimmi eqqartuussisooqataasut peqataasernerat
eqqarsaatigalugu allannguutissatut siunnersuut, qaqugukkut
eqqartuussisooqataasut Nunatta Eqqartuussisuuneqarfiani sulianik
suliareqqitassanngortitsinnermi peqataanissaannut taamaalilluni aamma
pingaaruteqassaaq.

Suliani, inatsisissatut siunnersuummi § 3, imm. 2, aamma taakkununga
oqaaseqaatit malillugit, inatsisip atuutilernerata kingorna
suliarinneqqaarfimmi unnerluussiffiusumi, § 44, imm. 2-p
allanngortinneqarnissaanut siunnersuut atuutissasoq
siunnersuutigineqarpoq.

Aammattaaq inatsisissatut siunnersuummi nalinginnaasumik oqaaseqaatini
imm. 2.1 innersuussutigineqarpoq.

Nr. 5-mut (§ 125)

Tamanna eqqartuussiviup qaqutiguinnaq akuersissuteqarfiginngippagu,
eqqartuussinerit nalaanni assit aamma nipit immiunneqarnissaat imaluunniit
aallakaatinneqarnissaat inerteqqutaasoq, eqqartuussisarnermik inatsimmi §
125-ip aalajangerpaa. Tassunga akerliusumik assit nipillu
immiunneqarsimasut tamanut saqqummiunneqarnerat, inerteqqutaavoq.

Suliap suliarineqarnerata nalaani piffissami qaqugukkullunniit, assit nipillu, eqqartuussinerup nalaani immiunneqartut, tamanut oqaluttuareqqinneqarnerat eqqartuussiviup allakkut inerteqqutigisinnaavaa. Eqqartuussiviup aalajangiinera, imm. 1 malillugu tunngavilersorneqartussaq, aalajangiinikkut aalajangerneqassaaq. Inuit eqqartuussinerup nalaani nassuiaateqartut, imm. 2 malillugu assit nipillugu immiunneqarnerat pillugit ilisimatinneqassapput. Tamanna eqqartuussiviup akuersissuteqarfiginngippagu, eqqartuussiviup illuutaani assit immiunneqarnerat inerteqqutaavoq. Imm. 3 malillugu imm. 1-imi oqaaseqatigiit aappaannit sisamaat ilanngullugu aalajangersakkat taamatuttaaq atuupput. §§ 128-imi aamma 163-imi aallakaatitsinernut, imm. 4 malillugu eqqartuussinerit naammassineqarnissaannut ilaasumik pisunut, taaneqartunut imm. 1-imi aamma 3-mi ilaatinneqanngillat.

§ 125-imi nutaamik imm. 4-mik ilanngussisoqarnissaa siunnersuutigineqarpoq, tamatumalu kingorna eqqartuussiviup illutaasa silataanni, pineqartup immiussisoqarnissaa akuersissuteqarfigisimanngippagu, pissutissalimmik pasisamik, unnerluussaasunik aamma ilisimannittunik, pinerluttulerinermi suliami eqqartuussiviliartunik imaluunniit eqqartuussivimmit anisunik assinik immiussinissaq inerteqqutinngussaaq, kiisalu tamatuma kingorna imm. 1-imi oqaaseqatigiit aappaat taamatuttaaq atuutissaaq. Tamatuma kingorna imm. 4 imm. 5-inngussaaq.

Eqqartuussisarnermik inatsimmi § 125, imm. 1 malillugu eqqartuussiviup illuutaasa iluanni assinik immiussinissamut inerteqqummut siunnersuut ilassutaavoq. Sulisaatsimi inuit taakku, eqqartuussivimmut takkuteqqullugit pisussaaffilerneqartut, illersorneqarnissaat pisariaqartinneqarsinnaammat, siunnersuummut ingammik tunngaviuvoq. Inuit sakkutuujunngitsut pillugit suliani akuusut ilisimannittullu siunnersuummi ilaatinneqanngillat, taakkunanimi pisariaqartitsinerup assinga takuneqarsinnaasimanngilaq.

Pinerluttulerinermik suliami pissutissalimmik pasisap, unnerluussaasup aamma ilisimannittut eqqartuussiviup illutaata silataani »eqqartuussivimmut isilerneranni imaluunniit eqqartuussivimmit anilerneranni« assinik immiussineq inerteqquteqarnermi ilaatinneqarpoq. Oqaatsip taassuma nassuiarneqarnera, ingammik inuit taakku, eqqartuussivimmut takkuteqqullugit naalakkerneqartut, immikkut ittumik

artornartorsiortinneqarnermut tassunga, akuersissuteqarteqqaarnagit assilineqarnerannut atasumik pisariaqanngitsumik innarlerneqarnissamut illersorneqarnissaat, malittarisassap siunertaa eqqarsaatigalugu pissaaq. Taamaalilluni eqqartuussiviup illutaanit ungasissuseq aalajangersimasoq, inerteqquteqarnerup atuuffia, taaneqanngilaq, tassami tamanna pissutsinit aalajangersimasunit tunngaveqartussaammat.

Inerteqquteqarnerup killilerneqarnera sulisaatsimi pingaarutilimmik ajornartorsiutinik pissutissaqalersitsinnginnissaa isumaqarfigineqarpoq, tassami inuppassuarnut tusagassiuutinut tunngatillugu ingammik illersorneqarnissamik pisariaqartitsineq takuneqarsinnaassammat, taakkumi assinik immiussinissamut soqutigisaat pinerluttulerinermik suliami pineqartup pissutissalimmik pasisatut, unnerluussaasutut imaluunniit ilisimannittutut inissisimaffianut tunngassuteqarpiarmat. Taamaammat pisuni, taakkunani pineqartoq pinerluttulerinermi suliami eqqartuussivimmut takkunnerani assilineqarnera/filmiliarineqarnera inerteqquteqarnermut sammitinneqarpoq. Sulisaatsimi assiliisoq taamaalilluni inuup aalajangersimasup assiliisup assilissallugu kissaatigisaata, eqqartuussinermukarnera imaluunniit eqqartuusinermi aninera qaqutiguinnaq nalornissutaasinnaassaaq.

Pinerluttulerinermik suliani pissutissalimmik pasisaq, unnerluussaasoq aamma ilisimannittut eqqartuussinermukarnerminni, aggeqquneqarfimminni, aamma eqqartuussivimmit aninerminni illersugaapput. Pinerluttulerinermik suliani pissutissalimmik pasisaq, unnerluussaasoq imaluunniit ilisimannittut eqqartuussinissamut aggeqquneqarnermik kingorna aggerpata, eqqartuussinerup taamaatiinnarneqarsimanera apeqqutaatinnagu, eqqartuussivimmit aninerminni illersugaapput. Eqqartuussinermi, tassani pasilliut imaluunniit unnerluussut taamaatiinnarneqarluni, pissutissalimmik pasisaq aamma unnerluussaasoq eqqartuussivimmit aninerminnit aamma illersugaapput. Unnerluussaasoq eqqartuussinermi aninermi, tassani (allakkut) suliap naammassineqarluni (assersuutigalugu eqqartuussuteqarnikkut), matumani unnerluussaasup pinngitsuutinneqarnera ilanngullugu) aamma illersugaavoq.

Assit immiunneqarnissaannut pineqartoq akuersissuteqarsimappat, inerteqquteqarnerup atuutinngilaq. Akuersissuteqarnerup qanoq ilusilerneqarnissaanut piumasaqaateqanngilaq, kisianni illersorneqarnerup

sakkukilliumanagu akuersissuteqarneq annerusumik pingaarnertut malittarisassatut akuersissuteqarneq erseqqissuusariaqarpoq.

Pineqartup akuersissuteqarnermi kingunerisai tamakkerlugit paasisinnaappagit, akuersissuteqarneq taamaallaat atuutissaaq. Meeqqanut mikinernut akuersissuteqarneq angajoqqaatut oqartussaassutsimik piginnittumit tunniunneqarsinnaavoq. Meeqqanut annerusunut angajoqqaatut oqartussaassuseqarnermik piginnittumit aamma meeqqamit namminermit akuersissuteqarnissaq nalinginnaasumik piumasaqaataassaaq.

Assinik, inerteqquteqarneq unioqqutillugu immiunneqartunik tamanut saqqummiussineq oqaaseqatigiit aappaat malillugu inerteqqutaavoq. Pisuni, taakkunani inuk tamanut saqqummiussisoq, (uppersarsarneqarsinnaasumik) immiussinermut tassunga akisussaaqataannginnerani, illersorneqarnissap qulakkeerneqarnissanut, immikkut ittumik tamanut saqqummiussinissamut inerteqquteqarneq pisariaqartinneqarpoq.

Aammattaaq inatsisissatut siunnersuummut nalinginnaasumik oqaaseqaatini imm. 2.11 innersuussutigineqarpoq.

Nr. 6-imut (§ 127)

§ 118-imik, § 119-imi oqaaseqatigiit pingajuannik, § 125, imm. 1-imi oqaaseqatigiinnik siullernik aamma oqaaseqatigiit aappaannik aamma imm. 3-imik imaluunniit § 120, § 125, imm. 1-mi oqaaseqatigiit pingajuat, aamma § 126 malillugit eqqartuussiviup inerteqquteqarneranik unioqqutitsinernut, akiliisitsissumik akiliisinneqarnissamik eqqartuussisoqarsinnaasoq, eqqartuussisarnermik inatsimmi § 127-p aalajangerpaa.

§ 127-imi § 125, imm. 4-itut siunnersuutigineqartumut innersuussisoqarnissaa siunnersuutigineqarpoq.

Pinerluttulerinermik suliami (inatsisissatut siunnersuummi § 1, nr. 5 malillugu) pissutissalimmik pasineqartup, unnerluussaasup aamma ilisimannittut eqqartuussivimmut isilerneranni imaluunniit eqqartuussivimmit anilerneranni assinik immiussinermut inerteqquteqarnissatut siunnersuummik unioqqutitsinermi eqqartuussisarnermik inatsimmi kapitali 10-mi inerteqqutit allat ilaasa unioqqutinneqarneranni akiliisitsissummik iliuusereriikkanut

kinguneqartitsisoqarsinnaassasoq, siunnersuutigineqartut kinguneraat. Eqqartuussisarnermik inatsimmi § 127, imm. 3 malillugu, inatsisitigut pisinnaatitaasut pisussaatitaasullu pinerluttulerineq pillugu inatsiseqartitsineq malillugu aamma akisussaaffimmik tiguseqqullugit naalakkerneqarsinnaapput.

Inatsisissatut siunnersuummi § 1, nr. 5-ip malitsigisaanik allannguutit kingunerisaanik allanngortitsinerit uani pineqarput.

Nr. 7-imut (§ 163, imm. 6)

Nalunaarasuartaatitigut atassuteqaatit assitallit atorlugit eqqartuussivimmut nassuiaateqarnerit naammassineqarnissaat pillugit malittarisassanik eqqartuussisarnermik inatsimmi § 163 aalajangersaavoq.

Ilisimannittut nassuiaataannut aalajangersagaq toqqaannartumik attuuppoq, kisianni aamma eqqartuussisarnermik inatsimmi § 171, § 196, imm. 5, § 357, imm. 2, § 365, imm. 2, § 377, § 449 a, imm. 8, aamma § 466, imm. 1 malillugit akuusunut, matumani pinerluttulerinermik suliami pissutissalimmik pasisamut/unnnnerluunneqartumut, aamma misissuisussanut- nalilersuisussanullu atuulluni.

Inuk nassuiaasussaq, 1) eqqartuussivimmut, 2) pisortani oqartussaasunut, Domstosstyrelsip eqqartuussinerni ungasianit attaveqaatinik assiliartalinnik atuisinnaatitsinermut piginnaatissimasaanut, imaluunniit 3) inuk imaluunniit inatsisitigut pisinnaatitaasoq pisussaatitaasorlu, Domstolsstyrelsip eqqartuussinerni ungasianit attaveqaatinik assiliartalinnik atuisinnaatitsinermut akuerisimasaanut aggersarneqassasoq, eqqartuussisarnermik inatsimmi § 163, imm. 1-imiit 4 ilanngullugu aalajangersakkat malitsigaat.

Nassuiaatip, nassuiaatitut taaneqartutut eqqartuussivimmut tunniunneqartutut, taamatuttaaq oqartussaasumut piginnaatitaasumut imaluunniit inummot akuerisaasumut aarlerinangitsumik tunniunneqarsinnaanera nalilerneqarpat, ilisimannittup nunami allamiittup, ungasianit attaveqaat assiliartalik atorlugu nassuiaateqarsinnaanera, eqqartuussiviup aalajangersinnaagaa, eqqartuussisarnermik inatsimmi § 163, imm. 5-ip malitsigaa.

Nutaamik § 163, imm. 6-imik ilanngussisoqarnissaa siunnersuutigineqarpoq, tamatumalu kingorna inuit sakkutuujunngitsut pillugit suliani, akuusut tamanna isumaqatigiissutigippassuk, tamannalu illersorneqarsinnaasutut nalilerneqarpat, imm. 1-imi taaneqartumit allaanerusumik periaaseqarluni ilisimannittup nalunaarasuartaatitigut atassuteqaatit assiliartallit atorlugit nassuaanera, eqqartuussiviup akuersissutigisinnaavaa.

Nakkutilliinermut- aamma isumannaallisaanermut iliutsit, soorlu eqqartuussiviup allamik, pisortani oqartussaasut piginnaatinneqarnerannik imaluunniit inuup akuerisaasup ilanngunneqarnerisa periarfissiinerannit allaanerusumik, nalunaarasuartaatitigut atassuteqaatit assiliartallit atorlugit nassuiaanerup naammassineqarsinnaanersut siunnersuut killilimmik periarfissiivoq.

Eqqartuussisarnermik inatsimmi § 141, imm. 3, aamma tassunga piareersaataasumik suliat aamma sulisaaseq tassunga atasoq, malillugit inuup, nalunaarasuartaatitigut atassuteqaatit assiliartallit atorlugit qaqugukkut eqqartuussivimmi nassuiaateqarsinnaanera pillugu allannguutissanik siunnersuuteqartoqanngilaq. Nalunaarasuartaatitigut atassuteqaatit assiliartallit atorneqarnissaat akuersissutigineqarpat, nassuiaatip qanoq ililluni naammassineqarsinnaaneranut suleriaatsimut allannguutissatut siunnersuut taamaallaat tunngassuteqarpoq.

Imm. 6-itut siunnersuutigineqartoq inunnut sakkutuujunngitsunut sulianut atuuppoq, kisianni pisortani pinerluttulerinermik suliani atuunnani. Inuit sakkutuujunngitsut pillugit eqqartuussinermi suliat, kingornutassiassat pillugit suliat, aappariinneq- aamma angajoqqaatut oqartussaassuseq pillugit suliat, inuit sakkutuujunngitsut pillugit suliani aamma eqqartuussummik naammassisitsiniaanermik suliani uppersarsaasersuinerit, inuit sakkutuujunngitsut pillugit suliani ilaatigut ilaatinneqarput.

Pineqartup eqqartuussivimmut, oqartussaasumut piginnaatitaasumut imaluunniit inummut akuerisaasumut aggerneranit allaanerusumik eqqartuussivimmut nassuiaasinnaanerp naammassineqarsinnaanera, akuusut tamanna pillugu isumaqatigiippata aatsaat atorneqarsinnaavoq.

Periaatsip pisumi piviusumi illersorneqarsinnaanera eqqartuussiviup nalilissagaa, aammattaaq piumasaqaataavoq. Illersorneqarsinnaassutsip

nalilernerqarnerani eqqartuussiviup nassuiaatip suliamut qanoq pingaaruteqartiginissaanik naatsorsuutit, avatangiisit suut, nassuiaasussap najuuffiginerai, aamma videokkut attaveqaqatigiinnermut, atorneqartussatut kissaatigineqartumut, aaqqiissutip isumannaatsuunera pillugu ilisimatitsissutit suunersut pillugit, eqqartuussivik ataatsimut naliliisinnaavoq.

Eqqartuussiviup akuersissuteqarnera siuningaani tunniunneqarsinnaavoq imaluunniit piffissaq, tassani nassuiaaneq tunniunneqassalluni, tunniunneqarsinnaavoq, matumani inuk nassuiaasussaq takkutinngitsoorpat. Pineqartup inatsisinut naapertuuttumik aggersarneqarsimanera apeqqutaatinnagu, aamma pineqartup inatsisinut naapertuuttumik takkussinnaannginnerminik ilisimatitsisimanera apeqqutaatinnagu, tamanna atuuppoq.

Pisumi piviusumi tassani, nassuiaatip tunniunneqarnerata nalaani periaaseq atorneqartoq illersorneqarsinnaanersoq pillugu nalornisoqalerpat, eqqartuussivik akuliussinnaavoq aamma assersuutigalugu nassuiaasumut, imaluunniit inummut, video atorlugu attaveqaqatigiinnermi tekniskiusumik ikiuisumut apeqquteqarnikkut nalornineq paasinarsassallugu, taanna akuusuuppat imaluunniit suliami eqqartuussissuserisuuppat, akuusumit ikiortitut atorfinitsitaappat imaluunniit eqqartuussivimmi sulisut ilagippassuk apeqqutaatinnagu. Tamatuma kingorna pisumi piviusumi tassani periaaseq illersorneqarsinnaanngitsoq, eqqartuussiviup paasiguniuk, eqqartuussiviup akuersissut allanngortissavaa aamma nassuiaaneq unitsissallugu.

Eqqartuussisarnermik inatsimmi § 125, imm. 1, allanngortinneqartussatut siunnersuutigineqanngitsoq, malillugu eqqartuussiviup qaqutigunnaq taamaaliortoqarnissaa akuerinngippagu, eqqartuussinerit nalaanni assiliat nipillugu immiunneqarnissaat imaluunniit aallakaatinneqarnissaat inerteqqutaavoq. Nalunaarasuartaatitigut atassuteqarneq assiliartalik atorlugu inuk nassuiaappat tamanna aamma atuuppoq, aamma pineqartoq nammineq imaluunniit allat, eqqartuussiviup qaqutigunnaq taamaaliortoqarnissaa akuerinngippagu, taamaalillutik tassannga assilisat imaluunniit nipit immiussinnaanngilaat imaluunniit aallakaatissinnaanngilaat.

Aammattaaq inatsisissatut siunnersuummi oqaaseqaatini nalinginnaasuni imm. 2.8 innersuussutigineqarpoq.

Nr. 8-imut aamma 9-imut (eqqartuussisarnermik inatsimmi § 238)

Inuit sakkutuujunngitsut pillugit suliat oqaasertaliorneqartarnerat pillugit eqqartuussisarnermik inatsimmi § 238 malittarisassanik imaqarpoq. Akuusut piumasaqaataannik aamma suliap saqqummiunneqarneranik, matumani akuusut pissutsit piviusut imaluunniit inatsisitigut pissutsit pillugit piumasaqaataat ilanngullugit, aamma pisariaqartinneqartumik annertussusilimmik taakku ilisimannittullu nassuiaataannik, kiisalu pissutsit piviusut imaluunniit inatsisitigut pissutsit suliap aalajangiiffigineqarnerani pingaartinneqartut, eqqartuussummi imaritinneqassasut § 238, imm. 1-imi takuneqarsinnaavoq. Eqqartuussutini, taakkunani tamatuma peqatigisaanik aalajangiinermut tunngaviit peqqissaarussamik tunniunneqarpata, suliarinneqqaarfimmi eqqartuussutigineqartuni, suliap saqqummiunneqarnera akuusut piumasaqaataasa naatsumik taaneqarnerannut killilerneqarsinnaasoq, § 238, imm. 2-mi takuneqarsinnaavoq. Taamaaliortoqarpat, eqqartuussut suliap tamakkerlugu saqqummiunneqarneranik imaqannginnera eqqartuussummi takuneqarsinnaassaaq. Eqqartuussut, imm. 2 malillugu oqaasertaliorneqartoq, suliareqqitassanngortinneqarpat, suliamut nassuiaammik ilassutaasumik eqqartuussivik tunniussissasoq, § 238, imm. 3-mi takuneqarsinnaavoq. Eqqartuussiviup suliareqqitassanngortitsineq pillugu nalunaarummik pinerata kingorna piaarnerpaamik nassuiaateqqartuussisuunneqarfimmut nassiunneqassaaq. Tamatuma peqatigisaanik nassuiaatip assilillugu allaqqinnera akuusunut nassiunneqassaaq.

§ 238, imm. 1-imi oqaaseqatigiinni siullerni “suliassallu saqqummiunneqarneranik imaqassaaq, matumunnga ilanngullugit illuatungeriit tunngavilersuutaat, pisariaqarneratullu annertutigisumik ilisimannittullu nassuiaataat” ima allanngortinneqassasoq “, suliap naatsumik saqqummiunneqarneranik, akuusut tunngavilersuutaannik oqaluttuareqqiinnermik kiisalu pissusiviusunik inatsisinullu tunngasutigut pissutsinik, suliassap aalajangiiffiginiarnerani pingaartinneqarsimasunik imaqassaaq” siunnersuutigineqarpoq.

§ 238, imm. 2-p aamma 3-p atuuttup atorunnaarsinneqarnissaa, aamma tassunga taarsiullugu nutaatut § 238, imm. 2-p ilanngunneqarnissaa siunnersuutigineqarpoq, taassumalu, eqqartuussut, nassuiaatit tunniunneqartut assilillugit allaqqinneqarnerinik imaqanngitsup,

sulieqqitassanngortinneqarnerani, eqqartuussiviup nassuiaatit tunniunneqarsimasut assilillugit allaqqinneqarnerat eqqartuussisut allattaaviannut allassagai, aalajangersarpaa. Assilillugit allaqqiinerit eqqartuussummut ilanngussatut isigineqarput. Eqqartuussiviup sulieqqitassanngortitsineq pillugu nalunaarummik tiguserata kingorna, eqqartuussiviup assilillugu sanaqqiineq sulieqqitassanngortitsiviusussamut akuusunullu piaarnerpaamik nassiuutissavaa.

Inuit sakkutuujunngitsut pillugit suliani aamma inuit sakkutuujunngitsut pillugit suliani immikkut ittuni eqqartuussutit oqaasertaliorneqartarnerannut inatsisitigut malittariassat assigiaartut suliarinniffiusunut tamanut atuuttut aalajangersarneqarnissaat, siunnersuutit kinguneraat.

Eqqartuussummi nassuiaatit tunniunneqarsimasut assilillugit allaqqinneqarnerat siunissami piumasaqaataassanngilaq, kisianni eqqartuussut sulieqqitassanngortinneqarpat, eqqartuussiviup nassuiaatit tunniunneqarsimasut assilillugit allaqqissavai, aamma nassuiaatit assilillugit allaqqinneqarnerat eqqartuussummut ilanngussatut isigineqassaaq.

Inuit sakkutuujunngitsut pillugit suliami imaluunniit immikkut ittumik inuit sakkutuujunngitsut pillugit suliami eqqartuussummi suliami takussutissat eqikkarneqarnerisa assilillugit allanneqarnerat, aammattaaq piumasaqaataassanngilaq.

Inuit sakkutuujunngitsut pillugit suliani aamma immikkut ittumik inuit sakkutuujunngitsut pillugit suliani eqqartuussutini tamani suliap naatsumik saqqummiunneqarneranik imaqassasut, § 238 a, imm. 1-im i oqaaseqatigiittut siullertut oqaasertaliorneqarnissaattut siunnersuutip kinguneraa. Suliap saqqummiunneqarnissaa pillugu malittarisassamut atuuttumut naleqqiullugu taamaaliorneq oqilisaaneruvoq.

Saqqummiussinermi suut ilaatinneqarnissaat eqqartuussiviup naliliinissanut tunniunneqarpoq, kisianni suliami takussutissiat eqikkarlugit imaluunniit allakkut uppersaasersuinerup imaanut nassuiaasoqarnerata ilaatinneqarnissaat nalinginnaasumik aallarnerniarneqanngilaq. Taamaattoq taamaattoqarpat saqqummiussami, kina nassuiaammik tunniussisimanersoq, aamma misissuisoqarsimasoq naliliisoqarsimasorlu,

misissuinerup naammassineqarsimanera assigisaallu taassallugit pissusissamisuussaaq.

Pisuni amerlasuuni suliap naatsuararsuarmik saqqummiunneqarnissaa eqqartuussiviup naammagissallugu qinersinnaassavaa, pissutigalugu eqqartuussutip imai allat piumasaqaatitut aamma piviusutut imaluunniit inatsisitigut pissutsit pillugit piumasaqaatitut ilusilinni, suliap sumut tunngassuteqarnera takuneqarsinnaammat.

Eqqartuussut allanngortinnagu tunngavilersuummik imaqartussaassaaq, imaappoq pissutsit piviusut inatsisitigullu pissutsit, suliap aalajangiiffiqeqarnerani pingaartinneqartut taaneqartussaapput.

Tunngavilersuut eqqartuussutip imarisaanut allannut naleqqussarneqarnissaa, allanngortinnagu taamaassaaq. Eqqartuussivik eqqartuussut tunngavilersorneqartariaqartoq isumaqarpat, ilaatigut nassuiaatip aalajangersimasup imaanut innersuussinerni, eqqartuussummi nassuiaatip pineqartup assilillugu allanneqarneranik eqqartuussut imaqarsinnaavoq aamma tunngavilersuummi assersuutigalugu “X-ip nassuiaanera malillugu uppersarneqarpoq” allanneqarsinnaavoq, imaluunniit eqqartuussummi nassuiaatip assilillugu allanneqarnera minissinneqarsinnaavoq aamma tunngavilersuummi assersuutigalugu “X-ip pillugu nassuiaaneranit [...], uppersarneqarpoq...” allanneqarsinnaanera assersuutitut taaneqarsinnaapput. Tamanna oqaasiinnartigut, “eqqartuussut nassuiaasersorneqartariaqanngitsuusariaqarpoq”-mik ilaannikkut oqaatigineqartarpoq. Tamakkiinissaq anguniarlugu, eqqartuussisarnermik inatsimmi § 108, imm. 1, allanngortinneqartussatut siunnersuutigineqanngitsoq, malillugu suliareqqitassanngortitsinermi eqqartuussut oqaatigilluaannarlugu nassuiaasersorneqartariaqanngitsuusariaqanngilaq, kisianni siuliani sularinniffimmi tunngaviusunut, sularinneqqiffiusup isumaqataaffigisaanut, innersuussisinnaalluni.

Eqqartuussut, nassuiaatinik tunniunneqartunik assilillugit allaqqitanik imaqanngitsoq, suliareqqitassanngortinneqarpat, § 238, imm. 2-tut siunnersuutigineqartoq atuuppoq.

Pisuni taamaattuni eqqartuussisut allattaavianni nassuiaatit tunniunneqartut eqqartuussiviup assilillugit allassavai, aamma assilillugit allatat

eqqartuussummut ilanngussatut isigineqassapput. Assilillugit allatat, eqqartuussiviup suliareqqitassanngortitsineq pillugu nalunaarummik pinerata kingorna piaarnerpaamik suliarinneqqiffiusussamut akuusunullu nassitissavai.

Aammattaaq inatsisissatut siunnersuummi nalinginnaasunik oqaaseqaatini imm. 2.7 innersuussutigineqarpoq.

Nr. 10-mut aamma 11-imut (§ 312)

Unnerluussutip taamaatiinnarneqarneranut eqqartuussisarnermik inatsimmi § 312 tunngassuteqarpoq. Suliami unnerluussut tamakkiisumik ilaannakoortumilluunniit taamaatiinnarneqarsinnaavoq tulluuttunik pisoqarpat 1) pasilliut tunngavissaqanngitsoq takuneqarsinnaalerpat, 2) pissutissalimmik pasisap pisuutinneqarnissaanut eqqartuussisutigoortitsinissamik kinguneqarnissaa allakkut naatsorsuutigineqarsinnaanngippat, imaluunniit 3) eqqartuussisarnermik inatsimmi § 312 malillugu suliap naammassineqarnissaa ajornartorsiutinik, aningaasartuutinik imaluunniit suliamik suliarinninnermi piffissanik, suliap pingaaruteqassusaanut aamma pineqaatissiisummut naleqqiullugu, taamaattoqassappat pineqaatissiissutigineqartussatut naatsorsuutigineqartumut, naleqqutinnngitsumik kinguneqassappat.

Nutaamik nr. 3-mik ilanngussisoqarnissaa siunnersuutigineqarpoq. Pisuni, taakkunani pinerluttulerinnermi inatsimmi §§ 6 (nunami allami iliuutsip assinganut iliuusereriikkamut kingunerititsinnermi, inummik eqqartuussisutigoortitsineq pillugu) imaluunniit 124 (inuk, eqqartuunneqareersoq, aamma eqqartuussut sioqqullugu inatsimmik unioqqutitsisutut pisuutitaasoq pillugu) pissutissalimmik pasisap pisuutinneqassappat atorneqarsinnaasussamik, Eqqartuussisoqarnissaa naatsorsuutigineqarsinnaatinnagu, imaluunniit ilassutaasumik pillaatissiisummik pingaaruteqanngitsumik taamaallaat eqqartuussisoqarnissaa naatsorsuutigineqartillugu, unnerluussisussaataitasut tamakkiisumik ilaannakoortumilluunniit unnerluussummik taamaatitsiinnarsinnaanermik atuisinnaasariaqarnermik periarfissaasa annertusineqarnissaa siunnersuutikkut pisinnaanngussaaq. Pillaatissiisoqannginnissaa imaluunniit pingaaruteqanngitsumik pineqaatissiinnermik eqqartuussisoqarnissaa, aamma eqqartuussineq allakkut aamma annertuumik pingaaruteqannginnissaa naatsorsuutigineqarpat, tamakkiisumik ilaannakoortumilluunniit unnerluussutip taamaatiinnarneqarnera taamaallaat pisinnaavoq.

Nr. 3-p ilanngunneqarnerata kingunerisaanik, nr. 2-mi "imaluunniit" peerneqarnissaa siunnersuutigineqarpoq, soorlu aamma massakkut nr. 3- usaq nr. 4-nngussasooq.

Aammattaaq inatsisissatut siunnersuummi nalinginnaasumik oqaaseqaatini imm. 2.9 innersuussutigineqarpoq.

Nr. 12-imut (§ 315, imm. 1)

Pissutissalimmik pasisap inuunermini atugarisaasa piffissaq eqqorlugu nalunaarnissaq akornusersimanngippagu, imaluunniit § 582, nr. 1 imaluunniit 2 malillugu aallartitseqqinnissamut piumasagaatit naammassineqarsimappata, unnerluussutip taamaatinneqarnera imaluunniit unnerluussummik tunuartitsineq pillugu aalajangiineq aalajangerneqarpat, tamanna pillugu pissutissalimmik pasisamut, unnerluussutip taamaatinneqarnera imaluunniit unnerluussummik tunuartitsineq kingusinnerpaamik qaammatit 3 kingorna pineqartumut nalunaarutigineqarsimappat, allanngortitsitsineq taamaallaat pisinnaasooq, eqqartuussisarnermik inatsimmi § 315, imm. 1-imi oqaaseqatigiit kingulliit malitsigaat.

§ 315, imm. 1-imi oqaaseqatigiinni kingullerni »qaammatit pingasut« ima allanngortinneqassasooq »qaammatit 4« siunnersuutigineqarpoq.

Unnerluussutip taamaatiinneqarnera imaluunniit unnerluussummik tunuartitsineq pillugu aalajangiinnermik allanngortitsineq siunissami aalajangiinnerup kingorna qaammatit 4 naatinngit pissutissalimmik pasineqartumut nalunaarutigineqarsinnaasooq, allannguutissatut siunnersuutigineqartup kingunerissavaa. Massakkumut pisartutut, pissutissalimmik pasisap inuttut atugarisaasa piffissaq eqqorlugu nalunaaruteqarnissaq akornusersimappasuk, piffissaliussaq sivitsorneqassaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.12.2 innersuussutigineqarpoq.

Nr. 13-imut (§ 321, imm. 1, nr. 4)

Pissutissalimmik pasisaq nammineerluni takkussinnaatitaasumik illersuisumik, suliami takkuttartussamik, atorfinitsitsisimanngippat,

pissutissalimmik pasisamut eqqartuussiviup illersuisumik ivertitsinissaanik eqqartuussisarnermik inatsimmi § 321 tunngassuteqarpoq.

Pinngitsuugassaannngitsumik illersuisumik ivertitsinissaq pillugu eqqartuussisarnermik inatsimmi § 321, imm. 1 malittarisassanik imaqarpoq. Suliami unnerluussut saqqummiunneqarpat, tassani, nr. 2 malillugu unnerluussaq pisuutitaappat, inatsisitigut kinguneqartitsinerit akiliisitsissummit, arsaarinninnermit, biilersinnaanermut allagartaajagaanermut imaluunniit taarsiissuteqarnermit annertunerusumik akuliunnerusut pineqartussaatiillugit, aamma § 453, imm. 3, nr. 4 malillugu suliaq saqqummiunneqarpat, aamma nr. 4 malillugu inissiisarfimmi inissinneqarnissaq pillugu apeqqut saqqummiunneqarpat, illersuisut peqataanissaat ilaatigut pinngitsuugassaannngitsoq, tassani takuneqarsinnaavoq.

§ 321, imm. 1, nr. 4-p nutaamik oqaasertaliorneqarnissaa siunnersuutigineqarpoq, taamaalilluni pissutissalimmik pasisap nammineerluni illersuisumik takkussinnaatitaasumik, suliami takkuttartussamik, atorfinitsitsisimanngippat, aamma pinerluttulerinermi inatsimmi kapitali 33-p atorneqarnissaa apeqqutaalrpat, taamaattoq unnerluussisussaatiitaasut pineqaatissiissutip eqqartuussutigineqarsimasup atorunnaarsinneqarnissaa piumasaqaatiginninnerat minillugu, eqqartuussiviup pissutissalimmik pasisamut illersuisoq ivertissavaa.

Pinerluttulerinermi inatsimmi kapitali 33 malillugu pineqaatissiissutit inatsisissatut siunnersuummi § 1, nr. 8-imiit 10 ilanngullugu aalajangersakkat (eqqartuussisarnermik inatsimmi § 449 a) malillugit nassuernertut suliap nalaani eqqartuussutigineqarnissaat pillugit siunnersuummut, siunnersuut atassuteqarpoq.

Pissutissalimmik pasisap nammineerluni takkussinnaatitaasumik illersuisumik atorfinitsitsinngippat, pisortanit illersuisumik tamatigut ivertitsisoqarnissaa siunnersuutip kinguneraa, taannalu pinerluttulerinermi inatsimmi kapitali 33-p atornissaa pillugu apeqqut pineqartillugu takkutissaaq. Pinerluttulerinermi inatsimmi kapitali 33 malillugu pineqaatissiissutip eqqartuussutaareersup atuutiinnarnissaa pillugu aalajangiineq, aamma pinerluttulerinermi inatsimmi kapitali 33-p atorneqarneranut takussutissaavoq.

Qaagukkut pisortanit illersuisumik ivertitsisoqassanersoq, § 321, imm. 1, nr. 4-mut siunnersuut piviusumik allannortitsinernik kinguneqanngilaq, tassami suliani, unnerluussisussaataasut pineqaatissiisuttip eqqartuussissutigineqarsimasup atorunnaarsinneqarnissaanik piumasqaateqarnerat minillugit, pinerluttulerinermi inatsimmi kapitali 33-p atorneqarnissaa pillugu apeqquteqartillugu, ullumikkut aamma pisortanit illersuisumit ivertitsisoqartarmat.

§ 321, imm. 1, nr. 4-p atuuttup ingerlateqqinneqannginnissaa, siunnersuuttip kinguneraa. Qaagukkut pisortanit illersuisumik ivertitsisoqarnissaanut, tamanna piviusumik allannortitsinermik aammattaaq kinguneqanngilaq, tassami § 321, imm. 1, nr. 4 atuuttoq § 321, imm. 1, nr. 2-p, allannortinneqartussatut siunnersuutigineqanngitsup, atuuttup saniani pisariaqanngimmat. § 321, imm. 1, nr. 2-imi atuuttumi, pisut tamarmik, taakkunani unnerluussineq saqqummiunneqarluni, ilaatinneqarput, aamma akiliisitsissummit, arsaarinninnermit, biilersinnaanermut allagartaajagaanermut imaluunniit taarsiissuteqarnermit annertunerusumik akuliunnerusunik inatsisitigut kinguneqartitsisoqarnissaa pillugit apeqquusiisoqarnissaa naatsorsuutigisariaqarpoq. Ilaatigut pisut tamaasa, taakkunani unnerluussisoqarluni, aamma inissiisarfimmi inissiineq apeqqutaalluni, ilaatinneqarput. Taamaalilluni aalajangersakkami pisut tamarmik, § 321, imm. 1, nr. 4-imi atuuttumi ilaatinneqartut, aalajangersakkami aamma ilaatinneqarput.

Aammattaaq inatsisissatut siunnersuummi nalinginnaasumik oqaaseqaatini imm. 2.1 innersuussutigineqarpoq.

Nr. 14-imut (§ 322)

Suliani immikkut ittumik ilungersunartutut pissuseqartuni, illersuinermut tamanna pisariaqartinneqarpat, eqqartuussissuserisoq illersuisutut eqqartuussiviup ivertissagaa, eqqartuussisarnermik inatsimmi § 322, imm. 2-p aalajangersarpaa. Ullumikkut malittarisassat taamaatsillugit, taamaalilluni suliaq piviusoq taanna immikkut ittumik ilungersunartutut pissuseqarnerseq, suliap ilungersunartuunini tunngavigalugu, ajornartorsiutit qanoq issusaannik taamaattunik. pissutissalimmik pasisamut eqqartuussissuserisumik illersuisoqartitsisariaqalersitsisunik, imaqarnerseq, siullertut aalajangerneqassaaq. Piffissami, tassani illersuisup aggersarneqarfissaani imaluunniit ivertinneqarfissaani, najukkami eqqartuussivimmit suliarineqarnissaa ajornakusoorsinnaavoq, tamannalu

aalajangersakkap atorneqarneranut sulisaatsinik assigiiaanngitsunik ingerlatsinermik kinguneqarsimavoq. Inatsisit atuuttut misissorneqarnissaannut qulaani nalinginnaasumik oqaaseqaatini immikkoortoq 2.10 innersuussutigineqarpoq.

§ 322, imm. 2-p nutaamik oqaasertaliorneqarnissaa siunnersuutigineqarpoq, taamaalilluni illersorneqarnissamut tamatuma piumasaqaataanneginnera erseqqissumik nalilorneqanngippat, suliani immikkut ittumik ilungersunartuni, matumani toqutsineq, pinngitsaaliilluni atoqateqarneq imaluunniit ingasattumik nakuuserneq pillugit suliat ilanngullugit, aamma suliani, taakkunani unnerluussisussaataasut tigummigallarneqarnissamik piumasaqaateqarlutik, eqqartuussiviup eqqartuussissuserisumik imaluunniit illersuisumik akuerisaasumik, inatsisilerinermut tunngasumik kandidatitut angusilluni soraarummeersimasumik illersuisutut iverititsinissaa takuneqarsinnaalissaaq. Suliat, taakkunani illersuisoq pinerluttoqarsimaneranik paasiniaanerup nalaani iveritinneqarluni, matumani meeqqat video atorlugu killisiorneqarnerannut atatillugu, taakkunani pinerluttuliornerit taaneqartutut pissuseqartut pinerluutigineqarsimasinnaanerit pasitsaanneqarluni, aalajangersakkami ilaatinneqassapput.

Annerusumik pingaarnertut malittarisassaq malillugu najukkani eqqartuussiviit, suliani immikkut ittumik ilungersunartutut pissusilinni, aamma tamatigut toqutsineq, pinngitsaaliilluni atoqateqarneq imaluunniit ingasattumik nakuuserneq pillugit sulianik ilaatitsisuni, aamma suliani unnerluussisussaataasut tigummigallagaanissamik piumasaqaateqarneranni, eqqartuussissuserisumik imaluunniit illersuisumik akuerisaasumik, inatsisilerinermut tunngasumik kandidatitut angusilluni soraarummeersimasumik iverititsissasoq, siunnersuutip kinguneraa. Suliat suussusaanni taaneqartuni unnerluussisussaataasut annerusumik pingaarnertut malittarisassaq malillugu inatsisilerinermut tunngasumik ilinniarsimasumik unnerluussissuserisumik unnerluussisuliissapput, pissutigalugu suliat pissutsitik malillugit immikkut ittumik ilungersunartutut taaneqartariaqarmata. Aammattaaq suliat taamaattut amerlanertigut eqqartuussivikkoortitsinermi ajornartorsiutinik katitigaasunik imaluunniit ajornartorsiutit qanoq issusaannik assigiinngitsunik imaqartarput.

Aalajangersagaq tamakkiisuunngilaq. Suliap taassuma piviusup immikkut ittumik ilungersunartutut isigisariaqarnera pillugu nalilersuinermi – suliap

pissusaata saniatigut –suliami inatsisilerinermut tunngasumik ilinniarsimasumik unnerluussisumik unnerluussisoqarnersoq immikkut ittumik eqqartuussiviup pingaartittariaqarpaa. Assersuutigalugu suliani aningaasaqarnermut tunngasuni, meeqqanut innarliinernik suliani aamma suliani, pissutissalimmik pasineqartumik immikkut ittumik annertuumik kinguneqarsinnaasuni, assersuutigalugu pineqartup politikeriunera, politiitut sulinera imaluunniit allami assigisaani tatigisaalluni atorfeqarnera pissutigalugu tamanna amerlanertigut pisinnaavoq. Ammattaq suli ingammik pinerluttuliornerit inummut navianaatilittut suussuseqartut soorlu ilaatigut nammineersinnaajunnaarsitsinerit, inatsisit unioqqutillugit pinngitsaaliinerit, ujajaanerit aamma ikuallatitsinerit aamma aanngajaarniutit pillugit inatsisinik annertoorujussuarmik unioqqutitsinerit aalajangiinissamut tunngavinnik naammassinnissinnaassapput. Assersuutigalugu pissutissalimmik pasisaq peqqinnissaqarfimmit tarnikkut immikkoorutilittut assigisaanilluunniit nappaateqartoq paasineqarpat, eqqartuussissuserisumik imaluunniit illersuisumik akuerisaasumik, inatsisilerinermut tunngasumik kandidatitut soraarummeerluni angusisimasumik illersuisumik ivertitsisoqarnissaa pissutissaqalersitsisinnaavoq.

Suliani pineqartuni eqqartuussissuserisup saniatigut aamma illersuisumik akuerisaasumik, inatsisilerinermut tunngasumik kandidatitut soraarummeerluni angusisimasumik ivertitsisoqarsinnaanera, siunnersuutip aamma kinguneraa. Suliami piviusumi tassani, illersuisup suussusaa sorleq ivertinneqassasoq, eqqartuussissuserisut, sulianik suliaqartussat arlaat, taakkunani akuusup eqqartuussissuserisuminut nammineq aningaasartuuteqassanani eqqartuussissuseritinneqassanersoq ilanngullugu, eqqartuussiviup nalilissavaa.

Illersorneqarnerup tamanna pisariaqartinngikkaa, erseqqissumik nalilerneqarpat, aallaaviusoq taamaallaat avaqqunneqarsinnaavoq. Taassuma qaqutiguinnaq pisartussatut pissuseqarnissaa isumaqarfigineqarpoq, kisianni nassuermik suliaq paasiuminarluinnartoq pineqarpat, tassani unnerluussisussaataasut aamma inatsisilerinermut tunngasumik ilinniarsimasumik unnerluussisuliinatik, assersuutigalugu tamanna pisinnaavoq.

Suliani § 322, imm. 2-mi ilaatinneqanngitsuni, § 322, imm. 1 malillugu suli illersuisumik akuerisaasumik najukkami eqqartuussivik ivertitsissaaq. Kalaallit Nunaanni immikkut ittumik aaqqissuussineq eqqarsaatigalugu

suliarinneqqaarfimmi suliat suliarineqarnerannut aamma annertunerusumik assigiiaartumik sulisoqarnissaa qulakkeerniarlugu, najukkani eqqartuussiviit pisuni taakkunani, ataatsimut naliliineq malillugu tamanna naleqquttuunerunngippat – assersuutigalugu qanittumiinnissamik tunngavik, pissutissalimmik pasisap kissaataa imaluunniit ajornaatsumik sulinissamut eqqarsaatigisassat pissutigalugit, matumani illersuisumik akuerisaasumik, inatsisilerinermut tunngasumik kandidatitut soraarummeerluni angusisimanngitsumik suliamik suliarinnissinnaasumik nassaartoqarsinnaannginnera pissutigalugu, ivertitsisariaqanngillat. Suliap piareersarneqarnerani illersuinermt eqqarsaatigisassat taassuma pisariaqartinneqarnera takuneqarsinnaalerpat, illersuisup akuerisaasup eqqartuussisarnermik inatsimmi § 325, imm. 1 malillugu ivertinneqarnera atorunnaarsinneqarsinnaammat tassunga atatillugu maluginiarneqassaaq.

Najukkani eqqartuussiviit suli pissutissalimmik pasisap nammineerluni kissaatai, taakku matumuuna § 324 malillugu pisariaqartinneqartumik illersorneqarnissamut eqqarsaatigisassanut taakku aporaatinngippata, eqqarsaatigisariaqarpai.

Illersuisussamik ivertitsineq pillugu eqqartuussiviup aalajangiinera suli § 322, imm. 3 malillugu eqqartuussisuuneqarfimmut aalajangeqqitassanngortinneqarsinnaavoq.

Nr. 15-imut (§ 364)

Tigummigallagaanissamut il.il. aamma piffissaliussap sivitsorneqarneranut eqqartuussisarnermik inatsimmi § 364 tunngassuteqarpoq.

Tigummigallagaanissap imaluunniit qanoq iliornissamut piareersaatip sivilissusissaanut piffissaliussaq eqqartuussiviup aalajangiinermi aalajangissagaa, pisut tassani pissutissalimmik pasisap Kalaallit Nunaanniinnginnera minillugu, § 364, imm. 1-mi takuneqarsinnaavoq. Piffissaliussaq sapinngisamik sivikitsuussaaq aamma sapaatit akunneri 4 piffissaliussap qaangissanngilai.

Eqqartuussiviup piffissaliussaq sivitsorsinnaagaa, kisianni sivilunerpaamik sapaatit akunneri 4-kkaarlugit, § 364, imm. 2-mi takuneqarsinnaavoq. Pissutissalimmik pasisaq sivilsuinermt isumaqataalluni nalunaaruteqanngippat, sivilsuineq aalajangiinikkut, tunngavilersorneqartussakkut, pissaaq.

Pineqartup taanna taamaatitippagu imaluunniit saqqummiunneqarneq naleqqutinngitsunik ajornartorsiutinik atassuteqartoq eqqartuussivik isumaqarpat, pissutissalimmik pasisap, tigummigallagaasup imaluunniit allakkut qanoq iliornissamut piareersaataasumik nammineersinnaajunnaarsitaasup saqqummiunneqarnera taamaattoq pinngitsoortinneqarsinnaavoq.

Imm. 4-p ilanngunneqarnissaa siunnersuutigineqarpoq. Unnerluussisussaataitasut unnerluussut eqqartuussivimmut tunniuppassuk aamma eqqartuussiviup pingaarnertut isumaqatigiinniarnissamut piffissaliussaq aalajangerpagu, piffissaliussap naanerani, tigummigallagaaneq imaluunniit, tassunga taarsiullugu qanoq iliornissamik piareersaateqarneq suliarineqartoq, sivitsoqqinneqarnani, suliami eqqartuussummik eqqartuussisoqarnissaa tikillugu, ingerlaannassasoq, eqqartuussiviup imm. 1 malillugu aalajangersinnaagaa, siunnersuutip kinguneraa. Eqqartuussivik taamatut aalajangiippat, § 362, imm. 4 imaluunniit § 366 malillugu, aalajangiinerup kingorna siusinnerpaamik sapaatit akunneri 3 qaangiunnerani tigummigallagaanerup imaluunniit tassunga taarsiullugu qanoq iliornissamik piareersaat atorunnaarsinneqarnissaat unnerluussaasup eqqartuussivimmut noqqaassutigisinnaavaa. Taamaattoqarpat eqqartuussivik ullut 7 qaangiutsinnagit tamanna aalajangiiffigissavaa. Noqqaassut eqqartuussiviup akuerinngippagu, unnerluussaasoq eqqartuussiviup aalajangiinerata kingorna siusinnerpaamik sapaatit akunneri 3 qaangiunneranni nutaamik noqqaassuteqarsinnaavoq. Pingaarnertut isumaqatigiinniarnernup aallartinnerata kingorna § 367, imm. 2-mi oqaaseqatigiit kingulliit, aamma imm. 3 taamatuttaaq atuupput. Nassuermik suliani, tassani unnerluussisussaataitasut, § 449 a malillugu suliap nassuernertut suliarineqarnissaa siunertaralugu eqqartuussisoqarnissaanik noqqaassuteqarsimallutik, aamma eqqartuussivik eqqartuussisoqarnissaanut piffissamik aalajangiisimalluni, aalajangersakkami oqaaseqatigiit siullerniit oqaaseqatigiit tallimaat ilanngullugu aalajangersakkat taamatuttaaq atuupput.

Aalajangersagassatut siunnersuutigineqartoq nutaajuvoq aamma tigummigallagaanerup imaluunniit tassunga taarsiullugu qanoq iliornissamut piareersaatit sivitsoorneqarnissaannut, taaneqartunut piffissaliussaq aalajangernagu, periarfissamut tunngassuteqarpoq. Piffissaliussat akerlerineqaratik sivitsoorneqarnissaat pillugit pissusissamik

eqqueqqissaarnani eqqartuussinerit amerlaassusaasa ikilisinneqarnissaat aalajangersagassatut siunnersuutigineqartup siunertarivaa.

Malittarisassat atuuttut malillugit tigummigallagaanissamik imaluunniit tassunga taarsiullugu qanoq iliornissamut piareersaateqarnissamut tunngavissaqartoq, qanoq pisoqarnera apeqqutaatinnagu, piffissami sapaatit akunnerinik 4-nik, eqqartuussisarnermik inatsimmi § 364, imm. 1 malillugu nalinginnaasumik piffissaliussisarneq malillugu sivisunerpaajusumit sivisunerusumik tigummigallagaanissamut tunngavissaqartoq aamma tigummigallagaaneq imaluunniit tassunga taarsiullugu qanoq iliornissamut piareersaateqarneq, eqqartuussisarnermik inatsimmi § 359-imi nalinginnaasumik atsikkutigiissarineq pillugu aalajangersagaq malillugu eqqartuussummik eqqartuussisoqarnissaa tikillugu siuningaani tamatuma periarfissatut isigineqarsinnaannginneranik eqqartuussivik isumaqarpat, aalajangersakkap taamaallaat atorneqarnissaa piumasaqaataavoq.

Allakkut nangaanartoqartoq eqqartuussivik isumaqarpat, aalajangersagaq atorneqartariaqanngilaq. Pingaarnertut isumaqatigiinniarnissamut piffissaq kinguartinneqarpat, aalajangersagaq malillugu eqqartuussivik nutaamik aalajangiissaaq.

Aalajangersagassatut siunnersuutigineqarneqartup atorneqarnissaa tunngavissaqanngitsutut eqqartuussiviup isumaqarfigippagu, suli tigummigallagaanissamik imaluunniit tassunga taarsiullugu qanoq iliornissamik piareersaateqarneq pillugu aalajangersagaq atuuttoq, eqqartuussisarnermik inatsimmi § 367, imm. 1 pingaarnertut isumaqatigiinniarnernup aallartinnerata kingorna sivitsorneqaqqinnani atuutissaaq.

Pingaarnertut isumaqatigiinniarnernup aallartinnerata kingorna, pingaarnertut isumaqatigiinniarnernup kinguartittariaqarnera pillugu eqqartuussivik aalajangersagaq pillugu aalajangiippat, nalinginnaasumik malittarisassaq eqqartuussisarnermik inatsimmi § 364, imm. 1-imiittoq malillugu tigummigallagaanermut imaluunniit qanoq iliornissamik piareersaatinut, tassunga taarsiullugu sularineqartunut piffissaliussamik aalajangersaasoqartariaqarneranik kinguartitsineramik kinguneqassanersoq, imaluunniit parnaarussatut paarineqarneq malittarisassaq nutaaq taanna malillugu piffissalernagu ingaannassanersoq, eqqartuussiviup piffissaliussap ullunik 7-nnik sivilutigisup qaangiutinnginnerani aalajangissavaa.

Aammattaaq inatsisissatut siunnersuummi nalinginnaasumik oqaaseqaatini imm. 2.9 innersuussutigineqarpoq.

Nr. 16-miit 18 ilanngullugu aalajangersakkanut (§ 449 a)

Eqqartuussisarnermik inatsimmi § 449 a nassuermik sulianut tunngassuteqarpoq, imaappoq suliat, eqqartuussisooqataasut peqatigalugit suliarineqartussaagaluit, kisianni ingerlatsinermi piuminarsakkami aamma eqqartuussisooqataasut peqataatinnagu suliarineqartut, pissutigalugu unnerluunneqartoq nassuersimammat aamma suliap nassuernertut suliarineqarnissaanut akuersissuteqarsimammat.

Pinerluttulerinermi inatsimmi kapitali 33-p imaluunniit kapitali 34-p atorineqarnissaa pillugu apeqquteqarpat, suliap nassuernertut suliarineqarsinnaannginnera, § 449 a, imm. 1, nr. 4-imi takuneqarsinnaavoq.

Pissutissalimmik pasisaq tigusaasimappat imaluunniit eqqartuussinerup nalaani tigummigallagaappat, illersuisoq, § 321, imm. 1, nr. 1 malillugu ivertinneqartoq, suliap nassuernertut suliatut suliarineqarnissaanut pissutissalimmik pasisaq akuersissuteqartinnagu, suliamik ilisimasaqalernissaminut periarfissinneqassasoq, pissutissalimmik pasisamik suliaq pillugu oqaloqatiginnissasoq, aamma eqqartuussivimmut oqaaseqaateqassasoq, § 449 a, imm. 3-mi takuneqarsinnaavoq. Pissutissalimmik pasisap akuersissuteqarnerani, illersuisoq eqqartuussivimmi najuutissaaq.

Eqqartuussinerup nalaani pissutissalimmik pasisaq tigusaasimanngippat imaluunniit tigummigallagaanngippat, pissutissalimmik pasisap suliap nassuernertut suliarineqarnissaanut akuersissuteqartinnagu, pissutissalimmik pasisaq illersuisumik neqeroorfigineqassasoq, § 449 a, imm. 4-mi takuneqarsinnaavoq. Pissutissalimmik pasisap kissaateqarneratigut, illersuisumik ivertitsisoqarpat, imm. 3 taamatuttaaq atuutissaaq.

§ 449 a, imm. 1, nr. 4-p allanngortinneqarnissaa siunnersuutigineqarpoq, taamaalilluni pinerluttulerinermi inatsimmi kapitali 33-mut innersuussineq peerneqassalluni.

Pinerluttulerinermik suliat, taakkunani pinerluttulerinermi inatsimmi kapitali 33-p atorneqarnissaa pillugu apeqquteqarluni, siunissami nassuernertut suliatut suliarineqarsinnaanerata, siunnersuutip kinguneraa.

Suliap nassuernertut suliarineqarsinnaanissaanut, pissutissalimmik pasisap – naak tarnimigut immikkoorutilimmik qanoq issuseqaraluarluni – pasilliummik aamma suliap nassuernertut suliarineqarnissaanut akuersissuteqarnerup isumaanik paasinnissimanissaa piumasaqaataassaaq.

§ 449 a, imm. 1-mi aallaqqaasiut, allanngortinneqartussatut siunnersuutigineqanngitsoq, malillugu, tamatuma saniatigut nassuernermik suliani taamatut suussuseqartuni nutaani, pissutissalimmik pasineqartup nangaassuteqarnani nassuernissaa saneqqunneqarsinnaangitsumik piumasaqaataassaaq. Unnerluunneqartoq tarnikkut qanoq issutsimi malitsigisaanik taamaaliorsinnaanngippat, imaluunniit nassuernerup imaluunniit suliap nassuernertut suliarineqarnissaanut akuersinerup isumaanik paasinninngippat, suliaq nassuernertut suliatut naammassineqarsinnaanngilaq.

Suliasaatsimi unnerluunneqartup tarnikkut qanoq issusaa, eqqartuussiviup pineqaatissiissut eqqortoq pillugu eqqartuussummik eqqartuussinissaanut aammattaaq naammattumik nassuiarneqarsimassaaq.

§ 449 a, imm. 3-mi oqaaseqatigiinni siullerni “eqqartuussinerup” kingorna “imaluunnit pinerluttulerinermi inatsimmi kapitali 33-p atorneqarnissaa apeqqutaalerpat” aamma § 321, imm. 1, nr. 4-mut innersuussineq ilanngunneqassasoq siunnersuutigineqarpoq.

Nassuernertut suliani, taakkunani pinerluttulerinermi inatsimmi kapitali 33-p atorneqarnissaa apeqqutaalluni, pissutissalimmik pasisap suliap nassuernertut suliarineqarnissaa pillugu akuersissuteqannginnerani, illersuisup suliamik ilisimasaqalernissaminut periarfissinneqarnissaa, pissutissalimmik pasisamut suliaq pillugu oqaloqatiginninnissaa aamma eqqartuussivimmut oqaaseqaateqarnissaa, siunnersuutip kinguneraa. Aammattaaq pissutissalimmik pasisap akuersissuteqarnerani, illersuisoq eqqartuussivimmi najuutissaaq.

§ 449 a, imm. 4-mi oqaaseqatigiinni siullerni “eqqartuussinerup” kingorna “aamma pinerluttulerinermi inatsimmi kapitali 33-p atorneqarnissaa pillugu apeqqutaajunnaarpat” ilanngunneqassasoq siunnersuutigineqarpoq.

Pinerluttulerinermi inatsimmi kapitali 33-p atorneqarnissaa pillugu apeqquteqartoqarpat, illersuisumik ivertitsineq nammineq qinigassaq pillugu § 449 a, imm. 4 atorneqassanngitsoq, siunnersuutip kinguneraa.

Nassuernerni suliani, taakkunani § 321, imm. 1, nr. 4 (inatsisissatut siunnersuummi § 1, nr. 7), aamma § 449 a, imm. 3-p allanngortinneqarnissanut siunnersuut malillugit, nassuernernik suliani, taakkunani pinerluttulerinermi inatsimmi kapitali 33-p atorneqarnissaa apeqqutaalluni, pinngitsuugassaanngitsumik illersuisumik peqataasoqarnissaa pillugu siunnersuutip siunnersuut kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.1 innersuussutigineqarpoq.

Nr. 19-mut (§ 451)

Inatsimmi allatut aalajangiisoqarsimatinnagu, unnerluusseq inuttut pingaarnertut isumaqatigiinniarnernup tamarmiusup nalaani najuunnissaa, eqqartuussisarnermik inatsimmi § 451-p aalajangersarpaa. Taamaattoq unnerluussaasup nassuiaateqarnerata kingorna, unnerluussaasup eqqartuussivik qimassinnaagaa, eqqartuussisut siulittaasuata akuersissutigisinnaavaa.

§ 451-mi oqaaseqatigiit aappaat nutaamik oqaasertaliorneqassasoq siunnersuutigineqarpoq, taamaalilluni unnerluussaasumit noqqaassuteqarnerup kingorna, unnerluussaasup pingaarnertut isumaqatigiinniarnernup nalaani imaluunniit taassumap ilaani najuutinnginnissaa, eqqartuussisut siulittaasuata akuersissutigisinnaavaa.

Unnerluussaasup nassuiaateqannginnerani, unnerluussaasup eqqartuussivik qimassinnaagaa, imaluunniit unnerluussaasoq pingaarnertut isumaqatigiinniarnernup nalaani najuutinngilluinnarnissaa, nutaatut eqqartuussisut siulittaasuata akuersissuteqarnissamik periarfissalernera, siunnersuutip kinguneraa.

Eqqartuussisut siulittaasuata akuersissummik taamaattumik tunisippat, unnerluussaasoq pingaarnertut isumaqatigiinniarnernup nalaani najuunnissaminik imaluunniit pingaarnertut isumaqatigiinniarnernup pineqartup ilaanni najuunnissaminut pisussaaffeqanngilaq. Taamaammat

unnerluunneqartup takkutinnginnera akuerisaanngitsumik
takktutinngitsoornerussanngilaq, aamma taamaammat unnerluussaasup
takktutinngitsoornerata malitsigisaanik unnerluunneqartup
tigusarineqarnissaa pillugu aalajangiinermik aalajangiisortartussaannngilaq,
soorlu aamma unnerluussaasup takktutinngitsoornera nassuernertut
isigineqassanngitsoq imaluunniit takktutinngitsoornermi sunniutinik allanik
kinguneqartitsiviussanngitsoq.

§ 451-imi oqaaseqatigiit aappaat malillugu eqqartuussisut siulittaasuata
akuersissut utertissinnaavaa, kisianni tamatuma kingorna
unnerluunneqartoq nammineq kajumissutsini malillugu takktutinngippat –
aamma tigummigallagaanngippat taamaammallu taamaallaat
saqqummersinneqartussaassappat – unnerluussaasup sulii
takktutinngitsoornerata taamaattoqarpat tigusaanissaanut
kinguneqarsinnaanera sioqqullugu, unnerluussaasumut inatsisinut
naapertuuttumik ilimasaaraluni aamma takktutinngitsoornermi
kinguneqaataasussanik ersersitsillugu, eqqartuussinissamut
aggersagaanerata nalunaarutigineqarnissaa pisariaqartinneqassaaq.

Pingaarnertut isumaqatigiinniarnertup nalaani imaluunniit taassuma ilaani
najuutinnginnissamut akuersissut pingaarnertut isumaqatigiinniarneq
sioqqullugu aamma pingaarnertut isumaqatigiinniarnertup nalaani
tunniunneqarsinnaasussaassaaq, matumani pisuni unnerluunneqartup
akuerisaanngitsumik takktutinngitsoornerani imaluunniit inatsisinut
naapertuuttumik takktutinngitsoornerani. Unnerluussaasumit
noqqaassuteqarnerup kingorna akuersissut tunniunneqarsinnaasussaavoq,
kisianni sorusussutsip unnerluussaminngaanneernissaa
piumasaqaataanngilaq. Unnerluussaasup pingaarnertut
isumaqatigiinniarnertup nalaani imaluunniit taassuma ataani
najuutinnginnissaminik akuersissummik noqqaassuteqassanersoq pillugu,
eqqartuussisup unnerluunneqartumut imaluunniit illersuisumut
apeqquteqarnissaanut taamaattumik sumilluunniit akornutissaqanngilaq.

Unnerluunneqartoq tarnikkut napparsimaneq pissutigalugu pingaarnertut
isumaqatigiinniarnermi peqataanissani kissaatiginngippagu, matumani
pisumi, tarnikkut nappaateqarneq pissutigalugu unnerluussaasumut
naleqqutinngitsumik artorsartinneqarnissamut unnerluussaasup
qajassuunneqarnissaa siunertaralugu, akuersissut ilaatigut
tunniunneqarsinnaavoq. Taamaattoq suliiap suliarineqarnera
eqqarsaatigalugu unnerluunneqartup najuunnissaa pisariaqartutut

eqqartuussisut siulittaasuata isumaqarfigippagu, akuersissut tunniunneqarsinnaassanngilaq.

Unnerluussaasup tamanna pillugu noqqaassuteqarnera, taaneqareersutut akuersissummut piumasaqaataassaaq, aamma matumuuna unnerluussaasoq illersuisoq peqatigalugu noqqaassut pillugu oqaloqatiginninnissamik periarfissaqarsimanera piumasaqaataavoq, taamaalilluni illersuisup taamaaliornerup kinguneri pillugit illersuisoq ilitersuisinnaaniassammat, matumani nassuiaateqannginnissap kingunerisinnaasai ilanngullugit. Taamaalilluni unnerluussaasoq, taamaakkaluartoq tarnikkut napparsimasimaguni napparsimanini apeqqutaatinnagu, noqqaassutip suut kingunerinerai pillugit naleqquttumik paasinnissimanissaa aamma piumasaqaataassaaq.

Unnerluunneqartup noqqaassutaanut ilusiliinissamut piumasaqaateqanngilaq, taannalu allakkatigut imaluunniit oqaatsitigut saqqummiunneqarsinnaavoq, matumani illersuisumut oqaatsitigut oqaatigineqarsinnaalluni, taamaalilluni taassuma tamatuma kingorna allakkatigut imaluunniit oqaatsitigut noqqaassut eqqartuussivimmut ingerlateqqissavaa. Noqqaassut aamma eqqartuussinerup nalaani unitsiarnermi, unnerluunneqartup najuuffiginngisaani, oqarasuaatikkut illersuisumut saqqummiunneqarsinnaavoq, kisianni taaneqareersutut, unnerluussaasup noqqaassutip qanoq kinguneqartussaanerani naleqquttumik paasinnissimanissaa piumasaqaataavoq, tamannalu taamaattoqarpat illersuisup qulakkiissallugu pisussaaffigaa.

Unnerluussaasup noqqaassutaata akuerineqarnissaa pillugu eqqartuussisut siulittaasuata isummernissaa sioqqullugu, unnerluussaataitaasut oqaaseqarnissaminnut periarfissinneqartariaqarput. Pisuni immikkut ittuni, unnerluussaataitaasup najuunnissaa, unnerluussisussaataitaasut suliamik ingerlatsinerannut pingaaruteqarsinnaavoq.

Unnerluunneqartumit noqqaassuteqarnerup kingorna, pingaarnertut isumaqatigiinniarnernup unnerluussaasoq najuutsinnagu naammassineqarsinnaanera pillugu, § 451-imi oqaaseqatigiit aappaat malillugu eqqartuussisut siulittaasuata aalajangiisinnatitaanerata saniatigut, Eqqartuussiviit Qullersaata aalajangiinera 19. december 2000-immersoq, Ugeskrift for Retsvæsen-imi 2001-imeersumi qupperneq 611-imiittoq malillugu, unnerluussaasup tarnikkut napparsimanini pissutigalugu pingaarnertut isumaqatigiinniarneq paasissallugu malinnaavigissallugulu

sapiunnerani, allanngortinnagu eqqartuussiviup pisuni immikkut illuinnartuni pingaarnertut isumaqatigiinniarnermik naammassinnissinnaanera atuutissaaq. Pisuni immikkut illuinnartuni taamaattuni unnerluussaasup najuutinnginnissaminik akuersissummik noqqaassuteqarnissaa piumasaqaataanngilaq.

Tarnikkut napparsimanermit allaanerusuni, pisuni allani akuersissut aamma tunniunneqarsinnaassaaq. Assersuutigalugu unnerluussaasup akuerineqartumik pisinnaannginnini nalunaarutigisimappagu, kisianni taamaakkaluartoq pingaarnertut isumaqatigiinniarnernup pilersaarutaasut naammassineqarnissaa kissaatigippagu, akuersissut tunniunneqarsinnaassaaq. Unnerluussaasoq inatsisinut naapertuuttumik pisinnaannginnini nalunaarutiginagu siunertarineqanngitsumik takkutinngitsoorpat, aamma unnerluussisussaataasut iliuusereriikkanut kingunerititasussat pillugit piumasaqaataat suliap eqqartuussisarnermik inatsimmi § 453, imm. 3, nr. 3, inatsisissatut siunnersuummi § 1, nr. 16-imi oqaasertaliorneqartoq, malillugu takkutinngitsoornermi eqqartuussummik nalunaaruteqartoqarnissaanik periarfissiinnginnerani, tamanna aamma assingani atuutissaaq.

Suliani sivisuumik suliarineqartuni, unnerluussaasup pingaarnertut isumaqatigiinniarnernup ilaani najuutinnginnissaata akuersissutigineqarsinnaanera aamma assersuutitut allatut taaneqarsinnaavoq. Unnerluussaasut arlaqarpata, unnerluussaasoq ataaseq assersuutigalugu pingaarnertut isumaqatigiinniarnernup ilaani, pineqartumut tunngassuteqanngitsumi imaluunniit annikitsuinnarmik tunngassuteqartumi, najuutinnginnissaminut akuersissummik pisinnaassaaq.

Siunnersuut malillugu, noqqaassuteqarnissamut tunngavinnut aalajangersimasunik piumasaqaateqanngilaq. Paasissutissat, suliami ilaareersut tunngavigalugit eqqartuussisut siulittaasut noqqaassummut isummersinnaassaaq, imaluunniit noqqaassummut isummertoqartinnagu assersuutigalugu nakorsartinnermut tunngasunik uppersaatinik amerlanerusunik pisariaqartitsisoqartoq aalajangersinnaassallugu.

Pingaarnertut isumaqatigiinniarnernup nalaani unnerluunneqartup najuunnissaa pillugu apeqqut, pingaarnertut isumaqatigiinniarneq sioqqullugu sapinngisamik erseqqissaavigineqartariaqarpoq, kisianni pingaarnertut isumaqatigiinniarnernup aallartinnerani najuutinnginnissamik

noqqaassut, illersuisup unnerluussaasoq sinnerlugu saqqummiussaa, aamma akuerineqarsinnaassaaq. Unnerluussaasoq takkussimanngippat aamma erngerluni najuutitinneqarsinnaanngippat, pingaarnertut isumaqatigiinniarnernup kinguartinneqarnissaa qinigassaq allaasinnaavoq, taamaattoqarneratalu suliami piviusumi suliamik suliarinninneq sivitsussavaa aamma eqqartuussiviit isumalluutaannik, suliani allani akuusunut inuiaqatigiinnullu ajoqutaasumik, atuisitsissalluni.

Eqqartuussisarnermik inatsimmi § 561 malillugu, pinerlunnernik suliassanik ingerlateqqitassanngortitsisarneq pillugu kapitali 44-imi aalajangersarneqartut allannguutigalugit, imaluunniit pissutsit assigiinngissutaasa malitsigisaat malillugit, eqqartuussisarnermik inatsimmi § 451 eqqartuussisuuneqarfimmi atorneqarsinnaavoq.

Sulieqqitassanngortitsinernik suliani unnerluunneqartup takkutinnginnera pillugu malittarisassanik immikkut ittunik, unnerluussaasup pisuuneranut uppersaait nalilersorneqarnerannik ilanngutsitsisunik aalajangersagaqanngilaq, aamma sulieqqitassanngortitsinerni taamaattuni suliarinneqqaarfimmi pisimasut annertoqataanik § 451 atorneqarsinnaavoq.

Kisianni suliassanut sulieqqitassanngortitanut unnerluunneqartup pisuuneranut uppersaait naliliiffiqineqarnerannik ilaatitsinngitsuni, eqqartuussisarnermik inatsimmi § 451 pingaaruteqanngilaq, unnerluussaasormi suliap sulieqqitassanngortitaq, eqqartuussisarnermik inatsimmi § 557, inatsisissatut siunnersuummi § 1, nr. 24-imi oqaasertaliorneqartoq, malillugu suliarineqarnerata nalaani pinngitsoorani najuttariaqanngilaq. Pingaarnertut isumaqatigiinniarnernut taamaattunut unnerluussaasup takkutinnginnissamik pisinnaatitaaffia, taamaalilluni § 557-p malitsigaa, aamma taamaammatt § 451-imi oqaaseqatigiit aappat malillugu najuutinnginnissamut akuersisummik noqqaassuteqarnissaq pisariaqanngilaq.

Aammattaaq inatsisissatut siunnersuummi nalinginnaasumik oqaaseqaatini imm. 2.3 innersuussutigineqarpoq.

Nr. 20-miit 24 ilanngullugu aalajangersakkanut (§ 453)

Pisunut, taakkunani unnerluussaasoq pingaarnertut isumaqatigiinniarnernup aallartinnerani imaluunniit ingerlanerani takkutinngitsoorluni, eqqartuussisarnermik inatsimmi § 453 tunngassuteqarpoq.

Pingaarnertut isumaqatigiinniarnep aallartinnerani imaluunniit ingerlanerani, pissutsit § 452, imm. 2-mi ilaatinneqartinnagit unnerluussaasoq takkutinngitsoorpat, aamma pineqartoq erngerluni najuutitinneqarsinnaanngippat, imm. 2 aamma 3 malillugit pingaarnertut isumaqatigiinniarnep tamakkiisumik imaluunniit ilaannakoortumik suliarineqarnissaa eqqartuussiviup aalajanginngippagu, suliaq kinguartinneqassasoq, § 453, imm. 1-mi takuneqarsinnaavoq.

Sulianut, taakkunani akiliisitsissummit, arsaarinninnermit, biilersinnaanermut allagartaajagaanermut imaluunniit taarsiissuteqarnermit annertunerusumik akuliunnerusunik pineqaatissinneqarnissamik imaluunniit inatsisitigut allannerusunik kinguneqartitsisoqarnissaanik apeqqut pineqarani, aamma suliaq unnerluussaasumut immikkut ittumik akuliunnertut kinguneqarani, eqqartuussisarnermik inatsimmi § 452, imm. 2 tunngassuteqarpoq.

Tamanna unnerluussaasup innimigineqarneranut naleqquttuuppat, aamma killisiuinerit kinguartinneqarnissaat takkussimasunut pingaarutilimmik ajoqutaassappat imaluunniit suliaq annertuumik kinguartinneqarneranik kinguneqassappat, unnerluussaasoq inatsisinut naapertuuttumik qaaqquneqarsimagaluarluni aamma inatsisinut naapertuuttumik pisinnaannginnerminik nalunaaruteqarsimanngippat, ilisimannittut nalilersuisussallu takkussimasut killisiorneqarnissaat eqqartuussiviup aalajangersinnaagaa, § 453, imm. 2-p malitsigaa. Unnerluussaasoq illersuisuminit sinnerneqarpat, taamaattoq illersuisoq takkussimappat, killisiuineq taamaallaat ingerlanneqarsinnaavoq.

Unnerluussisussaataitasut tamanna pillugu piumasaqaateqarpata, eqqartuussiviullu unnerluussaasup najuunnissaa pisariaqanngitsutut isumaqarfīgippagu, pingaarnertut isumaqatigiinniarnep pisuni tallimani erseqqinnerusumik taaneqartuni unnerluunneqartoq takkussimanngitsillugu eqqartuussummik eqqartuussisoqarnissaa tikillugu suliaq suliarineqassaaq.

Pingaarnertut isumaqatigiinniarnep piumasaqaatit taakku ataanni eqqartuussummik eqqartuussisoqarnissaa tikillugu suliarineqassaaq, ilaatigut, suliaq aallartinnerani unnerluussaasoq takkussimappat, eqqartuussivik akuersitinnagu eqqartuussivik qimassimappagu (nr. 2), ukiumi ataatsimi imaluunniit sivikinnerusumi inissiisarfimmi inissinneqarnissaa, arsaarinninneq, anisitsineq, pisinnaatitaaffinnik arsaarinninneq imaluunniit taarsissuteqarneq pillugit suliami taamaallaat

apeqqutaappata aamma pingaarnertut isumaqatigiinniarnep naammassineqarnissaanut unnerluussaasoq akuersissuteqarsimappat (nr. 3), aamma unnerluussaasoq qaammatini arfinilinni imaluunniit sivikinnerusumik inissiisarfimmi inissinneqarnissamit, akiliisitsinermi, arsaarinninnermi, anisitsinermi, biilersinnaanermut allagartaajagaanermi imaluunniit taarsiissuseqarnermi allaanersumik malitseqartumik eqqartuunneqanngippat (nr. 4).

Unnerluussaasoq inatsisinut naapertuuttumik aggersarneqarsimappat aamma inatsisinut naapertuuttumik pisinnaannginnermik ilisimatitsinani najuutinnginnerup, imm. 3, nr. 4 malillugu unnerluunneqartup pissutsinut unnerluussummi tungavigineqartunut eqqartuunneqarsinnaanera aggeqqusissummi takuneqarsinnaappat, unnerluussaasoq tamanna pillugu akuersissuteqarsimanngippat, imm. 3, nr. 4 malillugu pingaarnertut isumaqatigiinniarnep taamaallaat naammassineqarsinnaasoq, § 453, imm. 3, nr. 4-p malitsigaa.

§ 453, imm. 1-imi "aalajangiinngippata" kingorna "§ 451-imi oqaaseqatigiit aappaat malillugu eqqartuussisut siulittaasuata unnerluunneqartup najuutinnginnissaa akuerippagu, imaluunniit" ilanngunneqassasoq siunnersuutigineqarpoq

§ 451-imi oqaaseqatigiit aappaat, inatsisissatut siunnersuummi § 1, nr. 11-imi oqaasertaliorneqartoq, malillugu eqqartuussisut siulittaasuata pingaarnertut isumaqatigiinniarnep nalaani imaluunniit taassuma ilaani unnerluunneqartup najuutinnginnissaa pillugu akuersissuteqarnera naapertorpagu, pingaarnertut isumaqatigiinniarnep kinguartinneqassanngitsoq, siunnersuutikkut erseqqissarneqarpoq.

Unnerluussaasup takkutinngitsoornerata kingorna § 451-imi oqaaseqatigiit aappaat malillugu eqqartuussisut siulittaasuani akuersissut aatsaat tunniunneqarpat, tamanna aamma atuuppoq.

§ 453, imm. 3, nr. 2-p allanngortinneqarnissaa siunnersuutigineqarpoq, taamaalilluni unnerluussaasoq suliap aallartinnerani takkussimariarluni a) eqqartuussisut siulittaasuani akuerineqarani eqqartuussivik qimassimappagu imaluunniit b) pingaarnertut isumaqatigiinniarnep nalaani kingusinnerusukkut takkutinngitsoorsimappat, aalajangersagaq atuutissaaq.

Imm. 3, nr. 2-mi aalajangersagaq atuuttoq litra a-kkut siunnersuutip ingerlateqqippaa, taamaattoq unnerluussaasup eqqartuussivik akuersissuteqarteqqaarngu eqqartuussivimmit qimagussimaneranut taarsiullugu eqqartuussisut siulittaasuata akuersissuteqannginnera litra a-mi taaneqarpoq. Eqqartuussisarnermik inatsimmi § 451-imi oqaaseqatigiit aappat, inatsisissatut siunnersuummi § 1, nr. 11-tut oqaasertaliorneqartoq, malillugu unnerluussaasup eqqartuussivimmit qimatsinera inatsisit atuuttut aamma siunnersuut malillugit eqqartuussisut siulittaasuannit pisussaaffiunera, allannguummut pissutaavoq.

Unnerluussaasup suliap aallartinnerani takkussimalluni eqqartuussisut siulittaasuannit akuerineqarani eqqartuussivik qimappagu, unnerluussaasup najuutinnginnissaa pisariaqanngitsutut eqqartuussiviup isumaqarfigippagu, pingaarnertut isumaqatigiinniarneq unnerluussisussaataasut piunasaqaateqarnerisigut unnerluussaasup najuutinnginnerani eqqartuussutip eqqartuussutigineqarnissaanut naammassineqarnissaa, aalajangersakkap taassuma ilaata allanngortinneqarani siunertaraa.

§ 453, imm. 3, nr. 2, litra a-tut siunnersuutigineqartoq malillugu, unnerluussaasup najuutinnginnerani iliuusereriikkanut kingunerititat suut eqqartuussutigineqarsinnaanersut pillugit, killiliinernik atuutitsisoqassanngilaq.

§ 451-imi oqaaseqatigiit aappaat, inatsisissatut siunnersuummi § 1, nr. 11-imi oqaasertaliorneqartoq, malillugu, unnerluussaasup eqqartuussisut siulittaasuannit akuerineqarluni eqqartuussivik qimassimappagu, suliaq kinguartinneqassanngitsoq, § 453, imm. 1-imi oqaasertaliussassatut siunnersuutigineqartup malitsigaa, aamma § 453, imm. 3 taamaammat naleqqutinngilaq. Tassa pisumi tassani pingaarnertut isumaqatigiinniarneq § 453, imm. 1 malillugu unnerluussaasup najuutinnginnerani eqqartuussutip eqqartuussutigineqarnissaa tikillugu suliarineqarsinnaariissaaq.

Unnerluussaasoq, pingaarnertut isumaqatigiinniarnep aallartinnerani najuuttoq, pingaarnertut isumaqatigiinniarnep nalaani eqqartuussinermi kingusinnerusukkut takkutinngippat, siunissami nutaatut aamma unnerluussaasoq najuutsinnagu eqqartuussutip eqqartuussutigineqarnissaa tikillugu suliarineqarsinnaasoq, § 453, imm. 3, nr. 2, litra b-tut siunnersuutigineqartup kinguneraa.

Unnerluussisussaataitaasut tamanna piumasaqaatigippassuk, aamma § 453, imm. 3-mi aallaqqaasiut, allanngortinneqartussatut siunnersuutigineqanngitsoq, malillugu, unnerluussaasup najuunnissaa pisariaqanngitsoq eqqartuussivik isumaqarpat, pisumi tassani unnerluussaasooq najuutsinnagu eqqartuussutip eqqartuussutigineqarnissaa tikillugu pingaarnertut isumaqatigiinniarneq aamma suliarineqassaaq.

§ 453, imm. 4-mut allannguutissatut siunnersuutigineqartoq malillugu, unnerluussaasup inatsisinut naapertuuttumik pisinnaannginnini nalunaarutigisimassanngikkaa, unnerluussaasup inatsisinut naapertuuttumik aggersarneqarsimanera aamma inatsisinut naapertuuttumik pisinnaannginnermik ilisimatitsinani najuutinnginnerup, unnerluunneqartup pissutsinut unnerluussummi tunngavigineqartunut eqqartuunneqarsinnaanera aggeqqusisummi takuneqarsinnaanissaa, aammattaaq piumasaqaataassapput.

§ 453, imm. 3, nr. 2, litra b-tut siunnersuutigineqartoq malillugu unnerluussaasup najuutinnginnerani iliuusereriikkanut kingunerititat suut eqqartuussutigineqarsinnaanersut pillugit, killiliinernik atuutsitsisoqassanngilaq.

Illersuisup piumasaqaatigippagu, politiit nassuiaanerit, pasilliut pillugu unnerluunneqartup politiinut tunniussimasai, pillugit nalunaarusiaat inatsisissatut siunnersuummi § 1, nr. 18 (eqqartuussisarnermik inatsimmi § 467, imm. 2, nr. 6) malillugu § 453, imm. 3, nr. 2, litra b-tut siunnersuutigineqartup malitsigisaanik suliani suliarineqartuni, pingaarnertut isumaqatigiinniarnerni uppersaatait atorneqarsinnaanerit siunnersuutigineqarpoq.

Suliaq § 453, imm. 3, nr. 2, litra b-tut siunnersuutigineqartoq malillugu, unnerluunneqartup peqataannginnerani suliarineqarpat, inatsisissatut siunnersuummi § 1, nr. 18 (eqqartuussisarnermik inatsimmi § 474, imm. 3) malillugu pasilliut unnerluunneqartup inuttaanut namminermut nalunaarutigineqarsimanngippat, eqqartuussut inuttaanut namminermut nalunaarutigineqassaaq.

Suliaq § 453, imm. 3, nr. 2, litra b-tut siunnersuutigineqartoq malillugu unnerluunneqartoq najuutsinnagu suliarineqarsimappat, eqqartuussap pisuni erseqqinnerusumik taaneqartuni inatsisissatut siunnersuummi § 1, nr.

18 (eqqartuussisarnermik inatsimmi § 592 a, imm. 1) malillugu suliap suliareqqinneqarnissaa piumasaqaatigisinnaavaa.

§ 453, imm. 3, nr. 3-p atorunnaarsinneqarnissaa siunnersuutigineqarpoq.

§ 451-imi, inatsisissatut siunnersuummi § 1, nr. 11-imi oqaasertaliorneqartumi, oqaaseqatigiit aappaat malillugu unnerluussaasup eqqartuussit siulittaasuata akuersissuteqarneratigut pingaarnertut isumaqatigiinniarnermut imaluunniit taassuma ilaanut takkutinnigippat, suliap kinguartinneqannginnissaa, § 453, imm. 1-imut oqaasertaliussassatut siunnersuutip kinguneraa. Taamaalilluni pingaarnertut isumaqatigiinniarneq aalajangersagaq taanna malillugu unnerluussaasoq peqartinnagu eqqartuussutip eqqartuussutigineqarnissaa tikillugu suliarineqarsinnaareerpoq.

§ 451-imi oqaaseqatigiit aappaanni aamma § 453, imm. 1-imi aaqqissuussinerit annertuut saniatigut, § 453, imm. 3, nr. 3-imi aalajangersagaq atuuttoq taamaammat pisariaqanngitsutut atorunnaarsinneqarsinnaavoq.

§ 451-imi oqaaseqatigiit aappat aamma § 453, imm. 1, § 453, imm. 3, nr. 3-mut atuuttup akerlianik, unnerluussisussaataasunit piumasaqaateqarnissamik imaluunniit iliuusereriikkanut kingunerititanut aalajangersimasunut killilerneqanngimmat, matumuuna aamma maluginiarneqassaaq.

§ 453, imm. 3, nr. 4-imi, nr. 3-nngortumi, qaammatit 6 ukiumut 1-mut allanngortinneqassasoq siunnersuutigineqarpoq.

Unnerluussaasoq, inatsisinut naapertuuttumik pisinnaannginnerminik nalunaaruteqarsimanngitsoq, eqqartuussiviup unnerluussaasup najuunnissaa pisariaqanngitsutut isumaqarfigippagu, siunissami unnerluussisussaataasut piumasaqaateqarnerisigut, massakkut inatsit atuuttoq malillugu qaammatini arfinilinni inissiisarfimmi inissinneqarsinnaasoq, ukioq 1 tikillugu inissiisarfimmi inissinneqarsinnaasoq, siunnersuutip kinguneraa.

Aalajangersagaq allakkut allanngortinneqarani ingerlateqqinneqassaaq, taamaalilluni unnerluussaasoq akiliisitsinermik, taarsiissuteqarnermillu kiisalu aalajangersakkami inatsisitigut kinguneqartitsinernik allanik, imaappoq arsaarinninnermik, anisitaanermik imaluunniit

biilersinnaanermut allagartaajagaanermik aammattaaq
eqqartuunneqarsinnaavoq.

§ 453, imm. 4-imi “taamaaliortoqarnissaanut unnerluussaasoq akuersissuteqarsimanngippat, pingaarnertut isumaqatigiinniarneq imm. 3, nr. 4 malillugu taamaallaat naammassineqarsinnaavoq” ima allanngortinneqassasoq: “aamma unnerluussaasoq inatsisinut naapertuuttumik takkutinngitsoornissaq nalunaarutiginaq takkutinngitsoorpat, imm. 3, nr. 2, litra b, imaluunniit nr. 3, malillugu pingaarnertut isumaqatigiinniarneq taamaallaat naammassineqarsinnaavoq” siunnersuutigineqarpoq.

Naak unnerluussaasoq akuerisaasumik aggersarneqarsimanngikkaluartoq imaluunniit aggeqqusissummi, inatsisinut naapertuuttumik pisinnaannginnerneq nalunaarutiginaq najuutinngitsoornerup, unnerluunneqartup pissutsinut, unnerluussummi tunngavigineqartunut eqqartuunneqarsinnaaneramik kinguneqarsinnaanera takuneqarsinnaanngikkaluartoq, § 453, imm. 3, nr. 4 (siunissami nr. 3-nngortussaq) malillugu suliap naammassineqarnissaanut unnerluussaasup akuersissuteqarsinnaaneranut periarfissaq siunnersuutikkut atorunnaarsinneqarpoq.

Allannguneq taanna, § 451-imi oqaaseqatigiit aappaanut aamma § 453, imm. 1-imut allannguutissatut siunnersuutitut atassuteqarpoq, taakkualu unnerluussaasup akuersissuteqarsinnaaneranut aamma unnerluussaasup najuutinnginnerani pinerluttulerinermik suliap eqqartuussummik eqqartuussilluni naammassineqarnissaanut eqqartuussisut siulittaasuata akuersissuteqarnissaanut periarfissat annertusivaat. 451-imi oqaaseqatigiit aappaanni aamma § 453, imm. 1-imi aaqqissuussinertut siunnersuutigineqartoq, taamaalilluni unnerluussisussaataasut piumasaqaateqarnissaannik piumasaqaateqarfiumngilaq aamma iliuusereriikkanut kinguneqartitsinernut aalajangersimasunut killilerneqarani. Imm. 4 malillugu, § 453, imm. 3, nr. 4 malillugu akuersissuteqarnissamik aaqqissuussineq atuuttoq, taamaalilluni pisariaqanngitsut atorunnaarsinneqarnissaa siunnersuutigineqarpoq.

Unnerluussaasoq inatsisinut naapertuuttumik pisinnaannginnerminik ilisimatitsisimappat, suliap § 453, imm. 3, nr. 4 (siunissami nr. 3-nngortussaq) malillugu naammassineqarsinnaannginnera, siunnersuutikkut aammattaaq inatsisinik tunngavissaqartilerpaa.

Unnerluussisussaataitaasut piumasaqaateqarnerisigut suliaq § 453, imm. 3, nr. 4 (siunissami nr. 3-nngortusaaq) malillugu eqqartuussummik eqqartuussisoqarnissaa tikillugu taamaallaat suliarineqarsinnaammat, naak eqqartuussinerup aallartinnerani akuerisaasumik pisinnaannginnermut uppersaatait naammattut pigineqanngikkaluartut, unnerluussisussaataitaasut suliaq kinguartinneqarnissaa piumasaqaatigisinnaassavaat. Inatsisinut naapertuuttumik pisinnaannginneq ilaatigut ilimanarnerulersinneqarsimappat, kisianni ima ilimanartigilersinneqarsimanani inatsisinut naapertuuttumik pisinnaannginnerup malitsigisaanik suliaq ingerlanneqarnissaa eqqartuussiviup itigartitsissutigisinnaallugu, unnerluussaasup najuutinngitsoorneranut tunngaviusut erseqqinnerusumik paasissutissiissutigineqarnissaat siunertaralugu, suliaq sivikinnerusumik kinguartinneqarnissaa naleqquttuusooq, unnerluussisussaataitaasut matumani isumaqarsinnaapput.

Suliamik eqqartuussummik eqqartuussisoqarnissaa sioqqullugu, unnerluussaasup inatsisinut naapertuuttumik pisinnaannginneranut naammattunik uppersaatinik takkuttoqarpat, § 453, imm. 3, nr. 4 (siunissami nr. 3-nngortusaaq) malillugu suliami eqqartuussummik eqqartuussisoqarnissaanut suliamik naammassinninnissamut eqqartuussiviup pisussaaffeqartussaannginnera, aammattaaq naatsorsuutigineqarpoq. Pisumi tassani, unnerluussaasoq unnerluussaasumit pissutsit akisussaaffiginngisat pissutigalugit unnerluussaasoq piffissaagallartillugu inatsisinut naapertuuttumik pisinnaannginnini aammattaaq uppersaassallugu akornuserneqarsimappat, eqqartuussisarnermik inatsimmi § 592 a, imm. 1 malillugu unnerluussaasoq piumasaqaatitaqanngitsumik suliaq suliareqqinneqarnissaanik piumasaqaateqarsinnaavoq. Tamanna tunngavigalugu, taassuma inatsisinut naapertuuttumik pisinnaannginnera atorunnaarpat, eqqartuussivimmut aggernissaa nassuiaateqarnissaalu siunertaralugu, eqqartuussiviup suliaq kinguartinneqarnissaa naleqquttuutissinnaavaa, kiisalu unnerluussaasup kissaatigippagu, inaarutaasumik oqaaseqaateqartillugu. Uppersaasersuinerup uteqqinneqarnissaa unnerluussaasup piumasaqaatigisinnaassanngilaa, kisianni unnerluussaasup nassuiaateqarnissani toqqarpagu, naak taakku siusinnerusukkut tunniunneqarsimagaluartut, unnerluussisussaataitaasut illersuisullu inaarutaasumik oqaaseqaatiminnik uteqqiinissaat naleqquttumik pisariaqartinneqarsinnaassaaq. Illuatungaani naak manna

tikillugu unnerluussaasup inatsisinut naapertuuttumik pisinnaannginneranut naammattunik uppersaatit pissarsiarineqarsimagaluartut, unnerluussisussaataasut piumasaqaateqarnerisigut ataatsimut naliliinerup kingorna eqqartuussutip eqqartuussissutigineqarnissanut suliap naammassineqarnissaa naleqquttuusoq, eqqartuusivik isumaqarsinnaassaaq.

Siunnersuutikkut § 453, imm. 4-mi malittarisassaq aammattaaq pisunut, nutaatut § 453, imm. 3, nr. 2, litra b-tut siunnersuutigineqartumi ilaasunut, aammattaaq atorineqarsinnaassaaq.

§ 453, imm. 3, nr. 2, litra b-tut siunnersuutigineqartoq malillugu, unnerluussaasoq, suliap aallartinneqarani najuussimasoq, pingaarnertut isumaqatigiinniarnep nalaani eqqartuussinermi kingusinnerusumi takkussimanngitsoq, eqqartuussinermi kingusinnerusumi pineqartumi inatsisinut naapertuuttumik pisinnaannginnerminik nalunaarsimanngitsoq aamma eqqartuussinermut tassunga inatsisinut naapertuuttumik aggersarneqarsimasoq aamma inatsisinut naapertuuttumik pisinnaannginnerup nalunaarutigineqannginnerata, unnerluussaasup pissutsinut, unnerluussummi tunngavigineqartunut eqqartuunneqarnissanik kinguneqarsinnaanera aggeqqusissummi takuneqarsinnaanera, unnerluussisussaataasut piumasaqaateqarnerisigut unnerluussaasoq najuutsinnagu suliap eqqartuussummik eqqartuussisoqarnissaa tikillugu naammassineqarnissanut piumasaqaataasoq, tamatuma kinguneraa.

Aggeqqusissummi tassani, pingaarnertut isumaqatigiinniarnep ilaatigut ullormi tassani pisussatut aalajangerneqarsimasoq takuneqarsinnaappat, pingaarnertut isumaqatigiinniarnep aallaqqaammut aggeqqusissummi eqqartuussinissamut kingusinnerusumut unnerluunneqartoq aggeqquneqarsimasinnaavoq. Aallaqqaammut aggeqqusissutip kingorna eqqartuussinissamut ullorititaq allanngortinneqarsimappat, eqqartuussinermut aggeqqusissutip unnerluunneqartumut nalunaarutigineqarsimanissaa piumasaqaataavoq. Tamanna eqqartuussinermi, tassani unnerluussisoq najuulluni, oqaatsitigut pisinnaavoq, imaluunniit eqqartuussisarnermik inatsimmi § 132 malillugu unnerluussaasoq inatsisinut naapertuuttumik aggersarneqarsimalluni aamma inatsisinut naapertuuttumik pisinnaannginnerminik nalunaaruteqarsimanani. Inatsisinut naapertuuttumik pisinnaannginnermik nalunaaruteqarani takkutinnep, unnerluussaasup pissutsinut unnerluussummi tunngavigineqartunut eqqartuunneqarneranik

kinguneqarsinnaanera, tamatuma peqatigisaanik
nalunaarutigineqartussaassaaq.

Eqqartuussinermi unnerluussaasoq najuutinngippat, eqqartuussisarnermik inatsimmi § 132, imm. 2-mi oqaaseqatigiit aappaat malillugu, tamatuma kingorna ulloq allanngortinneqarsimasoq pillugu immikkut ittumik eqqartuussivik unnerluussaasumut aamma tunniussissaaq. Unnerluussaasumut attaveqarfigineqarnissamik paasissutissat amigaatigineqarnerat pissutigalugit, unnerluunneqartup ulloq allanngortinneqarsimasoq pillugu nalunaaruteqarnissaq periarfissaasimanngippat, eqqartuussisarnermik inatsimmi § 132, imm. 2-mi oqaaseqatigiit siulliit malillugit nalunaarutiginninneq taamaakkaluartoq atuutissaaq, aamma § 453, imm. 3, nr. 2, litra b atorneqarsinnaassaaq. Kisianni eqqartuussinissamut ulluliussaq unnerluussaasup piviusumik ilisimasimanngippagu, unnerluussaasup suliap suliareqqinneqarnissaa pisinnaatitaaffigissagaa, eqqartuussisarnermik inatsimmi § 592 a, imm. 1-p, inatsisissatut siunnersuummi § 1, nr. 18-itut oqaasertaliorneqartup, malitsigaa.

Unnerluussisussaataasut suliareqqitassanngortitsinerata sularineqarnissaa eqqarsaatigalugu, eqqartuussisarnermik inatsimmi § 561 malillugu eqqartuussisarnermik inatsimmi § 453 eqqartuussisuuneqarfimmi aamma atorneqarsinnaavoq, tassani unnerluunneqartup pisuuneranut uppersaaitit nalilersorneqarnerat imaritinneqarpoq.

Sulianut suliareqqitassanngortinneqartunut, unnerluussaasup pisuunerata nalilersorneqarnerannik ilaatitsinngitsunut, aamma unnerluussaasup suliareqqitassanngortitsinerani, unnerluussaasup pisuuneranut uppersaaitit nalilersorneqarnerannik ilaatitsisunut, eqqartuussisarnermik inatsimmi § 453 kisianni pingaaruteqanngilaq.

Unnerluussaasup pisuuneranut uppersaaitit nalilersorneqarnerannik ilaatitsinngitsut, pinngitsooratik – imaappoq § 453-mi malittarisassat apeqqutaatinngit – unnerluunneqartoq inatsisinut naapertuuttumik aggersarneqarsimappat aamma eqqartuussisarnermik inatsimmi § 557, inatsisissatut siunnersuummi § 1, nr. 24-itut oqaasertaliorneqartoq, malillugu, unnerluussaasoq inatsisinut naapertuuttumik aggersarneqarsimappat aamma inatsisinut naapertuuttumik pisinnaannginnini nalunaarutigisimanngippagu, unnerluunneqartup

najuutinnginnerani suliareqqitassanngortitsinermik suliat
suliarineqarsinnaanerannik, tamanna pissuteqarpoq.

Eqqartuussisarnermik inatsimmi § 556, imm. 1 malillugu, unnerluunneqartup suliareqqitassanngortitsinera, unnerluunneqartup pisuuneranut uppersaatinik nalilersuinnermik ilaatitsiffiusoq, pineqartillugu, unnerluunneqartup aggeqquneqarsimagaluarluni nammineq pisuussutigisaminik inatsisinut naapertuuttumik peqataasinnaannginnerminik nalunaaruteqarani najuutinngippat, aallaaviatigut suliareqqitassanngortitsineq itigartinneqassaaq. Unnerluunneqartup suliareqqitassanngortitsinera unnerluunneqartoq najuutsinnagu qaqutigunnaq suliarineqarsinnaavoq, kisianni taamaattoqarpat § 556, imm. 1, toqqaannartumik malillugu tamanna pissaaq, aamma § 453-imi malittarisassat tassunga tunngatillugu pingaaruteqanngillat.

Ataatsimut isigalugu eqqartuussisarnermik inatsimmi § 453 suliani suliareqqitassanngortinneqartuni atorneqartarpoq, taamaalillunilu unnerluussisussaataasunit uppersaait kukkusumik naliliiffigineqarsimanerannik isumaqarlutik suliareqqitassanngortitsinerni atuulluni.

Aammattaaq inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

Nr. 25-imut (§ 467, imm. 2, § 474, imm. 3, aamma § 592 a, imm. 1)

Illersuisup taamaaliortoqarnissaa piumasaqaatigippagu, nassuiaatit, unnerluunneqartup pasilliineq pillugu tunniussimasai pillugit politiit nalunaarusiaanut ilanngussat, suliani § 453, imm. 3, nr. 4 suliarineqartuni pingaarnertut isumaqatigiinniarnernup nalaani uppersaaitut atorneqarsinnaasut, eqqartuussisarnermik inatsimmi § 467, imm. 2, nr. 6-imi takuneqarsinnaavoq.

§ 453, imm. 3 malillugu pinnerluttulerinnermik suliami eqqartuussut, unnerluussaasup najuutinnginnerani suliarineqarpat, eqqartuussummut takussutissiaq nalunaarutigineqassasoq, eqqartuussisarnermik inatsimmi § 474, imm. 3-mi takuneqarsinnaavoq. § 453, imm. 3, nr. 4 malillugu suliaq suliarineqarsinappat, aggeqquneqarneq unnerluussaasumut inuttut

nalunaarutigineqarsimanngippat, takussutissiaq unnerluussaasup inuttaanut nalunaarutigineqassaaq.

§ 453, imm. 3, nr. 4 malillugu unnerluussaasup najuutinnginnerani suliaq suliarineqarsimappat, eqqartuussaasup pisut erseqqinnerusumik taaneqartut ataanni, suliaq suliareqqinneqarnissaa piumasaqaatigisinnaagaa, § 592 a, imm. 1-imi takuneqarsinnaavoq.

§ 467, imm. 2, nr. 6-mi, § 474, imm. 3-mi oqaaseqatigiit sisamaanni aamma § 592 a, imm. 1-imi oqaaseqatigiinni siullerni, § 453, imm. 3, nr. 4-imut innersuussinerup § 453, imm. 3, nr. 2, litra b-mut aamma nr. 3-mut innersuussinermut allanngortinneqarnissaa siunnersuutigineqarpoq.

Pingaarnertut isumaqatigiinniarnep nalaani suliaq aallartinneqarnerani unnerluussaasup najuutereerluni kingusinnerusukkut najuutinngitsoornera pillugu, inatsisissatut siunnersuummi § 1, nr. 14 malillugu, nutaatut § 453, imm. 3, nr. 2, litra b siunnersuutigineqartoq malillugu, pingaarnertut isumaqatigiinniarnep nalaani unnerluussaasup politiit nalunaarusiaannut nassuiaataata uppernarsaatitut atorneqarsinnaaneranut illersuisup periarfissaa, eqqartuussutip nalunaarutigineqarnera aamma unnerluussaasup suliaq suliareqqinneqarnissaanik piumasaqaateqarnissamut pisinnaatitaaffia pillugit malittarisassat allaaserineqartut atuutissasut, siunnersuutip kinguneraa.

§ 453, imm. 3, nr. 3-p atorunnaarsinneqarnissaanut siunnersuutip siunnersuut aammattaaq kinguneraa, tamatumuunalu inatsisissatut siunnersuummi § 1, nr. 15 malillugu § 453, imm. 3, nr. 4, § 453, imm. 3, nr. 3-nngussaaq.

Aammattaaq inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

Nr. 26-imut (§ 491 b)

Taarsiivigineqarnissamik piumasaqaatit, taarsiissuteqartarnermut malittarisassat nalinginnaasut malillugit pinerluttulerineq pillugu inatsiseqartitsineq malillugu malersuineq pissutigalugu pissutissalimmik pasisamit, eqqartuussaasumit imaluunniit saqqummiunneqartut, noqqaassuteqarneq malillugu kapitali 42-mi malittarisassat malillugit suliarineqassasut, eqqartuussisarnermik inatsimmi § 491 b-p malitsigaa.

Nutaamik § 491 b, imm. 2-mik ilanngussisoqassasoq siunnersuutigineqarpoq. Aalajangersagassatut siunnersuutigineqartoq malillugu, § 490, imm. 1-imi oqaaseqatigiit tallimaat minillugu, taarsiivigineqarnissamik piumasaqaatit, qallunaat inatsiseqartitsinerat tunngavigalugit nalinginnaasumik taarsiissuteqartarnermik malittarisassat tunngavigalugit suliani pinerluttulerinermik inatsimmi §§ 74-imi (ilaquttatut qanigilluakkamik atoqateqarnek), 77 (pinngitsaaliilluni atoqateqarnek), § 80, imm. 2-mik (ileqqussaannngitsuliornek), aamma pisuni nr. 1-imiit 3 ilanngullugu aalajangersagassatut siunnersuutigineqartuni taaneqartuni § 81 a malillugit eqqunngitsuliorfigineqartumit saqqummiunneqartuni, eqqartuussisarnermik inatsimmi kapitali 42-mi malittarisassat malillugit suliarineqassapput.

Pisuni, nr. 1-imiit 3 ilanngullugu aalajangersakkani taaneqartuni, suliani aalajangersakkanik taaneqartunik unioqqutitsinerit pillugit eqqunngitsuliorfigineqartoq, taarsiivigineqarnissamik piumasaqaatiminik, nalinginnaasumik taarsiissuteqartarnermik malittarisassat tunngavigalugit saqqummiunneqartunik, eqqartuussisarnermik inatsimmi kapitali 42-mi piuminarsakkamik ingerlatsisarnek malillugu suliarineqartunik, pisinnaassaaq. Taarsiivigineqarnissamik piumasaqaatit taamaattut taamaalillutik eqqartuussisarnermik inatsimmi § 490 malillugu unnerluussisussaataasunit suliarineqarsinnaasussaassapput.

Taarsiivigineqarnissamik piumasaqaat akuerineqanngippat, taarsiivigeqqulluni qinnuteqartoq aammattaaq piumasaqaatip eqqartuussivimmut saqqummiunneqarnissaa pillugu unnerluussisussaataasunut noqqaassuteqarsinnaassaaq, taassumalu aallaaviatigut § 491 malillugu pinerluttulerinermi eqqartuussisarnermi eqqartuussisarnerup ilusaa malillugu suliaq suliarissavaa.

Eqqartuussisarnermik inatsimmi § 490 imm. 1-imi oqaaseqatigiit tallimaat malillugu piumasaqaatip saqqummiunneqarnissaanut piffissaliussaq, akuliunnerup naanerata kingorna qaammatinik marlunnik sivisussuseqartoq, taarsiivigineqarnissamik piumasaqaatinut aalajangersagassatut siunnersuutigineqartumi ilaatinneqartunut atuutissanngilaq. Taarsiivigineqarnissamik piumasaqaatit taamaattut taamaalillutik piffissami kingusinnerusumi aamma saqqummiunneqarsinnaassapput. Pisoqalisootitsisarnek pillugu malittarisassat nalinginnaasut malillugit piumasaqaat

pisoqalisoorsimanersoq tassunga pingaaruteqassanngimmat, taamaattoq maluginiarneqassaaq.

Pisumi piviusumi tassani eqqunngitsuliorfigineqartoq taarsiivigineqarnissamik pinsinnaatitaanersoq, taarsiissuteqartarnermik malittarisassanit nalinginnaasunit suli pissuteqartinneqassaaq. Pisut, nr. 1-miit 3 ilanngullugu aalajangersakkani taaneqartut »malitsigisaannik« piumasaqaatip saqqummiunneqarnera pillugu oqaasertaliorneq, akisussaaffimmut tunngaviusup naliliiffigineqarnerani pingaaruteqassanngimmata, tassunga atatillugu maluginiarneqassaaq. Taamaalilluni politiit imaluunniit unnerluussisussaataasut pisumi piviusumi tassani inatsisitigut akisussaataitanermik kinguneqartumik iliuuseqarsimanersut, aamma allakkut taarsiissuteqarnissamik tunngavissaqartitsisoqarnersoq, qallunaat inatsiseqartitsineranni nalinginnaasumik taarsiissuteqartarneq pillugu malittarisassat malillugit naliliinermik tamanna suli tunngaveqassaaq.

§ 491 b-mi imm. 2-tut nutaatut siunnersuutigineqartoq § 491 b-p (siunissami § 491 b, imm. 1-p) atuuffissaanut allannguinnermik kinguneqassanngilaq. Eqqartuussisarnermik inatsimmi kapitali 42-imi ingerlatsinerup piuminarsakkap avataatigut taarsiissuteqartarnermik malittarisassat nalinginnaasut malillugit eqqunngitsuliorfigineqartup taarsiivigineqarnissamik piumasaqaateqarsinnaanera pillugu siunnersuutip aammattaaq akornusissanngilaq.

§ 491 b, imm. 2, nr. 1-itut siunnersuutigineqartoq malillugu, unnerluussutip taamaatiinnarneqarnera pillugu eqqunngitsuliorfigineqartup aalajangiineq pillugu naammagittaalliuteqarnissaminut naammattumik periarfissaqarsimannginnerata malitsigisaannik, piumasaqaat eqqunngitsuliorfigineqartumit saqqummiunneqarpat, eqqartuussisarnermik inatsimmi kapitali 42-mi piuminarsakkamik ingerlatseriaaseq malillugu taarsiivigineqarnissamik piumasaqaammut annertusisamik atorsinnaatitaaneq atorneqassaaq.

§ 491 b, imm. 2, nr. 1-itut siunnersuutigineqartumi, pisut, taakkunani eqqartuussisarnermik inatsimmi § 314, imm. 2 malillugu § 61 f, imm. 4 malillugu naammagittaalliornissaminut piffissaliussaq malillugu eqqunngitsuliorfigineqartoq sapaatit akunnerinik 4-nik sivilissusilimmik naammagittaalliornissaminut periarfissinneqarsimanngippat, aallaaviatigut ilaatinneqassapput. Pisut, taakkunani eqqunngitsuliorfigineqartoq

eqqartuussisarnermik inatsimmi § 315, imm. 1-imi piffissaliussap naannginnerani kingusinnerpaamik sapaatit akunneri 4 qaangiutsinnagit unnerluussutip taamaatiinnarneqarnera pillugu nalunaarfigineqarsimanngippat, aallaaviatigut ilaatinneqarnissaat, tamatuma kingunerissavaa. Pisuni, taakkunani § 315, imm. 1-imi piffissaliussap naannginnerani kingusinnerpaamik sapaatit akunneri 4 naannginneranni naammagittaalliorsinnaanermut ilitersuut tunniunneqarsimanani, aalajangersakkami aammattaaq aallaaviatigut taakku ilaatinneqassapput.

Pissutsit assigiinnigitsut malillugit, naak § 315, imm. 1-imi piffissaliussap naannginnerani, sapaatit akunnerinik 4-nik kingusinnerusumik unnerluussutip taamaatiinnarneqarnera pillugu eqqunngitsuliorfigineqartoq nalunaarfigineqarsimagaluarluni imaluunniit naammagittaalliorsinnaanermut ilitersuummik tunineqarsimagaluarluni, eqqunngitsuliorfigineqartoq aalajangersagassatut siunnersuutigineqartoq malillugu naammagittaalliuuteqarnissaminut naammattumik periarfissaqarsimasinnaavoq. Taamaattoqarnersoq piviusumik nalilersuinnermik tunngaveqassaaq, tassani suliap paasilertoruminaatsuunera aamma eqqunngitsuliorfigineqartup aalajangersagaq kiisalu naammagittaalliorsinnaanermut ilitersuut pillugu nalunaarfigineqarneranut, aamma § 315, imm. 1-imi piffissaliussap naanerani piffissaq qanoq sivilutigisoq ingerlasimanersoq, ilaatigut pingaartinneqarsinnaassallutik. Eqqunngitsuliorfigineqartumut nalunaaruteqarneq imaluunniit kingusissukkut nalunaaruteqarneq, eqqunngitsuliorfigineqartup inuunermini atugaanik pissuteqarpat, aalajangersakkap atorneqarsinnaannginnissaa aammattaaq naatsorsuutigineqarpoq. Eqqunngitsuliorfigineqartoq § 315, imm. 1-imi piffissaliussap naannginnerani piviusumik naammagittaalliuuteqarsimappat, eqqunngitsuliorfigineqartoq tamatigut naammagittaalliornissaminut periarfissaqarsimassammat, taamaattoq maluginiarneqassaaq. Eqqunngitsuliorfigineqartoq tamanna pillugu naammagittaalliuuteqarsimappat, unnerluussisussaataasut qullersaasa unnerluussutip taamaatiinnarneqarnera pillugu aalajangiineq allanngortissinnaasagaa, aalajangersagassatut siunnersuut malillugu piumasaqaataassanngilaq. Pissutissalimmik pasisap inuunermini atugaasa piffissaq eqqorlugu nalunaaruteqarnissaq akornusersimanngippagu, ullormit, tassani unnerluussutip taamaatiinnarneqarnera pillugu aalajangiisoqarluni, eqqartuussisarnermik inatsimmi § 315, imm. 1-imi

allanngortitsinissamut piffissaliussaq qaammatinik 4-nik
sivisussuseqartussaassaaq.

§ 491 b, imm. 2, nr. 2-tut siunnersuutigineqartoq malillugu, eqqunngitsuliorfigineqartup unnerluussutip taamaatiinnarneqarnera pillugu naammagittaalliuutaa § 315, imm. 1-imi piffissaliussap naannginnerani suliarineqarsimannginnerata malitsigisaanik, piumasaqaat eqqunngitsuliorfigineqartumit saqqummiunneqarpat, taarsiivigineqarnissamik piumasaqaatip eqqartuussisarnermik inatsimmi kapitali 42-mi piuminarsakkamik ingerlatseriaaseq malillugu suliarineqarnissaanut annertusisamik periarfissaq aammattaaq atorneqarsinnaassaaq. Pisuni, taakkunani eqqunngitsuliorfigineqartup unnerluussutip taamaatiinnarneqarnera pillugu aalajangiineq pillugu naammagittaalliuuteqarneranik suliami allannguinnissamut piffissaliussap naannginnerani inaarutaasumik aalajangiisoqarsimanani, § 491 b, imm. 2, nr. 2-tut siunnersuutigineqartumi ilaatinneqassapput. Eqqunngitsuliorfigineqartup naammagittaalliuutaa § 315, imm. 1-imi piffissaliussap naannginnerani suliarineqarsimappat, unnerluussissaatitaasut qullersaata unnerluussutip taamaatiinnarneqarnera pillugu aalajangiineq allanngortissimassagaa piumasaqaataassanngimmat, maluginiarneqassaaq.

Inatsisissatut siunnersuummi § 1, nr. 12 malillugu, pissutissalimmik pasisap inuunermini atugarisaasa piffissaq eqqorlugu nalunaaruteqarnissaq akornusersimanngippagu, eqqartuussisarnermik inatsimmi § 315, imm. 1-imi allannguinnissamut piffissaliussaq ullormit, tassani unnerluussutip taamaatiinnarneqarnera pillugu aalajangiisoqarluni, qaammatinik 4-nik sivisussuseqassaaq.

§ 491 b, imm. 2, nr. 3-tut siunnersuutigineqartoq malillugu, unnerluussutip taamaatiinnarneqarnerata allanngortinneqarnera pillugu § 315, imm. 1-imi piffissaliussap naannginnerani inuk pasisaasimasup nalunaarfigineqarsimannginnerata malitsigisaanik piumasaqaat eqqunngitsuliorfigineqartumit saqqummiunneqarpat, taarsiivigineqarnissamik piumasaqaatip eqqartuussisarnermik inatsimmi kapitali 42-mi piuminarsakkamik ingerlatseriaaseq malillugu suliarineqarnissaanut annertusisamik periarfissaq aammattaaq atorneqarsinnaassaaq. § 491 b, imm. 2, nr. 3-itut siunnersuutigineqartumi, pisuni, taakkunani unnerluussutip taamaatiinnarneqarnera pillugu aalajangiinerup allanngortinneqarnera pillugu inaarutaasumik aalajangiineq

aalajangersarneqarsimalluni, ilaatinneqassapput, kisianni aalajangiineq taanna, allanngortitsinissamut piffissaliussap naannginnerani inummut pasineqarsimasumut nalunaarutigineqarsimanani. Eqqartuussisarnermik inatsimmi § 315, imm. 1 malillugu nalunaarutiginninneq pisisimatinnagu pisut aalajangersakkami ilaatinneqassapput. Unnerluussutip taamaatiinnarneqarnera pillugu aalajangiineq eqqunngitsuliorfigineqartumit naammagittaalliutiginneqarsimanera, piumasaqaataassanngilaq. Eqqartuussisarnermik inatsimmi § 315, imm. 1-imi allanngortitsinissamut piffissaliussaq, pissutissalimmik pasisap inuunermini atugarisaasa piffissaq eqqorlugu nalunaaruteqarnissaq akornusersimanngippagu, ullormit unnerluussutip taamaatiinnarneqarnera pillugu aalajangiinermi qaammatinik 4-nik sivilissuseqassaaq.

Nr. 27-imut (§ 494 a)

Eqqartuussisarnermik inatsimmi inuit sakkutuujunngitsut pillugit suliami, Nunatsinni Eqqartuussivimmit eqqartuussutigineqartumi, eqqartuussutip suliareqqitassanngortinneqarnerata akuerineqarnissaa pillugu, eqqartuussisarnermik inatsimmi § 494 a-mi nutaamik aalajangersakkamik ilanngussisoqarnissaa siunnersuutigineqarpoq.

Eqqartuussutit, najukkami eqqartuussivimmit imaluunniit Nunatsinni Eqqartuussivimmit eqqartuussutigineqartut, Nunatta Eqqartuussisuuneqarfianut akuusumit, eqqartuussumi piumasaqaatiminik tamakkiisumik taparserneqarsimanngitsumit, suliareqqitassanngortinneqarsinnaasut, eqqartuussisarnermik inatsimmi § 494, imm. 1-imi takuneqarsinnaavoq.

Suliareqqitassanngortitsineq, piumasaqaat malillugu aningaasaqarnermut tunngasumik annerpaamik 50.000 kr.-inik naleqartumik tunngassuteqarpat, eqqartuussutit Nunatsinni Eqqartuussivimmit eqqartuussutigineqarsimasut, suliareqqitassanngortinneqarnissaannut akuersissuteqarnissaq nutaatut § 494 a-tut siunnersuutigineqartukku eqqunneqarpoq.

Najukkami eqqartuussivimmit eqqartuussutit eqqartuussutigineqartut suliareqqitassanngortinneqartarnerat eqqarsaatigalugu, allannguutissanik siunnersuuteqartoqanngilaq. Najukkami eqqartuussiviit eqqartuussutaat, suliareqqitassanngortitsinermik suliap aningaasaqarnermut tunngasumik nalinga apeqqutaatinnagu, suli akuersissutitaqanngitsumik suliareqqitassanngortinneqarsinnaapput.

Sulieqqitassanngortitsinermik suliaq piumasaqaammik, piumasaqaat malillugu aningaasaqarnermut tunngasumik annerpaamik 50.000 kr.-imik nalilimmik tunngassuteqarpat, eqqartuussut, Nunatsinni Eqqartuussivimmit eqqartuussutigineqartoq, qallunaat eqqartuussisarnermik inatsisaanni kapitali 1 a malillugu Sulieqqitassanngortitsinissamik Aalajangiisartut akuersinerisigut taamaallaat sulieqqitassanngortinneqarsinnaasoq, § 494 a-mi siunnersuutigineqarpoq. Suliaq pingaarluinnartutut pissuseqarpat imaluunniit pissutsit immikkut ittut tamanna pissutissaqartippassuk, eqqartuussutit oqaaseqatigiinni siullerni ilaatinneqartut, sulieqqitassanngortinneqarnerat Sulieqqitassanngortitsinissamik Aalajangiisartut sulieqqitassanngortinneqarnissaannut akuersissut nalunaarutigisinnaavaat. Akuersissuteqarnissaq pillugu qinnuteqaat, eqqartuussutip eqqartuussutigineqarnerata kingorna sapaatit akunneri 4 qaangiutsinnagit aalajangiisartunut tunniunneqassaaq. Taamaattoq qinnuteqaat kingusinnerusukkut tunniunneqarpat, eqqartuussutip eqqartuussutigineqarnerata kingorna ukiup 1-p iluani, aalajangiisartut qaqutiguinnaq akuersissummik nalunaaruteqarsinnaapput.

Sulieqqitassanngortitsinermik suliaq piumasaqaat malillugu annerpaamik aningaasaqarnermut tunngasumik 50.000 kr.-inik naleqarpat, inuit sakkutuujunngitsut pillugit suliami eqqartuussut Nunatsinni Eqqartuussivimmit eqqartuussutigineqartoq, Nunatta Eqqartuussisuuneqarfianut sulieqqitassanngortinneqarnissaanut Sulieqqitassanngortitsinissamik Aalajangiisartut akuersissuteqarnissaanik piumasaqaateqarfiulernissaa, siunnersuutip kinguneraa.

Piumasaqaat malillugu sulieqqitassanngortitsinissamik suliaq aningaasanut imaluunniit aningaasat nalinginut, piumasaqaat malillugu annerpaamik aningaasaqarnermut tunngasumik 50.000 kr.-nik nalilinnut tunngassuteqassaaq, aamma sulieqqitassanngortitsinerup nalaani Nunatsinni Eqqartuussiviup eqqartuussutaanut naleqqiullugu allanngortitsinissaq, aningaasaqarnermut tunngasumik nalik 50.000 kr.-it qaanginnippagit, piumasarineqassaaq.

Sulieqqitassanngortitsisoq Nunatsinni Eqqartuussivimmi pinngitsuutinneqarsimappat aamma ernianik aamma suliami aningaasartuutit matussuserneqarnissaannut ilallugit 50.000 kr.-inik piumasaqaateqarluni sulieqqitassanngortitsisoq, assersuutitut taaneqarsinnaavoq. Taarsigassarsiat atsiorneqarnerminni angissusaannut erniat (ernianut, immikkut akilerneqartunut akerliusumik) aamma suliami

aningaasartuutit aningaasanut killiussamut tunngatillugu
 ilanngunneqartussaangimmata, assersuummi tassani siunissami
 suliareqqitassanngortitsineq akuersissuteqarnermik
 piumasaqaateqarfiussaaq. Nunatsinni Eqqartuussivimmit eqqartuussummik
 suliareqqitassanngortitsisoq ernianik suliamullu aningaasartuutitik ilallugit
 150.000 kr.-inik pisussanngortinneqartoq, ernianik suliamullu
 aningaasartuutitik ilallugit 200.000 kr.-it akilerneqarnissaannik
 piumasaqaateqarluni suliareqqitassanngortitsisoq, assersuutit aappaattut
 taaneqarsinnaavoq. Nunatsinni Eqqartuussiviup eqqartuussutaata
 allanngortinneqarnissaanut piumasaqaat assersuummi tassani 50.000 kr.-it
 qaanginnaggimmit (erniat suliamullu aningaasartuutit ilanngunnagit),
 siunissami assersuummi tassani suliareqqitassanngortitsineq aamma
 akuersissummik piumasaqaateqarfiussaaq. Nunatsinni Eqqartuussivimmit
 eqqartuussummik A B-mut 30.000 kr.-inik akiliissussatut eqqartuunneqartoq
 assersuutit pingajuattut taaneqarsinnaavoq. Assersuummi tassani, A B-p
 piumasaqaataanit pinngitsuutinneqarnissaa
 suliareqqitassanngortitsisinermit piumasarineqarpat, aamma taassuma
 saniatigut B A-mut 40.000 kr.-inik akilissasoq, A-p piumasaqaatigippagu,
 A akuersissummik pinngikkaluarluni suliareqqitassanngortitsisinnaavoq,
 tassami Nunatsinni Eqqartuussivimmit eqqartuussummik naleqqiullugu
 allannguutissatut piumasaqaatigineqartoq taamaappat 70.000 kr.-
 iusussaammat.

Inummut, nammineerluni Nunatsinni Eqqartuussiviup eqqartuussutaanik
 suliareqqitassanngortitsisumut, suliareqqitassanngortitsinissaq pillugu
 akuersissummik peqarnissaq piumasaqaataavoq.
 Suliareqqitassanngortitsisup piumasaqaataata nalingata 50.000 kr.-inik
 sinniinera pissutigalugu akuersissuteqarani, imaluunniit akuersissummik
 peqarluni eqqartuussut suliareqqitassanngortinneqarpat,
 ingerlateqqitassanngortitsisutut sassartup, suliassiisup sassaqsussutaanut
 allakkamut akissummini, aningaasat amerlassusissaannut killiliussamut
 50.000 kr.-iusumut pituttugaanani Nunatsinni Eqqartuussiviup
 eqqartuussutaata allanngortinneqarnissaa piumasaqaatigisinnaavaa.
 Taamaalilluni pisumi tassani nammineq suliareqqitassanngortitsinissamut
 akuersissummik pisimangikkaluarluni, ingerlateqqitassanngortitsisutut
 sassartup Nunatsinni Eqqartuussiviup eqqartuussutaata
 allanngortinneqarnissaa piumasaqaatigisinnaassavaa, taassumalu
 aningaasaqarnermut tunngasumik nalinga 50.000 kr.-it qaangissanngilai.

A Nunatsinni Eqqartuussivimmit B-mut 50.000 kr.-inik akiliisussanngorlugu eqqartuunneqarnera assersuutitut taaneqarsinnaavoq. Siunissami A-p akuersissummik peqarluni pinngitsuutinneqarnissani piumasaqaatigalugu eqqartuussut suliareqqitassanngortissinnaassavaa, kisianni B 100.000 kr.-inik piumasaqaateqarluni eqqartuussutip suliareqqitassanngortitsinissaminut akuerineqarpat, imaluunniit B 110.000 kr.-inik akiliiffigineqarnissamik piumasaqaateqarluni akuersissummik peqarnani eqqartuussut suliareqqitassanngortippagu, naak A-p nammineerluni eqqartuussutip akuersissuteqarani suliareqqitassanngortissinnaassanngikkaluarlugu, A-p suliassii sup sassaqqusissutaanut allakkamut akissummini pinngitsuutinneqarnissani piumasaqaatigisinnaavaa.

Suliareqqitassanngortitsinermik suliani aningaasaqarnermut tunngasumik annerpaamik 50.000 kr.-inik nalilinnut suliareqqitassanngortitsinissamut akuersissuteqarnissamik piumaqaat atuutissaaq. Tassani aningaasat amerlassusaannut aalajangersimasunut akiitsoqarnerup akilerneqarnissaat imaluunniit akuerineqarnissaat, aamma suliareqqitassanngortitsinermik suliat, allakkut aningaasaqarnermut tunngasumik nalilinnik akilersuutinik tunngassuteqartut ilaapput. Suliat pequtip tunniunneqarnissaanut imaluunniit pigisami aalaakkaasumi pisinnaatitaaffiit akuerineqarnissaannut imaluunniit pigisanut tigussaasuunngitsunut pisinnaatitaaffiit aningaasaqarnermut tunngasumik naleqartut tunniunneqarnissaanik piumasaqateqarnerit assersuutitut taaneqarsinnaapput.

Suliareqqitassanngortitsinermik suliani aningaasaqarnermut tunngasumik naleqanngitsuni suliareqqitassanngortitsinissamut akuersissuteqarnissamik piumasaqaat kisianni atuutissanngilaq. Nammineersinnaajunnaarsitsinerit pillugit allaffissornikkut aalajangiinerit misilinneqarnissaannut suliat aamma akuersissuteqaqqaarani qitornavissartaartitsinerit misilinneqarnissaannut suliat assersuutitut taaneqarsinnaapput. Ataataassuseq- anaanaaqataassuserlu aamma aappariinneq- aamma angajoqqaatut oqartussaassuseqarneq pillugit suliat, qaqutigoortumik Nunatsinni Eqqartuussivimmit aalajangerneqartussaassasut, aalajangersagassatut siunnersuutigineqartup paasineqarnissaani, aningaasaqarnermut tunngasumik naleqanngillattaaq. Taaneqareersutut suliareqqitassanngortitsinissamut akuersissummik peqarnissamut piumasaqaatitut siunnersuutigineqartoq, najukkani eqqartuussiviit eqqartuussutaannut atuutinnngilluinnarput.

Nunatsinni Eqqartuussivimmit eqqartuussut pisumi, akuersissutip piumasagaataanerani, akuersissuteqanngitsumik Nunatta Eqqartuussisuuneqarfianut suliareqqitassanngortinneqarpat, Nunatta Eqqartuussisuuneqarfiata atorfik sinnerlugu suliareqqitassanngortitsineq itigartitsissuteqarfigisussaassavaa.

Suliareqqitassanngortitsinissamut akuersissuteqarnissamik qinnuteqaat Suliareqqitassanngortitsinissamik Aalajangiisartunut, qallunaat eqqartuussisarnermik inatsisaatigut pilersinneqartumut, kisianni naalagaaffimmut tamarmut ataatsimoorussamik sullissivittut atuuttumut, tunniunneqassaaq.

Suliareqqitassanngortitsinissamik Aalajangiisartut eqqartuussutinut, suliaq pingaaruteqarluinnartut pissuseqarpat, imaluunniit taamaaliortoqarnissaannut pissutsit immikkut ittut tamanna pissutissaqartippassuk, suliareqqitassanngortitsinissamut killiliussanut ilaatinneqartunut akuersissummik nalunaaruteqarsinnaasut siunnersuutigineqarpoq.

Illoqarfimmi eqqartuussutit suliareqqitassanngortinneqarnissaanut akuersissutit pillugit Danmarkimi malittarisassap atuuttup, aalajangiinnermi tunngaviup siunnersuutigineqartup assigaa, tassani qallunaat eqqartuussisarnermik inatsisaanni § 368, imm. 2 malillugu suliareqqitassanngortitsinermi suliap aningaasaqarnermut tunngasumik nalingata 50.000 kr.-it qaangissanngilai, aamma taassuma assigisaanik atorineqartussaassanera naatsorsuutigineqarpoq.

Eqqartuussutip eqqartuussutigineqarnerata kingorna sapaatit akunneri 4 qaangiutsinnagit akuersissuteqarnissamik qinnuteqaat Suliareqqitassanngortitsinissamik Aalajangiisartunut tunniunneqassasoq, siunnersuutigineqarpoq, kisianni taamaattoq aalajangiisartut qinnuteqaat eqqartuussutip eqqartuussutigineqarnerata kingorna, kisianni ukiup 1-p iluani, akuersissut nalunaarutigisinnaavaat.

Illoqarfimmi eqqartuussiviit eqqartuussutaasa suliareqqitassanngortinneqarnissaannut akuersissuteqartarnej pillugu Danmarkimi malittarisassanut atuuttunut taassuma taamatuttaaq assigaa, tassani suliareqqitassanngortitsinermik suliap aningaasaqarnermut tunngasumik nalinga 50.000 kr.-it qaangissanngilai.

Sulieqqitassanngortitsinissamik suliaq aningaasaqarnermut tunngasumik annerpaamik 50.000 kr.-inik naleqarpat, sulieqqitassanngortitsinissamut akuersissuteqarnissaq pillugu piumasaqaat pillugu aalajangersagassatut siunnersuutigineqartoq, inatsisissatut siunnersuummi § 5, imm. 5, tassungalu oqaaseqaatit malillugit, eqqartuussutitut, inatsisip atuutilernerata kingorna eqqartuussutigineqartunut atuutissasoq siunnersuutigineqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 28-imut (§ 497, imm. 1)

Inuit sakkutuujunngitsut pillugit sulieqqitassanngortitsinerit aallartinneqarnissaannut eqqartuussisarnermik inatsimmi § 497 tunngassuteqarpoq.

Sulieqqitassanngortitsinissamut piffissaliussap naannginnerani, sulieqqitassanngortitsineq eqqartuussisuuneqarfimmut, sulieqqitassanngortitsinermut sassaquusissutip assilillugu allaqqinnera ilanngullugu, tunniunneqassasoq aalajangersakkami takuneqarsinnaavoq.

§ 497, imm. 1-imi »qaangiutsinnagu«-p kingorna “imaluunniit qinnuteqartumut akuersissutip nalunaarutigineqarnerata kingorna sapaatit akunneri 4 qaangiutsinnagit § 494 a malillugu akuersissut nalunaarutigineqarsimappat.” ilanngunneqassasoq siunnersuutigineqarpoq.

Inatsisissatut siunnersuummi § 1, nr. 19 malillugu (eqqartuussisarnermik inatsimmi § 494 a), sulieqqitassanngortitsinissamik suliaq aningaasaqarnermut tunngasumik annerpaamik 50.000 kr.-inik naleqarpat, Nunatsinni Eqqartuussivimmit eqqartuussutit Nunatta Eqqartuussisuuneqarfianut sulieqqitassanngortitsisinnaanissamut akuersissuteqarnissap eqqunneqarnissaa pillugu siunnersuutip siunnersuut kinguneraa.

Pisuni, siunissami sulieqqitassanngortitsinerni akuersissummik piumasaqarfiusussaasuni, akuersissutip qinnuteqartumut nalunaarutigineqarnerata kingorna, kingusinnerpaamik sapaatit akunneri 4 qaangiutsinnagit sulieqqitassanngortitsinissamik sassaquusissutip

Nunatta Eqqartuussisuuneqarfianut tunniunneratigut, suliareqqitassanngortitsineq pissasoq, siunnersuutip kinguneraa.

Aammattaaq inatsisissatut siunnersuummi nalinginnaasumik oqaaseqaatini imm. 2.2 innersuussutigineqarpoq.

Nr. 29-imut (§§ 517 a aamma 517 b)

Inuit sakkutuujunngitsut pillugit suliami Nunatsinni Eqqartuussivimmit aalajangiiffigineqartumi, aalajangeqqitassanngortitsinissamut akuersissuteqarnissaq pillugu eqqartuussisarnermik inatsimmi aalajangersakkat nutaat §§ 517 a aamma 517 b ilanngunneqassasut siunnersuutigineqarpoq.

Inatsisikkut immikkut ittumik allatut aalajangiisoqarsimanngippat, aalajangiinerit najukkami eqqartuussivimmit imaluunniit Nunatsinni Eqqartuussivimmit aalajangerneqartut, Nunatta Eqqartuussisuuneqarfianut aalajangeqqitassanngortinneqarsinnaasut, eqqartuussisarnermik inatsimmi § 517-imi takuneqarsinnaavoq.

Aalajangiinerit, Nunatsinni Eqqartuussivimmit aalajangiiffigineqartut ilaannut, nutaasut aalajangeqqitassanngortitsinissamut akuersissuteqarnissaq pillugu piumasaqaat §§ 517 a-kkut aamma 517 b-kkut siunnersuutigineqartutigit eqqunneqassaaq.

Najukkami eqqartuussivimmit aalajangiinerit aalajangeqqitassanngortinneqarnerat eqqarsaatigalugit, allanngortitsisoqarnissaa siunnersuutigineqanngilaq. Najukkami eqqartuussiviit aalajangiineri akuersissuteqaqqaarani annertussutsit allanngortinnagit suli aalajangeqqitassanngortinneqarsinnaassapput.

§ 517 a-mut

Pingaarnertut isumaqatigiinniarnep nalaani imaluunniit taassuma piareersarneqarnerani imaluunniit uppersaaitit ilanngunneqarnissaat pillugu suliap sularineqarnerani, Nunatsinni Eqqartuussivimmit aalajangiinerit aalajangerneqartut, aalajangeqqitassanngortinneqarsinnaanngitsut, § 517 a, imm. 1-imi siunnersuutigineqarpoq. Qallunaat eqqartuussisarnermik inatsisaanni

kapitali 1 a malillugu, aalajangiineq suliap ingerlanneqarneranut annertuumik pingaaruteqarpat imaluunniit akuusumut pingaarutilimmik kinguneqarpat aamma aalajangiinerup Nunatta Eqqartuussisuuneqarfiani aappassaaneersumik suliarinniffittut misilinneqarnissaa allakkut pissutissaqarpat, suliareqqitassanngortitsinissamik Aalajangiisartut aalajangeqqitassanngortitsinissamut taamaattoq akuersissuteqarsinnaapput.

Siunissami inuit sakkutuujunngitsut pillugit suliame pingaarnertut isumaqatigiinniarnep nalaani imaluunniit taassuma piareersarneqarnerani imaluunniit uppersaatit ilanngunneqarnissaat pillugu suliap suliarineqarnerani, Nunatsinni Eqqartuussivimmit aalajangiinerit aalajangerneqartut, Nunatta Eqqartuussisuuneqarfianut aalajangeqqitassanngortinneqarnissaannut akuersissummik piumasagaateqartoqassasoq, siunnersuutip kinguneraa.

Qallunaat eqqartuussisarnermik inatsisaanni § 389 a malillugu, aalajangeqqitassanngortitsinermut killiliinermut malittarisassamut atuuffiusussatut siunnersuutip, illoqarfimmi eqqartuussiviit aalajangiinerinik aalajangeqqitassanngortitsinernut Danmarkimi malittarisassat assigai, aamma taassuma assigisaanik atorqeartussaassanera naatsorsuutigineqarpoq.

Nunatsinni Eqqartuussivimmit eqqartuussut pisumi, akuersissutip piumasagaataanerani, akuersissuteqanngitsumik Nunatta Eqqartuussisuuneqarfianut suliareqqitassanngortinneqarpat, Nunatta Eqqartuussisuuneqarfiata atorfik sinnerlugu suliareqqitassanngortitsineq itigartitsissuteqarfigisussaassavaa.

Suliareqqitassanngortitsinissamut akuersissuteqarnissamik qinnuteqaat Suliareqqitassanngortitsinissamik Aalajangiisartunut, qallunaat eqqartuussisarnermik inatsisaatigut pilersinneqartumut, kisianni naalagaaffimmut tamarmut ataatsimoorussamik sullissivittut atuuttumut, tunniunneqassaaq.

Aalajangiineq suliap ingerlanneqarneranut annertuumik pingaaruteqarpat imaluunniit akuusumut pingaarutilimmik kinguneqarpat aamma aalajangiinerup Nunatta Eqqartuussisuuneqarfiani aappassaaneersumik suliarinniffittut misilinneqarnissaa allakkut pissutissaqarpat, suliareqqitassanngortitsinissamik Aalajangiisartut

aalajangeqqitassanngortitsinissamut taamaattoq
akuersissuteqarsinnaassasut siunnersuutigineqarpoq.

Qallunaat eqqartuussisarnermik inatsisaanni § 389 a malillugu, aalajangeqqitassanngortitsinermut killiliinermut malittarisassamut atuuffiusussatut siunnersuutip, illoqarfimmi eqqartuussiviit aalajangiinerinik aalajangeqqitassanngortitsinernut Danmarkimi malittarisassat assigai, aamma taassuma assigisaanik atorneqartussaassanera naatsorsuutigineqarpoq.

Imm. 1 malillugu aalajangeqqitassanngortitsinissamut akuersissummik qinnuteqaat, aalajangiinerup aalajangiiffigineqarnerata kingorna sapaatit akunneri 4 qaangiutsinnagit Suliareqqitassanngortitsinissamik Aalajangiisartunut tunniunneqassasoq, § 517 a, imm. 2-mi siunnersuutigineqarpoq, taamaattoq § 518, imm. 2 takuuk.

Piffissaliussaliussassatut sapaatit akunnerinik 4-nik sivilissuseqartussatut siunnersuutigineqartoq, piffissaliussap assinganit, Danmarkimi atuuttumit allaaneruvoq, tassani piffissaliussaq sapaatit akunnerinik marlunnik sivilissuseqarpoq. Sivilissunerusumik piffissaliussassatut siunnersuutigineqartoq Kalaallit Nunaanni pissutsinik pissuteqarpoq.

Aalajangiinerup pineqartup Nunatsinni Eqqartuussivimmit aalajangiiffigineqarneranit piffissaliussaq aallaaviatigut naatsorsorneqassaaq.

Aalajangeqqitassanngortitsisoq najuutsinnagu aalajangiineq aalajangerneqarsimappat, aamma pineqartoq aalajangiinissamut piffissaq pillugu siuningaani nalunaarfigineqarsimanngippat, taamaattoq eqqartuussisarnermik inatsimmi § 518, imm. 2-imut innersuussinissamut siunnersuutigineqartoq malillugu, piffissaliussaq ullormit, aalajangiineq pillugu nalunaaruteqarnerup pineqartumut apuussimanissaanik isumaqarfigineqarsinnaasumit naatsorsorneqassaaq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

§ 517 b-mut

Sulianut aningaasartuutit pillugit eqqartuussutini aalajangersakkat aamma aalajangiinerit allat Nunatsinni Eqqartuussivimmit aalajangerneqartut, annerpaamik 50.000 kr.-nut aalajangersarneqartut, aalajangeqqitassanngortinneqarsinnaanngitsut, § 517 b, imm. 1-mi siunnersuutigineqarpoq. Akuusut akuusup aappaanut suliamut aningaasartuutit akiliissanngitsut aalajangerneqarpat, suliamut aningaasartuutit 50.000 kr.-inik amerlanerusut pineqarnissaat pillugu apeqquteqarpat, tamanna pillugu aalajangiineq taamaallaat aalajangeqqitassanngortinneqarsinnaavoq. Taamaattoq pissutsit immikkut ittut tamanna pissutissaqartippassuk, Suliareqqitassanngortitsinissamik Aalajangiisartut aalajangeqqitassanngortitsinermut akuersissuteqarsinnaapput.

Siunissami suliamut aningaasartuutit, annerpaamik 50.000 kr.-inut aalajangersarneqartut, pillugit aalajangiinerit, aamma sulianut aningaasartuutit pillugit 50.000 kr.-it sinnerlugit tunineqarnissaq pillugu apeqqut pineqanngippat, akuusut arlaannaalluunniit akuusup aappanut sulianut aningaasartuutit pillugit akiliinnginnissaat, Nunatsinni Eqqartuussivimmit Nunatta Eqqartuussisuuneqarfianut aalajangeqqitassanngortinneqarnissaannut Suliareqqitassanngortitsinissamik Aalajangiisartut akuersissuteqarnissaat piumasaqaataasoq, siunnersuutip kinguneraa.

Eqqartuussisarnermik inatsimmi § 495, imm. 3 matumuuna malillugu, suliamut aningaasartuutit pillugit eqqartuussummi aalajangersagaq ilaappat aamma eqqartuussivimmut qaffasinnerusumut immikkut ittumik saqqummiunneqarpat, aalajangeqqitassanngortitsinissamut killiliineq aamma atuuppoq, tamatumalu kingorna tamanna aalajangeqqitassanngortitsinikkut taamaallaat pisinnaavoq.

Aalajangeqqitassanngortitsinissamut killiliineq inuit sakkutuujunngitsut pillugit sulianut atuuppoq, matumani inuit sakkutuujunngitsut pillugit suliat aamma eqqartuussummik naammassisitsiniaaneq pillugu suliat ilanngullugit.

Aalajangeqqitassanngortitsinissamut killiliinerup atuuffissaatut siunnersuutigineqartoq, qallunaat eqqartuussisarnermik inatsisaanni § 389, imm. 2, § 391, imm. 1, aamma § 584 a, imm. 1 malillugit, Danmarkimi inuit sakkutuujunngitsut pillugit suliani illoqarfiit eqqartuussiviisa suliamut aningaasartuutit pillugit aalajangiinerisa

aalajangeqqitassanngortinneqartarnerannut malittarisassat atuuttut assigaa, aamma assigisaanik atorneqarsinnaanissaa naatsorsuutigineqarpoq.

Suliamut aningaasartuutit pillugit aalajangiineq, matumani suliamut aningaasartuutit pillugit Nunatsinni Eqqartuussivimmit eqqartuussut pisumi, akuersissutip piumasaqaataanerani, akuersissuteqanngitsumik Nunatta Eqqartuussisuuneqarfianut suliareqqitassanngortinneqarpat, Nunatta Eqqartuussisuuneqarfiata atorfik sinnerlugu suliareqqitassanngortitsineq itigartitsissuteqarfigisussaassavaa.

Aalajangeqqitassanngortitsinissamut akuersissuteqarnissamik qinnuteqaat Suliareqqitassanngortitsinissamik Aalajangiisartunut, qallunaat eqqartuussisarnermik inatsisaatigut pilersinneqartumut, kisianni naalagaaffimmut tamarmut ataatsimoorussamik sullissivittut atuuttumut, tunniunneqassaaq.

Pissutsit immikkut ittut tamanna pissutissaqartippassuk, suliamut aningaasartuutit, aalajangeqqitassanngortitsinissamut killiliinerimi ilaatinneqartut, pillugit aalajangiinerit aalajangeqqitassanngortinneqarnissaannut akuersissut Suliareqqitassanngortitsinissamik Aalajangiisartut nalunaarutigisinnaagaat, siunnersuutigineqarpoq.

Qallunaat eqqartuussisarnermik inatsisaanni § 389 a, § 391, imm. 2, og § 584 a, imm. 2, malillugit, illoqarfimmi eqqartuussiviit aalajangiinerinik aalajangeqqitassanngortitsinernut akuersissuteqartarnernut Danmarkimi aalajangiinerimi tunngavissatut siunnersuutigineqartup assigai, aamma taassuma assigisaanik atorneqartussaassanera naatsorsuutigineqarpoq.

Imm. 1 malillugu aalajangeqqitassanngortitsinissamut akuersissuteqarnissamik qinnuteqaat, aalajangiinerup kingorna sapaatit akunneri 4 qaangiutsinnagit Suliareqqitassanngortitsinissamik Aalajangiisartunut tunniunneqassasoq, § 517 b, imm. 2-mi siunnersuutigineqarpoq, taamaattoq § 518, imm. 2 takuuk. Taamaattoq qinnuteqaat kingusinnerusukkut tunniunneqarpat, kisianni aalajangiinerup kingorna qaammatit 6 iluani, Aalajangiisartut qaqutiguinnaq akuersissummik nalunaaruteqarsinnaapput.

Piffissaliussaliussassatut sapaatit akunnerinik 4-nik sivilissuseqartussatut siunnersuutigineqartoq, piffissaliussap assinganit, Danmarkimi atuuttumit

allaaneruvoq, tassani piffissaliussaq sapaatit akunnerinik marlunnik sivilissuseqarpoq. Sivilissunerusumik piffissaliussassatut siunnersuutigineqartoq Kalaallit Nunaanni pissutsinik pissuteqarpoq.

Aallaaviatigut piffissaliussaq ullormit, aalajangiinerup pineqartup Nunatsinni Eqqartuussivimmit aalajangiiffigineqarneranit naatsorsorneqassaaq.

Aalajangeqqitassanngortitsisoq najuutsinnagu aalajangiineq aalajangerneqarsimappat, aamma pineqartoq aalajangiinissamut piffissaq pillugu siuningaani nalunaarfigineqarsimanngippat, taamaattoq eqqartuussisarnermik inatsimmi § 518, imm. 2-imut innersuussinissamut siunnersuutigineqartoq malillugu, piffissaliussaq ullormit, aalajangiineq pillugu nalunaaruteqarnerup pineqartumut apuussimanissaanik isumaqarfigineqarsinnaasumit naatsorsorneqassaaq.

Pisut ilaanni, inatsisissatut siunnersuummi § 3, imm. 4, taakkunungalu oqaaseqaatit malillugit, aalajangeqqitassanngortitsinissamut akuersissuteqarnissamik piumasaqaatissatut siunnersuutigineqartut, aalajangiinernut, inatsisip atuutilernerata kingorna aalajangiiffigineqartunut atuutissasut, siunnersuutigineqarpoq.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 30-imut aamma 31-imut (§ 519)

Inuit sakkutuujunngitsut pillugit suliani aalajangeqqitassanngortitsinerit allartinneqartarnerannut eqqartuussisarnermik inatsimmi § 519 tunngassuteqarpoq.

Eqqartuussivimmut eqqartuussuteqarsimasumut piffissaliussap naannginnerani oqaatsitigut tamanna pillugu saqqummiussinikkut imaluunniit aalajangeqqitassanngortitsinissaq pillugu aalajangeqqitassanngortitsisup piumasaqaatai allaganngorlugit, assilillugit sanaqqinneri ilanngullugit, tunniussinikkut pissasoq, aalajangersakkap imm. 1-iani takuneqarsinnaavoq.

“aalajangeqqitassanngortitsinissamut piffissaliussaq qaangiutsinnagu” peerneqassasoq § 519, imm. 1-imi siunnersuutigineqarpoq, aamma nutaatut

oqaaseqatigiit aappaat ilanngunneqassasoq, tamatumalu kingorna aalajangeqqitassanngortitsineq aalajangeqqitassanngortitsinissamut piffissaliussap naannginnerani pissasoq imaluunniit §§ 517 a imaluunniit 517 b malillugit akuersissummik nalunaaruteqartoqarsimappat, qinnuteqartumut akuersissutip nalunaarutigineqarnerata kingorna sapaatit akunnerisa 2 iluanni pissalluni.

Inatsisissatut siunnersuummi § 1, nr. 21 (eqqartuussisarnermik inatsimmi §§ 517 a aamma 517 b) malillugu, Nunatsinni Eqqartuussivimmit aalajangiinerit ilaasa Nunatta Eqqartuussisuuneqarfianut aalajangeqqitassanngortinneqarsinnaanissaannut akuersissuteqarnissamik piumasagaatit eqqunneqarnissaanut siunnersuutip, siunnersuutit kinguneraat.

Pisuni, siunissami aalajangeqqitassanngortitsinerit akuersissummik piumasagaateqarfiusussaasut, aalajangiinerup qinnuteqartumut nalunaarutigineqarnerata kingorna, sapaatit akunneri 2 qaangiutsinnagit pissasut, siunnersuutip kinguneraa.

Aammattaaq inatsisissatut siunnersuummi oqaaseqaatini nalinginnaasuni imm. 2.2 innersuussutigineqarpoq.

Nr. 32-imut (§ 557)

Eqqartuussisarnermik inatsimmi § 557 pinerluttulerinermik suliani Nunatta Eqqartuussisuuneqarfiani suliareqqitassanngortitsinermik sulianut tunngassuteqarpoq. Unnerluunneqartup pisuuneranut uppersaait suliareqqitassanngortitsinermi ilaatinneqanngippata, naak unnerluunneqartoq najuutinngikkaluartoq, suliap sularineqarsinnaanera, tassani takuneqarsinnaavoq.

Qallunaat eqqartuussisarnermik inatsisaanni § 921, imm. 2-imi oqaaseqatigiit aappaannit § 921, imm. 2-mi oqaaseqatigiit siulliit tikillugit aalajangersakkanut, inatsisikkut nr. 1169-ikkut, 8. juni 2021-imeersukkut taamaallaat unnerluussisussaataasut suliareqqitassanngortitsinerinut tunngassuteqartussatut annikillisinneqartoq, aalajangersagaq assinginik oqaasertaqarpoq.

Suliareqqitassanngortitsinermik suliani, unnerluussaasup pisuuneranut uppersaait nalilersorneqarnerannik ilaatitsinngitsuni, naak

unnerluussaasoq inuttut najuutinngikkaluartoq, suliap paasinarsarneqarsimaneranut eqqarsaatigisassat qulakkeernissaannut aamma unnerluussaasup soqutigisaasa isumagineqarnissaannut naammattumik periarfissaqarneranik isumaqartoqarnera, aalajangersakkamut tunngaviusoq, § 557-imut piareersaataasumik suliani takuneqarsinnaavoq. Suliareqqitassanngortitsinermik sulianut, unnerluussaasup pisuuneranup uppersaatinik ilaatitsisunut, Folketingstidende 2007-08 (katersat aappaat), ilanngussaq A, qupperneq 1531-imiit 1532 ilanngullugu malillugit, kisianni nalinginnaasumik suliap unnerluussaasup inuttut najuutinnginnerani suliareqarsinnaanerani ilimasunnissamut tamanna akerliussaaq. Kalaallit Nunaanni eqqartuussiveqarneq pillugu isumaliutissiissut, atuagaq 2, qupperneq 626 malillugu, suliarinneqqaarfimmi unnerluussaasup najuutinnginnerani suliap suliareqarnissaanut malittarisassat aammattaaq eqqartuussisuuneqarfimmi attuuttariaqarnissaat siunnersuutigineqarsimasoq, aamma takuneqarsinnaavoq.

Suliareqqitassanngortitsinermik suliani suliarinneqqaarfimmi unnerluussaasoq najuutsinnagu suliap ingerlanneqarnissaanut malittarisassat atorineqarnissaannut periarfissaq kisianni inatsimmut nr. 414-imut, 25. april 2023-imeersumut piareersaataasumik suliani taaneqanngilaq, tamatumuunilu unnerluussaasup najuutinnginnerani suliap suliareqarnissaanut malittarisassat iluarsaanneqarput.

Suliarinneqqaarfimmi pillaatissiinissamik suliani takkutinngitsoornermi eqqartuussummik nalunaaruteqartarnerit pillugit malittarisassat aamma eqqartuussisuuneqarfimmi suliareqqitassanngortitsinermik suliareqartarnerat pillugit malittarisassat akornanni pissutsit pillugit apeqqutip assinga inatsisitigut inissisimaneq pillugu nalornilersitsisimavoq, Folketingstidende 2023-24, ilanngussaq A, L 115, saqqummiunneqartoq, malillugu, taamaammat inatsisitigut inissisimanerup qallunaat eqqartuussisarnermik inatsisaanni § 921, imm. 2-mi oqaaseqatigiinni siullerni allannguinnikkut erseqqissaavigineqarnissaa siunnersuutigineqarsimalluni.

Unnerluussisussaataitaasut uppersaatinik kukkusumik naliliiffigineqarsimanerannik isumaqarlutik suliareqqitassanngortitsisimatillugit, eqqartuussisarnermik inatsimmi § 453, imm. 3 malillugu Nunatta Eqqartuussisuuneqarfianit takkutinngitsoornermi eqqartuussummik nalunaaruteqartarneq sulisaasiusimanngitsoq,

inaarutaasumik Rigsadvokatip ilisimatitsissutigaa.
Unnerluussisussaataitaasut tamanna pillugu noqqaassuteqartarsimanngillat,
tassami Kalaallit Nunaanni Politiit isumaqarsimapput, taamaaliornissamut
periarfissaliissuteqanngitsoq.

“unnerluutigineqartoq najuutinngikkaluartoq suliassaq
suliarineqarsinnaavoq” ima allanngortinneqassasoq
“suliareqqitassanngortitsinerup suliarinerata nalaani unnerluunneqartup
najuunnissaa pisariaqanngilaq” § 557-imi siunnersuutigineqarpoq.

§ 557-ip oqaasertai malillugit malittarisassiugaasunut suliassa qarfiup
taamaallaat iluani – imaappoq suliareqqitassanngortitsinermik sulianut,
unnerluussaasup pisuutinneqarneranut uppersarsaatit
nalilersorneqarnerannik ilanngussinngitsunut –
suliareqqitassanngortitsinermik suliat suliarineqartarnerat pillugit
nalinginnaasumik malittarisassami § 561-mi innersuussutigineqartutut, §
557 taamatut allanngortitsissasoq, siunnersuutikkut naatsorsuutigineqarpoq.
Taamaalilluni pisuni, suliareqqitassanngortitsinermi unnerluussaasup
pisuuneranut uppersarsaatit naliliiffigineqarnerat ilaatinneqarluni, § 561-
imi taaneqartutut, § 557 allannguutaassanngilaq.

Suliareqqitassanngortitsinermik suliani, unnerluussaasup pisuuneranut
uppersarsaatinik imaqartuni, § 561-imi innersuunneqartutut, immikkoortoq
V-p atorineqarnera, taamaalilluni § 557-imit attorneqassanngilaq.

Suliareqqitassanngortitsinermik suliat nalaanni, unnerluussaasup
pisuuneranut uppersarsaatit nalilersorneqarnerannik ilanngussinngitsunik,
ullumikkutut, suliap suliarineqarsinnaanissaanut, unnerluussaasoq
najuuttariaqanngitsoq, § 557-itut siunnersuutigineqartup kinguneraa.

Pisumi tassani eqqartuussisarnermik inatsimmi § 453
pingaaruteqassanngilaq. Unnerluussaasoq najuutsinnagu suliaq
suliarineqarsinnaassasoq aamma aalajangiiffigineqarsinnaassasoq, § 557-ip
toqqaannartumik malitsigissavaa, aamma unnerluussaasoq najuutsinnagu
suliarinneqqaarfimmi suliap aalajangiiffigineqarnissaanut § 453-imi
piumasaqaatit naammassineqarsimanerat pingaaruteqarnavianngilaq.
Suliaq § 557 malillugu unnerluussaasoq najuutsinnagu suliarineqarpat,
pineqaatissiissutit suut aalajangiiffigineqarsinnaanersut pillugit
eqqartuussinerup naammassineqarnissaanut killiliinerit
atuuttussaannginnerat, assersuutitut taaneqarsinnaavoq. Taamaallaat

unnerluussaasoq suliareqqitassanngortitsisimappat, eqqartuussisarnermik inatsimmi § 550 malillugu, suliarinneqqaarfimmit pineqaatissiissutigineqartumit annertunerusumik akuliunnerusumik taamaattoq eqqartuussisoqarsinnaanngilaq.

Eqqartuussisarnermik inatsimmi § 555, allanngortinneqartussatut siunnersuutigineqanngitsoq, malillugu, suliareqqitassanngortitsinermik suliap suliarineqarnerani unnerluussaasoq eqqartuussinerni peqataasinnaatitaammat, suliap § 557 malillugu suliarineqarsinnaanissaanut unnerluussaataitaasup inatsisinut naapertuuttumik aggersarneqarsimanera aamma inatsisinut naapertuuttumik pisinnaannginnerminik nalunaaruteqarsimannginnera, imaluunniit qinigassatut allatut unnerluussaasup suliap najuutinnginnermini suliarineqarnissaa akuersissutigisimanngikkaa, allanngortinnagit piumasaqaataapput.

Suliareqqitassanngortitsinermik suliani, unnerluussaasup pisuuneranut uppersarsaatit nalilersorneqarnerannik ilaatitsinngitsuni, unnerluussaasup najuunnissaa pillugu apeqqut §557-ip taamaallaat malittarisassiutissagaa, taaneqareersutut naatsorsuutigineqarpoq.

Unnerluussaasup pisuuneranut uppersarsaatit nalilerneqarnissaannik ilanngussisunik, unnerluussisussaataitaasut suliareqqitassanngortitsinerisa unnerluussaasup najuutinnginnerani suliarineqarsinnaanersut, immikkoortoq V-mi malittarisassat, § 561-imi innersuussutigineqartut, attuumassuteqartut malillugit aalajangerneqassapput, imaappoq ingammik §§ 451 aamma 453, aamma inatsisissatut siunnersuummi § 1, nr. 11-imi aamma 13-imiit 17 ilanngullugu aalajangersakkat, aamma taakkununga oqaaseqaatit malillugit.

Aamaattaaq inatsisissatut siunnersuutip nalinginnaasunik oqaaseqaatitaani imm. 2.3 innersuussutigineqarpoq.

Nr. 33-imut (§ 585, imm. 3)

Suliaq eqqartuussutigineqartoq, tassani unnerluussaasoq pisuutitaalluni, eqqartuunneqartumit imaluunniit unnerluussisussaataitaasunit noqqaassuteqarnikkut tulluuttunik pisoqarpat suliareqqinneqarsinnaasoq, eqqartuussisarnermik inatsimmi § 583, imm. 1-ip aalajangersarpaa

- paasissutissat nutaat pissarsiarineqarneranni, taakkulu pinngitsuutitaanissamik imaluunniit suliap nalaani

pissarsiarineqarsimagaluarunik pineqaatissiisummik annertuumik
annikinnerusumik atuinermik kinguneqartitsisinnaasutut
isumaqarfigineqarsinnaappata (nr. 1),

- pissutsit § 580, nr. 3-imiit 5 ilanngullugu aalajangersakkani taaneqartut
atuunneranni, aamma pissutsit assigiinngitsut malillugit, tamanna
eqqartuunneqarnermut kinguneqarsimasoq pissutissaqarluartumik
isumaqarfigineqarpat (nr. 2), imaluunniit

- allakkut pissutsit immikkut ittut atuunneranni, taakkulu unnerluussaasup
pisuuneranut uppersarsaatit eqqortumik nalilersorneqarsimannginnerannik
annerusumik ilimanarsisitsippata (nr. 3).

Qallunaat eqqartuussisarnermik inatsisaanni § 1 a malillugu
aallartitseqqinnissaq pillugu apeqqut, Den Særlige Klageret-imit
aalajangerneqassasoq, eqqartuussisarnermik inatsimmi § 585, imm. 1-imi
takuneqarsinnaavoq.

Aallartitseqqinnissamik noqqaassuteqarneq, Nunatta
Eqqartuussisuuneqarfianut allakkakkut qinnuteqarnikkut pissasoq,
qinnuteqaallu eqqartuussisuunermut tunniunneqassasoq,
eqqartuussisarnermik inatsimmi § 585, imm. 2-mi takuneqarsinnaavoq.
Nunatta Eqqartuussisuuneqarfia noqqaassut pillugu oqaaseqaammik
tunniussissaaq aamma Den Særlige Klageret-imut qinnuteqaat
nassiutissallugu. Qinnuteqaat aamma toqqaannartumik Den Særlige
Klageret-imut tunniunneqarsinnaavoq, taamaattoqarpallu taanna suliaq
pillugu Nunatta Eqqartuussisuuneqarfianit oqaaseqaammik pissarsissaaq.

Eqqartuussut suliareqqinneqartussatut kissaatigineqartoq, aamma pissutsit
noqqaassuteqarnermut tunngaviliisut, kiisalu uppersarsaatit, suliaq allatut
inerneqarneranik kinguneqartariaqartutut isigineqartut qinnuteqaammi
taaneqassasut, § 585, imm. 3 takuneqarsinnaavoq.

Nutaamik § 585, imm. 3-mi oqaaseqaatit aappaattut ilanngussisoqarnissaa
siunnersuutigineqarpoq, tamatumalu kingorna immersugassaq
Domstolsstyrelsen suliarisaa immersoriarlugu qinnuteqaat
tunniunneqassaaq.

Eqqartuunneqartup pinerluttulerinermik suliaq eqqartuussutigineqartup
suliareqqinneqarnissaa pillugu eqqartuussisarnermik inatsimmi § 583
malillugu qinnuteqaataa, siunissami immersugassap
immersorneqarneratigut tunniunneqartarnissaa, siunnersuutip kinguneraa.

Immersugassap paasissutissat, Den Særlige Klageret-ip suliamik suliarinninnissaanut pisariaqartinneqartut taaneqarnissaat eqqartuussaasumut ajornannginnerulersittussaassavai. Tamatuma peqatigisaanik paasissutissat attuumassuteqartut piuminartumik aamma ataqatigiissaagaasumik taaneqarpata, immersugassap Den Særlige Klageret-imit aallartitseqqinnissamik suliat suliarineqarnissaat ajornannginnerulersittussaassavai.

Immersugassaq Den Særlige Klageret-imik ilanngussilluni Domstolsstyrelsimit suliarineqassaaq. Immersugassaq digitaliusutut ilusilerlugu Domstolsstyrelsip atugassanngortissagaa naatsorsuutigineqarpoq, taamaalilluni eqqartuussap kissaatigiguniuk aamma periarfissaqaruni, eqqartuussap taanna digitaliusumik immersorsinnaassammagu. Immersugassaq aamma allakkut atuisussamut piuminarsagaassaaq sapinngisamillu tikikkuminartuussalluni. Immersugassaq oqaatsit marluk, kalaallisut qallunaatullu, atorlugit allassimassaaq imaluunniit kalaallisut oqaasertaqarluni aamma qallunaatut oqaasertaqarluni pissarsiassaassalluni.

Immersugassap atorneqarnissaa pinngitsuugassaassanngilaq. Immersugassaq atornagu qinnuteqaat tunniunneqarpat, suliareqqitassanngortitsinissaq pillugu piumasaqaat immersugassaq immikkut ittoq atorlugu tunniunneqassasoq, aamma eqqartuussap immersugassaq immersoriarlugu aatsaat tunniuppagu, Den Særlige Klageret-ip suliarisinnaagaa, Den Særlige Klageret-ip eqqartuussaq paasitittussaassavaa. Tamatuma kingorna eqqartuussaq immersugassamik immersukkamik tunniussinngippat, allamik suliaqarfigeqqinnagu aamma eqqartuussamut allanik nalunaaruteqarnani, Den Særlige Klageret-ip suliaq naammassisinnaassavaa.

Erseqqissumik amigaateqartumik immersugassaq tunniunneqarpat, suleriaatsip assinga atorneqarsinnaasussaassaaq. Assersuutigalugu pinerluttulerinermik suliami eqqartuussutip sorliup suliareqqinneqarnissaa qinnuteqaataanersoq pillugu ilisarinnissinnaaneq amigaataappat, taamaattoqarnerata suliareqqitassanngortitsineq pillugu qinnuteqaat Den Særlige Klageret-imit suliarineqannginnissaa kingunerisinnaavaa. Immersugassaq immersugaq pappialanngorlugu imaluunniit digitaliusumik tunniunneqarsinnaassaaq.

Eqqartuussisarnermik inatsimmi § 583 malillugu suliareqqitassanngortitsinermik noqqaassutit immersugassap atorneqarnissaanik piumasaqaateqarmi ilaatinneqassapput. Eqqartuussamit noqqaassuteqarnerup kingorna suliareqqitassanngortitsinerit saniatigut aamma, unnerluussaasoq 18-it inorlugit ukioqarpat, angajoqqaatut oqartussaassusermik piginnittup, imaluunniit unnerluussaasoq toqusimappat, eqqartuussisarnermik inatsimmi §535, imm. 1 aamma imm. 2-mi oqaaseqatigiit siulliit malillugit § 583, imm. 2 malillugu unnerluussaasup aappa, inooqatigisaa, ilaquttanit siuaanit qummut ammallu kinguaajusut imaluunniit qatanngutit, noqqaassuteqarneratigut suliareqqitassanngortitsinerinut aalajangersagaq taanna tunngassuteqarpoq.

Eqqartuussisarnermik inatsimmi §§ 580 imaluunniit 581 malillugu unnerluussisussaataasut suliareqqitassanngortitsinissamik noqqaassutaannut immersugassamik immersuinissamik piumasaqaat ilaatinneqassanngilaq.

Eqqartuussaasoq aamma inuit, § 583, imm. 2 malillugu suliareqqitassanngortitsinermik noqqaassuteqarsinnaasut, noqqaassuteqarnerup kingorna nunami eqqartuussivimmi sumiluunniit imaluunniit politiini imaluunniit kommunefogemi qinnuteqaatip suliarineqarnissaanut ikiorneqarnissamik pisinnaatitaaffeqartut, eqqartuussisarnermik inatsimmi § 585, imm. 4-p, allanngortinneqartussatut siunnersuutigineqanngitsup, malitsigaa.

Pineqartut taamaalillutik pisariaqarpat immersugassap immersorneqarnissaanut ikiorneqarsinnaassapput.

Aammattaaq inatsisissatut siunnersuummut oqaaseqaatini nalinginnaasuni imm. 2.9 innersuussutigineqarpoq.

Nr. 34-imut (§ 603)

Akiligassaqarfik, aningaasat pillugit piumasaqaatimi naammattumik matussuserneqarnissaannut akiliussinermik pisimanngitsoq, kingullermik akiliisitsinerup kingorna qaammatit 6 ingerlareerneranni, akiliisitsiniarnissap suliarineqarnissaa (akiliisitsiniarneq) aatsaat nutaamik pinngitsaaliilluni naammassititsiniaanissamik noqqaassuteqarsinnaasoq, eqqartuussisarnermik inatsimmi § 603-p aalajangersarpaa. Aammattaaq qaammatit kingulliit 6 iluanni akiliisitsiniartoqarsimasoq, tassani

matussusiinissaq periarfissaasimanani, eqqartuussummik
naammassisitsiniaasartup nalunngikkuniuk, eqqartuussummik
naammassitsiniaasartup akiligassalimmi akiliisitsiniarnissani
itigartitsissutigisinnaavaa.

§ 603, imm. 1-imi oqaaseqatigiinni siullerni aamma oqaaseqatigiit aappaani, qaammatinit 6-nnit qaammatinut 12-nnut allanngortinneqassasut siunnersuutigineqarpoq.

Piffissamik eqqissisimatitsiffiusumik taaneqartartoq, tassani akiligassalik akiliisinnaassuseqanngitsoq aallaaviatigut akiliisitsisarnermut eqqartuussivimmut akiliisitsiniarnissamut aggeqquneqassanani, qaammatinit arfinilinnit qaammatinut aqqaneq marlunnut sivitorneqarnissaa, siunnersuutip kinguneraa.

Eqqissisimatinneqarnissamik piffissap qaammatinit arfinilinnit qaammatinut aqqaneq marlunnut sivitorneqarnissaanik siunnersuutip saniatigut malittarisassap atorneqarnissaanut allannguutinik allanik allannguisoqarnissaa siunertarineqanngilaq.

Aammattaaq inatsisissatut siunnersuummi oqaaseqaatini nalinginnaasuni imm. 2.5 innersuussutigineqarpoq.

Nr. 35-imut aamma 36-imut (§ 609)

Politiit imaluunniit qularnaveeqqusissutinik
naammassisitsiniaasussaataasup pinngitsaaliilluni naammassisitsinerannut akuusoq imaluunniit inuk pingajuusoq akerliliissummik, ingerlaannarluni itigartitsissutigineqarsinnaanngitsumik saqqummiussippat, pinngitsaaliilluni naammassinninnissaq pillugu noqqaassut eqqartuussummik naammassitsiniaasartup malissallugu itigartitsissutigissagaa aamma suliaq najukkami eqqartuussivimmut saqqummiutissagaa, eqqartuussisarnermik inatsimmi § 609, imm. 1-p aalajangersarpaa. Pinngitsaaliilluni naammassitsiniarnermut tunngavik pillugu nalorninarartoqartoq, taamatut suliaqarnissamut nangaanartoqartitsilersoq, eqqartuussummik naammassisitsiniaasartup paasippagu, tamanna aamma atuuppoq. Naak akerliliineq eqqartuussummik naammassitsiniaasartup itigartitsissutigisimagaluaraa, suliaq aamma najukkami eqqartuussivimmut saqqummiunneqassaaq. Eqqartuussummik naammassisitsiniaanermik suliap immikkoortumi matumani malittarisassat malillugit suliarineqarnissaa najukkami eqqartuussiviup

aalajanginngippagu, suliaq inuit sakkutuujunngitsut pillugit sulia suliarineqartarneranni malittarisassat malillugit suliarineqassaaq.

§ 609, imm. 1-mi oqaaseqatigiit siullianni, pingajuanni aamma sisamaanni ”eqqartuussivimmut” ima allanngortinneqassasoq ”Nunatsinni Eqqartuussivimmut” siunnersuutigineqarpoq.

Politiit imaluunniit qularnaveeqqusissutiniq naammassisitsiniaasussaataasup pinngitsaaliilluni naammassisitsinerannut akuusoq imaluunniit inuk pingajuusoq akerliliissummik, ingerlaannarluni itigartitsissutigineqarsinnaanngitsumik saqqummiussippat, pinngitsaaliilluni naammassinninnissaq pillugu noqqaassut eqqartuussummik naammassititsiniaasartup malissallugu itigartitsissutigissagaa aamma suliaq Nunatsinni Eqqartuussivimmut saqqummiutissagaa, siunnersuutip kinguneraa.

Najukkami eqqartuussivimmi imaluunniit Nunatsinni Eqqartuussivimmi pinngitsaaliilluni naammassinninnissamut tunngavimmut akerliliissut saqqummiunneqarpat, aamma imm. 3 aamma 4 malillugit uppersaasarsuinermi eqqartuussummik naammassisitsiniaasartumi pisumi, pinngitsaaliilluni naammassisitsiniaanerup suliarinissaa nangaanartoqartoq takuneqarsinnaappat, akiligassaqaqfiup noqqaassutaata malinnissaa eqqartuussummik naammassisitsiniaasartup itigartitsissutigissavaa.

§ 609, imm. 2-mi ”najukkami eqqartuussivimmi” peerneqarnissaa siunnersuutigineqarpoq.

Pinngitsaaliilluni naammassisitsinissamut tunngavimmut akerliliissut najukkami eqqartuussivimmi saqqummiunneqarpat, matumani naak uppersaasarsuinerup pisup kingorna pinngitsaaliilluni naammassisitsiniaanermik suliaqarneq nalorninartoqartoq takuneqarsinnaagaluartoq ilanngullugu, pinngitsaaliilluni naammassisitsiniaanissaq pillugu akiligassaqaqfiup noqqaassutaa eqqartuussummik naammassisitsiniaasartup itigartissinnaanngikkaa, siunnersuutip kinguneraa.

Eqqartuussisarnermik inatsimmi § 54, nr. 9 malillugu § 57, imm. 1 malillugu, inatsisikkut nr. 740-ikkut, 25. juni 2014-imeersukkut Nunatsinni Eqqartuussivik ilaatigut eqqartuussisarnermik naammassisitsiniaanermik

suliat misilinneqarnissaat pillugit kinaassusersiunngitsumik aalajangiinissamik piginnaasaqartitaalerpoq. Tassunga atatillugu eqqartuussisarnermik inatsimmi § 609 allannguutit kingunerisaannik allanngortitsineq suliarineqanngilaq. Taamaammat massakkut § 609, imm. 1-imi oqaaseqatigiit siullianni, pingajuanni aamma sisamaanni kiisalu imm. 2-mi allannguutit kingunerisaannik allanngortitsinissaq siunnersuutigineqarpoq. Kinaassusersiunngitsumik aalajangiinissamut piginnaasaqarnerup agguarneqarnera, inatsisikkut nr. 740-ikkut, 25. juni 2014-imeersukkut naammassineqartoq malillugu allannguutit kingunerisaannik allanngortitsinernit malittarisassap allaanerusumik atorneqarnissaa siunertarineqanngilaq.

Aammattaaq inatsisissatut siunnersuummi nalinginnaasumik oqaaseqaatini imm. 2.5 innersuussutigineqarpoq.

§ 2-mut

Pissutsit qajassuussinissamut pissutissaqalersitsisut, imaappoq pissutsit, pineqaatissiinernik annikinnerusumik akuliunnerusunik eqqartuussinissamut, imaluunniit pissutsit assigiinngitsut malillugit pineqaatissiisoqannginnissaanik pissutaasinnaasut pillugit tamakkiisumik taaguinernik pinerluttulerinermi inatsimmi § 123 imaqanngilaq. Iliuuseqartoq nammineq kajumissutsini malillugu imminut unnerluutigisimappat aamma tamakkiisumik nassueruteqarsimappat, taamaaliorneq pissutsitut qajassuussinissamut pissutaasutut naatsorsuunneqarsinnaasut, § 123, nr. 8-p malitsigaa.

§ 123, nr. 8-p allanngortinneqarnissaa siunnersuutigineqarpoq, taamaalilluni iliuuseqartup nassuersimanera aalajangersakkami taaneqarluni.

Iliuuseqartup nammineq kajumissutsini malillugu imminut unnerluutigisimanissaa, imaluunniit iliuuseqartup nassuernerata tamakkiisuunissaa, inatsimmi aalajangersakkap atorneqarsinnaanissaanut piumasaqaataajunnaassasoq, siunnersuutip kinguneraa.

Iliuuseqartoq nammineq imminut unnerluussimanngippat imaluunniit nassuernerata tamakkiisuunngippat, nalinginnaasumik nassuernerup aamma pissutsitut qajassuussinissamut pissutissaqalersitsisutut ilaasinnaanera, taamaalilluni siunnersuutip inatsisinik tunngavissaqalersippaa.

Kisianni iliuuseqartoq aamma imminut unnerluutigisimappat aamma tamakkiisumik nassueruteqarsimappat, nassuerneq sulii annertunerusumik pissutsit qajassuussinissamut pissutissaqalersitsisutut kinguneqarsinnaassaaq.

Iliuuseqartoq imminut unnerluussimanngippat, nassuerneq suliiap nalaani siusissukkut tunniunneqarpat, taamaalilluni politiit sivilisuumik pinnerluttoqarsimaneranik paasiniaanissaraluaat sipaarneqarluni, aamma taamaalilluni suliaq suliatut nassuernerut suliarineqarsinnaalluni, nassuernerup pineqaatissiinnermik annikinnerusumik akuliunnerusumik kinguneqarnissaa sulii annertunerusumik aamma tunngavissaqartussaassaaq. Pisumi tassani pissutsit assigiinngitsut malillugit nassuerneq pineqaatissiinnerup aalajangersarneqarnerani annertuumik pingaartinneqarsinnaavoq.

Eqqartuussisooqataasut peqataatillugit suliami pingaarnertut isumaqatigiinniarnernup nalaani nassuerneq aatsaat tunniunneqarpat, nassuernerup pineqaatissiinnermik annikinnerusumik akuliunnerusumik kinguneqarnissaa, annikinnerusumik pissutissaqartitsissaaq. Pingaarnertut isumaqatigiinniarneq sioqqullugu illersuisuni aqqutigalugu unnerluussaasup suliami pissutsit pingaarutillit arlallit nassuerutiginiarlugit nalunaarutigippagit, taamaalilluni pingaarnertut isumaqatigiinniarnernup nalaani uppersaasarsuineq aamma taamaalilluni ullut eqqartuussiffiusut amerlassusaat annertuumik ikililernerqarsinnaallutik, taamaattoq nassuerneq taamaattoq aamma naak pissutsit ilaat nassuerutigineqarsimanngikkaluartut, pineqaatissiinnermik annikinnerusumik akuliunnerusumik kinguneqarsinnaavoq.

Nassuernerut suliiap nalaani unnerluussaasoq pasilliummut tamakkiisumik nassuinnginnera, sulisaatsimi pisarpoq. Pisut ilaanni pissutsit imaluunniit tangertat nassuerutigineqanngitsut unnerluussisussaataitaasut taamaatiinnartarpaat, aamma suliaq nassuerutigineqarsimasunut annertussusilerlugu suliarineqartarpoq. Pisumi tassani unnerluussaasoq pissutsinut tangertanulluunniit pisuunngitsutut isigineqarmat, pisumi tassani unnerluussaasup nassuerneru tamakkiisumik nassuernerut isigineqassaaq.

Pisuni allani pissutsinut imaluunniit tangertanut nassuerutaanngitsunut pasilliut unnerluussisussaataitaasut aalajangiusimaannartarpaat, suliarlu

nassuernertut suliarineqarluni naammassineqarsinnaannginnera, kisianni eqqartuussisooqataasut peqatigalugit naammassineqarnissaa, tamatuma kingunerisarpaa. Pisumi tassani unnerluunneqartoq taamaallaat ilaannakoortumik nassueruteqarsimavoq, aamma pingaarnertut isumaqatigiinniarnep nalaani uppersaasarsuinnermut aamma ullunut eqqartuussiffiusunut sipaaruteqarfigineqartunut atatillugu aamma ataatsimoortillugu pineqaatissiinnermut atatillugu, nassuerneq suliami annertuumik ilaappat, unnerluussaasoq pissutsinut nassuerutiginnisaminut aamma pisuutitaappat, nassuerneq taamaallaat pineqaatissiinnermik annikinnerusumik akuliuffiusumik kinguneqartinneqartariaqarpoq. Unnerluunneqartoq eqqartuussisooqataasut peqataatillugit suliami taamaallaat nassuerutigisami annertussusaannik pisuutinneqarpat, kisianni nassuerneq tamakkiisumik nassuernertut isigineqassaaq, taannalu pissutsit assigiinngitsut malillugit pineqaatissiinnerup aalajangersarneqarnerani pingaarutilittut ilanngunneqarsinnaavoq.

Aamaattaaq inatsisissatut siunnersuummi nalinginnaasumik oqaaseqaatini imm. 2.6 innersuussutigineqarpoq.

§ 3-mut

Imm. 1-imi inatsisip ulloq [ulloq] 2026-imi atuutilernissaa siunnersuutigineqarpoq.

Imm. 2-miit 4 ilanngullugu aalajangersakkat pillugit ataani ikaarsaariarnermi malittarisassat assigiinngitsut siunnersuutigineqarput. Ikaarsaariarnermi malittarisassamik siunnersuusiortoqartinnagu, malittarisassat nutaat inatsisip atuutilernerani atorneqarsinnaapput, malittarisassaq imaqarnini malillugu piffissami tassani, suliap inatsisip atuutilernerani killiffigisaani, ingerlatsinerup ilaani naleqquttuuppat, matumani suliat ingerlasut ilanngullugit.

Unnerluussaasup pingaarnertut isumaqatigiinniarnep nalaani peqataannginnissaanut akuersissuteqarnissamik periarfissatut siunnersuutigineqartumut aamma inatsisissatut siunnersuummi § 1, nr. 19-miit 24 ilanngullugu aalajangersakkat (eqqartuussisarnermik inatsimmi §§ 451 aamma 453) malillugit unnerluussaasup najuutinnginnerani suliap suliarineqarsinnaaneranut malittarisassat allanngortinneqarnissaannut siunnersuutigineqartunut, tamanna ilaatigut atuuppoq.

Taamaalilluni suliani ingerlasuni, matumani suliat, taakkunani pingaarnertut isumaqatigiinniarneq inatsisip atuutilinnginnerani aallartissimalluni, inatsisip atuutilerneranit pingaarnertut isumaqatigiinniarnermi imaluunniit pingaarnertut isumaqatigiinniarnernup sinneruttup ilaani unnerluussaasup tamakkiisumik ilaannakortumilluunniit peqataannginnissaa, eqqartuussisut siulittaasuata akuersissutigisinnaassavaa.

Aammattaaq suliani ingerlasuni, matumani suliani, taakkunani pingaarnertut isumaqatigiinniarneq inatsisip atuutilinnginnerani aallartissimalluni, inatsisip atuutilernerata kingorna najuutinngitsoorneq pippat aamma unnerluussisussaataasut tamanna pillugu piumasaqaateqarpata, eqqartuussiviup unnerluussaasup najuunnissaa pisariaqanngitsutut isigippagu, unnerluussaasoq najuutsinnagu suliap eqqartuussutip eqqartuussutigineqarnissaata tungaanut ingerlanneqarnissaa, siunnersuutigineqartutut annertussusilerlugu, taamaalilluni ukioq 1 tikillugu inissiisarfimmi inissinneqarnissaq eqqartuussutigineqarluni, aamma unnerluussaasoq suliap aallartinernerani najuussimanermi kingorna ullumi eqqartuussiffimmi kingusinnerusumi takkutinnngitsoorpat, eqqartuussisarnermik inatsimmi § 453, imm. 3, nr. 2 aamma 3, inatsisissatut siunnersuummi § 1, nr. 21-imi aamma 22-imi oqaasertaliorneqartut, malillugit eqqartuussiviup suliaritissavaa. Pisuni taakkunani marlunni, unnerluussaasup inatsisinut naapertuuttumik aggersarneqarsimanera aamma eqqartuussisarnermik inatsimmi § 453, imm. 4, inatsisissatut siunnersuummi § 1, nr. 24 oqaasertaliorneqartoq, malillugu inatsisinut naapertuuttumik pinsinnaannginneq nalunaarutigineqartut takkutinnngitsoornerup pissutsinut unnerluussummut tunngassuteqartunut eqqartuunneqarnermik kinguneqarsinnaanera aggeqqusissummi takuneqarsinnaanera piumasaqaataassaaq, kisianni aggeqqusinerup inatsisip atuutilinnginnerani pinsinnaaneranut akornutissaqanngilaq.

Inatsisissatut siunnersuummi § 1, nr. 34 (eqqartuussisarnermik inatsimmi § 603, imm. 1) malillugu akiitsullip eqqissisimatinneqarnissaanut piffissap qaammatinit arfinilinnit qaammatinut aqqaneq marlunnut sivitsorneqarnissaanik siunnersuutigineqartoq, malittarisassap imarisai malillugit – akiligassaqaarfiup noqqaassuteqarneranut innersuussisoq – noqqaassutitut, inatsisip atuutilernerata kingorna akiliisitsisarnermut eqqartuussivimmut tunniunneqartunut atuutissaaq. Eqqissisimatinneqarnissamik piffissap sivitsorneqartoq kisianni aamma

akiliisinnaanginnernut tunngatillugu, inatsisip atuutilernissaa sioqqullugu paasineqartunut, atorneqarsinnaasussaavoq.

Inatsisissatut siunnersuummi § 1, nr. 8 aamma 9 (eqqartuussisarnermik inatsimmi § 238), malillugit inuit sakkutuujunngitsut pillugit suliani eqqartuussutit oqaasertaliorneqartarnerannut malittarisassat allanngortinneqarnissaannut siunnersuutigineqartut, suliap qaqugukkut aallartinneqarsimanera apeqqutaatinnagu, eqqartuussutitut inatsisip atuutilernerata kingorna eqqartuussutigineqartunut atuutissaaq.

Suliaq inatsisip atuutilernerata kingorna aallarteqqinneqanngippat, inatsisip § 1, nr. 4-ia, suliani inatsisip atuutilernissaa sioqqullugu suliarinneqqaarfimmi unnerluussiffiusuni atuutissanngitsoq, *imm. 2-mi* siunnersuutigineqarpoq. Suliani taakkunani malittarisassat maannamut atuuttut atuutissapput.

Pinerluttulerinermik suliani sorlarni eqqartuussisooqataasut peqataanissaat eqqarsaatigalugit, allannguutissasut siunnersuutigineqartut, suliaq inatsisip atuutilernerata kingorna aallarteqqinneqanngippat, suliani inatsisip atuutilernissaa sioqqullugu suliarinneqqaarfimmi unnerluussiffiusuni atuutissanngitsoq tamatuma kinguneraa.

Inatsisip atuutilernissaa sioqqullugu unnerluussisussaataasut eqqartuussivimmut allakkamik unnerluussummik tunniussisimanerannik suliani, imaluunniit § 449 a malillugu inatsisip atuutilernissaa sioqqullugu eqqartuussisut allattaavianni unnerluussaasumut unnerluussut allanneqarsimappat, suliaq eqqartuussisooqataasut peqataatillugit suliarineqassanersoq pillugu, tamanna malittarisassat maannamut atuuttut malillugit aalajangerneqassaaq.

Malittarisassat nutaat qaqugukkut atuutilernissaannut suliarinneqqaarfimmi unnerluussummik tunniussinerup ullortut aallarteqqiffissatut toqqarneqarneranut, unnerluussisussaataasut piffissami tassani pineqaatissiissutit suup apeqqutigineqarnissaa pillugu naliliineranik, aamma tamanna tunngavigalugu allakkami unnerluussummi, suliap eqqartuussisooqataasut peqataatillugit imaluunniit peqataatinnagit suliarineqarnissaa pillugu taasinerannik, tamanna pissuteqarpoq.

Malittarisassap piumanarnissaa aamma erseqqissuunissaa eqqarsaatigalugit, suliap inatsisip atuutilernerani aallartinneqartussatut aalajangerneqarnera

apeqqutaatinngu, aamma pingaarnertut isumaqatigiinniarneq pissutsit assigiinngitsut nalliussimanerannik pissuteqartumik kingusinnerusukkut taamaatitinneqarnera apeqqutaatinngu, taamaalilluni nutaamik piffissamik aalajangiisoqarnissaa pissalluni, ikaarsaariarnermut malittarisassatut siunnersuutigineqartoq atuuppoq.

Unnerluussisussaataitaasut inatsisip atuutilernerata kingorna suliami ilassutaasumik allakkamik unnerluussummik tunniussippata, aamma unnerluussisussaataitaasut allakkamik unnerluussummik, allakkap unnerluussutip, aallaqqaataani unnerluussutaasumik, inatsisip atuutilinnginnerani tunniussippata, ikaarsaariarnermi malittarisassatut siunnersuutigineqartoq aamma atuuppoq. Aamma pisuni taamaattuni, suliap eqqartuussisooqataasut peqataatillugit imaluunniit peqataatinnagit suliarineqarnissaanut, malittarisassat maannamut atuuttut malillugit aalajangiisoqassaaq.

Unnerluussisussaataitaasut suliaq utertippassuk, assersuutigalugu najukkap sumiinnerata paasineqarnissaa siunertaralugu, taamaalilluni suliaq eqqartuussivimmi ingerlajunnaarluni, aamma tamatuma kingorna unnerluussisussaataitaasut najugaq sumiinnersoq paasippassuk, nutaamik allakkamik unnerluussummik tunniussippata, ikaarsaariarnermi malittarisassatut siunnersuutigineqartumi pissut pingaarutilik tassaassaaq, allakkap unnerluussutip tunniunneqarneranut piffissaaq. Taamaalilluni allagaq unnerluussut inatsisip atuutilernerata kingorna tunniunneqarpat, suliap eqqartuussisooqataasunik peqataasoqarluni imaluunniit peqataasoqarnani suliarineqarnissaa pillugu malittarisassat nutaat malillugit aalajangiiffigineqartussaassaaq.

Pisuni, taakkunani inatsisip atuutilernissaa sioqqullugu, suliap suliatut nassuernertut aalajangiiffigineqarnissaa siunertaralugu § 449 a malillugu eqqartuussisooqarsimatillugu, kisianni nassuertoqannginnera imaluunniit akuersissuteqartoqannginnera pissutigalugu pissutissalimmik pasisamit, unnerluussisussaataitaasunit imaluunniit eqqartuussivimmit suliaq nassuernertut aalajangiiffigineqanngippat – aamma unnerluussisussaataitaasut inatsisip atuutilernerata kingorna allakkakkut unnerluussutikkut suliarinneqqaarfimmi unnerluussippata – suliap eqqartuussisooqataasut peqataatillugit imaluunniit peqataatinnagit suliarineqarnissaa pillugu, tamanna malittarisassat nutaat malillugit aalajangerneqassaaq.

Eqqartuussisuuneqarfimmi eqqartuussisooqataasut peqataanissaat pillugu malittarisassat nutaat atorneqarsinnaaner at pillugit aalajangiinermi, unnerluussummik suliarinneqqaarfimmi unnerluussinermut piffissaq aallarteqqiffissaq aamma pingaaruteqassaaq.

Suliereqqitassanngortitsinermik suliani, eqqartuussisuuneqarfimmi eqqartuussisooqataasut peqataassanersut pillugit, eqqartuussisarnermik inatsimmi § 45, imm. 2, allanngortinneqartussatut siunnersuutigineqanngitsoq, malillugu eqqartuussisooqataasut suliarinneqqaarfimmi peqataasimanerat pingaaruteqartarpoq. Suliereqqitassanngortitsinermik suliani taamaammat malittarisassat nutaat imaluunniit malittarisassat maannamut atuuttut atorneqarnissaat nalinginnaasumik assigiinnartarpoq.

Eqqartuussisuuneqarfiup imaluunniit Eqqartuussiviit Qullersaata suliami, tassani inatsisip atuutilinnginnerani suliarinneqqaarfimmit unnerluussut tunniunneqarsimalluni, inatsisip atuutilernerata kingorna, eqqartuussinermi kukkunerit malitsigisaannik suliarinneqqaarfimmi eqqartuussut atorunnaarsippassuk aamma suliaq nutaamik suliereqqinneqartussatut suliarinneqqaarfimmut nassiuppasuk, ikaarsaariarnermi malittarisassatut siunnersuutigineqartoq aamma atuuppoq. Pisuni taamaattuni eqqartuussisooqataasut peqataanissaat pillugu apeqqut taamaalilluni malittarisassat pisoqqat malillugit suli aalajangerneqartassaaq.

Pisumi inatsisip atuutilinnginnerani suliaq suliarinneqqaarfimmi unnerluussutigineqarsimalluni inatsisip atuutilernerata kingorna aallarteqqinneqarpat, kisianni tassani, suliap nutaamik suliarineqarnerani eqqartuussisooqataasut peqataassanersut pillugit, tamanna malittarisassat nutaat malillugit aalajangerneqartussaavoq. Pisumi tassani, eqqartuussisuuneqarfimmit suliap aallarteqqinneqartup pineqarnerani, pissutsit, siusinnerusukkut suliami malittarisassat pisoqqat malillugit, suliarinneqqaarfimmi suliarinninnerup nalaani eqqartuussisooqataasut peqataasimappata, aamma malittarisassat nutaat malillugit eqqartuussisuuneqarfimmi eqqartuussisooqataasut peqataanissaat pillugit apeqqut annertuumik pingaaruteqarsinnaassaaq. Siusinnerusukkut suliarinneqqaarfimmi suliap nalaani piviusumik eqqartuussisooqataasut peqataasimanerat, aamma malittarisassat nutaat malillugit eqqartuussisooqataasut peqataasussaasimasinnaanerisa nalilerneqarsinnaannginnera, tamatumunnga tunngatillugu pingaaruteqartussaavoq.

Inatsimmi § 1, nr. 2 aamma 3 suliani, taakkunani pingaarnertut isumaqatigiinniarneq inatsisip atuutilernissaa sioqqullugu aallartinneqarsimalluni, atuutinnginnissaat *imm. 3-mi* siunnersuutigineqarpoq. Suliani taakkunani malittarisassat maannamut atuuttut atuutissapput.

Aalajangiinerni sorlerni eqqartuussisooqataasut peqataanissaat eqqarsaatigalugu, allannguutissatut siunnersuutigineqartut, suliani pingaarnertut isumaqatigiinniarneq inatsisip atuutilernerata kingorna aallartinneqarsimasuni atuutissasoq, tamatuma kinguneraa. Unnerluussut inatsisip atuutilernera sioqqullugu unnerluussutigineqarsimappat, tamanna aamma atuuppoq.

Inatsisit atuulilersinnagu imaluunniit inatsisip atuutilernerata kingorna pingaarnertut isumaqatigiinniarneq piviusumik aallartinneqarsimanersoq uani pingaaruteqarpoq. Inatsisip atuutilernera sioqqullugu pingaarnertut isumaqatigiinniarneq aallartinneqarsimappat, kisianni sulii aallartinneqartinnani inatsisip atuutilernerata kingornanut kinguartinneqarsimappat, aalajangiinerni sorlerni eqqartuussisooqataasut peqataanissaat pillugit malittarisassat nutaat atuutissapput. Kisianni inatsisip atuutilernera sioqqullugu pingaarnertut isumaqatigiinniarneq aallartissimappat aamma pingaarnertut isumaqatigiinniarnernup nangingneqarnissanut kinguartinneqarpat, malittarisassat maannamut atuuttut atuutissapput.

Eqqartuussisuuneqarfimmi suliareqqitassanngortitsinermik suliani, eqqartuussisuuneqarfimmi pingaarnertut isumaqatigiinniarnernup inatsisip atuutilernera sioqqullugu imaluunniit atuutilernerata kingorna aallartinissaa, pingaaruteqarpoq. Taamaalilluni suliarinneqqaarfimmi pingaarnertut isumaqatigiinniarnernut naleqqiullugu, pingaarnertut isumaqatigiinniarnernup inatsisip atuutilernera sioqqullugu imaluunniit inatsisip atuutilernerata kingorna aallartissimanera, aamma suliaq inatsisip atuutilernera sioqqullugu imaluunniit inatsisip atuutilernerat kingorna eqqartuussisuuneqarfimmut saqqummiunneqarsimanera pillugu, eqqartuussisuuneqarfiup suliarinninnerata nalaani suliani sorlerni eqqartuussisooqataasut peqataanissaat pingaaruteqanngilaq.

Inatsimmi § 1, nr. 25 aamma 27-imiit 30 ilanngullugu aalajangersakkat, aalajangiinernut, inatsisip atuutilernissaa sioqqullugu

aalajangiiffigineqarsimasunut atuutissanngitsut, *imm. 4-mi* siunnersuutigineqarpoq. Aalajangiinerni taakkunani malittarisassat maannamut atuuttut atuutissapput.

Inatsisissatut siunnersuummi § 1, nr. 27-miit 31 ilanngullugu aalajangersakkat (eqqartuussisarnermik inatsimmi § 494 a, § 497, *imm. 1*, §§ 517 a aamma 517 b aamma § 519, *imm. 1*) malillugit suliareqqitassanngortitsinerit aamma aalajangeqqitassanngortitsinerit pillugit aalajangiinerni malittarisassanut allannguutissasut siunnersuutit, inatsisip atuutilernerata kingorna suliareqqitassanngortitsinermik aamma aalajangeqqitassanngortitsinermik aalajangiinernut atuutissasut, tamatuma kinguneraa. Suliap aalajangiinermi pineqartumi aalajangiiffigineqartup, inatsisip atuutilerana sioqqullugu suliassanngortinneqarsimanerani imaluunniit aallartinneqarsimanerani, tamanna aamma atuuppoq.

Aalajangiinerit inatsisip atuutilersinneqarnera sioqqullugu aalajangiiffigineqartut, inatsisip atuutilernerata kingorna malittarisassat maannamut atuuttut malillugit suliassanngorteqqinneqarsinnaapput.

Ilanngussaq 1

Inatsisissatut siunnersuutip inatsimmut atuuttumut ataatsimoortinneqarnera

<i>Oqaasertalerneqarnera atuuttoq</i>	<i>Inatsisissatut siunnersuut</i>
	§ 1
	Inatsimmik allanngorneri ilanngullugit nalunaarutiginninneq nr. 1186, 18. september 2023-imeersoq, kingusinnerpaamik inatsisimmi nr. 119-imi 27. marts 2025-imeersumi § 1-kkut allanngortinneqartoq, malillugu allanngortitsinerit tuliuttut suliarineqassapput:
§ 35. --- <i>Imm. 2-4. ---</i>	1. § 35-imi imm. 5-itut ilanngunneqassaaq: »Imm. 5. Piffissami qinigaaffigisamik iluanni oqaatitsigut isumaqatigiinniarnert aallartinneqarsimatillugit, piffissap qinigaaffigisamik naanerata kingorna,

	eqqartuussisooqataasut suliat naammassillugit suliarisinnaavaat.«
§ 43. Eqqartuussisooqataasartut eqqartuussutissap isumaqatigiinniutigineqarnerani tamatumunngalu atasumik aalajangiiffigisassanik aalajangiiniarnerni sulissapput eqqartuussisutulli pisinnaatitaaffeqarlutik.	2. § 43-imi »eqqartuussisooqataasut« kingorna ilanngunneqassaaq: »inuit sakkutuujunngitsut pillugit suliani«. 3. § 43-imi imm. 2-tut ilanngunneqassaaq: »Imm. 2. Pinerluttulerinermik suliani pisuussuteqarneq pillugu apeqqutip aalajangerneqarnerani aamma pineqaatissiissutip aalajangiiffigineqarnerani, kisianni suliap nalaani eqqartuussinermi iliuutsini imaluunniit aalajangiinerni allaniunngitsoq, eqqartuussisooqataasut peqataassapput, taamaattoq § 43, imm. 3 takuuk.«
§ 44. --- Imm. 2. Suliani, taakkunani unnerluunneqartoq pisuutinneqarpat, akiliisitsissummik, arsaarinninnermik, biilersinnaanermut allagartaajagaanermik imaluunniit taartisiaqartitsinermik pineqaatissinneqarnermit annertunerusumik akuliunneq imaluunniit inatsisitigut kinguneqartitsineq pineqartinnagit, eqqartuussisooqataasut suliani peqataassanngillat. Imm. 3-4. ---	4. § 44, imm. 2-mi, »akiliisitsinermiit, arsaarinninnermiit, biilersinnaanermut allagartaajaanermiit imaluunniit taarsiissuteqarnissamiit« ima allanngortinneqassaaq: »inissiisarfimmi sivilunerpaamik ulluni 30-ini inissinneqarnermik eqqartuussummit pinerluuteqaqqinnermi aatsaat atuuttussaaitamit imaluunniit ingerlaannaq atuutilersussamit, arsaarinninnermit, biilersinnaanermut allagartaajagaanermiit imaluunniit taarsiissuteqarnermit, imaluunniit pinerluttulerinermi inatsimmi kapitali 33 malillugu pineqaatissiinerup eqqartuussutigineqareersup attatiinnarneqarneranit«.
§ 125. --- Imm. 2-3. ---	5. § 125-imi imm. 4-tut ilanngunneqassaaq: »Imm. 4. Pineqartumit immiussinissaq akuersissutigineqarsimanngippat, pissutissalimmik pasisamik, unnerluussaasumik ilisimannittunillu eqqartuussiviup illuutaasa silataanni assinik immiussinerit inerteqqutaapput. Imm. 1-imi oqaaseqatigiit aappat taamatuttaaq atuuppoq.«

	Imm. 4 tamatuma kingorna imm. 5-inngussaaq.
§ 127. § 118-imik, § 119-imi oqaaseqatigiit aappaannik, § 125, imm. 1-imi oqaaseqatigiinnik siullernik aappaannillu aamma imm. 3-mik, imaluunniit § 120, § 125, imm. 1, oqaaseqatigiit pingajui aamma § 126 malillugit eqqartuussiviup inerteqqutaanik unioqquitsineq akiliisitsissutaasinnaavoq.	6. § 127, imm. 1-imi, »§ 125, imm. 1-imi oqaaseqatigiinnik siullernik aappaannillu, aamma imm. 3-mik,« ima allanngortinneqassaaq: »§ 125, imm. 1-imi oqaaseqatigiinnik siullernik aappaannillu, imm. 3-mik aamma imm. 4-imik,«.
§ 163. --- Imm. 2-5. ---	7. I § 163-imi imm. 6-itut ilanngunneqassaaq: »Imm. 6. Inuit sakkutuujunngitsut pillugit suliani, akuusut tamanna pillugu isumaqatigiippata, tamannalu illersorneqarsinnaasutut nalilerneqarpat, imm. 1-mi taaneqartumit allaanersumik ilisimannittup ungasianiit attaveqaat assiliartalik atorlugu nassuiaateqarsinnaanera eqqartuussiviup akuerisinnaavaa.«
§ 238. Eqqartuussut illuatungeriit piumasaqaataannik aamma suliap saqqummiunneqarneranik imaqassaaq, matumani illuatungeriit piumasaqaataat, pisariaqarneratullu annertutigisumik taakku ilisimannittullu nassuiaataat, kiisalu pissutsit piviusut inatsisitigullu tunngassuteqartut, suliap aalajangiiffiginiarnerani pingaartinneqarsimasut ilanngullugit. Imm. 2. Eqqartuussutini, suliarinneqqaarfiusumi eqqartuussutaasuni, suliasamik saqqummiussineq illuatungeriit tunngavilersuutaasa naatsumik oqaatigineqarnerinut annikillisinneqarsinnaavoq, tamanna ilutigalugu aalajangiinermut	8. § 238, imm. 1-imi oqaaseqatigiinni siullerni »Eqqartuussut illuatungeriit piumasaqaataannik suliasallu saqqummiunneqarneranik imaqassaaq, matumunnga ilanngullugit illuatungeriit tunngavilersuutaat, pisariaqarneratullu annertutigisumik ilisimannittullu nassuiaataat, kiisalu pissusiviusut inatsisinullu tunngasutigut pissutsit, suliasap aalajangiiffiginiarnerani pingaartinneqarsimasut« ima allanngortinneqassaaq: », suliap naatsumik saqqummiunneqarneranik, akuusut tunngavilersuutaannik oqaluttuareqqiinermik kiisalu pissusiviusunik inatsisinullu tunngasutigut pissutsinik, suliasap aalajangiiffiginiarnerani pingaartinneqarsimasunik imaqassaaq«.

peqqissaartumik tunngavilersuisoqarpat. Taamaassappat eqqartuussummit ersersinneqassaaq eqqartuussut suliaassap saqqummiunneqarneranik tamakkiisumik imaqanngitsoq. <i>Imm. 3.</i> Eqqartuussut, imm. 2 malillugu allanneqarsimasoq, suliareqqitassanngortinneqassagaluarpat eqqartuussivik suliaassamut ilassuteqaammik nassuiaasiussaaq. Nassuiaasiaq nunap eqqartuussisuuneqarfianut sapinngisamik piaartumik nassiuinneqassaaq, eqqartuussiviup suliareqqitassanngortitsinermik nalunaarfigineqareernerata kingorna. Tamatumunnga peqatigitillugu nassuiaasiap nuutsinneqarnera illuatungeriinnut nassiuinneqassaaq.	9. § 238, <i>imm. 2</i> aamma 3, atorunnaarsinneqassapput, taarsiullugulu ilanngunneqassaaq: »<i>Imm. 2.</i> Eqqartuussut, nassuiaatinik nassuiaatigineqarsimasunik oqaluttuareqqiinngitsoq suliareqqitassanngortinneqarpat, nassuiaatit nassuiaatigineqarsimasut oqaluttuareqqinneqarnerat eqqartuussisut allattaavianni eqqartuussiviup oqaluttuareqqissavai. Oqaluttuareqqiineq eqqartuussummut ilanngussatut isigineqarpoq. Eqqartuussiviup suliareqqitassanngortitsineq pillugu nalunaarfigineqarnerata kingorna piaarnerpaamik, oqaluttuareqqiineq suliareqqitassanngortitsinermik aalajangiisussamut akuusunullu eqqartuussiviup nassiuutissavaa.«
§ 312. Suliassami unnerluutiginnissut tamakkerlugu ilaannaaluunniit taamaatiinnarneqarsinnaavoq ... 2) malersueqqinnissaq pasisaasup pisuutitaanissaanik kinguneqassanganneqanngippat, imaluunniit 3) suliaassap ingerlanneqarnissaa kinguneqassappat ajornartorsiutinik, aningaasartuutinik imaluunniit suliaassap suliareqarneranut piffissanik, suliaassap pingaarutaanut aamma pineqaatissiissutissatut ilimagineqarsinnaasumut naleqqiullugit	10. § 312, <i>nr. 2-mi</i>, »imaluunniit« peerneqassaaq. 11. § 312-<i>imi</i>, nr. 3-tut ilanngunneqassaaq: »3) pissutissalimmik pasisaq pisuutinneqarpat, pinerluttulerinermi inatsimmi §§ 6 imaluunniit 124 atorneqarsinnaassappat, pineqaatissiisoqannginnissaa imaluunniit pingaaruteqanngitsumik pineqaatissiinerup taamaallaat eqqartuussutigineqarnissaa naatsorsuutigineqarpat, aamma eqqartuussinermi aalajangiineq allakkut pingaarutilimmik aamma kinguneqartussaassanngippat, imaluunniit«. Tamatuma kingorna nr. 3 nr. 4-nngussaaq.

naleqqutinngitsunik.	
§ 315. Unnerluussuteqarnissamik aalajangerneq imaluunniit §§ 312-313 malillugit aalajangerneq allanngortinneqarsinnaavoq unnerluutiginninnermut oqartussat qulliunerusut. Taamaattorli unnerluussummik taamaatitsisoqartillugu imaluunniit unnerlussinissamik tunuartitsisoqartillugu allannguuteqartitsinissaq aatsaat pisinnaavoq tamatuminnga nalunaarut pasisamut nalunaarutiginnissutaassappat, unnerluussummik taamaatitsinerup imaluunniit unnerluussinissamik tunuartitsinerup pineqartumut nalunaarutaareerneraniit, imaluunniit § 582, nr. 1 imaluunniit 2, malillugit suliap suliareqqinnissaanut piumasaqaatit naammassineqarsimappata kingusinnerpaamik qaammatit pingasut qaangiutsinnagit, piffissaq eqqorlugu nalunaarutiginninnissaq pasisap atugarisaanit akornuserneqanngippat. <i>Imm. 2. ---</i>	12. § 315, imm. 1-imi oqaaseqatigiinni kingullerni, »qaammatit pingasut« ima allanngortinneqassaaq: »qaammatit 4«.
§ 321. 1-3) --- 4) Suliaq § 453, imm. 3, nr. 4 malillugu ingerlanneqassaaq, aamma isertitsivimmiittussan-ngortitsisinnaaneq apeqqutaalissaaq. <i>Imm. 2-3. ---</i>	13. § 321, imm. 1, nr. 4, ima oqaasertaliorneqassaaq: »4) pinerluttulerinermi inatsimmi kapitali 33- imik atuinissaq apeqqutaalerpap, taamaattoq pineqaatissiinerup eqqartuussissutigineqarsimasup atorunnaarsinneqarnissaata unnerluussisussaataasunit eqqartuussissutigeqquneqarnera minillugu.«
§ 322. --- <i>Imm. 2.</i> Suliassani immikkut illuinnartumik ilungersunassusilinni eqqartuussisut eqqartuussissuser- isumik illersuisussanngortitsissapput,	14. § 322-imi imm.2 ima oqaasertaliorneqassaaq: »Imm. 2. Suliani immikkut ittumik ilungersunartutut pissuseqartuni, matumani toqutsinerni, pinngitsaaliilluni atoqateqarnerni, ingasattumik nakuusernerni

illersuinissaq pissutigalugu tamanna pisariaqartinneqarpat. <i>Imm. 3. ---</i>	aamma suliani, taakkunani tigummigallarneqarnissamik piumasagaat piumasarineqarluni, illersuinissaq eqqarsaatigalugu tamanna pisariaqartinneqanngitsutut erseqqissumik naliliiffigineqanngippat, eqqartuussissuserisoq imaluunniit illersuisoq akuerisaasoq, inatsisilerinermik kandidatitut angusilluni soraarummeersimasoq, eqqartuussiviup ivertissavaa.«
§ 364. --- <i>Imm. 2. ---</i> <i>Imm. 3. ---</i>	15. § 364-imi imm. 4-tut ilanngunneqassaaq: » <i>Imm. 4.</i> Eqqartuussisussaataasut allagaq unnerluussut eqqartuussivimmut tunniussimappagu, aamma eqqartuussiviup pingaarnertut isumaqatigiinniarnissamut piffissaq aalajangersimappagu, imm. 1 malillugu piffissaliussap naanerani, suliami eqqartuussutip eqqartuussissutigineqarnissaa tikillugu tigummigallaaneq imaluunniit tassunga taarsiullugu qanoq iliornissamut piareersaat, atuutilissasoq, sivitsorneqaqqinnani ingerlaannassasoq, eqqartuussiviup aalajangersinnaavaa. Eqqartuussivik taamatut aalajangersakkamik aalajangiippat, aalajangiinerup kingorna siusinnerpaamik sapaatit akunneri 3 kingorna, § 362, imm. 4, imaluunniit § 366 malillugu tigummigallagaanerp imaluunniit tassunga taarsiullugu qanoq iliornissamut piareersaatip atorunnaarsinneqarnissaa unnerluussaasup eqqartuussivimmut noqqaassutigisinnaavaa. Taamaattoqarpat tamanna pillugu ullut 7 qaangiutsinnagit eqqartuussivik aalajangiissaaq. Noqqaassut eqqartuussiviup akuerinngippagu, eqqartuussiviup aalajangiinerata kingorna siusinnerpaamik sapaatit akunnerisa 3 kingorna unnerluussaasoq nutaamik noqqaassuteqarsinnaavoq. Pingaarnertut

	isumaqatigiinniarnertut aallartinnerata kingorna § 367, imm. 2-mi oqaaseqatigiit kingulliit aamma imm. 3 taamatuttaaq atuutissapput. Nassuerneramik suliani, taakkunani § 449 a malillugu suliap nassuernertertut suliarineqarnissaa siunertaralugu unnerluussisussaataasut eqqartuussisoqarnissaa noqqaassutigisimappassuk, aamma eqqartuussiviup eqqartuussinissamut piffissaq aalajangersimappagu, oqaaseqatigiit siullerniit tallimaat ilanngullugu aalajangersakkat taamatuttaaq atuutissapput.«
§ 449 a. --- 1-3) --- 1) 4) pinerluttulerineri inatsimmi kapitali 33-p aamma 34-p atorneqarnissaanut apeqquteqaateqartoqanngippat. <i>Imm. 2. ---</i> <i>Imm. 3.</i> Eqqartuussinerup nalaani pissutissalimmik pasisaq tigusaasimappat imaluunniit tigummigallassanngortinneqarsimappat, § 321, imm. 1, nr. 1 malillugu eqqartuussisoq ivertinneqarsimasoq, pissutissalimmik pasisap imm. 1, nr. 2 malillugu akuersisummik tunniussinnginnerani, suliaq pillugu paasisaqarnissaminik, taanna pillugu pissutissalimmik pasisamik oqaloqateqarnissaminik aamma eqqartuussivimmut oqaaseqaateqarnissaminik periarfissinneqassaaq. <i>Imm. 4.</i> Eqqartuussinerup nalaani pissutissalimmik pasisaq tigusaasimanngippat imaluunniit tigummigallassanngortinneqarsimanngippat,	16. § 449 a, imm. 1, nr. 4-imi, »kapitali 33 aamma« peerneqassaaq. 17. § 449 a, imm. 3-mi oqaaseqatigiinni siullerni »Eqqartuussineri,« kingorna ilanngunneqassaaq: »imaluunniit pinerluttulerineri inatsimmi kapitali 33-p atorneqarnissaa apeqqutaalerpat,«, aamma »nr. 1« ima allanngortinneqassaaq: »nr. 1 imaluunniit 4«. 18. § 449 a, imm. 4-imi oqaaseqatigiinni siullerni »eqqartuussinerup,« kingorna ilanngunneqassaaq: »aamma pinerluttulerineri inatsimmi kapitali 33-p atorneqarnissaa pillugu apeqqutaajunnaarpat«.

pissutissalimmik pasisaq imm. 1, nr. 2 malillugu akuersisummik tunniussinnginnerani, pissutissalimmik pasisaq illersuisussamik ivertitsisoqarnissaaq. neqeroorfigineqassaaq. Pissutissalimmik pasisap kissaateqarnera malillugu illersuisussamik ivertitsisoqarpat, imm. 3 assigisaanik atuutissaaq. <i>Imm. 5-8. ---</i>	
§ 451. Inatsimmi allatut aalajangiisoqarsimanngippat, unnerluutigineqartoq eqqartuussutissap isumaqatigiinniutigineqarnera tamaat eqqartuussivimmi nammineq najuuttussaavoq suliasami eqqartuussutissap aalajangiiffigisassanngortinneqarnera tikillugu. Eqqartuussisulli siulittaasuata, unnerluutigineqartoq nassuiaateqareerpat, unnerluutigineqartup eqqartuussivimmiit qimagunnissaa akuerisinnaavaa.	19. § 451-imi oqaaseqatigiit aappat ima oqaasertaliorneqassapput: »Unnerluunneqartup noqqaassuteqarneratigut, pingaarnertut isumaqatigiinniarnep nalaani imaluunniit taassuma ilaani unnerluunneqartup najuutinnginnissaa, taamaattoq eqqartuussisut siulittaasuata akuerisinnaavaa.«
§ 453. Pissutsit § 452, imm. 2-mi ilaatinneqannginneranni, unnerluunneqartoq pingaarnertut isumaqatigiinniarnep aallartinnerani imaluunniit ingerlanerani takkutinngitsoorpat, aamma pineqartoq taanna ingerlaannaq eqqartuussiviliaanneqarsinnaanngippat, imm. 2 aamma 3 malillugit tamakkiisumik ilaannakoortumilluunniit pingaarnertut isumaqatigiinniarnep ingerlanneqarnissaa eqqartuussiviup aalajanginngippagu, suliaq	20. § 453, imm. 1-imi, »eqqartuussiviliaanneqarsinnaanngippat« kingorna ilanngunneqassaaq: »§ 451-imi oqaaseqatigiit aappaat malillugu eqqartuussisut siulittaasuata unnerluunneqartup najuutinnginnissaa akuerippagu, imaluunniit«. 21. § 453, imm. 3, nr. 2, ima oqaasertaliorneqassaaq:

kinguartinneqassaaq. <i>Imm. 2. ---</i> <i>Imm. 3. ---</i> 1) --- 2) suliap aallartinnerani unnerluutigisaasoq najuutereerluni eqqartuussiviup akuerinngisaanik eqqartuussivik qimassimappagu, 3) suliap ingerlanerani taamaallaat ukioq 1 imaluunniit sivikinnerusumik parnaarussivimmi inissiinissaq, arsaarinninneq, anisitsineq, pisinnaatitaaffiaaneq imaluunniit taarsiusaaneq pillugu apeqqutaappat eqqartuussutissamillu isumaqatigiinniutaasup naammassineqarnissaanut unnerluussaasoq isumaqataappat, 4) parnaarussivimmi qaammatini 6-ni sivikinnerusumilluunniit inissinneqarnissap, akiliisitaanerup, arsaarinnissuteqarfigineqarnerup, anisitaanerup, ingerlatitsisinnaanermik allagartaajagaanerup imaluunniit taarsiusaatitaanerup saniatigut allanik unnerluussaasoq pillaatissinneqanngippat, imaluunniit 5) Eqqartuussiviup isumaqarfigippagu suliap suliarineqarnerani qularnaateqanngitsumik unnerluussaasoq pinngitsuutinneqartussaasoq. <i>Imm. 4.</i> Unnerluussaasoq akuerisaasumik aggeqquneqarsimappat, aamma akuerisaasumik pisinnaannginneq nalunalunaarutigisimanngippagu, unnerluussaasoq pissutsinut unnerluussummi tunngavigineqartunut eqqartuunneqarsinnaasoq aggeqqusissummi takuneqarsinnaappat, taamaaliortoqarnissaanut unnerluussaasoq akuersissuteqarsimanngippat, pingaarnertut isumaqatigiinniarneq imm. 3, nr. 4 malillugu taamaallaat naammassineqarsinnaavoq.	»2) unnerluunneqartoq suliap aallartinneqarani najuutereerluni a) eqqartuussisut siulittaasuanit akuerineqarnani eqqartuussivik qimassimappagu imaluunniit b) pingaarnertut isumaqatigiinniarnep nalaani kingusinnerusukkut takkutinngitsoorsimappat,«. 22. § 453, imm. 3, nr. 3, atorunnaarsinneqassaaq. Nr. 4 aamma 5 tamatuma kingorna nr. 3 aamma 4-nngussapput. 23. § 453, imm. 3, nr. 4-imi, nr. 3-nngortumi, »qaammatini 6-ni« ima allanngortinneqassaaq: »ukiumi 1-mi«. 24. § 453, imm. 4-imi, »taamaaliortoqarnissaanut unnerluussaasoq akuersissuteqarsimanngippat, pingaarnertut isumaqatigiinniarneq imm. 3, nr. 4 malillugu taamaallaat naammassineqarsinnaavoq« ima allanngortinneqassaaq: »aamma unnerluussaasoq inatsisinut naapertuuttumik takkutinngitsoornissaq nalunaarutiginaq takkutinngitsoorpat, imm. 3, nr. 2, litra b, imaluunniit nr. 3, malillugu pingaarnertut isumaqatigiinniarneq taamaallaat naammassineqarsinnaavoq«.
--	--

§ 467. --- <i>Imm. 2. ---</i> 1-5) --- 1) § 453, imm. 3, nr. 4 malillugu suliani unnerluussaasup peqannginnerani suliarineqartuni, illersuisuusup tamanna piumasarippagu, unnerluussineq pillugu unnerluutigineqartup politiinut oqaluttuarisimasai nassuiaatit pillugit politiit nalunaarusiaannut ilanngussat. <i>Imm. 3. ---</i> § 474. --- <i>Imm. 2. ---</i> <i>Imm. 3.</i> Eqqartuussut nalunaarutigineqartassaaq eqqartuussutip inerneranik eqqartuussinermi atuaanikkut. Nalunaaruteqarnermi unnerluutigineqartoq najuutinngippat politiit eqqartuussutip allassimaffiata assilineqarneranik unnerluutigineqartumut nassiussissapput. Suliassaq § 453, imm. 3 naapertorlugu unnerluutigineqartumit najuuffigineqarani suliarineqarlunilu aalajangiiffigineqassappat, aalajangiinerup assilineqarnera unnerluutigineqartumut nalunaarutigineqassaaq. § 592 a. § 453, imm. 3, nr. 4 malillugu suliaq, unnerluussaasup peqannginnerani suliarineqarsimappat, namminerlu naatsorsuutigisinnaanngisani pissutsit pissutaallutik piffissaq eqqorlugu tamatuminnga nalunaarutiginninnissaminut akornguserneqarsimalluni, peqanngissimanerminut akuerisaasumik pissuteqarluni eqqartuussaasup uppersarsarsinnaappagu, imaluunniit eqqartuussisulersuussineq eqqartuussaasup piffissaq eqqorlugu ilisimalersimanngikkuniuk, suliamut isumaqatigiinniarneq nutaaq aallarteqqinneqassasoq eqqartuussaasup qinnutigisinnaavaa. § 474, imm. 3, pkt. 3.	25. § 467, imm. 2, nr. 6-imi, § 474, imm. 3-mi oqaaseqatigiit sisamaanni, aamma § 592 a, imm. 1-imi oqaaseqatigiinni siullerni, »nr. 4« ima allanngortinneqassaaq: »nr. 2, litra b, imaluunniit nr. 3«.
---	---

aamma 4.-mi allassimasut malillugit eqqartuussummik nalunaajaatiginninnerup kingorna ullut 14-it qaangiutsinnagit suliame eqqartuussummik oqaatiginnittumut eqqartuussivimmut qinnuteqaat saqqummiunneqarsinnaavoq. Qinnuteqaat tamatuminnga kingusinnerusukkut, kisianni eqqartuussummik nalunaajaanerup kingorna ukioq ataaseq qaangiutsinnagu, tunniunneqarpat, eqqartuussiviup qaqutigoorluinnartumik suliaq aallarteqqissinnaavaa. §§ 585, imm. 1-imiit 590-imumiittuni maleruagassat taamatuttaaq atuupput. Aallartitseqqiiniarneq itigartinneqarpat, Eqqartuussiviit Qullersaannut ingerlatitseqiineq pillugu maleruagassat malillugit apeqqut Immikkut Naammagittaalliornermut Eqqartuussivimmut (Den Særlige Klageret-imut) tunniunneqarsinnaavoq. <i>Imm. 2. ---</i>	
§ 491 b. ---	26. § 491 b-mi imm. 2-tut ilanngunneqassaaq: »Imm. 2. Kapitalimi massumani malittarisassat malillugit, § 490, imm. 1-imi oqaaseqatigiit tallimaat minillugu, qinnuteqarneq malillugu aammattaaq taarsiivigineqarnissamik suliat, pinerluttulerinermi inatsimmi §§ 74-imik (ilaquttatut qanigilluakkamik atoqateqarneq), 77 (pinngitsaaliilluni atoqateqarneq), § 80, imm. 2-mik (ileqqussaannngitsuliorneq), aamma § 81 a-mik unioqqutitsinerit tunnngavigalugit taarsiivigineqarnissaq pillugu malittarisassat nalinginnaasut malillugit eqqunngitsuliorfigineqartumit suliassanngortinneqartut, tulluuttut malitsigisaannik suliarineqassapput 1) unnerluussutip taamaatiinnarneqarnera pillugu aalajangiineq pillugu eqqunngitsuliorfigineqartup

	naammagittaalliuteqarnissaminut naammattumik periarfissaqarsimannginnera, 2) § 315, imm. 2-mi piffissaliussap naannginnerani unnerluussutip taamaatiinnarneqarnera pillugu aalajangiinerup eqqunngitsuliorfigineqartumit naammagittaalliutigineqarnera suliarineqarsimanngippat, imaluunniit 3) § 315, imm. 2-mi piffissaliup naannginnerani unnerluussutip taamaatiinnarneqarnerata allanngortinneqarnera pillugu aalajangiineq pissutissalimmik pasisamut nalunaarutigineqarsimanngippat.«
	27. § 494-p kingorna ilanngunneqassaaq: »§ 494 a. Suliareqqitassanngortitsineq, piumasaqaat malillugu aningaasaqarnermut tunngasumik annerpaamik 50.000 kr.-inik naleqartumik, Nunatsinni Eqqartuussivimmit eqqartuussutigineqarsimasumik tunngassuteqarpat, qallunaat eqqartuussisarnermik inatsisaanni kapitali 1 a malillugu eqqartuussut Suliareqqitassanngortitsinissamik Aalajangiisartut akuersissuteqarnerisigut taamaallaat suliareqqitassanngortinneqarsinnaavoq. Suliaq pingaarluinnartutut pissuseqarpat imaluunniit taamaaliortoqarnissaanut pissutsit immikkut ittut tamanna pissutissaqartippassuk, eqqartuussutitut oqaaseqatigiinni siullerni ilaatinneqartunut Suliareqqitassanngortitsinissamik Aalajangiisartut suliareqqitassanngortinneqarnissaannut akuersissummik nalunaaruteqarsinnaapput. Eqqartuussutip eqqartuussutigineqarnerata kingorna sapaatit akunnerisa 4 iluanni akuerissuteqarnissaq pillugu qinnuteqaat tunniunneqassaaq. Taamaattoq qinnuteqaat

	kingusinnerusukkut tunniunneqarpat, kisianni eqqartuussinerup kingorna ukiup 1-p iluani, Aalajangiisartut qaqutiguinnaq akuersissummik nalunaaruteqarsinnaapput. <i>Imm. 2.</i> Suliani, sakkutuujunngitsut pillugit suliat immikkut ittut pillugit inatsimmi matumani immikkoortumi IV-mi suliarineqartunut, imm. 1 atuutinngilaq.«
§ 497. Suliareqqitassanngortitsineq pissaaq suliareqqitassanngortitsissummik piffissaq suliareqqitassanngortitsivissaq qaangiutsinnagu tuniussinikkut, ilanngunneqassalluni nuutsinneqarnera ataaseq nunatta eqqartuussisuuneqarfiaata pissaa. <i>Imm. 2-4. ---</i>	28. § 497, imm. 1-imi, »naatinnagu«-p kingorna ilanngunneqassaaq: »imaluunniit qinnuteqartumut akuersissutip nalunaarutigineqarnerata kingorna sapaatit akunneri 4 qaangiutsinnagit § 494 a malillugu akuersissut nalunaarutigineqarsimappat.«
	29. § 517-ip kingorna § 518 sioqqullugu qulequtaq sioqqullugu ilanngunneqassaaq: »§ 517 a. Aalajangiinerit, pingaarnertut isumaqatigiinniarnep nalaani imaluunniit taassuma piareersarneqarnerani imaluunniit uppersaatip ilanngunneqarnissaa pillugu suliap suliarineqarnerani Nunatsinni Eqqartuussivimmit aalajangerneqartut, aalajangeqqitassanngortinneqarsinnaanngillat. Qallunaat eqqartuussisarnermik inatsisaanni kapitali 1 a malillugu aalajangiineq apeqqummik suliap ingerlaneranut pingaarutilimmik kinguneqartussamik imaluunniit akuusumut pingaarutilimmik kinguneqartussamik tunngassuteqarpat, aamma allakkut Nunatta Eqqartuussisuuneqarfianit aappassaaneersumik sularinniffiusutut aalajangiinerup misilinneqarnissaa pissutissaqartinneqarpat, Suliareqqitassanngortitsinissamik

	Aalajangiisartut taamaattoq aalajangeqqitassanngortitsinissamut akuersisummik nalunaaruteqarsinnaapput. <i>Imm. 2.</i> <i>Imm. 1</i> malillugu aalajangeqqitassanngortitsinissamut akuersissut pillugu qinnuteqaat aalajangiinerup aalajangerneqarnerata kingorna sapaatit akunneri 4 qaangiutsinnagit Suliareqqitassanngortitsinissamik Aalajangiisartunut tunniunneqassaaq, taamaattoq § 518, imm. 2 takuuk.« § 517 b. Eqqartuussutini aalajangersakkani aamma suliamut aningaasartuutit pillugit aalajangiinerni Nunatsinni Eqqartuussivimmit aalajangiiffigineqartuni, qaffasinnerpaamik 50.000 kr.-inut aalajangerneqartut, aalajangeqqitassanngortinneqarsinnaanngillat. Akuusut arlaannaalluunniit suliamut aningaasartuutitik akuusup aappaanut akiliissannginnera aalajangerneqarpat, suliamut aningaasartuutit 50.000 kr.-inik annertunerusut eqqartuussutigineqarnerat pillugu apeqquut pillugu aalajangiineq, pissutsit immikkut ittut tamanna pissutissaqartippassuk, tamanna pillugu aalajangiineq taamaallaat aalajangeqqitassanngortitsinneqarsinnaavoq. Taamaattoq immikkut ittumik pissutsit pissutissaqalersitsippata, aalajangeqqitassanngortitsinissamut akuersisummik Suliareqqitassanngortitsinissamik Aalajangiisartut tunniussisinnaapput. <i>Imm. 2.</i> <i>Imm. 1</i> malillugu aalajangeqqitassanngortitsinissamut akuersisummik qinnuteqaat aalajangiinerup aalajangerneqarnerata kingorna sapaatit akunneri 4 qaangiutsinnagit Suliareqqitassanngortitsinissamik
--	---

	Aalajangiisartunut tunniunneqassaaq, taamaattoq § 518, imm. 2 takuuk. Taamaattoq qinnuteqaat kingusinnerusukkut tunniunneqarpat, kisianni eqqartuussinerup kingorna qaammatit 6 iluanni, Aalajangiisartut qaqutiginnaq akuersisummik nalunaaruteqarsinnaapput.«
§ 519. Aalajangeqqitassanngortitsisoqassaaq eqqartuussivimmut, suliassamik aalajangeqqitassanngortitamik aalajangiisimasumut, aalajangeqqitassanngortitsinissamut piffissarititaq qaangiutsinnagu oqaatsitigut noqqaassuteqarnikkut imaluunniit aalajangeqqitassanngortitsineq pillugu allakkiamik assilinetalimmik tunniussaqaarnikkut. <i>Imm. 2-3. ---</i>	30. § 519, imm. 1-imi, »aalajangeqqitassanngortitsinissamut piffissaliussaq qaangiutsinnagu« peerneqassaaq. 31. § 519, imm. 1-imi, oqaaseqatigiit aappaattut ilanngunneqassaaq: »Aalajangeqqitassanngortitsineq aalajangeqqitassanngortitsinissamut piffissaliussap naannginnerani pissaaq imaluunniit §§ 517 a imaluunniit 517 b malillugit akuersisummik nalunaaruteqartoqarsimappat, qinnuteqartumut akuersissutip nalunaarutigineqarnerata kingorna sapaatit akunnerisa 2 iluanni.«
§ 557. Unnerluutigineqartup pisuuneranut uppersaataat naliliiffigineqarnissaat suliareqqitassanngortitsinermut ilaanngippat, unnerluutigineqartoq najuutinngikkaluartoq suliassaq suliareqarsinnaavoq.	32. § 557-imi »unnerluutigineqartoq najuutinngikkaluartoq suliassaq suliareqarsinnaavoq« ima ilanngortinneqassaaq: »suliareqqitassanngortitsinerup suliarinerata nalaani unnerluunneqartup najuunnissaa pisariaqanngilaq.«.
§ 585. --- <i>Imm. 2. ---</i> <i>Imm. 3.</i> Qinnuteqaammi taaneqassapput eqqartuussut nangitinniagaaq aamma pissutsit, qinnuteqaammut tapersiutaasut, a amma uppersaatait, s uliassap allatut	33. § 585, imm. 3-mi, oqaaseqatigiit aappaattut ilanngunneqassaaq:

innerneqarsimasariaqaraluarneranik kinguneqartitsisinnaasorineqartut. <i>Imm. 4. ---</i>	»Immersugassami Domstolsstyrelsip suliarisimasaanik immersuinikkut qinnuteqaat tunniunneqassaaq.«
§ 603. Akiligassaqarfigisaq, aningaasatigut piumasaqaatimi matussusertinnissaanut naammattumik qularnaveeqqusiinikkut sillimmasiussivigineqarsimanngitsoq, naammassinninniaanermiit kingullermiit aatsaat qaammatit arfinillit qaangiunneranni pinngitsaaliinikkut naammassinninniaanissamik noqqaassuteqarsinnaavoq, qularnaveeqqutitut sillimmasiussinissaq siunertaralugu (qularnaveeqqutitut sillimmasiussineq). Aamma eqqartuussutininik naammassinninniaasartup akiitsullip qularnaveeqqutissatut arsaarinniffigineqarnissaa itigartitsissutigisinnaavaa, nalunngereeruniuk qaammatit kingulliit arfinillit ingerlaneranni iluatsinngitsumik naammassinninniaasoqareersimasoq. <i>Imm. 2. ---</i>	34. § 603, imm. 1-imi oqaaseqatigiinni siullerni aamma aappaanni »qaammatit arfinillit« ima allanngortinneqassapput: »qaammatit 12«.
§ 609. Illuatungiusut arlaat imaluunniit inuk alla politiit imaluunniit eqqartuussutininik naammassinninniaasartup pinngitsaaliinikkut naammassinninniaaneranut akerliliissuteqarpat, imaaliinnarlugu itigartitsissutaasinnaanngitsumik, eqqartuussutininik naammassinninniaasartup pingitsaaliissummik	35. § 609, imm. 1-imi oqaaseqatigiinni siullerni, oqaaseqatigiit pingajuanni aamma oqaaseqatigiit sisamaanni »eqqartuussivimmut« til: »Nunatsinni Eqqartuussivimmut«.

akiligassaqarfīgīsap noqqaassutaa eqqartuussutīnik naammassinnīnnīaasartup malikkumassanngīlaa. <i>Imm. 3-6. ---</i>	
	§ 2
	Inatsimmik allanngorneri ilanngullugit nalunaarutiginnīneq nr. 1187, 18. september 2023-imeersoq malillugu, kingusinnerpaamik inatsisikkut nr. 109-ikkut, 20. februar 2025- imeersukkut § 1-ikkut allanngortīneqartoq, Kalaallit Nunaanni pīnerluttulerīnermi inatsimmi allanngortitsīnerit tullīuttut sulīarineqassapput:
§ 123. --- 1-7) --- 1) 8) ilīuuseqartoq nammineq pīumassutsīmīnik politīīnut imminut oqaatīgīsīmāppat aamma tamakkīī- sumik nassuersīmāppat, imaluunniit 9) ---	1. § 123, nr. 8, ima oqaasertalīorneqassaaq: »8) ilīuuseqartoq nassuersīmāppat, imaluunniit«.